






164


H.

Q. Q.

~~Q~~

四
七





**COMPENDIUM
MANUALE
CONTROVERSIARUM,
R. P. MARTINI BECANI,
AUDITORIBUS OBLATUM.
Conventum ^{Dum} *ab invenientibus*
POSITIONES
EX UNIVERSA
PHILOSOPHIA,**

DOCTORIS ^{Ad Mentem} MARIANO-SUBTILIS
JOANNIS DUNSSCOTI,
In Conventu Csik Somlyoviensi, ad Divam
Virginem Visitantem,

*Sub Gratiissimis Auspiciis,
ADMODUM REVERENDI D. D.*

MARTINI MOLNAR,
Inclytæ Sedis Kászon V. Archi-Diaco-
ni Dignissimi, nec non Ecclesiæ ad OO. SS.
Plebani Zelantissimi, ac Meccenatis Colendissimi.

Publicè propugnarent:


RR. FF. CHRYSOSTOMUS FILEP, MICHA-
EL SANTA, BONAVENTURA SZASZ.
Ord. Min. S. P. N. F. Strict. Observ. Prov.
Transylvanicæ S. Regis Stephani Alumni.

P R A E S I D E
P. F. LEONE DARVAS,
Ejusdem Ord. & Prov. AA. LL. & Philosophiæ
LECTORE ORDINARIO.

Annô 1762. Die 26 Mense Augusto.

BIBLIOTeca
ASTRA
SIBIU

1383
143



*ADMODUM REVERENDE
DOMINE PATRONE,*

AC

MECOENAS

Gratiosissime!



*E*N Arbitra morum, & Solertiæ
Mater Philosophia nostra Universa
TIBI se s̄istit PATRONE,
ac MECOENAS GRATIOSISSIME!
que biennali studio variis dif-
ficultatum procellis, velut totidem oceanis fluctibus
buc, illucve agitata, ad portum quietis jam jam
aspirando, gratosis TUIS conspectibus presentata,
in EXIMIÆ TUÆ LIBERALITA-
TIS sinu requiescere contendit.

Benigna igitur capesse Dexterâ hos quan-
quam exiles Philosophici certaminis partus, in Pau-
perum PATRIARCHÆ SERAPHICI
SANCTI FRANCISCI Viridario diurnis,

nocturnisque elucubrationibus decerptos, eosque, in
perpetuum MUNIFICENTISSIMÆ
TUÆ LIBERALITATIS Honorarium
repone, simulque mirari desine, cur hæ POSI-
TIONES Philosophicæ, vi quadam Magnetica
ad TE attractæ se se TIBI reverenter incli-
nent, TUOQUE fulciri PATROCINIO
postulent; Quemadmodum enim inter cætera horto-
rum ornamenta unica HELIOTROPII
indoles, eaque admirabilis propensio est, ad exor-
tum SOLIS florum repagula explicare, & ad
eius Conspectum undique se circumferre, ejus-
que facilis jugiter deliciari; ita cum TU pro
congenito TIBI more SOL nobis vere nuncu-
pari possis, cuius beneficiorum rutilantibus radiis
TENTAMINA, hæc Philosophica veluti totidem
HELIOTROPIA incrementum percépere,
iisque mediis, in arena Palladis lucem publicam
aspexére, rectæ ad TE convertuntur, atque ad
Illustrē Sinum TUUM attrabuntur, TUO-
QUE Benigno subventu muniri desiderant. Hæc
nempe SOLIS prærogativa est aspicio bene-
facere: ea è contra HELIOTROPII præclara
Virtus, submisso semper capite SOLEM SUUM
venerari, & quocunque ierit grato semper affectu
sequi præeuntem; ac mihi quidem plusquam hono-
rificum existimo, à tam DOCTO PHOEBO
pauca hæc ASERTA PHILOSOPHI-
CA clementer excipi, & mutuatis inde insolitæ
doctrinæ fulgoribus mirum collustrari, non nisi
obscuri cæteroquin nominis futura. Et quis ob-
secro tandem est? Quem lateat, qua ingenii fe-
licitate, quo laudatissimæ famæ præconio TU ipse
Philo-

Philosophicam olim in Arenam descenderis, pugnaveris, viceris, & innumeros Chimærarum greges acie semper ingeniosissima Prostigaveris, ut non Antesignanus modo erudita in palestra, sed & Dux omnino strenuissimus Philosophici agminis omnium suffragio proclamatus sis. Quid scientiam dein Theologicam, quid Juridicam hic commemorem? paucis dico: ex utraque Spectabilis es. TU siquidem facundus ingenio, facundus eloquio TE intuitum, ac audientium animos suavi verborum elegantia in tantum allicis, ut nemo sit qui in TE non miretur eximiam ad flectendos animos eloquentiam, solerter ad arcana, & sensibus plurimum abdita, subtiliter indaganda, consilium ad explicanda implicita, suavitatem in Officiis, promptitudinem in obsequiis, amabilitatem in humilitate, affabilitatem in sermone, tolerantiam in laboribus, constantiam in adversis, prudentiam, & dexteritatem, in administrandis functionibus TUIS Pastoralibus? Quæ universa in unum congesta, quem demum Atlantem in gerendis Reipublicæ Catholicæ negotiis non exhibebunt? adeò ut felici omni Ecclesiastici Ordinis Decus jure merito appellari queas & debeas. Taceo prærogativas reliquas, fileo Virtutes omnes, quæ TE superis æquè, ac mortalibus acceptum faciunt, non suavissimæ, gravitatis, non innatæ demissionis, non flagrantissimæ erga Deum subditosque charitatis mentionem ingero; nolo quippe modestiam TUAM pluribus sauciare encomiis, & ruborem quasi sanguinem TUÆ virtuti inclementer elicere quamvis innumera propemodum sint, quæ in TUÆ Laudis partem venire possint; verum ne immenso huic Laudum TUARUM

oceano me proprius admoveam, & Icari fabulam ob
cereas tenuitatis meæ alas veritate donem, sisto
jam gradum, & modestia TUA altum mihi
indigitante silentium, hos perexiguos sudoris nostri
fructus, fixo prius paternis manibus filiali osculo,
demississimè offero, dico, consecro. Nam vive
PATRONE, ac MECOENAS GRA-
TIOSISSIME, vive inquam, & secundo sem-
per successu intende, prospere procede, & ventura
bona, seu beatam immortalitatem pro MUNI-
FICIENTISSIMÆ TUÆ liberalitatis dono
certò quidem, sed serò precor adi.

Ità vovet.

DOMINATIONI VESTRÆ
ADMODUM REVERENDÆ

Præses
Cum Defendantibus.



I.

LOGLICA est Facultas Directiva operationum intellectus in verum. Una Docens Scientia, Alia Utens Ars, utraque vero Speculativa. II. Habitus earum distinguntur realiter. III. Pro objecto attributionis cedit Syllogismus. IV. Ad acquireendas in statu perfecto alias scientias, physica Logicæ necessitas prærogativa ejus est. V. Dantur entia rationis chymærica, objectivè solùm in intellectu existentia. VI. Quorum causa efficiens agnoscitur solus intellectus creatus, exclusa causalitate omnium aliarum potentiarum, in, & externarum. VII. Distinctio strictè realis, quæ versatur inter res positivas, consistit in superaddito positivo relativo disquiparantiæ transcendentali. VIII. Inter gradus Metaphysicos ejusdem suppositi, dari distinctionem ex Natura rei formalem (vulgo Scotisticam) evidencia comprobant argumenta. IX. Et quæcunque distinguntur Scotisticæ, iis correspondet præcisio objectiva, à parte rei, nec sufficit virtualis Thomistica. X. Datur à parte rei Universale Metaphysicum. XI. Cujus communitas non est, inexistentiæ, sed indifferentiæ solùm negativæ. XII. Universale Logicum sua spoliatur Univerſalitate, in actuali prædicatione. XIII. Relationes prædicamentales sunt formæ accidentales, à fundamento proximo, & termino realiter distinctæ. XIV. Indifferentia propositionum contradictoriarum de futuro contingenti (seclusò Decretò Divinò) determinatam refutavit

git veritatem. aut falsitatem. Sed. XV. Positō Decretō: Una est determinate vera, altera determinatē falsa. XVI. Scientia, fides, & opinio, simul in eodem intellectu, circa idem objectum nequidem supernaturaliter compossibilis sunt. XVII. Principia corporis Naturalis in facto, esse duo: materiam scilicet & formam: *Erudita Peripateticorum vetustas, simul & Authoritas genuina luculenter ostendit.* Hinc XVIII. Atomi à ratione primorum principiorum recte excluduntur. XIX. Materia prima licet omnibus contentetur formis, Nobiliores tamen magis appetit. XX. Duarum formarum totalium in eadem numero materia simultaneum implicat consortium, pariter ejusdem numero formae in duabus numero materiis par incolatus. XXI. Materia prima virtute supernaturali potest spoliari omni forma substanciali, quo tamen casu restitutionem spolii in integrum postulat. XXII. Datur Tertia Entitas, à partibus simul sumptis, & unitis realiter distincta, XXIII. Materia, & forma duplici copulata nexu simul perseverant. XXIV. Datur forma corporeitatis in viventibus realiter distincta, à quacunque anima. XXV. Negantes dari accidentia absoluta, adversantur decisioni S. Concilii Constantiensis, temerariam Wicleffī propositionem damnantis: *Accidentia panis, & vini, non manent sine subiecto in Eucaristiā Sacramento.* XXVI. In quibusdam agentibus salvatur actio in distans, absque hoc quin agant in medium. XXVII. Nullum accidens valet producere substanciali. XXVIII Implicat simpliciter: Causalitas mutua. XXIX. Ejusdem effectū à duplice causa totali, ejusdem generis & ordinis productio. XXX. Activa, & passiva potentia quodlibetica. XXXI. Præmotio physica, in causis secundis, tam liberis, (salva libertate) quam naturalibus. XXXII. Creatura perfectissima. XXXIII. Infinitum categorematicum creatum, in numero, intensione, & extensione. XXXIV. Determinatio causarum secundarum quoad individuum effectū, imperio solius ALTISSIMI adscribitur.

XXXV. Qui ad omnes effectus creatos quanquam exiles concurrit immediate, immediatione suppositi, & virtutis. XXXVI. In projectis sursum, ad quietem, in puncto reflexionis conciliandam sufficit instans temporis. Motus formaliter sumptus distinguitur à forma fluente, spectatque ad prædicamentum quantitatis successivæ. XXXVII. Corpori parvo, ac magno, æqualem inesse gravitatem, nullam Philosopho gravi inducit admirationem. XXXVIII. *Locus extrinsecus, est ultima superficies concava, corporis continentis immobilis.* Res omnes creatæ sive materiales, sive spirituales (excepto ultimo cœlo Empyreo) sunt proprie in loco; ita tamen ut res spirituales *dissimilares*, materiales verò *circumscripentes* locentur; Deus autem à nullo loco determinato ambitur, sed ubique præsens existit. XXXIX. Vacuum, compenetratio, & replicatio, in alio rerum ordine non implicant. In vacuo nullum obviaret impedimentum, motui gravium, aut levium. XL. Continuum præter indivisibilia, ex partibus in infinitum divisibilibus componi, *Sapientis commentum est Philosophi 3. Metaphysicorum Textu.*
17. XLI. Mundum non fuisse ab æterno Fides docet: *Gen. 1.* Nec potuisse sic produci quoad entia, permanentia, vel successiva, probabile est. XLII. Cœli probabilius sunt solidi, nullatenus verò animati. Astra moventur Intelligentiarum Ministerio. XLIII. *Terra autem in aeternum stat.* Eccles. 1. Licet quibusdam sistemi copernico insidentibus moveri videatur. Unus defacto est mundus plures tamen non implicant. Duratio distinguitur à re durante. Existere in *eternitate* proprie dicta convenit soli Deo, existere in *evo* Creaturis spiritualibus, & incorruptilibus, existere verò in *tempore* solis materialibus corruptilibus. XLIV. Duarum Qualitatum in summo contrariarum, et si implacabile sit odium, earum tamen (Virtute Divina) simultaneum non implicat contubernium. XLV. Animæ Brutorum sunt materiales, & divisibles, neutquam verò rationales. Non datur plurium

successio animarum in eodem vivente. XLVI. Deum & creaturam esse primo diversa, ac proinde in nulla realitate entis convenientia, candida Doctoris subtilis luculenter ostendunt placita in 2. D. 8. q. 1. XLVII. Creaturæ suam possibilitatem Logicam intrinsece & formaliter habent ex se ipsis. XLVIII. Harum suppositalitatem consistere in duplice negatione: *ut quo*, & *ut quod*; pariter. XLIX. Existentiam ab essentia non, nisi formaliter distingvi, infallibilibus convincitur argumentis. L. *Dixit insipiens* (Athæus) *in corde suo non est Deus*. Verùm nos à posteriori demonstrabilem asserimus, & profitemur. *Cui sint.*

O. A. M. G. B. V. M. & OO. SS. H.



PRÆ-



PRÆLUDIUM.

*De varia dispositione Adversariorum,
& quomodo cum singulis agendum.*



I.

Gitur adversarii, sive illi Lutherani sint, sive Calvinistæ, sive alterius sectæ; non eodem modo omnes affecti, ac dispositi sunt. Nam alii in suo errore sunt pertinaces: alii zelosi: alii frigidi: alii dubii, seu fluctuantes. De singulis sic accipe.

2. Pertinaces sunt, qui quidem agnoscunt, se recedere à communi sensu Ecclesiæ, & SS. Patrum; sed tamen ex superbia, & obdurate mentis, ne videantur à veritate convicti, obstinate persistunt in sua opinione. Hi proprie dicuntur Hæretici, teste Augustino Epist. 262. & lib. 18. de Civitat. DEI cap. 15. Sunt autem

P R A E L U D I U M.

autem similes Pharisæis, & rarissimè propter duritiam cordis convertuntur. De quibus dictum est Matth. 13. v. 15. *Incrassatum est cor populi hujus, & auribus graviter audierunt, & oculos suos cluserunt: ne quando videant oculis, & auribus audiant, & corde intelligent, & convertantur, & sanem eos.*

3. Zelosi sunt, qui non ex superbia, aut obstinatione, sed ex quadam ignorantia falsò persuasi sunt, suam sectam veritati, & Evangelio conformem esse; ideoque tantò studiò, ac ardore eam tuentur, ut videantur parati vitam potius, quam sectam amittere. Hi similes sunt Paulo ante conversionem, qui de se ipso scribit ad Galatas cap. 1. v. 13. *Audistis, inquit, conversationem meam aliquando in Judaismo, quoniam supra modum persequabar Ecclesiam DEI, & expugnabam illam, & proficiebam in Judaismo supra multos Coetaneos meos in genere meo, abundantius æmulator existens paternarum mearum Traditionum.* Hujusmodi zelosi, quia non peccant ex malitia, sed ex ignorantia, sèpè à DEO misericordiam consequuntur, ut idem Paulus de se ipso fatetur, 1. Timoth. 1. v. 13. *Misericordiam DEI consecutus sum, quia ignorans feci in incredulitate.*

4. Frigidi sunt, qui neque ex superbia neque ex ignorantia, sed ex aliis causis, quas frigidè prætendunt, manent in suo errore. Et quando monentur de Catholica Fide capessenda,

P R A E L U D I U M.

senda, solent cunctari, tergiversari, & frigidas excusationes adserre. Et alii quidem prætentunt, se in ea religione, quam sequuntur, natos, & educatos esse. Alii, juramentō se obstrinxisse, quodd velint in ea persistere. Alii, non audere palam profiteri fidem Catholicam propter amicos, & consanguineos, qui omnes Lutherani, aut Calvinistæ sunt. Alii, non posse se id facere, ne offendant suum Principem, qui à Catholicis alienus est. Alii denique tametsi nihil horum aperte dicant, revera tamen ex una parte manent in hæresi propter prætensiones allatas: ex altera simulant, se propendere ad nostram religionem; ut hac ratione, vel Cæfaris, vel alterius Principis Catholicī gratiam, & favorem aucupentur: vel ad officia, & dignitates apud Catholicos promoveantur. Vel certè, si illam jam antea obtinuerint, ne exuantur. Nec desunt, qui ex rerum eventu statuant de sua fide: nempe mansuros se in Lutherana, aut Calviniana, si Catholicī in bello succumbant, & suis fortunis spolienerint: sin contra Catholicam amplexuros. Hi omnes similes sunt illis, de quibus dictum est 3. Reg. 18. v. 21. *Usquequo claudicatis in duas partes? Si Dominus est DEUS, sequimini eum; si autem Baal, sequimini illum.* Et Eccl. 3. v. 28. *Cor ingrediens duas vias non habebit successus.*

5. Dubii sunt, qui simplici, ac recto corde quærunt veritatem: Et quia per se non possunt eam invenire, petunt ab aliis instrui, ac juvari.

P R A E L U D I U M.

Hi similes sunt Nicodemo in Evangelio, & Eunucho in actibus Apostolorum. Nicodemus petivit instrui à Christo circa generationem, quæ fit per Baptismum. Joan. 3. v. 4. *Quomodo,* inquit, *poteſt homo naſci, cùm ſu⁹ ſenex?* *Numquid poſteſt in ventrem matris ſu⁹ iteratō introire, & renaſci?* Similiter Eunuchus legens Iſaiam Prophetam, cùm rogaretur à Philippo, an intelligeret, quæ legeret, respondit: *Quomodo poſſum, ſi non aliquis oſtenderit mihi?* Quasi dicat: Non intelligo ſenſum Iſaiæ, ſed obſecro, ut mihi interpreteris, ut me juves, ut me doceas. Hujusmodi homines, ſi incidunt in viros bonos, à quibus instruantur, facile juvari ſolent. Quo pacto Nicodemus à Christo, & Eunuchus à Philippo instructus, & adjutus eſt.

6. Igitur cum his omnibus non eodem modo agendum eſt. Ac primò, pertinaces non facile admittendi ſunt ad disputandum de fide, ac religione; quia cùm ſint ſuperbi & contumaces, non volunt resipiscere, etiamsi manifeſtè convincantur. Si tamen propter aliorum utilitatem cum illis agendum eſt, tria ſervari debent. *Primò:* Coercendi ſunt intra limites certæ alicujus materiæ, ne ex una in aliam, quod ſine fructu fieret, ſubitò, cùm lubet, defiliant. *Secundò:* Reſtrīgendi ad formam dialecticam, ut vis argumenti appareat. Nec permittendum, ut ſine ordine, ſine methodo, ſine connexione, quod iſpis familiare eſt,

P R A E L U D I U M.

est, multa effutiant, more concionantium potius, quam disputantium. *Tertiò*: Palam confundendi, & objurgandi sunt: sicut Sadducæi, & Pharisei à Christo fuerunt confusi, & objurgati, Matth. 22. v. 29. *Erratis nescientes Scripturas*. Et alibi saepius. Hæc confusio dupliciter prodest. *Primiò*: Per eam minuitur authoritas adversariorum. *Secundiò*: Illorum Ascœlæ minori in pretio eos habent, & sensim ad nos accedunt. Debet tamen esse confusio rationabilis, quæ non fiat per convitia, & maledicta, sed per justam reprehensionem, aut apertam victoriam.

7. Zelosi, qui pertinaces non sunt, contrariò modò, id est: modestè, ac benevolè tractari debent. Nec tam rationibus, aut subtilitatibus obruendi, quam DEO per orationem commendandi sunt. Sic Stephanus orabat pro Paulo, & Monica pro Augustino; quorum hic Manichæorum errores; ille Synagogam ex præpostero zelo defendebat. Et quidem de altero scriptum est: *Si Stephanus non orasset, Ecclesia Paulum non haberet*. De altero verò: *Fieri non potest, ut Filius tantorum lacrymarum pereat*.

8. Frigidi propter suas prætensiones, à quibus ægrè abstrahuntur, raro ad frugem perveniunt. Cum illis seriò, ac severè agendum est. Quod dupliciter fieri potest. *Primiò*: Ostendendo prætensiones, & excusationes ipsorum

P R A E L U D I U M.

esse frivolas. *Deinde*, sāpē inculcando, ut saluti suā consulant, neque ob humanos respectus, favores, aut sāculares dignitates patiantur se ab æterna, & cœlesti gloria excludi. Meminerint illius parabolæ Evangelicæ, *Luc. 14. v. 16.* *Homo quidam fecit cānam magnam, & vocavit multos. Et misit servum suum hora cānæ dicere invitatis: ut venirent, quia para- ta sunt omnia. Et cāperunt omnes simul ex- cusare. Primus dixit ei: Villam emi, & necesse babeo exire, & videre illam: rogo te, babe me excusatum. Et alter dixit: Juga boum emi quinque, & eo probare illa: rogo te, babe me excusatum. Et aliis dixit: Uxorem duxi, & ideo non possum venire. Ecce, vocantur frigidī ad Ecclesiam, & fidem Catholicam; omnes se excusant, & quisque suam allegat prætensionem. Quo eventu? Audi. *Nemo virorum illorum, qui vocati sunt, gustabit cānam meam.* Dura, sed justa sententia. Cum enim DEI vocationem negligant, merito, ab æterna vita excluduntur.*

9. Dubii denique, seu fluctuantes, qui sincerè quærunt veritatem, fraternè, & ad caput cujusque accommodatè tractandi sunt. Et aliter docti, & ingeniosi: aliter rudes, ac idiotæ instruendi. Habemus exemplum in Christo, qui se omnibus accommodabat. Nam simplicem populum instruebat per parabolas, & similitudines, quas facile capiebant. Duobus Discipulis in Emmaus euntibus Mosen, & Prophetas interpretabatur; Nicodemo baptismi vim,

P R A E L U D I U M.

ac necessitatem ex analogia humanæ nativitatis explicabat; Mulieri Samaritanæ, Messiam se esse, inde persuadebat, quod ostenderet se omnia scire, quæ ipsa fecisset. *Venite, inquit, & videte hominem, qui dixit mihi omnia, quæcunque feci. Nunquid ipse est Christus.*

10. Hæc obiter de vario errantium statu, ac dispositione à me dicta sint. Et quamvis cupiam omnibus prodesse, nihilominus illis possimum proderunt hæ lucubrations, qui simplici, ac sincero corde optant instrui, ac juvari. Hi enim facilius convertuntur, duplii de causa.
Primò: Quia cum optent instrui, libenter admittunt instructionem. Secundò: Cùm recta intentione procedant, DEUS paratus est illis cooperari. Nam ut verissimè dictum est à Petro Apostolo. Sicut superbis resistit, ità humilibus dat gratiam. Duo siquidem requiruntur in hoc negotio. Unum est: Prædicatio Evangelii, seu instructio humana, Docete omnes gentes. Alterum: Gratia DEI, sine qua instructio non prodest: Sine me nihil potestis facere. Unde frustra laborant, qui putant se suâ eloquentiâ, & argumentandi subtilitate posse errantes in viam reducere. Illi, post longam instructionem, & disputandi acrimoniam, meritò usurpent illud: Præceptor, per totam noctem laborantes, nihil cepimus. Quare? quia humana industria sine DEI adjutorio, nihil efficit, nihil proficit in hoc negotio. Itaque mutatò consilio, dicant cum Petro Apost. Domine!

P R A E L U D I U M.

*in nomine tuo laxabo rete; id est: imploratō
prius DEI auxiliō, hoc opus inchoabo Quo
etiam spectat illud 1.Corinth. 3.v. 5. Ego plan-
tavi, Apollo rigavit, sed DEUS incrementum
dedit. Itaque, neque qui plantat, est aliquid,
neque qui rigat, sed qui incrementum dat;
DEUS. Et alibi: Gratia DEI sum id, quod
sum. Hæc autem gratia assiduè petenda est:
non modò ab illis, qui alios instruunt in fide,
ut efficaciter instruant; sed etiam ab iis, qui
instruuntur, ut corda ipsorum per gratiam
DEI emollita, & præparata admittant semen
fidei, & efficaciter convertantur.*

A M E N.



INDEX
CAPITUM.

Controversiæ Communes.

1. DE Scriptura.	pagina 3
2. De Traditionibus.	31
3. De Ecclesia.	57
4. De Capite Ecclesiæ.	97
5. De Judice Controversiarum.	119
6. De Anticristo.	156
7. De Invocatione Sacerdotum.	162
8. De Sacramentis.	165
9. De Communione sub utraque specie.	171
10. De Sacrificio Missæ.	178
11. De Purgatorio.	183
12. De vocatione Ministrorum.	187
13. De Cælibatu Ministrorum.	194
14. De peccato originali, veniali, mortali.	196
15. De libero arbitrio.	199
16. De Justificatione.	201
17. De Fide justificante.	206
18. De observatione Legis.	211
19. De merito bonorum operum.	215
20. De jejunio, & abstinentia.	219

Con-

INDEX CAPITUM.

Controversiæ Lutheranorum.

- | | |
|--|-----|
| 1. <i>De Ubiquitate.</i> | 221 |
| 2. <i>De fide infantium, in Baptismo.</i> | 227 |
| 3. <i>De Impanatione, ut vocant; vel an Corpus Christi sit in pane, cum pane, sub pane. Affirmant Lutherani.</i> | 230 |

Controversiæ Calvinistarum.

- | | |
|---|-----|
| 1. <i>De Attributis divinis.</i> | 233 |
| 2. <i>De Christo.</i> | 238 |
| 3. <i>De Imagine Christi.</i> | 241 |
| 4. <i>De Prædestinatione.</i> | 247 |
| 5. <i>De Gratia.</i> | 249 |
| 6. <i>De Authore peccati.</i> | 251 |
| 7. <i>De Baptismo infantium, an sit necessarius.</i> | 253 |
| 8. <i>De Exorcismo.</i> | 255 |
| 9. <i>De reali Præsentia Corporis Christi in Eucharistia.</i> | 257 |
| 10. <i>De Circulo Calvinistico.</i> | 258 |

Controversiæ Anabaptistarum.

- | | |
|--|-----|
| 1. <i>An detur peccatum originarium? Negant cum Pelagianis.</i> | 263 |
| 2. <i>An infantes baptizari possint? Negant.</i> | 263 |
| 3. <i>An Magistratus Civilis apud Christianos sit licitus? Negant.</i> | 264 |
| 4. <i>An Christiani possint bellum gerere? Negant.</i> | 265 |
| 5. <i>An</i> | |

INDEX CAPITUM.

5. *An possint Jurare?* Negant. 267
6. *An Polygamia sit licita?* Affirmant. 269
7. *An Matrimonium dissolvi possit propter diversitatem Religionis?* Affirmant. 270
8. *An animæ Justorum post hanc vitam extinguantur?* Affirmant. 271

Controversiæ Politicorum.

1. *An quilibet in sua fide salvandi possit?* 273
2. *An aliquando liceat negare fidem ad vietandam mortem?* 277
3. *An ex causa liceat eam dissimulare.* 278
4. *An aliquando liceat simulare alienam fidem?* 279
5. *Et speciatim an liceat cum gentilibus Idola colere?* 280
6. *An liceat cum hereticis publicè orare?* 282
7. *An conciones illorum audire.* ibid.
8. *An Sacra menta cum illis participare.* 283
9. *An Matrimonia cum illis contrahere.* 284
10. *An eos ad sepulchrum comitari.* 285
11. *An libros eorum legere.* 286
12. *An de fide cum illis disputare.* 287
13. *An cum illis pacisci.* 289
14. *An si cum iis paciscaris, servanda sit fides.* 290
15. *An propter heresim puniri possint.* 291
16. *An Princeps Catholicus possit eos in sua Provincia tolerare.* 295
17. *An possit Iudeos tolerare.* 298

INDEX CAPITUM.

- | | |
|--|-----|
| 18. <i>An quilibet Rex in suo regno habeat</i>
<i>Primitum Ecclesiæ.</i> | 302 |
| 19. <i>An qui juravit se mansurum in Luthe-</i>
<i>ranismo teneatur præstare.</i> | 303 |
| 20. <i>An in aliquo casu liceat mentiri.</i> | 305 |
| 21. <i>An liceat uti æquivocatione.</i> | 308 |
| 22. <i>An duellum exercere.</i> | 310 |



RE-



REVERENDI PATRIS
MARTINI BECANI
LIBER PRIMUS.

De Controversiis communibus.

P R A E F A T I O.

Nter communes Controversias una principalis est, ex qua reliquæ omnes dependent: nempe de Ecclesia. Nam si verum est (quod verum esse, DEO volente, demonstrabimus) nostram Ecclesiam (quæ Catholica, (a) Romana, & Pontificia dicitur) veram esse Christi Ecclesiam, quæ in Fide errare non possit; jam Adversarii prostrati, ac debellati sunt, quod sic ostendo.

Quicunque in rebus Fidei, ac Religionis sequitur veram Christi Ecclesiam, non potest errare circa Fidem, & Religionem (cum vera Christi Ecclesia sit infallibilis;)

At Catholicæ, qui defendunt Purgatorium, Sancctorum invocationem, Sacrificium Missæ, & similia dogmata, sequuntur veram Christi Ecclesiam.

Ergo circa fidem, & Religionem errare non possunt: securi igitur sunt. È contrario: Adversarii, qui deserunt veram Christi Ecclesiam, sine dubio (b) errant, & securi non sunt.

A

Hoc

*Hoc discursu sœpè utitur Augustinus, ut
infrà suō locō videbimus. Atque hoc est brevissi-
mum Compendium (c) reliquarum omnium Con-
troversiarum. Singulæ tamen speciatim tractan-
dæ sunt propter eos, qui de singulis cupiunt sibi
satisfacere, & aliis rationem reddere. Sit ergo
Cap. I. de Scriptura.*

A N I M A D V E R S I O.

(a) **A**TQUI Calvinistæ, & Lutherani post varia nominis assumpta, etiam hoc tempore volunt Catholici dici. Ita volunt, cùm non sint. Catholicus non est, nisi is, qui fidem tenet, quæ annunciatur in universo mundo, omnia tem-
pora, loca, omnes articulos revelatos, & omnia genera hominum complectens, ut docet August. de un. Eceles. c. 6. &c. Talis autem sola est Romana, Rom. 1. & 8. & Hist. Ecclesiastica. Ergo vanè Calvinista vanè Lutheranus affectat Catholicus dici, nisi, unde male abiit, redeat. Vide fusiūs Mogunt. Animadveriones. Multò minus Lutherani, & Calvinistæ simul possunt dici Catholici; cùm contradictoniam in substantialibus articulis fidem profiteantur, quod ex confessionibus eorum est luce clarius; in schismate convenienter, in articulis doctrinæ minimè. Frustra igitur protestantur se esse Catholicos, cùm protestatio sit eorum factis contraria, & magis sit factis eorum, quām verbis fidendum, monente Domino. Matth. 7. 15. à fructibus &c.

(b) Ita sane est, quia una Fides, unum Baptisma &c. Ephes. 4. v. 5. sine qua in possibile est placere DEO, ad Hebr. 11. v. 6. Hanc, qui oppugnat, errat. At graves errores jactant de Rom. Ecclesia Protestantes? en jactant, ut Moichi de casta Su-
fanna. Dan. 13. v. 55. & 59. quos Angelus Domini secuit medios. Ibid. & Daniel detexit; uti & author hic calumniatores istos Rom. Ecclesie deprehendet in progressu.

(c) Nam invento veritatis Magistrō, & Judice legitimo, con-
troversiae facile solumnt illius judiciō, & istuc Spit. S. nos re-
misit cùm edixit. Deut. 17. v. 8. 9. 10. Si difficile, & ambiguum
apud te judicium esse perspiceris inter sanguinem, & sanguine-
num, causam, & causam &c. & judicium intra portas tuas vi-
deris verba variari, surge, & ascende ad locum quem elegeris
Dominus DEUS tuus; veniesque ad Sacerdos Levitici generis;
& ad judicem, qui fuerit illo tempore, querere que ab eis, qui
indicabunt tibi judicii veritatem, & facies, quodcumque dixer-
int, &c.

C A P U T I.

De Scriptura Sacra.

IN Scriptura tria spectari possunt. 1. Canon, seu Catalogus librorum Scripturæ. 2. Versio, seu translatio. 3. Sensus tam litteralis, quam mysticus. De quibus dicendum est hoc ordine. 1. Qui libri sint Canoni, seu divini? vel quod idem est: qui libri pertineant ad sacram Scripturam? 2. Quæ sit legitima versio Scripturæ? 3. Quis sit sensus illius litteralis, & mysticus? 4. An sensus litteralis, qui præcipuus est, sit obscurus? 5. Unde oriatur hæc obscuritas? 6. Cur Deus voluerit Scripturam esse obscuram? 7. Cum obscura sit, quis eam debeat interpretari? 8. An Lutherani, & Calvinistæ habeant veram Scripturam? 9. An ex ea disputare possint de Fide, & Religione? 10. Quomodo ex ea soleant disputare?

Q U Ä S T I O I.

Qui libri Scripturæ sint Canonici?

Canon duo significat: 1. Normam, seu regulam quam sequimur. 2. Catalogum, seu numerum aliquarum rerum. Utroque sensu libri Scripturæ dicuntur Canonici. *Priori* quidem, quia continent normam, seu regulam, quam in fide, & moribus sequi debemus. *Posteriori*, quia in Catalogum librorum divinorum relati sunt. Est ergo *Quæstio*, quinam libri veteris, ac novi Testamenti sint Canonici hoc posteriori sensu? id est: quinam relati sint in Canonem, seu Catalogum librorum Scripturæ, tanquam divini, seu a Deo inspirati?

2. Respondeo. In Canonem, quo utuntur Catholicæ, (a) relati sunt hi libri veteris Testamenti: *Genesis*, *Exodus*, *Leviticus*, *Numeri*, *Deuteronomium*, *Joſue*, *Judices*, *Ruth*, quatuor libri *Regum*, duo *Paralipomenon*, duo *Eſdras*, *Tobias*, *Judith*, *Esther*, *Job*, *Psalterium*, *Proverbia*, *Ecclesiastes*, *Cantica*, *Sapientia*, *Ecclesiasticus*, quatuor majores Prophætæ duodecim minores, duo libri *Machabœorum*. *Item*, hi libri novi

Testamenti : quatuor Evangelia, Actus Apostolorum,
quatuordecim Epistole Pauli, tres Joannis, duae Petri,
una Jacobi, una Judæ, Apocalypsis Joannis

ANIMADVERSIO.

(a) **D**olent hereticis, quod Becanus significazione canonis posteriori pulchre insistat, uti principali. Sed male dolent; nam qui novit, quinam libri sint divini, & a DEO inspirati habendi, eadem opera novit, qui libri debeant ab omnibus pro norma Fidei, & morum haberi. Ecce ita amant tenebriones tenebras, ut lucem interni doleant.

3. Hic Canon, seu Catalogus habetur in Concilio Tridentino Sess. 4. Et Patres illius Concilii acceperunt illum per Traditionem ab Eugenio Papa in Concilio Florentino, ut videre est apud Bartholomæum Carranzam in Summa Conciliorum. Rursum Eugenius illum accepit a Gelasio Papa in Concilio Romano, ut patet ex 2. Tomo Conciliorum in Decretis Gelasii circa finem. Iterum Gelasius ab Augustino lib. 2. de Doctrina Christiana c. 5. Et Augustinus a Concilio Cartaginensi tertio, quod alii quintum, alii sextum vocant. Denique Patres hujus Concilii ab Innoc. I. Epist. 3. ad Exuperium cap. 7. Vixit autem Innocentius anno Christi 402. (b) Igitur ab illo tempore primi vivæ Ecclesiæ ad nos usque per continuatam Traditionem perseverat idem ille Scripturæ Canon, quem nos Catholici tenemus, & amplectimur.

ANIMADVERSIO.

(b) **P**ulchra demonstratio de libris, quos Catholica Ecclesia habet pro Canonicis à temporibus Apostolicis, & sana doctrina ad nos usque deducens Lectorem claro intuitu veritatis. Quid contra hanc Anti-Becani? mormurant: Quid? Demonstrationem hanc nihil Catholicis prodefesse. Cur ita queso? 1. Quia inter Innocentium I. & Apostolos neminem nominat Becanus, qui eum Canonem sit professus. At Becano satis est ostendisse, Romanam Ecclesiam suum Canonem divinorum librorum habere ex iis temporibus, quæ ipsi Acatholici, Calviniani, & Lutherani fatentur in doctrina fuisse sana Anti-Becane tu quoque fac simile pro totum Ecclesiarum Canone, si tamen Canonem habent: nam hactenus carvete. 2. Ajunt: aliquos etiam post Innocentium aliter sensisse de numero librorum Canonicorum. Ita est: sed vel errantes, uti ignorantes Ecclesiæ declarationem, ut Antonius, Sextus, Senen. &c. vel malevolè negantes, ut Calviniani.

4. Ex hoc Canone multos libros Adversarii nostri expunxerunt: Lutherus puidem ex Canone veteris Testamenti: Tobiam, Judith, Esther, Sapientiam, Ecclesiasticum, Machabæos. Ex Canone novi: Epistolam ad Hebreos. Epistolam Jacobi, Epistolam Judæ, & Apocalypsin Joannis. Alii plures, alii pauciores: quisque, quos voluit, pro suo arbitratu. In quos optimè quadrat, quod de Manichæis scripsit Augustinus in lib. de bono perseverantia cap. 11. Scripturas, inquit, sic accipiunt, ut suo quadam privilegio, in modo sacrilegio, quod volunt, sumant, quod nolunt, rejicant.

5. Objiciunt 1. Tobias, Judith, Esther, Sapientia, Ecclesiasticus, & Machabæi, non sunt in Canone Judæorum, qui exstat apud Hieronymum: Ergo debent etiam exculti à nostro Canone. Respondeo. Nec antecedens universè verum est: nec valet consequentia. Nam Esther est in Canone, qui exstat apud Hieronymum; tametsi non sit in Canone, qui exstat apud Melitonem, & Nazianzenum, quos paulò post citabimus. Deinde necesse non est: ut illi soli libri habeantur Canonici apud nos, qui tales habiti sunt apud Judæos, ut recte notat Augustinus lib. 18. de Civitate DEI cap. 36. cùm ait: Machabæorum libros non Judæi, sed Ecclesia pro Canonicis habet. Et Isidorus in libro proceriorum de libris veteris, ac novi Testamenti. Hebrai, inquit, non recipiunt libros Tobias, Judith, & Machabæorum, Ecclesia tamen eosdem inter Canonicas Scripturas enumerauit. Et ibidem: Sapientia, & Ecclesiasticus parem cum reliquis Canonicis libris tenere noscuntur authoritatem.

6. Et ratio duplex est: Una, quia major apud nos debet esse authoritas Ecclesiæ, quam Judæorum; cùm ergo sit quæstio, an supradicti libri sint Canonici, nec ne? debemus potius adhærere Ecclesiæ, quæ agnoscit illos pro Canonicis, teste Augustino, & Isidoro; quam opinioni Judæorum, qui illos pro talibus non agnoscunt. Si Lutherani, & Calvinistæ aliter sentiunt, & putant, Potius credendum esse Judæis, quam Ecclesiæ; nescio, quo fundamento tueri se possint. Altera, quia ex Can-

none Judæorum nihil certi probari potest. Non enim constat, ut dixi, an liber Esther in eo consignatus sit, nec ne. Alii ajunt, alii negant. Deinde incertum est: quis sit author illius Canonis, & quo tempore conscriptus sit. Multi putant ab Esdra conscriptum esse tempore captivitatis Babylonicæ; at tune nondum exstabant libri Machabæorum. Quid ergo mirum, si in illum Canonem relati non fuerint?

7. Objiciunt 2. Non solum Judæi, sed etiam multi Christiani, præsertim antiqui Patres, qui scripsérunt ante Innocentium, & Augustinum, excluderunt supradictos libros à Canone. Respondeo Patres, qui scripsérunt de libris Canonicis ante Innocentium, & Augustinum, sunt hi decem. *Primus*, Melito Sardensis apud Eusebium lib. 4. Hist. Ecclesiast. cap. 16. *Secundus*, Origenes apud eundem lib. 6. cap. 18. *Tertius*, Eusebius ipse lib. 3. cap. 25. *Quartus*, Anastasius in Synops. *Quintus*, Hilarius præfatione in Psalmos. *Sextus*, Epiphanius hæresi 8. *Septimus*, Cyrillus Hierosolymitanus Catechesi 4. *Octavus*, Nazianzenus in Carmine, de veris, & germanis Scripturæ libris. *Nonus*, Hieronymus in Prologo Galeato, & in Epist. 103. ad Paulinum. *Decimus*, Rofinus in expositione Symboli. Et quidem Melito, Hilarius, Epiphanius scripsérunt Canonem librorum veteris Testamenti: Eusebius novi; reliqui sex utriusque.

8. Sed neque dissentiant à nobis, neque favent Lutheranis, & Calvinistis. Utrumque perspicue demonstrabo. Ac primò non dissentire à nobis ex duplice principio ostendi potest. *Unum est*: Quamdiu quæstio aliqua Ecclesiastica in utramque partem manet dubia, ita, ut nihil adhuc certi in alteram partem ab Ecclesia definitum sit, tamdiu liberum est hanc, vel illam partem probabiliter amplecti. Quando autem in alteram legitiime definita est, tunc illi parti adhærere omnes debent. *Alterum*. Qui ante definitionem Ecclesiæ, re adhuc dubia existente, unam partem probabiliter amplectuntur, non censentur propriè dissentire ab illis, qui post definitionem Ecclesiæ alteri adhærent. Nam

scut

sicut hi adhærent definitioni Ecclesiæ; sic etiam alii fecissent, si res fuisset tunc definita. Et sicut alii ante definitionem Ecclesiæ probabilem partem amplexi sunt; sic etiam hi facerent, si Ecclesia nihil definivisset. Non ergo propriè hi illis contrarii sunt.

9. At sic fit in proposito. Nam ante Innocentium primum nondum erat certò definitum ab Ecclesia, qui libri essent Canonici, qui non essent: ac proinde Melito, Origenes, Eusebius, Athanasius, Hilarius, Epiphanius, Cyrillus, Nazianzenus, Ruffinus alterutram partem probabiliter amplecti poterant. At post definitionem Ecclesiæ (quæ primum ab Innocentio facta est, & postea in variis Conciliis confirmata) Augustinus, & reliqui Patres definitioni Ecclesiæ adhæserunt. Ergo propriè non censentur dissensisse ab iis, qui ante definitionem Ecclesiæ alterutram partem probabiliter secuti sunt.

10. Hic discursus generatim loquendo per se clarus est: indiget tamen aliqua declaratione in particulari. Igitur ante definitionem Ecclesiæ tametsi certò apud omnes constaret, quosdam libros tam veteris, quam novi Testamenti Canonicos esse; de nonnullis tamen erat dubium, præsertim de Tobia, Judith, Esther, Sapientia, Ecclesiastico, Machabæis, Epistola ad Hebreos, Epistola Jacobi. & Judæ posteriorē Petri, secunda, & tertia Joannis, Apostolop̄si, libello Pastoris, Revelatio-ne Petri, Actibus Pauli, & similibus; hoc patet ex Authoribus citatis: nam Origenes, Hilarius, Epiphanius, Cyrillus, Hieronymus, Ruffinus posuerunt librum Esther in Canone; Melito, & Nazianzenus excluserunt; Athanasius nihil certi determinavit. Rursum de Tobia, & Judith dubiè loquitur Hilarius; de Sapientia, & Ecclesiastico Epiphanius. Similiter de Epistola ad Hebreos, & de posteriorē Petri, de secunda, & tertia Joannis, dubitatum est apud Origenem. Apocalypsis posita fuit in Canone ab Athanasio, Ruffino, Hieronymo, Origene; omissa à Cyrillo, & Nazianzeno; in dubium vocata ab Eusebio. Vide plura apud eundem Eusebium. lib. 3. c. 5.

11. Hæc omnis dubitatio per Innocentium Papam sublata est, qui rogatos ab Exuperio Episcopo Tolosano, quid de his dubiis libris statuendum esset, Apostolica authoritate definitivit in Canone ponendos esse, quos supra posuimus, excludendos alios. Quam definitio nem secutus est Augustinus cum aliis Episcopis Africæ in Concilio Carthaginensi; Exuperius cum Episcopis Galliæ; Galesius in Concilio Romano; totus denique orbis Christianus usque ad hæc nostra tempora; soli se ré Lutherani, & Calvinistæ sine causa tergiversantur, & à consensu totum Patrum, & Conciliorum ad paucos illos Patres, qui ante definitionem Innocentii scripserunt, importunè provocant. Sed frustra: nam Patres illi nullo modo ipsis patrocinantur, quod ex dictis facile pacbari potest: *Primo*, quia Patres illi inter se non conveniunt in Canone; nec mirum: nam cum res nondum esset definita ab Ecclesia, alii hanc, alii illam partem probabiliter sequebantur; ergo non omnes saltem possunt allegari pro Lutheranis & Calvinistis, nisi Lutherani, & Calvinistæ velint discrepantes eorum sententias sequi. *Secundo*, nec Lutherani, & Calvinistæ inter se conveniunt in Canone; nam Calvinistæ admissunt Epistolam ad Hebræos, Epistolam Jacobi, & Judæ, & Apocalypsin Joannis, quas rejiciunt Lutherani; ergo si qui Patres favent Calvinistis, non favent Lutheranis; & viceversa, si qui his favent, illis non favent. *Tertio*, plerique ex illis Patribus ingenuè satentur, sibi de quibusdam libris dubium esse, an sint Canonici, nec ne? At Lutherani, & Calvinistæ non volunt esse dubium, sed certum; ergo aliunde, quam ex illis Patribus debent ostendere certitudinem, quod tamen non faciunt.

12. Concludo: Adversarios nihil præsidii pro se habere ex tota antiquitate: nullum Concilium, nullos Patres adduci posse, qui per omnia probent ipsorum Canonem; nam Patres, qui scripsérunt ante Innocentium in multis ab illis discrepant, ut jam ostensum est; qui autem secuti sunt Innocentium, nostrum Canonem approbáreunt.

QUÆSTIO II.

Quæ sit legitima versio Scripturæ? (a)

ANIMADVERSIO.

(a) **D**olent hæretici quæstionem his terminis proponi? male
lent ad suum contentioū genium aliter instauri. Sed
caute ex ratione Beccanus egit; elufit Ministrorum eva-
gationes, & citò ed rem peruenit: Hebreus textus corruptus est,
Graecus corruptus est, ut ostendit Instrucción Theologica Batter-
manni, & Lucas Burgensis, et si alii aliter: quid igitur in incer-
to tricaretur Beccanus? faciunt id litis amantes, non candidi se-
gatores veritatis.

I. **N**os Catholici utimur veteri, ac vulgata versione,
(b) quæ jam multis sæculis in Ecclesia viguit,
& communi Christianorum consensu recepita
est. Hanc repudiant nostri Adversarii, & in ejus locum,
non unam, aut duas, sed propè infinitas suis auditoribus
obtrudunt. Nam alia est versio Lutheri; alia Oeco-
lampadii; alia Theodori Bibliandri; alia Castalionis;
alia Junii, & Tremelii; alia Münsteri; alia Bezae; alias
aliorum: (c) quæ omnes inter se dissident, & ab ipsis
Adversariis meritò reprehenduntur.

ANIMADVERSIO.

(b) **E**a latina est, de hac certum est, esse authenticam, de aliis
jure dubitatur; eadem latina post Beccanum egregiè affer-
ta est in Instruccióne Theologica Battermanni contra
Scheiblerum Tremoniensem Prædicantem anno 1649. Coloniam
cusa. Eadem dicitur passim *vetus*, & *vulgata versio*, ut norunt
litteratores. Quid igitur crocitat Anti-Becanus, Beccanum non
aptè respondisse? quasi etiam Acatholici vulgatā utantur. O ar-
gutulum! habent eam, fateor, Acatholici, et si rari, uti eā
se ipsi negant, nisi capendo, vellendo &c.

2. Sic enim scribit Lutherus in Commentario de
novissimis verbis Davidis in præfatione: *Omnino me-*
lius esset, retinere illam hactenus receptam. Et usitatam
versionem Biblorum, quām tot novas versiones cumulari,
quibus nihil proficitur, nisi, quod dissimilitudo, & di-
screpantia lectionum memoriam lectorum turbat, & au-
diuum remoratur, ac in multis locis incertiores, quām
suerit, dimittit. Et in libro Prophetiarum suarum, qui

a Gregorio Waltero Hallensi Prædicante collectus est:
Tom multæ, inquit, nostro tempore sunt versiones Bibliorum, ut paulatim tam multa futura sint Biblia, quam multi scioli in Hebraica lingua Magistros se profitebuntur.

ANIMADVERSIO.

(c) **I**tà est Tom. 3. Lat. Wittenbergæ editio. Si in Germanica editione aliter habetur, viderint Wittenbergenses, & Jenenses, qui edidere; & doceant, quis impostura usus sit in Quinti Evangeliste verbis corrumpendis? quæ et si conditionata sint, tamen impleta conditione æquivalent absolutæ enuntiationi.

3. Et Rauchlinus (alias Capnion) in Hebræas concordantias Rabbi Nathan: Multæ traditiones Bibliorum in lucem prodeunt, quas melius fuisset non natæ esse, vel statim interiisse. Addit Kemnitius in prima parte Examinis Concil. Trident. Sess. 4. Utile est exstare certam aliquam versionem, quæ in citationibus allegetur. Et Wittakerus controversia 1. quæst. 2. cap. 7. Consultè factura esset Ecclesia, si non cuivis pro arbitratu suo permetteret oiam versionem edere. Et Robertus Stephanus initio Bibliorum suorum, an. 1557. Nullum vertendorum Bibliorum finem fieri; jam multi pridem quaruntur, qui ex re Ecclesiæ esse existimant, certam aliquam ex tanto numero eligere. Hæc sunt testimonia Adversariorum contra se ipsos, ex quibus concludo: ipsos sùò etiam iudiciorum infelices esse, quod non habeant unam certam, & constantem versionem Bibliorum, quam sequantur.

4. Quantò feliores Catholici, qui unam certam, & uniformem habent, quam à majoribus confirmatam, & approbatam acceperunt. Et tametsi toto terrarum orbe diffusi sint, una tamen loquuntur lingua, & iisdem Spiritu S. verbis, ac formulæ assueti sunt. His rectè accommodari potest illud Gen. 11. 1. Erat autem terra labii unius, & sermonum eorundem. Adversariis vero quod sequitur: Confundamus linquam eorum, ut non audiat unusquisque vocem proximi sui. Et certè ita fit: Alter Lutherus, alter Münsterus, alter alii citant eundem Scripturæ locum; aliud alium non intelligit. Catholici inter se conveniunt. Soleo dicere: Catholicos, & Adversarios repræsentare duas familias; in quarum

altera pater, & mater, filii, & filiae, servi, ancillae, eodem loquuntur idiomate, & singuli singulos probè intelligunt; in altera tot idiomata sunt, quot capita: ubi pater gallicè, mater hispanicè, filii latinè, filiae belgicè, servi italicè, ancillæ polonicè loquuntur. Ubi nulla concordia, sed perpetuum jurgium, ac contentio est.

ANIMADVERSIO.

(a) **A** Majoribus, seu communis Christianorum consensu, à multis saeculis receptam vulgatam translationem, approbatamque ait Beccanus; Anti-Beccanus negat; utri credimus? videantur *Textus à SS. PP. & DD.* à plurimis saeculis editi, & è Scriptura citati: an non vulgatae convenienter? si eam aspernati sunt haeretici quidam, more suo fecerunt. Si ignorantibus eâ nisi non sunt, ignoscendum est impotentie, & neutrò vere licebit argumentari, non usurpatam esse; id enim esset fallacia dicti secundum quid, ad dictum simpliciter.

QUÆSTIO III.

Quis sit sensus Scripturæ litteralis, & quis mysticus?

1. **S**oleat distingui duplex Scripturæ sensus; unus litteralis, seu historicus; (a) alter spiritualis, seu mysticus. Litteralis est, qui proximè, & immediate significatur per ipsa verba, sive sint verba propria, sive metaphorica. Mysticus est, qui non significatur proximè per ipsa verba, sed per rem significatam ipsis verbis. Ita *D. Thom. in 1. part. quest. 1. artic. 10.* ubi notat: duplē significare significationem in Scriptura sacra: unam verborum, quæ pertinet ad sensum litteralem; alteram rerum, quæ pertinet ad sensum mysticum, seu spiritualem; nam & verba significant rem aliquam secundum litteram, & res significata per verba iterum significat rem aliam secundum mysterium.

2. Utrumque sensum insinuat Apost. 1. Cor. 10. 1. & seq. cùm ait: Patres nostri omnes sub nube fuerunt, & omnes mare transierunt, & omnes in Mose baptizati sunt in nube, & in mari: & omnes eandem escam spiritalem manducaverunt, & omnes eundem potum spiritalem biberunt. Nam in his, & sequentibus verbis latet duplex

duplex sensus. Unus literalis: qui proximè, & immediate significatur per verba citata: nempe filios Israël, quando ex Ægypto egressi sunt, transivisse mare rubrum, ambulasse sub nube, comedisse manna in deserto, bibisse aquam de petra. Alter mysticus: qui non significatur proximè per verba citata, sed per res significatas verbis citatis; nam per exitum filiorum Israël ex Ægypto per Mosen, significatur exitus noster ex servitute peccati per Christum; & per mare rubrum, significatur Baptismus; per manna Corpus Christi in Eucharistia; per aquam, Sanguis Christi; per petram Christus.

ANIMADVERSIO.

Displices Anti-Becanis duplex iste sensus; quamobrem verò? quia persona dicentis obstat. Cùm Calvinus mentitur, aut blasphemat, placet; cùm verum dicit Becanus, displicet. O tempora! sed ajunt: probet Becanus consequentiam istam. Beneficia Judæis exhibita, & pñæ interrogantes sunt typi nostri; ergo est duplex Scripturæ sensus. Moguntini probarunt pro mortuo, qui eis probationem transcriperat; probaverunt autem hoc modo: unum beneficiorum Judæis præstitorum est lex lata de Agno Paschali comedendo, (*non enim fecit taliter omni nationi*, & *judicia sua non manifestavit eis. Psal. 147. v. 20.*) in qua etiam sunt verba ista: *Nec os illius confringetis. Exod. 12. 46.* Ecce sensus unus litteralis ex Calepino notus. Eadem tamen verba citat Evangelista Joan. c. 19. 36 uti significantia, quòd Christi Domini per Agnum Paschalem significati crura non sint comminuenda. Ecce alter sensus mysticus. Quid jam est, ô Anti-Becane! quod garriebas, nónne sapuisses, si tacuisses; à Moguntinis certè plágas non accepisses. An vero mysticus sensus, qui ad quemlibet Scipturæ locum datur potest, sit à Spiritu Sancto intentus, & certus, judicium personæ Ecclesiam est, cuius est judicare de vero sensu. Nullum repiri sensum mysticum, de quo constet, quòd à Spiritu Sancto sit intentus, est figmentum hereticorum evidenter falsum, & ab ipsis solum falsis argumentationculis assertum. Vide Mogunt., pag. 44. 45. Animadv.

3. Mysticus à Theologis subdividitur in Allegoricum, Anagogicum, & Moralem, seu Tropologicum; sicut enim tres sunt Virtutes Theologicæ, Fides, Spes, Charitas, ita tres sensus mystici. Allegoricus respondet Fidei, Anagogicus Spei, Moralis Charitati. Nam allegori-

goricus est, quando verba Scripturæ præter sensum litteralem, quem habent, significant aliquid pertinens ad Fidem, vel Ecclesiam militarem; quo pacto Abraham, qui secundum sensum litteralem habuit duos filios, unum ex ancilla, & alterum ex libera; allegoricè significat Deum, qui habet duos populos; unum Iudeorum ex Synagoga, & alterum Christianorum ex Ecclesia; hunc sub libertate gratiae Christi, illum sub servitute legis, Mosaicæ. Galat. 4. 22.

4. Anagogicus est, quando verba Scripturæ præter sensum litteralem significant aliquid pertinens ad vitam æternam, seu Ecclesiam triumphantem, quam speramus; quo pacto illud Psal. 94. 11. *Quibus juravi intra mea, si introibunt in requiem meam.* Secundum litteram intelligitur de terra promissionis in Palæstina: Anagogicè de vita æterna, ubi est vera requies: Hebreor. 4. 3.

5. Moralis est, quando verbâ Scripturæ præter sensum litteralem significant aliquid pertinens ad Instructionem morum, vel officia charitatis: quo pacto illud Deut. 25. 4. *Non alligabis os bovi trituranti;* secundum litteram intelligendum est de veris bobus: at moraliter de Concionatoribus, qui non debent impediri, quo minus petant sustentationem à populo. 1. Cor. 9. c. 9.

6. Est ergo quadruplex Scripturæ sensus. Primus litteralis. Secundus allegoricus. Tertius anagogicus. Quartus moralis; qui omnes ostendi solent in voce, Hierusalem; nam illa vox litteraliter significat Urbem Palæstinæ: allegoricè, Ecclesiam militarem; anagogicè, Ecclesiam triumphantem; moraliter, animam hominis in hac vita. Omnes item notari solent in Epist. ad Galat. cap. 4. Nam litteralis est in his verbis: *Abraham duos filios habuit, unum de ancilla, & unum de libera.* Allegoricus in illis: *Hac sunt dno Testamenta.* Anagogicus in istis: *Illa autem, quæ sursum est Hierusalem.* Moralis in his: *Quomodo tunc is, qui secundum carnem fuerat, persequebatur eum, qui secundum spiritum, ita, & nunc.*

7. Notatum est à viris doctis, juxta hos quatuor sensus Scripturæ, quatuor esse Doctores Ecclesiæ; Hieronymum, Ambrosium, Augustinum, Gregorium, & singulos in singulis sensibus excelluisse: Hieronymum in litterali, Ambrosium in allegorico, Augustinum in anagogico, Gregorium in morali.

QUÆSTIO IV.

An sensus literalis sit obscurus?

1. **A**DVERSARI docent Scripturam, quoad sensum litteralem, qui præcipuus est, esse claram, perspicuam, & intellectu facilem. (a) Et probant ex illo Psalm. 118. 105. *Lucerna pedibus meis verbum tuum, & lumen semitis meis.*

ANIMADVERSIO.

HÆretici hæc dicentes sunt duplii in classe: alii totam secundum omnes suas partes Scripturam claram esse dixerunt cum antesignano Lutherio Lib. 2. de lib. arbitrio. Alii postea Catholicorum argumentis convicti cœperunt distinguere dicentes: ad salutem necessaria omnia in Scripturis esse clara, cætera non. Contra utrosque agetur à Beccano, contra priores explicitè, contra posteriores implicitè iisdem argumentis. Lecto adverterat, supponens, quod tota Scriptura Sacra sit tanquam verbum DEI credenda, nulla, nella parte excepta; quod ipsi heretici nostri ponunt nobiscum. Procedit Beccanus in aciem.

Nos contra contendimus, sæpe obscuram esse, quod variis modis ostendi potest. *Promò: exemplò discipulorum euntium in Emmaus*, qui non intelligebant Mosen & Prophetas, nisi Christus interpretaretur. *Luc. 24. 27.* Secundò: exemplò Eunuchi Reginæ Aethiopum, qui rogatus a Philippo, an intelligeret Isajam Prophetam, quem legebat, respondit: *Quomodo possum, si non alius quis ostenderit mihi?* *Act. 8. 30.* Tertio: exemplò Apostolorum, qui multa eorum, quæ a Christo dicebantur, & nunc scripta sunt in Evangelio, non intelligebant. *Matt. 16. 11. Luca 18. 34.* Quartò: authoritate Petri, qui fatetur in Epistolis Pauli Apostoli, quædam esse difficultas intellectu. *2. Pet. 3. 16.* Quinto: consensu omnium Interpretum; nam si Scriptura esset clara, & perspicua,

non

non opus esset tot Interpretibus, tot Commentariis, tot quæstionibus, & controversiis. Sextè: inductione constat obscurissimam esse Prophetiam Ezechieli de visione quatuor animalium. Constat Prophetiam Danielis de septuaginta hebdomadibus, & de abominatione desolationis, multorum ingenia exercuisse, & adhuc exercere, de qua Christus Matt. 24. v. 15. Qui legit, intelligat. Constat totam Joannis Apocalypsin plenam esse reconditis mysteriis, & (ut loquitur D. Hieronymus in Epistola ad Paulinum) tot habere Sacra menta, quot verba. Constat in reliquo Bibliorum codice multa esse obscura, ex quibus aliqua commemorabo.

2. Obscurum est illud 1. Corinth. 3. v. 12. Si quis superaedificat super fundamentum hoc, aurum, argentum, lapides pretiosos, ligna, fænum, stipulam, uniuersusque opus manifestum erit. Dies enim Domini declarabit, quia in igne revelabitur; & uniuersusque opus, quale sit, ignis probabit. Si cuius opus manserit, quod superaedificavit, mercedem accipiet; si cuius opus arserit, detrimentum patietur; ipse autem salvus erit, sic tamen quasi per ignem. Vide Augustinum in lib. de fide, & operibus cap. 15. Ubi disertè scribit: hunc locum esse unum ex iis, de quibus loquitur Petrus loco citatō, cùm ait: In Epistolis Pauli quadam esse difficultas intellectu.

3. Aequè obscurum est illud 1. Corinth. 15. 29. Quid facient, qui baptizantur pro mortuis, si omnino mortui non resurgunt? ut quid & baptizantur pro illis? Non enim facile est explicare, quid hoc loco significet Baptizari. Item, quid pro mortuis baptizari. De quo existant sex diversæ opiniones apud Bellarminum l. 1. de Purg. c. 4.

4. Similiter illud Hebr. 6. 4. Impossibile est enim eos, qui semel sunt illuminati, gustaverunt etiam donum cælestis, & participes facti sunt Spiritus Sancti, & prolapsi sunt, rursum renovari ad pœnitentiam, rursum crucifigentes fibram etiæ filium DEI. Quæ verba obscurissima sunt, & ex aliis male intellectis orta est heres Novatianorum tempore Cypriani, qui docebant: lapsus non esse dandam pœnitentiam, aut veniam.

5. Denique, ut alia sexcenta omittam, obscurum est illud Ecclesiast. 42, v. 14. Melior est iniq[ue]itas diri, quam mulier benefaciens. Quod objici debet curiosis mulieribus, quae putant se Scripturam intelligere, & ad citanda Scripturæ testimonia ultrò se obrudunt.

6. Nec obflat illud, quod ab Adversariis objicitur: *Lucerna pedibus meis verbum tuum, & lumen semitis meis.* Nam ALIUD est verbum DEI ex se clarum, ac perspicuum esse, ut primitus à legente ipsum intellegatur, quod negamus cum Davide, qui ait ibidem: *Revela oculos meos, & considerabo mirabilia de lege tua.* Item: *Da mihi intellectum, ut sciam testimonia tua.* Item: *Faciem tuam illumina super seruum tuum, & doce me justificationes tuas.* Ubi petit gratiam à DEO, ut possit Scripturam intelligere; insinuans adeò obscuram esse, ut sine peculiari DEI illustratione intelligi non possit. Quod etiam affirmat Apost. 2. Petr. 1. 21. cùm ait: Scripturam non ab homine, sed à DEO inspiratam esse, ac proinde non humānō, sed divinō præsidiō intelligentiam ipsius haberi posse. Vide plura sequenti quæstione.

7. ALIUD verò est verbum DEI, quando jam alicui semel ex divina inspiratione cognitum, & intellectum est, dirigere illum in suis actionibus, ne erret: sicut lumen, vel lucernam videri, est aliud: aliud dirigere illum, ne in soveam cadat, aut in lapidem impingat. Et hoc posteriore sensu ait David: *Lucerna pedibus meis verbum tuum, & lumen semitis meis.* Verbum tuum non absolute, sed quatenus divina illustratione à me cognitum est. Vel, ut ipsem ait in eodem Psalmo: *Declaratio sermonum tuorum illuminat.* Non dicit: *sermones tui,* sed *declaratio sermonum tuorum* præbet mihi lumen, ut videam, & consequenter securè ambulem.

ANIMADVERSIO.

Quomodo eadem argumenta implicitè tendant contra hæreticos dicentes: partem Scripturæ proponentis necessariè ad salutem, esse claram intellectui cuiuscunq[ue], etiam invocanti DEUM, & se disponenti ad intelligendum, ostenderunt Moguntini; & patet volenti non cœcutire. Nam Eunuchus adoraverat in Jerusalem, & solus legebat Isaiam, de Christo pro nobis

bis passo, quod scire necessarium est ad salutem, & tamen non intelligebat. Denique DEUM esse unum in natura, trinum in Personis, fidei articulus est magnus, & in professione Trinitatis expressa esse baptizandum, necesse est credere; at ubi hæc clare exprimantur, dicat Acatholicus sive Traditione, & erit magno Apollo. Vana itaque loquuntur, & mendacium, qui claritatem verbis ex instituto, modò late, modò strictè, modò diversas plane res significantibus affingunt.

QUÆSTIO V.

Unde oriatur obscuritas Scripturæ?

I. **O**Ritur ex duplice capite: 1. ex rebus ipsis, quæ tractantur in Scriptura. 2. ex modo, quô tractantur. Res, quæ tractantur, sunt scilicet quadruplices. Primo, Historiæ, ut patet in Genesi, Exodo, Numeris, Deuteronomio, Iosue, libris Judicum, Regum, Paralipomenon, Esdræ, Judith, Tobiæ, Esther, Job, Machabæorum; itemque in Evangelio, & Actibus Apostolorum. Secundo, Vaticinia, seu Prophetiæ, quæ in Psalmis, in majoribus, & minoribus Prophetis, & in Apocalypsi Joannis majori ex parte consignatae sunt. Tertio, Mysteria fidei, præsertim de Trinitate, Incarnatione, Prædestinatione, Fidei justificante, de præsentia Corporis, & Sanguinis Christi in Eucharistia, & de similibus. Quartò, præcepta, & documenta moralia de virtutibus, & vitiis; tametsi ergo, neque in his, neque in historiis sit fortasse magna obscuritas ex parte rerum; summa tamen est in prophetiis, & mysteriis fidei. Hæc enim superant hominum captum, & intelligentiam: neque percipiuntur a nobis, nisi in ænigmate juxta illud Apostoli. 1. Corin. 13. 12. *Videmus nunc per speculum in ænigmate, tunc autem facie ad faciem.*

ANIMADVERSIO.

A NTI-BECAUS oggerit. 1. PP. dicunt Sacram Scripturam esse claram. R. Iota, nego, pars, conc. 2. Nullum Beccanus audet producere ex PP. vetustis testem de obscuritate Sacrae Scripturæ. R. Produxit Bellarm. lib. 3. c. 1. & noluit Beccanus actum agere. 3. Veteres sine Commentariis intellexerunt Scripturam. Origenes enim prius commentatus est in Scripturam. R. Utrumque falsum est. Justinus, Ireneus, Clemens Alexand.

Heraclitus, & alii ante Origenem fuere, & hi vivos magistros in Script. Sacr. intelligendis habuerunt vel Apostolos, vel eorum discipulos. 4. Ex obscuritate rerum non recte concluditur obscuritas Scripturæ. R. Lepida Objectio, quæ quod negat, affert. Radix obscuritatis verborum est obscuritas rerum, pro quibus verba supponuntur, & quidem ex solo instituto, non natura, ut vestigium aliquod pro pede animalis.

2. Jam vero modus tractandi saepè obscurus est propter has causas. Primo, quia in Scriptura sunt frequentes tropi, schemata, hyperbolæ, metaphoræ, allegoriæ, quibus tanquam involueris multæ veritates occultantur, quæ lectori non statim innotescunt. Auget hanc obscuritatem, quod aliquando unum, idemque vocabulum, nunc propriæ, nunc figuratè usurpetur in eadem sententia, v. gr. Joan. 4. 13. Qui bibet ex hac aqua fit iterum: qui autem biberit ex aqua, quam ego dabit ei, non fit in eternum. Ubi bibere, & fitire in priori parte sententiae sumitur de corporali, in posteriori de spirituali. Item 2. Cor. 5. 21. Eum, qui non noverat peccatum, pro nobis peccatum fecit. Ubi peccatum priori loco sumitur propriæ pro peccato, posteriori figuratè pro hostia, quæ offertur pro peccato. Nam sensus est: Deus voluisse, ut Christus, qui non peccaverat, esset hostia pro peccato totius humani generis. Omitto similis Scripturæ loca, quæ passim occurunt.

3. Secundo, non solum in vocibus, & dictiōnibus, sed etiam in rebus ipsis reperiuntur figuræ; nam una res saepè est figura, seu typus alterius rei per illam significatæ. Quod pætò Agnus Paschaloris fuit figura Christi: Mare rubrum, Baptismi: Manna, Eucharistiae: Mons Sion, Ecclesiæ: & sic de cæteris. Hinc triplex oritur obscuritas: Primus, quia non statim constat, quæ res, & cuius rei figura sit. v. g. Non constaret Agar, ancillam Abraham, fuisse figuram Synagogæ, & Sarah, uxorem Abraham, fuisse figuram Ecclesiæ, nisi Apostolus ex peculiari instinctu Spiritus Sancti id est explicasset. ad Galat. 4. 24. Secunda, quia una res aliquando est figura rerum diversarum, etiam repugnantium. Sic Jonas fuit typus Christi, Matth. 12. 40. & simul typus populi Iudaeorum, qui Christo erant contrariorum; nam sicut Jonas dolebat de peccatis

Intentia Ninivitarum, ita Judæi postea doluerunt de vocatione gentium. Vide Augustinum Epist. 49. quæst. 6. *Tertia*, quia aliquando fit, ut res aliqua, quæ est figura alterius, repræsentet illam in uno, & omnino dissimilis sit in alio. Quod pœtæ fœmina fornicaria, quam Oseas Propheta jussus est accipere in uxorem, fuit typus Synagogæ; quam quidem in eo repræsentabat, quod sicut ipsa commiserat fornicationem carnalem, ita Synagoga spiritualem, quæ in cultu Idolorum consistit, at in eo discrepabat, quod ipsa, postquam Oleæ nupserat, non rediit ad carnalem fornicationem: Synagoga vero, postquam Deo fuit reconciliata, iterum in idolatriam lapsa est.

ANIMADVERSIO.

Tam clare probans Propositum nondum placet Anti-Becanis. Cur vero? affectu agunt, non iudicio. Volunt esse claram Scripturam, at quomodo suadent hoc? totam, si non urges; si urges, partem, quæ agit de Fidei, & morum dogmate. Sed qui quæsto, probant hoc? 1. Symbolum Fidei, & Decalogus clara sunt, etiam Bellarmino confitente. Rq. Distinguendo: Generali, & confusa notitia sunt clara; ita, ut audiens Christum esse crucifixum, mortuum, & sepultum, bene capiat, non esse Christum raptum curro igneo, uti Elias, & translatum adhuc vivere, expertem mortis. Ita concedunt Catholici: at distincta, & particulari notitia clara sunt, negant, patet: Calvisius Tō descendit ad inferos, exponit: Christum in cruce inferni damnationem tolerasse cum desperatione, & ante mortem: Catholici post mortem secundum animam ad infernas tertæ partes Judicem, & Vindicem descendisse. Cui jam fulget claritas: 2. ajunt, de obscuris rebus posse clarè dici. Rq. Distingu. quoad Scientem res obscuras, conc. Quoad ignorantem, neg. Vel, ut ante distinctum est: clare generaliter esto, clare specializer, falsum est. 3. dicunt: generalis illa notitiae claritas, sive Tō ὅτι sufficit, eti specialis, sive διότι defit. Rq. neg. Trinitatem noverant generali notitia clari Samosateni, Ariani, Sabelliani, Macedoniani, Tritheitæ &c. quam tamen turpiter erraron defictu notitiae specialis, & διότι, & hodie Tō ὅτι Hoc est Corpus meum, scimus clare generali notitiae; speciali in quo Sectas non abiérunt Sacramentarij? CII. explicationes pugnantes colligit Catholicus ex ipsorum Scriptis, & tamen omnibus illis claram est verbum DEI.

4. *Tertiò*, sæpè etiam in Scriptura occurunt appa-
rentes contradictiones, quæ Lectori magnam patiunt
difficultatem. Ex multis unam, aut alteram recensebo:
Scriptum est 1. Reg. 15. 11. *Pœnitet me, quod consti-*
tuerim Saul Regem. Ad contra Rom. 11. 29. *Sicut pœ-*
nitentia enim sunt dona, & vocatio DEI. Item scriptum
est 3. Reg. 8. v. 9. *In Arca autem non erat aliud, nisi*
duæ tabulae lapideæ, quas posuerat in ea Moysæ in Horeb.
At contra Hebr. 9. v. 4. *In Arca erat urna, habens man-*
na, & virga Aaron, quæ fronduerat, & tabula Testamenti.
Et plures aliae, quas alibi recensui ex Augustino.

5. *Quartò*, verba Scripturæ sæpè efficiunt ambiguum
sesum ex defectu distinctionis, præsertim, quando agi-
tur de Deo, de Christo, de adventu Christi, de Ecclesia.
Nam in Deo spectari potest, vel unitas essentiæ, vel
Trinitas Personarum. In Christo, vel humana natura,
vel divina. Adventus Christi duplex est: prior in na-
tivitate, posterior in die judicii. Ecclesia similiter vel
est militans in terra, vel triumphans in cœlo &c. Cùm
ergo Scriptura de his loquitur, sæpè dubium, & obscu-
rum est, quo sensu de illis loquatur: an scilicet de Deo,
quatenus est unus in essentia, an quatenus est trinus in
Personis? an de Christo, quæ Deus, an quæ homo est?
an de primo ipsius adventu, an de secundo? an de Ec-
clesia militante? an de triumphante? De singulis dabo
exemplum. De Deo Matth. 6. 9. *Pater noster, qui es*
in cœlis. Dubium est: an iermo sit de Deo quoad uni-
tatem essentiæ? an quoad distinctionem Personarum? i
vel ut proponunt Scholastici: an nomen Patris sumatur
ibi essentialiter, quatenus est commune tribus Personis?
an personaliter, quatenus convenit soli Personæ primæ?
De Christo Col. 2. 15. 16. 18. *Qui est imago DEI in-*
visibilis, Primogenitus omnis creature; omnia per ipsum,
& in ipso creata sunt. Et ipse est Caput corporis Ecclesia;
Primogenitus ex mortuis. Hic etiam dubium est: an
hæc intelligi debeant de Christo secundum divinitatem,
an secundum humanitatem? an utroque modo? De ad-
ventu Christi. Hebr. 1. 6. Et cum iterum introducit
Primogenitum in oruem terræ, dicit: *& adorent eum*
omnes

omnes Angeli DEI. Quod aliqui intelligunt de primo Christi adventu, qui factus est in Nativitate, alii de secundo, qui fieri in die Judicij. Si spectamus particulam iterum, videtur intelligendum de secundo. Si alias circumstantias, de primo. Videantur Interpretes de Ecclesia. Galat. 4. 26. Et Ephes. 5. 25. Et Hebr. 12. 22. similis est difficultas.

6. Quinto, ad hoc genus obscuritatis potest etiam revocari: quod, quae in Scriptura dicuntur de Christo, aliquando intelligantur de Capite Ecclesiae, quod est Christus; ut Matth. 28. v. 20. *Ecce ego vobis sum omnibus diebus usque ad consummationem saeculi.* Aliquando de Corpore, seu membris Ecclesiae, qui sunt Fideles: ut Actor. 9. v. 4. *Saul!* Saul! quid me persequeris? Aliquando de utroque per Psalm. 2. v. 2. *Astiterunt Reges terrae, & Principes condederunt in unum adversus Dominum, & adversus Christum ejus.* Quod in Capite olim impletum est, & nunc quotidie impletur in Membris.

7. Sexto, sèpè fit, ut verba Scripturæ non significent id, ad quod significandum ex communi hominum sensu, ac judicio destinata sunt, sed aliquid aliud, ad quod significandum ex speciali Dei voluntate assumuntur. Et ex hoc capite sensus illorum nobis obscurus est, quia putamus illa sumi priori modo, cum tamen sumantur posteriori: v. g. Christus ait: Joan. 10. v. 30. *Ego, & Pater unum sumus.* Quae verba, quatenus à Deo assumuntur, significant Patrem, & Filium esse unius Naturæ, & Essentiæ, salva Personarum distinctione. At ex communi hominum judicio hoc non significarent; nam ex communi hominum judicio (seclusa Dei revelatione) ubi est una tantum natura, & essentia, ibi est una tantum persona. Ac proinde, qui juxta commune hominum judicium diceret: Marcum, & Tullium esse unius naturæ, & essentiæ, diceret, etiam esse unam, eandemque personam. Et contra, qui diceret: esse duas personas, negaret, esse unius naturæ, & essentiæ.

8. Sunt & aliae causæ obscuritatis, quas tantum insinuabo. 1. Sèpè in Scripturis, ubi minimè putamus,

Subitò fit transitus de carnalibus ad spiritualia, de temporalibus ad æterna, de persona ad personam, & è contrario. Quô paſtò *I/aiæ* 7. fit transitus à duobus Regibus ad Beatam Virginem. Et cap. 14. à Rège Babylo-
nis ad Luciferum. Et *Pſal.* 71. à Salomone ad Christum.
Et *Ioan.* 6. à panibus hordeaceis ad Eucharistiam Vide
D. Hieron. lib. 5. in Isaiam cap. 16. Et *Riberam in cap. 1.*
Oſea v. 3. 4. Secundò, sæpè in Prophetis non servatur
ordo rerum gestarum. Tertiò, sæpè supputatio anno-
rum non apparet liquida. Quartò, sæpè occurunt
Hebraismi, qui à paucis intelligi possint. Plura de his
alibi à me dicta sunt.

ANIMADVERSIO.

Anti-Beeani his nihil moti ajunt: verba clara sunt; si non intelligantur, ideo fit, quia præjudicio occupati homines, vel superbia, vel alij vitiis veritatem clare lucentem impediunt. Audimus, sed non credimus: solos, qui hoc dicunt, his vitiis carere, ceteros abundare. Lutheraci hoc de Calvinistis queruntur; Calvinistæ de Lutheranis, utriusque de Catholicis, & h[ab]e de utrisqué; &c. omnibus damnatis per Concilia, & Patres; cui credendum sit, disputatur. Calvinistæ, & Lutherani nondum probârunt se clare intellexisse, & his vitiis liberos esse; Catholici ex SS. PP. qui ab initio Ecclesiæ floruerunt, probant, se docere es, quæ ab Apostolorum temporibus credita sunt. Videantur demonstrationes *Jul. Cæſaris Coturii. Tabula Gualterii &c.* Et acutè observavit F. Hieronymus Mülman in mysterio fraudis, quod raro, vel nunquam erent Prædicantes pro intelligendo verbo DEI.

Sed hinc nascitur alia quæſtio, quæ etiam paucis explicatur. Nimisrum:

QUÆSTIO VI.

Cur DEUS voluerit Scripturam esse obſcuram?

Variæ possunt assignari rationes; haec tres præci-
puæ sunt: *Prima*, ut in Ecclesia servetur ordo
inter Doctores, & discipulos, inter Pastores, &
oves; qui non servaretur, si Scriptura esset tam clara, ut
promiscue ab omnibus intelligi possit. *Ephes. 4. 11. & 1.*
Cor. 12. 29. *Altera*, ut major sit authoritas, & majestas
Scripturæ, quæ vilesceret, si omnibus etiam infidelibus
esset clara, & obvia. *Matth. 7. v. 6.* *Nolite dare sanctum*
canibus, neque mittatis margaritas vestras ante porcos, ne
forte

fortè conculcent eas pedibus suis. Tertia, ut non detur nobis occasio superbiæ, quæ sine dubio daretur, si putaremus profundissima Fidei mysteria facile à nobis comprehendendi posse. Hæc occasio sublata est; videmus enim tantam esse Scripturæ obscuritatem, ut nostris viribus eam superare nequeamus; ideoque & aliorum ope indigere, & ad Deum confugere necesse esse, ut mentes nostras illuminet, & mysteriorum arcana patescat. Sicut fecit David: *Revela oculos meos, & considerabo mirabilia de Lege tua.*

2. Hinc sit, ut homines elati, ac superbi, qui suò iudiciō prudentes sunt, & proprio ingenio multum tribuunt, non assequantur legitimum Scripturæ sensum, quia DEUS superöis resistit, & humilibus dat gratiam. Et hoc est, quod Christus ait: Matth. 11. v. 25. *Confiteor tibi Pater, &c. quia abscondisti hæc à sapientibus, & prudentibus, & revelasti ea parvulis.* Et Apost. Rom. 1. 22. *Dicentes se esse sapientes, stulti facti sunt.* Tales sunt hæretici.

3. Sed objiciunt: nos Scripturam arguere, quando dicimus obscuram esse. Non ita est: non arguimus, sed laudamus; sicut enim laudari potest ab origine, quia divina est; & à certitudine, quia infallibilis est: sic etiam ab obscuritate, quia reconditis mysteriis, & Prophetiis plena est. Quod pulchre explicat Theodoretus Praefatione in Ezechielem, ubi variis exemplis ostendit ea omnia, quæ pretiosa sunt, ab hominum sensibus remotiora esse. 1. Quia margaritæ in profundo maris occultantur. 2. Auri, argentique venæ in terræ superficie non apparent, sed in intimis ejusdem partibus continguntur. 3. Quæ item in domibus pretiosissima sunt, non solemus palam exponere, sed in penuariis, impositis etiam vinculis, ac sigillis custodire. 4. Consilia quoque earum rerum, quæ sunt majoris momenti, non omnibus temerè, sed fidelioribus tantum amicis aperta esse volumus. Hinc insert: cùm his omnibus, quæ jam dixi, præstantiora sint divina, quæ in Scriptura continentur; meritò factum esse, ut ab hominum sensu, & intelligentia sint remotiora.

QUÆSTIO VII.

*Quis debeat Scripturam, cùm obscura sit,
interpretari?*

1. **D**EUS, ut paulò antè insinuavi, voluit hunc ordinem servari in Ecclesia: ut alii doceant, alii discant, alii Scripturam interpretentur, alii alia officia exerceant. Unde sequitur, non omnes, sed paucos ex Dei ordinatione debere Scripturam interpretari: & præsertim eos, quibus id ex officio incumbit, & qui ad hoc à Deo electi sunt, juxta illud Ephes. 4. 11. *Ipse dedit quosdam uidem Apostolos, quosdam autem Prophetas, alias verò Evangelistas, alios autem Pastores, & Doctores.* Et 1. Corinth. 12. 29. *Numquid omnes Apostoli? numquid omnes Prophetæ? numquid omnes Doctoř est? numquid omnes interpretantur?* Quasi dicat: minimè. Aliorum est docere, & interpretari; aliorum audire, & discere.

2. Quod ibidem pulchra declaratur similitudine, quæ ab humano corpore sumpta est. Nam sicut in humano corpore sunt multa membra, & non omnia exercent idem officium; ità in Ecclesia, quæ est Corpus Christi multi sunt fideles, & non omnes eandem à Deo gratiam & operationem habent; nam uni datur sermo sapientiæ, alteri operatio virtutum, alii discretio spirituum, alii interpretatio sermonum. Et ut loquitur idem Apostolus Roman. 12. 3. *Unicuique sicut Deus voluit, divisit mensuram Fidei.* Quod sic explico: sicut oculi non usurpant sibi officium audiendi, nec aures bibendi, nec pedes comedendi, quia hoc illis à Deo concessum non est; ità in Ecclesia non omnes debent sibi usurpare officium docendi, & Scripturam interpretandi, nec omnes miracula operandi, quia Deus unicuique divisit, sicut voluit. Et alii debent esse Doctores, alii auditores, & sic deinceps.

3. Contra hunc ordinem peccant Adversarii, qui omnibus etiam laicis, & mulierculis permittunt libertatem legandi, & interpretandi Scripturam; cùm ad hoc

hoc officium à Deo minime vocati, ac proinde néc idonei sint. Et eò res jam rediit, ut nullus ferè sit caupo, aut sartor, aut chyrurgus apud Lutheranos, & Calvinistas, qui non putet, se suo marte Scripturam intelligere, & interpretari posse: ideoque alterius instru-
ctione non indigere. Audiant illud apostoli 1. Corint.
12. 21. Non potest oculus dñe e manu: opera tua non
indigo; aut iterum casut pedibus: non estis mibi ne-
cessarii. Audiant & illud 1. Timoth. 2. 12. Docere
mulieri non permitto.

4. Nihilominus Gardius Lutheranus, quod mirum
est, objicit Timotheum didicisse Scripturam à matre,
& ab avia, ac proinde mulieres docere posse Scripturam.
2. Tim. 1. 5. Et ibidem cap. 3. 15. Sed nihil tale ha-
betur locis citatis. Priori solùm dicitur: matrem, &
aviam suiss fideles, tametsi pater fuerit gentilis. Po-
steriori, Timotheum ab infancia Scripturam didicisse,
à quo autem didicerit, non additur. Gardius fingit, à
matre, & avia didicisse, sed non probat. Cur non po-
tiùs didicit ab aliquo Legi Doctore? sicut Paulus, cùm
puer esset, didicit à Gamalièle. Act. 22. v. 3. Cur
non in Synagoga, vel templo? ubi pueri solent con-
venire. Luc. 2. v. 46. Certum mihi est, ab Apostolo
Paulo multa illum didicisse. 2. Tim. 1. v. 13. Formam
habe sanorum verborum, qua à me audisti in Fide. Et
cap. 3. v. 10. Tu autem affectus es meam doctrinam.
Et infra: Tu vero permane in iis, que didicisti, sciens,
à quo didiceris. Id est: à me, non à matre, vel avia.

QUÆSTIO VIII.

*An Lutherani, & Calvinistæ habeant veram
Scripturam?*

1. **N**on habent, quod ex dictis sic probo: Tria po-
tissimum spectari debent in Scriptura. 1. Ca-
non, seu Catalogus librorum Scripturæ. 2.
Versio, seu editio. 3. Sensus, & interpretatio. Atqui
Lutherani, & Calvinistæ nec habent authenticum Ca-
nonem, nec authenticam versionem, nec authenticam

interpretationem; ergo non habent authenticam Scrlpturam. Minor Propositio quoad singulas partes, facile demonstrari potest. (a)

ANIMADVERSIO.

(a) **M**ajor Syllogismi latens est hæc: illi non habent versum Scripturam Sacram, qui non habent certum, seu authenticum ejus Canonem, & versionem, seu editionem, & interpretationem. Quid ad hanc Anti-Becani? negant. Quare? Ex ea sequitur Apostolos, & primos Patres non habuissent veram Scripturam, quia nec illi haberunt Canonem verum Scripturæ à Catholicis assertum. Innocentius I. eum facit. Atrox sequela! an idè Major sua dimittenda est Becano! Minime. Errant illi, non Becanus. Innocentius I. non fecit Canonem Scripturæ, sed definivit eum esse legitimum, non aliud. Quisquis igitur ante Innocentium I. istum habuit, verum Canonem habuit. Apostoli Canone non eguerunt. sed ipsi eum condidere, à quibus Traditione acceptus definitione Pontificis, quoties opus fuit, est stabilitus. Stat ergo immota Major Becani etiam arietata.

2. *Primò*, Non habent authenticum Canonem; quia nec Canon Lutheranorum, nec Canon Calvinistarum (qui inter se dissident) fuit unquam ab Ecclesia approbatus. Nam à tempore Innocentii I. semper in Ecclesia viguit Canon Catholicorum, qui in Concilio Trident, consignatus est: ante tempora Innocentii non reperies, vel duos authores, qui in omnibus, vel Lutheranorum, vel Calvinistarum Canonem amplexi sint. (b)

ANIMADVERSIO.

(b) **A**nti-Becanus conatur aliter persuadere; quomodo? ait: Synagogam Judeorum approbabisse Calvinianum Canonem pro 1. parte, id est: veteri Testamento; pro 2. parte non. Sed decipit iste Anti-Becanus bis, 1. Synagogæ Apostatricis hodiernæ Canonem pro Synagogæ fidelis Canone obtrudit. 2. Mentitur Canonem Calvinianorum cum Synagogæ hodiernæ Canone consentire. Mendacium in eo est: quod Calvinistæ librum Tobiae, Judith, Sapientiæ, Ecclesiastici, & Machabæorum politicè excludunt à divinis libris: Judæi autem solum illis libris in Hebreo textu carent; quæ sunt longè diversæ: uti negare, & non habere, vel tacere. At Coocilium Laodicenum, & Origenes consentit cum Calvinistis in Canone iterum mendacium: hi excludunt, quæ isti vel tacent, vel positivè admittunt. Vide Euseb. Hist. Eccl. lib. 6. 2. " de Origenis sententia contra Calvinistas.

3. Secundū, Non habent authenticam versionem, vel editionem. (c) Multas quidem habent, ut supra dixi; sed novas, suspectas, & ab ipsis etiam damnatas. Lutheri versionem carpunt Tigurini, Osiandrini, Bucerius, Münsterus, Lutherus ipse; nam Tigurini multis fannis illam excipiunt, ut conqueritur Stolzius in defensione Lutheri. Osiandrini objiciunt illi dolum, & falsitatem: Bucerius manifestos, & non paucos lapsus: Münsterus multorum versuum omissionem. Denique Lutherus ipse post viginti annos fassus est: se crebrius errasse, eò, quod Rabbinorum glossis nimium credidisset, ut testatur Cochlaeus in Actis Lutheri, Lindanus in Dubitatio, & alii. Versionem Bezae damnant Castilio in Praefatione ad Anglam; Samuel Huberus in Libro de ultimae tubae clangoribus; Hugo Bruchtonus, & quis non? viciissim versionem Castelionis reprehendit Beza in suis Annotationibus tanquam fallam, ineptam, imperitam, audacem, blasphemam, vitiosam, ridiculam, execrandam, erroneam, impiam, perversam.

ANIMADVERSIO.

(c) **S**UFFICIT versio, vel editio authentica ad hoc, ut Scriptura vera dicatur haberi; neutrum habent heretici; vulgari- zant enim, & Latinam authenticam contemnunt. Græca, & Hebræa plurimas dubias, & verè corruptas habet lectiones. Videatur Instructio Theologica Battermanni, &c. ergo veram non habent. Sed: an Latina versio authentica est? est. Unde talis est? à Spiritu S. qui in gratiam Sponsæ suæ Ecclesiae dictavit, seu direxit; ne Scriptor in ullo à genuino DEI Scripturarē sensu aberraret. Quis ille Scriptor? antiquior Hieronymus, vel ipse certè hic recensuit. Sed Hieronymus non vult suam versionem pro authentica haberi; cedo. Concilium certè cum Romano Pontifice congregatum vult, & definivit; qua potestate id fecerit? Controv. 4. & 5. videbis.

Ausus est hanc confessionem Lutheri impudenter negare Prædicens Castellen. Sed expavit verbis Lutheri sibi ē Tom. 3. Wittenb. Latino Præfat. in Explic. super novissima verba Danielis, adnumeratis. Vide Moguntinos. Quod autem Adversarii latine versionis garriunt de erratis vulgatæ; nugæ, & imperitiæ calumniatorum sunt. Vide Bellarm. lib. 2. de verbo DEI cap. 11. &c. Et Gretserum pro Bellarm. in ea capita brevissime Instruct. Theolog. Battermanni.

4. *Tertiò*, Non habent authenticam Scripturæ interpretationem, sed novam, inauditam, & omnibus bonis Authoribus repugnantem. Quod paucis exemplis declarabo: legimus Matth. 19. 17. *Si vis ad vitam ingredi, serva mandata.* Hoc Calvinus non serio, sed ironice a Christo dictum esse interpretatur, ut sensu sit: ne serves mandata, quia illorum observatio nec prodest, nec possibilis est. Item legimus Matth. 26. 28. *Hic est Sanguis meus novi Testamenti.* Et Luc. 22. 20. *Hic est Calix novum Testamentum in Sanguine meo.* Quod Lutherani sic interpretantur: hoc vinum significat meum sanguinem. Plessaeus lib. 4. de Eucharist. c. 2. sic: *Hæc est acerba mors, quam paulò post sustinebo.* Item legimus Actor. 2. 27. *Non derelinques animam meam in inferno.* Quod Beza in Commentario illius loci sic explicat: non derelinques cadaver meum in sepulchro. Plura hujus generis exempla occurrent in sequentibus.

ANIMADVERSIO.

Anti-Becanus queritur 1. Injuriam fieri Calvinum, cum dicitur: quod is doceat Christum ironice dixisse: *Serva mandata: & DEUM in omnibus ferè rebus salutis nostræ ironice nobiscum agere;* sed male queritur: Moguntini monstrant, ita docere Calvinum; sic qui dicit: Mandata DEI impossibile esse servare hominem, & nihilominus fertur, DEUM dicere: *Serva mandata:* is docet: DEUM ironice loqui. Prus est dogma Calvini, & Calvinistarum in Catech. Heidelberg. Et alterum de DEO cum multis similibus fateretur Calvinus, & Calvinista, alijs negarent Scriptoram; ergo Calvinus, & socii ejus dicunt, DEUM ironice nobiscum loqui in negotio salutis. Ecce prolatam blasphemiam de Calvinis, & sociis. Vid. Mogunt. Quod autem Anti-Becanus ogget; Catholicos etiam subinde errare interpretando Scripturas, frustra oggetis; nam omnes simul errant, aut errarunt, falsum est; hic vel ille particulatis, confessum est, antequam Anti-Becanus lallaret.

2. Dicit Calvinum verba Corin. exposuisse cum S. Augustino: *vinum esse sanguinem Domini, non rei veritate, sed significante mysterio.* Sed falsum afferit Anti-Becanus: S. Augustinus docet: realiter in Eucharistia adesse Christi Corpus: verba ex Augustino allata non intellexit Anti-Becanus; Tò Res varie sumitur, I. C. pro eo, quod non est persona, jus vel actio per-

Personæ. Si **TQ** Res sic sumis: verum dicit Augustinus; neque enim Christus est in Sacramento, ut pars carnis bobulæ, ovil &c. Sed personaliter adest cum corpore, anima &c. Calvinus autem **TQ** Res accipit Philosophorum more proente, dicens: nec persona Christi, nec aliquid Christi adest in Eucharistia; ipse enim sedet ad dexteram Patris; longè hoc ab Augustino abiit.

3. Ait Bezan recte exposuisse: animam pro cadavere, & infernum pro sepulchro accipiendo; sed peccimè utrumque, quia contra SS. PP. & universalem expositionem tendit.

4. Objicit ex Bellarm. In falsa Ecclesia posse esse veram, in qua vera falsoam doctrinam. **R.** Distinguendo: in falsa Ecclesia, quoad charitatis falsitatem, conced. In falsa quoad falsitatem fidei, nego.

QUÆSTIO IX.

An Lutherani, & Calvinistæ possint ex Scriptura disputare?

1. **E**X dictis probo, non posse. Qui enim veram Scripturam non habent, non possunt ex ea disputare, aut ad eam provocare; Adversarii veram Scripturam non habent; ergo ex ea disputare, vel ad eam provocare non possunt. Sed quid, si importunè velint? Tunc hoc, vel simili modo compellandi sunt: unde vos, o boni Viri! codicem Bibliorum accepistis? non aliunde, quam à Catholicis; at quare eundem, quem accepistis, non retineris? Cur Canonem Catholicorum, qui ab Innocentio, Augustino, Gelasio, & tota Ecclesia receptus est, repudiatis? Cur novum confingitis, quem Ecclesia nunquam pro legitimo agnoscit? Cur antiquam, & usitatam editionem rejicitis? Cur tot novas, & inter se pugnantes versiones substituitis? Cur sensum Scripturæ falsa interpretatione depravatis? Certè, si ex Scriptura disputare vultis, ex nostra disputate; quia vestram non admittimus. Nostra legitima est: vestra spuria, & novitia. Nostra unica, & sibi constans: vestra varia, multiplex, instabilis. (a)

ANIMADVERSIO.

(a) **A**nti-Becanus queritur novæ methodi Magistros improbare disputationem cum Calvinistis è Scriptura. Sit ita: jure Ecclesiæ agunt, qui ita sentiunt Præscriptione scilicet,

30 LIBER I. CAP. I. DE SCRIPT.

est, de qua extant, & edentur Tractatus. Res vetus est: Ecclesiam hæreses damnare, & non disputare, unde cunque hæreticis placet; & quis erit judex Catholicæ, & hæreticæ partis disputationum? Scriptura, pridem explosus judex: deinde, si Scriptura, vel sine interpretatione, vel cum ea; sine ea non possunt disputare, cum de ipsa interpretatione semper disputetur; si cum ea, cujusnam interpretatione? Catholici dicimus cum ea: quæ est unanimis SS. PP. & DD. hæretici cum sua inconstante, & proprii iudicii, & voluntatis scabie obsita; de cujus veritate, si dubites, si probari petas, pro primo principio audies: certum est, clarum est, certus sum; & tamen post paucos menses, vel annos, hoc, quod clarum erat certum, ab ipso Prædicante mutatur. *Vide Mysterium Fraudis Coloniae 1649. cusum.* Denique miraculis, si dijudicati debeant partes litigantes. Anti-Becanus concius artis Calvini in excitando mortuo exercitæ ait: non esse opus; hoc vere dixit, Calvinianis scilicet miraculi, quibus vivi moriuntur ante tempus. *Vid. Bolsecum in vita Calvini.* At Joann. Bapt. nullum fecit miraculum. R. Mogunt. extra operando, sit ita; nascendo, vivendoque, falsum est; sed & erat is de ordinario genere Sacerdotum de Vice Abia. *Luc. 1.* Iste non egebat probatione; Laici ingrentes se in Sacerdotia certe his egent, ut credantur à DIO missi ad docendum. Quod vero ait: ullum miraculorum non esse apud Catholicos, refutat Lauret. in Italia. Mons Serratus in Hispania Asper Collis in Brabantia &c.

QUÆSTIO X.

Quomodo Adversarii soleant ex Scriptura disputare?

1. Neptissimè; quod variis exemplis in progressu demonstrabitur, nunc unum, aut alterum insinuabo. Igitur Lutherus contra liberum arbitrium sic disputat: Scriptura dicit nos non posse bene, aut male agere: *Isaiæ 41. v. 23.* Bene, aut male, si potestis, facite. Ergo non habemus libertatem arbitrii. Quid inceptius? Isaias non loquitur de hominibus, sed de idolis gentium. *Vide infra cap. 15.*

2. Lutherani docent: infantes habere actum fidei, eum baptizantur, quia scriptum est. inquiunt: *Luc. 1.* Exultavit in gaudio infans in utero meo. Non minus inepti; non enim sequitur: Joannes exultavit in utero matris; ergo infantes habent actum fidei in Baptismo. *Vide infra lib. 2. cap. 2.*

C A P U T II.

De Traditionibus.

Celebris quæstio est, an præter Scripturam admittenda sit aliqua Traditio, quæ parem cum Scriptura autoritatem habeat? vel, ut aliqui proponunt: an præter verbum DEI scriptum, sit aliquod verbum non scriptum, sed traditum? Dicam 1. quid sentiant Catholici. 2. Quid Adversarii. Cùm igitur Catholici admittant duplices Traditiones, alias veteris, alias novi Testamenti, de utrisque agendum.

2. Traditiones veteris Testamenti vel erant Pharisæcæ, quas Christus in Evangelio reprehendit; vel Moysæcæ, quæ erant laudabiles, & ad salutem necessariae. Prioris generis erant hæ: *Prima*, quod ante cibi sumptionem lavandas essent manus. *Matth. 15. v. 1.* *Secunda*, quod etiam inter comedendum illa lotio saepius repetenda esset. *Marci 7. v. 3.* *Tertia*, quod cum peccatoribus non esset sumendus cibus. *Matth. 9. v. 11.* & *Luc. 5. v. 30.* *Quarta*, quod in Sabbatho non liceret argros sanare. *Luc. 6. v. 7.* *Quinta*, quod frequenter esset orandum, & jejunandum. *Matth. 9. v. 14.* *Luc. 5. v. 33.* Et aliæ similes.

3. Et quamvis aliquæ earum essent bonæ ex suo genere; Pharisæi tamen propter omnes reprehendebantur a Christo ob tres causas. *Primè*, quia ipsi ex earum observatione quærebant inanem gloriam, & opinionem sanctitatis apud homines, negligentes interim veram sanguinoniam cordis. *Matth. 23. v. 25.* *Secundò*, ex quarundam etiam observatione se tababant opes, & divitias, præsertim ex longis orationibus, quas in eum suæ recitabant. *Matth. 23. v. 14.* & *Marci 12. v. 40.* *Tertiò*, superstitione servabant suas Traditiones, & interim mandata DEI negligebant. *Matth. 15. v. 3.* & *c. 23. v. 24.*

A N I M A D V E R S I O.

(a) **A**nti-Becanus, vide stoliditatem! ait: Becanum pro defendendis Pontificiis traditionibus afferre Pharisæcas: Ecce Becanus damnat eas ore Christi. 2. Traditiones

Catholicorum esse similes Phariacis. Sed quomodo? uti Ant^{er}
 Recanus Phariseis natus, uti ipse &c. in umbra habentibus.
 ait. Jeſuitas ob artem opum comparandarum à Venetis esse pul-
 los; mendacium id ab Henrico IV. Rege Gallie refutatum est i
 cùm Parifiorum Academis ignorans veritatem facti id objecit
 4. Sixtus IV. nobile Iupanar Rouæ instruxit. Ita Calvinisti
 vocant monasteria, templa, nosocomia, uti fôrdidi omnes
 fôminas meret ices. 5. ait: Scripturam omnium Ordinum ho-
 minibus conj. giam pérmittere, quibus Ordinisbus Religiosis, qui
 vovent, virginem suam exhibere Christo? mentiris; etiam
 eunuchis, qui se castraverunt propter regnum Cœlorum? men-
 tiris; etiam his, qui à mortuis resurrexerint in die Judicij.
 Scis, quām vere hoc? dic ergo tam Apostolo: Permitti bñ
 qui non habent necessitatem, potestatem autem voluntatis sui
 servandi virginem suam (carnem) bene facere. 1. Corinth.
 7. v. 37. Limitando sic non errabis, multò minùs mentieris.

4. Traditiones posteriores generis erant tres præci-
 puæ. *Prima*, quod omnes, & singuli libri, qui in
 Canone Judæorum consignabantur, essent verè divini,
 & a Deo inspirati. Hoc vide credebant Judæi; & ta-
 men nusquam in veteri Testamento scriptum est. *Se-
 cunda*, quod fœmelleæ haberent aliquod remedium con-
 tra peccatum originale non minùs, quam masculi;
 qualemque tandem fuerit hoc remedium. Neque hol-
 ullibi in veteri Testamento scriptum est. *Tertia*, quod
 cruenta ipsorum sacrificia significaverint mortem Chri-
 sti; hoc etiam erat dogma fidei, nec tamen in Moysæ
 aut Prophetis scriptum. *Prima Traditio* facilis est, re-
 liquas duas sic explico:

5. Judæi fide credebant fœmellas concipi in peccato
 originali non minùs, quam masculos; ergo fide cre-
 debant, illas salvari non posse, nisi per aliquod reme-
 dium à Deo institutum. Debebat autem tunc in par-
 ticulari, quod & quale esset hoc remedium; alioqui
 omnes fœmelleæ periissent sine remedio. At nusquam
 scriptum est in veteri Testamento, quod & quale fuerit
 hoc remedium in particulari; ergo per Traditionem in-
 sciebant. Hæc autem Traditio erat ad salutem necessaria;
 quia sine remedio non poterant salvari fœmelleæ.

6. Similiter fide credebant, quædam cruenta sacri-
 ficia à Deo instituta esse pro expiatione peccatorum
 vel

vel ergo putabant ejusmodi sacrificia per se, & propria virtute expiare peccata; vel virtute Passionis; & mortis Christi, quo per illa sacrificia significabantur. Si prius, erant haeretici: si posterius, erant fideles, quia credebant, quod erat credendum. Sed unde habebant hanc fidem, & persuasionem; non ex Scriptura, quia nusquam in veteri Testamento id scriptum est; eigo ex Traditione. Hæc autem Traditione erat necessaria ad salutem; non quod necesse fuerit singulos de populo credere, futuram Christi mortem per cruenta sacrificia praefigurati; sed quod necesse fuerit, aliquos id credere, praesertim Sacerdotes, & Doctores, quibus incumbebat cura docendi, & instruendi alios; alioquin tota Synagoga, in hoc quidem punto, quod sanè erat gravissimum, fuisset sine fide, quod absurdum est. *Vide D. Thom. in 2. 2. quaest. 2. art. 7. (b)*

ANIMADVERSIO.

(b) **A** Nei. Bocano valde noxia erat doctrina de Traditionibus Mosaicis, itaque instar sepiae offundit iis discernendis stramentum, facitque è Mosaicis, & Pharisaicis unam pulcem, vel unam placentam. O vii R. vel M. nimium facis. Sed pergit contra: 1. quomodo potuit Moyses tradere Canonem de libris divinis, qui nondum erant scripti? R. Inchoando, ut Romulus Remam, postea audito. Item statuendo, ut libri per Pontifices recipiendi ut divini habeantur. Contra 2. ait: famelias veteris Legis circumcisione salvatas. Mirum! ita tamen ait Doctor Calvinista. Sed quomodo? acumen dilce! circumcisione masculorum. Cujus, vel quorum? Tacet: & sat habet delictum inchoasse, quod alii pertexant; at Calvinista probat: qui? fadus erat circumcisione inter DEUM, & Judæos; ergo feminas comprehendebat. Sed ita ut viris circumcisione incumbentes. O benignum in feminas Doctorem! sed unde hoc didicisti? ex Scriptura? ostende: ex Traditione? jam das, quod negas.

Contra 3. Traditionem Mosiacam, ait Calvinista, significacionem sacrificiorum constitisse populo Judaico ex Scriptura. Bono: vel ex nudis ejus verbis, vel ex explicatione? non prius: da textum; non posterius: quia explicatio ista vel erit omnium, sic erit Traditione, vel unius, & non erit certa, & de fide. Denique Bocanum arguit, concedorem Sacerdotibus scientiam explicitam, quæ in populi fide tantum sit impicire. Male arguit Calvinista: si enim ipsius plebs novit explicitè, quod ipse, aut docet? cuius scribit?

De Traditionibus novi Testamenti.

DE his tria dicturus sum: *Primo*, generatim existare aliquas Traditiones divinas, & Apostolicas, quae parem cum Scriptura authoritatem habeant. *Secundo*, speciatim, aliquas eorum ad fidem, alias ad mores, & externos ritus pertinere. *Tertio*, praeter has esse alias, non quidem Apostolicas, sed Ecclesiasticas, quae tametsi parem authoritatem non habeant, merito tamen à Christianis servandas sint. Hæc singulæ seorsum per totidem Conclusiones explicabo.

S. I. *Conclusio.* Generatim loquendo, existant quædam Traditiones Apostolicæ, (a) quæ expressè in Scriptura non habentur, sed tamen parem cum Scriptura authoritatem habent. Ita Concilium Trident. Sess. 4. Et colligitur ex illo 2. Thess. 2. 15. (b) Itaque fratres stat, & tenete Traditiones, quas didicistis, sive per sermonem, sive per epistolam nostram. (c) In quem locum Chrysostomus iù scribit: *Hinc patet, quod non omnia per epistolam tradiderit, sed multa etiam sine literis.* Eadem verò fide digna sunt, tam illa, quam ista. (d) Et Epiphanius hæresi 61. Oportet autem & Traditione uti. Non enim omnia à divina Scriptura possunt accipi. Quapropter aliqua in scriptis, aliqua in Traditione Sancti Apostoli tradiderunt, quemadmodum dicit *Sanctus Apostolus: Sicut tradidi vobis.* (e) Et Basilius in lib. de Spiritu Sancto. cap. 27. Dogmata, qua in Ecclesia servantur, & prædicantur, partim ex conscripta doctrina habemus, partim ex Apostolorum Traditione in mysterio ad nos delata recipimus. Quæ utraque eandem ad pietatem vim habent, & nemo his contradicit, qui vel mediocrem saltem Ecclesiasticorum Jurium experientiam habet. (f) Et Damascenus lib. 4. cap. 17. Plurimi s. Apostoli sine scripto tradiderunt. Alios etiam Patres paulò post citabo. (a)

ANIMADVERSO.

(a) **A**nti-Becanus rideret Becanum, quod nullas divinas Traditiones potuerit recentere. *R.* Fatue plura poscit, qui ne ea quidem digerere potest, quæ ministrantur. (b) Anti-

(b) Anti-Becanus ait: Concil. Trident. non fuit legitimam, ita ille more hereticorum, qui Concilia, quibus damnati sunt, illegitima dicitant. At Principes Germanie id non receperunt, qui aliqui; ergo ex particularibus Doctor argumentatur? pol-chre pol.

(c) Paulus Actor. 26. v. 22. extra libros Propheticos ait: se nihil locutum. Mentitur Calvinista. Non ait, de libris, sed ait extra ea, quae locuti sunt, nob docuisse, ita sit animi præoccupati: pro locuti legunt libri. O cætitatem non oculorum, sed cordis!

(d) Anti-Becanus negat Chrysostomum id docere. Imò Verò Orat. 4. in 2 ad Thess. 2. v. 14. legitur Traditio. Nihil queras amplius, &c. Sed Chrysostomus non probat, quae dicit. Audio, nec Calvinista probat, quae dicit contra Chrysostomum. Utri jam credendum? Chrysostomo, an Crocio?

(e) Epiphanius (sit idem) non provocat ad Traditiones in dogmatibus fidei, sed Historicos, & Ritualia; mentitur iterum Calvinista, ut fallat; non falletur, qui leget Epiphaniū hæc 69. Εμοκέσιον ex sola Traditione probatam.

(f) Anti-Becanus ait: Basiliom de solis ceremonialibus Traditionibus loqui; mentitur; & pete verba ejus: Dōmata, quae prædicantur. An soli ritus predicantur? unde ergo hoc exsuxisti? non ex Basilio, sed ex tuo latificandi animo,

Denique addit, Ireneum lib. 3. cap. 1. dicere, quod nullum de fide, & mortuis dogma tradidit, quod non scripsit. Sed hoc est mendacium additum prioribus. Dicit Ireneus Apostolus prius docuisse, postea scriptisse. Omnia ne? Taces Anti-Becanus, frivole affirmas.

9. Quæres quomodo Traditio possit habere parem vim, & autoritatem cum Scriptura? q. Sicut mandatum Principis eandem vim, & autoritatem habet apud subditos, sive scripto, sive viva voce proferatur; sic etiam verbum Dei, sive scriptum, sive traditum sit. At inquires, Traditio Apostolica, de qua agimus, non est verbum Dei. Omnipotens est; nam sicut doctrina Apostolorum, quæ in illorum scriptis continetur, propterea vocatur verbum Dei, quia à Dño inspirata est; sic etiam de doctrina Apostolorum, quæ viva tantum voce tradita est sine scripto, statuendum est. Quod sic clarissim ostendo: sicut doctrina Matthæi, Marti, Lucæ, Ioannis, Pauli, Petri, Jacobi, & Judæ, quæ in Evangeliis, & Epistolis conscripta est, vocatur verbum Dei, quia Deus eam inspiravit; sic etiam doctrina Andreas, Philippi,

lippi, Bartholomæi, Mathiæ, & Barnabæ, quam ipsi
viva voce prædicarunt, debet vocari verbum Dei, quia
Deus similiter eam inspiravit. Nec minor fides his
Apostolis, qui non scripserunt, quam illis, qui scri-
psierunt, adhibenda est.

ANIMADVERSIO.

Anti-Becanus ait: Aphonsum à Castro Catholicum negare,
quod i traditione apostolica patet habeat autoritatem cum
Scripturis divinis. Falsum id est; solum dicit: quod Ca-
nones Apostolorum, & Decreta Conciliorum non sint habendi
pro Sacra Scriptura. Deinde disset contra te Anti-Becane (a)
lib. 5. cap. 5. Universali Ecclesie Traditiones, aut definitiones
in his, quæ ad fidem spectant, etiam si aperte Scriptura in eorum
comprobationem defit, non minoris sunt authoritatis, quam
ipsa Sacra Scriptura. Ecce pseudologi sunt Doctores hereticis
corum, non tam intellectu, quam affectu errantium.

10. II. Conclusio, Speciatim loquendo, sunt certe
quædam Traditiones apostolicae de dogmatibus fidei,
quædam de moribus, seu ritibus externis. Prior pars pro-
batur, quia sunt tria principia fidei maxime necessaria,
quæ, non habentur ex Scriptura, sed ex Traditione. (b)

ANIMADVERSIO.

In Scriptura habet contingit, vel formaliter in terminis,
ut circumcisus est puer, & vocatum est nomen ejus JESUS,
vel virtualiter in terminis, ut aliquem circumcisum
diffe, quod cum re per antedicta verba significat invicte con-
nexum est. Item cultellum ex marmore per verba antegressa signi-
ficatio non invicte, sed confusa, & remote colligi posset. Itaque
tripliciter aliquid habet potest in Scriptura, expressè, & impli-
cite duplice modo: remotè, & proxime, sive distinctè, & coniuscè.
Hoc dogmate positio. Dicunt 1. Moguntini: In Scriptura omnia
dogma fidei, & morum continentri saltēm confusè, & remotè, sicut
in illo: Declina a malo, & fac bonum, omnia continentur.
Et tota lex in illo: diligere Dominum DEUM tuum ex toto corde
& proximum sicut te. Dicunt 2. Moguntini: aliqua dogmata
fidei esse, quæ non continentur in Scriptura, neque expressè,
neque virtualiter per iuriam consequentiam, & talia sunt illa,
quæ sequuntur.

Primum est, quod tota Scriptura veteris, ac novi
Testamenti simul sumpta sit verbum Dei. (i) Alterum,
quod tota illa Scriptura, præsertim in iis, quæ ad fidei
salutem necessaria sunt, manet nobis salva, &

incorrupta. (k.) *Tertium.* quod habemus verum, ac legitimum illius sententiam. (l.) Si admittamus haec principia fidei, necessariò admittimus Traditionem, per quam illa accipimus; si non admittimus, vacua est nostra fides. (m.)

ANIMADVERSIO.

(m) **H**oc dogma ut in Scriptura reperiatur Acatolici, rōto ecclō se tollere, & non invenerē; pulchre Moguntie id ostendunt pag 64. & seqq. Demum desperantes multi eam Traditionem admittunt, non tamen plures, ne plane Romano-Catholici credunt.

(k) Similis ratio est cum hoc secundo dogmate, & cum tertio, ut iudeo Moguntini classissimè ostendunt: quod si PP. vel Doctores aliquando haec, vel similia dogmata per Traditionem notificata probant, id non sit alia ratione, quam probabilitas, non vero per invictam consequentiam: ut nimirum apparet credentibus per Traditionem, id, quod credunt, etiam per Scripturam esse probabile: que probabilitas tamen non sufficit ad frangendum Adversarium non credentem Scripturam: vel sensum ejus genuinum aspernante. Frustra igitur Anti-Becanos arguit Catholicos, quod probent per Sacram Scripturam, que praedita Traditione solum credi debent.

11. Praeter haec tria, sunt alia, quae etiam per Traditionem habentur. I. Quod symbolum fidei sit vere Canonicum, & Apostolicum. De quo Basilius loco citato: *Omitto cetera, ipsam fidei professionem, qua credimus in Patrem, Filium, & Spiritum Sanctum, è quibus Scripturis habemus?* quasi diceret: non habemus ex Scriptura, sed ex Traditione; hoc enim conatur probare, multa esse dogmata, quae credimus, non quia scripta sunt, sed quia ab Apostolis tradita. II. Quod infantes sint baptizandi. *Origenes in cap. 6. Epistola ad Romanos: Ecclesia ab Apostolis Traditionem accepit, etiam Parvulis Baptismum dare.* Et Augustinus lib. 10. de Genesi ad literam c. 23. *Consuetudo Matris Ecclesiae in baptizandis Parvulis nequaquam spernenda est, neque ullo modo superflua reputanda, nec omnino credenda, nisi Apostolica esset Traditione.* Quod baptizati ab hereticis non sint rebaptizandi, contra errorem Cypriani. *August. l. 2. de Baptism. contra Donatist. c. 7.* *Quam consuetudinem (scilicet, non repetendi Baptismum) credo ex Apostolica*

Traditione venientem. Et lib. 5. cap. 23. Consuetudo illa que opponebatur Cypriano, ab Apostolorum Traditione exordium sumpfisse credenda est. IV. Quod B. MARIA Mater Christi semper manserit Virgo, etiam post partum, contra damnatam Helvidii haeresin. Vide Hieronymum contra Helvidium. & August. lib. de haeresibus cap. 84. ubi sic ait: Helvidiani exorti ab Helvidio, ista Virginitati MARIE contradicunt, ut eam post Christum, alios etiam filios de viro suo Joseph perversissime contendant. Sed mihi non! non istos propter atermisso Helvidii nomine, Antidicomaritas Epiphanius appellavit.

ANIMA DVERSIO.

Anti-Becanus ait: non esse articulum fidei, quod B. Virgo post partum permanescit Virgo. Atqui Epiphanius ex Castro, & August. negantes Virginitatem B. MARIE post partum, posuerunt inter haereses Cerinthi, Helvidii, Joviniani ergo Virginitatem eam affirmare, est fidei. At Basilus non censet esse dogma fidei. Falsum id est; Incarnationis mysterio inservit Virginitatem post partum esse extraneam; sed tamen prohibet alio ex capite Virginitatem MARIE post partum negare.

V. Quod in Baptismo pronuntiari debeat haec forma verborum: *Ego te Baptizo in nomine Patris, & Filii, & Spiritus Sancti: & nisi pronuntietur, Baptismus non sit validus.* Hoc etiam admittunt Adversarii, nec tamen aliunde, quam ex traditione, & perpetua Ecclesiae praxi probari potest. VI. Quod certus, ac determinatus sit Sacramentorum numerus in novo Testamento. Hoc tam Catholici, quam Adversarii credunt. Hoc interest, quod Catholici credant illum numerum esse septenarium, plerique Lutherani ternarium, multi Calvinistæ binarium. At hic numerus, quisquis tandem sit, in Scriptura definitus, aut expressus non est. Catholici satentur se ex Traditione, & declaratione Ecclesiarum habere suum septenarium. Adversarii videant, unde habeant suum binarium, aut ternarium. Certè ex Scriptura non habent. Vide infra cap. 7.

12. Dices: aliqua ex his punctis probari possunt ex Scriptura: ut v. g. quod infantes sint baptizandi; hoc enim probari potest ex illo Joan. 3, v. 5. Nisi quis

renatus fuerit ex aqua, & Spiritu Sancto, non potest introire in regnum DEI. Similiter, quod in Baptismo pronuntiari debeant haec verba: *Ego te baptizo in nomine Patris, &c.* manifestè colligitur ex illo Matt. 28. v. 19. *Euntes docete omnes gentes, baptizantes eos in nomine Patris, & Filii, & Spiritus Sancti.* Resp. Aliqua possunt probari ex Scriptura, quando constat de vero, & legitimo Scripturæ sensu. At scepè non constat, quis sit verus, & legitimus sensus, nisi ex Traditione, & Praxi Ecclesiæ, v. g. si constaret haec verba: *Nisi quis renatus fuerit ex aqua, & Spiritu Sancto, non habet alium sensum, quam hunc: nisi quis baptizatus fuerit baptismō aquæ, jam optimè sequeretur, etiam infantes indigere Baptismō.* At hoc non constat, nisi ex Traditione. Nec Calvinus, qui negat illum sensum esse istius loci, potest à Catholicis, aut Lutheranis confutari ex sola Scriptura, sed ex eo solùm, quod sensus ille a majoribus nostris per continuam Traditionem ad nos pervenerit. Eodem modo, si constaret, Christum, cum dixit: *Baptizantes eos in nomine Patris, & Filii, & Spiritus Sancti,* præcepisse Apostolis, ut pronuntiarent haec verba: *Ego te baptizo in nomine Patris, & Filii, & Spiritus Sancti,* jam esset res salva. At hoc non constat ex nudis Scripturæ verbis; nam sicut Christus dixit: *Baptizantes eos in nomine Patris,* ita alibi dixit: *Si quid petieritis Patrem in nomine meo, dabit vobis.* Et similiter Apostolus 1. Corinth. 10. v. 31. *Sive manducatis, sive bibitis, omnia in gloriam DEI facite.* Et tamen necesse non est, ut is, qui petis aliquid à Patre in nomine Christi, pronuntiet haec verba: *Ego hoc, vel illud peto in nomine Christi.* Neque ut is, qui comedit, aut bibit, pronunciet haec verba: *Ego comedo, & bibo in gloriam DEI.* Sed satis est, interna mente id cogitare: quod ergo in primo casu de Baptismo necessaria sit prolatione verborum, non item in his duobus, hoc solùm habemus ex uero Ecclesiæ, qui per Traditionem Apostolicam ad nos pervenit.

13. Et haec sufficient pro priori parte conclusionis. Posterior potest etiam variis exemplis confirmari;

nam multi sunt ritus Ecclesiastici, qui ab Apostolis per solam Traditionem accepti sunt. Ac potissimum hi:
 1. Ut Exorcismus, & aliæ cæremoniæ adhibeantur in Baptismo. (Tertullianus in lib. de Corona Militis cap. 3. & Basilius in lib. de Spiritu Sancto. cap. 27.)
 2. Ut trina merito fiat in Baptismo. (Basilius *ibid.*)
 3. Ut Christma singulis annis renovetur. (Fabianus Papa & Mart. Epistol. 1. ad Episcopos Orientis.) 4. Ut aqua vino misceatur in calice Eucharistico. (Cyprianus lib. 2. Epist. 3.) 5. Ut Eucharistia sumatur a jejunis. (Augustinus Epist. 118.) 6. Ut in sacrificio Missæ oretur pro d. funeris. (Tertullianus *supra.*) 7. Ut signum crucis formetur in fronte. (Basilius loc. citat.) 8. Ut ad Orientem versi precemur. (Idem.) 9. Ut aqua benedicatur. (Idem.) De his, & similibus recte usurpati porest illud Tertulliani lib. cit. cap. 4. *Harum, & aliarum ejusmodi disciplinarum, si legem expositiles Scripturarum, nullam invenies. Traditio tibi prætenditur audrix, consuetudo confirmatrix, & fides observatrix.* (n)

ANIMA D VERSIO.

(n) **A**DVERSUS has Traditiones immaniter pugnat Anti-Becanus. Quare? ut olam Scripturam Sacram pro regulâ credendi, & agendi cum ecclesiis retineat? Et est id tantum ipsis emolumenti? Est vero; nam generaliter loquentem Scripturam ciunt se, ut semper haeretici secere, posse indies, quod sibi liber, explicando torquere, quod ne faciant, Traditionum vi manifesta verantur. Id causa est, cur has adeò detestentur, uti male agentes lucem; quomodo autem pugnat Anti-Becanus? quibus armis? id sequentibus paginis apparabit.

14. III. *Conclusio*, præter supradictas Traditiones, quæ ab Apostolis ad nos pervenerunt, sunt aliæ quædam Ecclesiasticae, quæ post tempora Apostolorum à Prælatis Ecclesiæ introductæ sunt; & tametsi parem cum Apostolicis autoritatem non habeant, meritò carmen à Christianis servari debent. De utrisque loquitur Augustinus Epist. 19. cùm ait: *Illa autem, quæ non scripta, sed tradita custodimus, quæ quidem toto terrarum orbe observantur, dantur intelligi, vel ab ipsis Apostolis, vel plenariis Conciliis, quorum est in Ecclesia saluberrima autoritas, commendata, atque statuta retinetur: sicut*

sicut quod Domini Passio, & Resurrecio in celum, anniversaria solennitate celebrantur. Et si quid aliud tale occurserit, quod servatur ab universa, quaeunque se diffundit Ecclesia. Nam per illam particulam, vel ab ipsis Apostolis, intelligit Traditiones apostolicas; & per illam, vel plenariis Concilii, intelligit Ecclesiasticas. De quibus subdit: *Insolentissima insanie est disputatione, an faciendum sit, quod tota per orbem frequentat Ecclesia.* Atque haec est Catholicorum sententia de Traditionibus tam Apostolicis, quam Ecclesiasticis que ex Apostolis, & SS. Patrum auctoritate confirmata est. Videamus nunc, quid sentiant Adversarii, ut postea constet ex collatione utriusque partis, utri potius adhaerendum sit.

Adversariorum sententia.

15. **A**dversarii passim rejiciunt Traditiones, & nihil, nisi quod in Scriptura veteris, ac novi Testamenti continetur, volunt admittere. Peccant tamen quadrupliciter: 1. Quia in hac re imitantur antiquos haereticos. 2. Ipsi inter se dissentunt. 3. Multa falso, ac mendaciter affingunt Catholicis. 4. Ineptissime ex quibusdam Scripturæ locis argumentantur contra Traditiones. Hæc etiam singillatim demonstranda sunt.

Imitatio veterum Haereticorum.

16. **P**rimò igitur, sicut Catholici in afferendis Traditionibus sequuntur communem consensum antiquorum Patrum; sic Adversarii in iisdem rejiciendis sequuntur communem consensum antiquorum haereticorum; nam etiam antiqui haeretici provocabant ad Scripturam, & Traditiones respuebant. Ac potissimum hi: Primò, Ariani, qui disputantes de Divinitate Christi nihil volebant admittere, nisi Scripturam. Unde Maximinus Arianorum Episcopus disputatus cum Augustino dicebat: *Si quid de divinis Scripturis protuleris, quod commune est cum omnibus, negasse est, ut audiamus.* Ha vero doces, quæ extra Scripturam sunt, nullo casu à nobis justificantur. Refert

August. lib. 1. contra Maximinum in principio. Secundò, Macedoniani, & Eunominiani, qui nolebant admittere hanc locutionem: *Gloria Patri, & Filio, & Spiritui Sancto*; eò, quod non haberetur in Scriptura. De quibus Basilius in libro de Spir. San. cap. 25. circa finem: *At non definunt isti sursum, deorsum jam Hare, DEI cum Sancto Spiritu glorificationem carere testimonio, carere Scripturam*. Et initio cap. 24. Sanè contra id, quod dicunt pro positionem (cum) carere testimoniò, nec in Scripturis existare, illud dicimus: si nihil aliud est receptum absque Scripturis, ne hoc quidem recipiatur. Sin plurima a cana citra Scripturam recepta sunt nobis, cum aliis plurimis & hoc recipiamus. Arbitros autem Apostolicum esse, etiam non scriptis Traditionibus adhærere. Tertiò, Eutyches, qui negans in Christo duas naturas, dicebat: *Ego à Sanctis Scripturis non didici duabus naturis*. Cui respondit Mamas Presbyter: *Nec que de Homoufion à Sanctis Scripturis edociti sumus. Ita habetur in generali Coneilio Chalcedonenfi*. Act. 1. ubi Actio quinta Constantinopolitani Concilii relecta est. Quartò, Pelagiani, qui dicebant: *Credamus igitur, quod legimus: & quod non legimus, nescias credamus adserueri*: quod de cunctis etiam dixisse sufficiat: ut refert Augustinus in lib. de natura, & gratia. cap. 39. His, & similibus haereticis, olim ab Ecclesia damnatis, similes sunt nostri Lutherani, & Calvinistæ; qui eodem, quo illi, spiritu afflati, repudiant Apostolicas, & Ecclesiasticas Traditiones, & ad solam Scripturam contentiosè provocant, quam tamen, ut supra dixi, relectis aliquot partibus mutilarunt, & novis versionibus, ac interpretationibus corruperunt.

ANIMADVERSIO.

UT Anti-Becanos à se, & predicatoribus auferret laborem iminationis huios, apparet discriimen finxit, & plebi obtruit: quod illud? Arianos, & similes hereticos damnos, Traditiones, quæ in Scriptura essent rejicisse, & male: Se vero rejicere solum eas, quæ extra Scripturam sunt. Ecce illusorium incauti lectoris! audistine illud Ariani? Voces, quæ extra Scripturam sunt, nullo casu à nobis suscipiuntur. Vide, an nos huc

hæc est toga Proavi sui Lutheri, & quæ ac Ariani Episcopij: pardeat recordia, & audacia raptæ. Vide Theodorei textum græcum lib. 1. cap. 8, à Moguntinis contra te citasum. Sed pergit Anti-Becanus, & Catholicos sub luto aspergit. Quomodo? Ait, Catholicos à Traditione ad Scripturam provocasse. Credo à falsa, & erronea Traditione convincendo eam per Scripturam; hoc credo, aliter non, nisi demonstres. Amplius audet Anti-Becanus dicere: ut Traditiones Catholicorum uno impetu difflatet, ait: nullam Ecclesiam esse Apostolicam, sive talim, quæ successionem personarum, & doctrinæ sanctæ illibatae inde ab Apostolis renuerit, & ideo Traditiones esse cassas. Ecce si deinde negat Anti-Becanus, nempe, unam Sanctam, Catholicam, & Apostolicam Ecclesiam, quænam autem ista? Romana à Petro ad Innocentium X. ut postea videbis.

Differensio.

17. **S**ED neque inter se consentiunt; nam aliqui, sine ulla exceptione rejiciunt omnes omnino Traditiones, sive ad fidem, sive ad externum Dei cultum pertinentes, & nihil aliud volunt esse credendum, aut faciendum, quam quod in Scriptura credendum, aut faciendum præcipitur. Ita Calvinus lib. 4. Instit. cap. 8. num. 5. Esto, inquit, hoc firmum axioma, non aliud habendum esse DEI verbum, cui detur in Ecclesia locus, quam quod lege primum, ac Prophetis deinde scriptis Apostolicis continetur: nec alium esse ritè docendi in Ecclesia modum, nisi ex ejus verbi præscripto. & norma. Et in libro de necessitate reformatæ Ecclesie: DEUS non modò irritum habet, quidquid colendi sui studiō, prater mandatum suum suscipimus, sed palam quoque abominatur. Et in Epist. 87. ad Protectorum Angliae: Cum de legitima reformatione agitur, ad ipsum purum DEI verbum redeundum nobis est. Et similiter Calvinus in Synodo Ultrajectina. in Prologo suarum ordinationum num. 2. Obstringimus nos inquiunt, in forma iuramenti, & obligationis, quod in hac Provincia non aliam velimur amplecti, & sequi doctrinam, regulam, mensuram. & amissim fidei, & vita Christiana, quam solum verbum DEI, quod in lioris veteris, ac novi Testamenti expressum est.

18. Alii quasdam saltēt admittunt Traditiones, ut Kemnitius in Examine Concil. Trident. Sess. 4. in se-
cundo genere Traditionum, ubi ait: *Hanc Traditionem quā nobis in manū dantur Sacra Scriptura & libri, reverenter accipimus.* Et in 5. genere: *Affirmant Origent & Augustinus: Baptismum parvolorum esse Traditionem Apostolicam; hoc recipimus.* Et in 7. genere. *Apostolus igitur ritus quosdam ordinasse, & tradidisse Ecclesia, ex Scriptis eorum certò constat.* Et verisimile est: quosdam etiam alios externos ritus, qui in Scriptura annotati non sunt, ab Apostolis traditos esse. Et infra: *Tales ritus meritam amamus, & retinemus, quales sunt confessio fidei ab renunciatō sathanæ, & alii ritus in actione Baptisimi.*

19. Alii denique utuntur distinctione; ajunt: admitti posse Traditiones de rebus adiaphoris, tēu indi-
ferentibus, non autem de rebus ad salutem necessariis;
nam in his sufficienter nobis prospectum esse per Scri-
pturam; quippe quae perfecte tractat ea omnia, quae ad
salutem necessaria sunt, ita ut Traditione minime illi
opus. Sed qui hoc dicunt, augent dissensionem, &
manifeste repugnant Luthero, & Kemnitio; nam Kem-
nitius fatetur, Lutheranos reverenter accipere Traditionem illam, quā nobis in manus datur Sacra Scriptura.
At Scriptura Sacra secundūm ipsos ad salutem necessariis
est; ergo admittunt aliquam Traditionem de re ad
ludem necessaria.

20. Similiter Lutherus docet: *infantes non justifi-
cari per Baptismum. sed per actualem fidem, quae ipsi
infunditur vi Exorcismi ante Baptismum: & sine ha-
bendo non posse eos salvare, aut Baptismum suscipere.*
Unde sequitur: *salutem infantium (ex sententia Lu-
theri) pendere ab actuali ipsorum fide, & fidem ab
Exorcismo, & consequenter Exorcismum esse necessari-
um ad salutem infantium.* Exorcismus autem habe-
tur ex Traditione, non ex Scriptura, ut constat; ergo
secundūm Lutherum, admittenda est aliqua Traditione
de re ad salutem necessaria. Verba Lutheri citabo locb. (2)

ANIMADVERSIO.

^(a) **M**itrum : quod Anti-Becanus non prohet suos socios consentire, v. g. per Synodum Dordracenam, vel librum Concordiae. Sed concius sumi domestici hanc culinam vitavit.

Mendacia Adversariorum.

^{21.} **V**ideamus nunc, quid falsè nobis affingant Adversarii. Ac primò ut invidiam nobis concilient, ajunt: nos docere, Scripturam sive Traditionibus humanis insufficientem esse, ac imperficiam. Falsum est: docemus hoc de Traditionibus humanis. Distinguimus enim duplices Traditiones cum Augustino, ut dixi Alteras Apostolicas, quae parem cum Scriptura autoritatem habent. Alteras Ecclesiasticas, quae tantam autoritatem non habent. Dicimus ergo: Scripturam per se non sufficere, nisi accedant Traditiones Apostolicæ, quae non censentur humanæ, sed divine. Ratio duplex est: Prior, quia Scriptura non sufficit, nisi constet de legitimo illius sensu; at sèpè non constat, nisi ex Apostolica Traditione, ut supra dictum est. Posterior, quia multa creduntur a Christianis, quae non habentur ex Scriptura, sed ex Apostolica Traditione. Exempla jam ante allata sunt. (a)

ANIMADVERSIO.

^(a) **A**nti-Becanus habuit fuit etiam mendacia defendere, ut in veritate. Et quantumvis videat Becanum, & Catholicos distinguere inter sufficiens generaliter, & specialiter, ac dicere, Scripturam generaliter esse sufficientem que Traditione; tamen audet dicere, quod Catholicos Scripturam simpliciter insufficientem esse doceant. Item illos non mentioni, qui hoc de Catholicis dicunt: utique mentiuntur, cum alii dicant, Catholicos loqui, quam loquuntur, & scribunt. Et Anti-Becanus plus illis omnibus utique mentitur, cum sic mentientes ait non mentiri.

^{22.} Secundò ajunt: nos docere, quod per Traditiones humanas mereamur gratiam justificationis, & remissionem peccatorum; & quod hujusmodi Traditiones agnoscamus pro nostro Mediatore, & Justificatore.

Ità Philippus Melanchthon in Apologia Confessionis Augustanæ art. 15. de Traditionibus humanis. Hoc etiam falsum est; quia apartè docemus, nullo modo nos mereri justificationem, aut remissionem peccatorum, sed eam gratis nobis conferri per merita Christi, ut patet ex Concil. Trident. Sess. 6. cap. 8. ubi sic habet: *Gratia autem justificari ideo dicimur, quia nihil eorum, qui justificationem præcedunt, sive fides, sive opera, ipsam justificationis gratiam promeretur.* (a)

ANIMADVERSIO.

(a) **A**nti-Becanus ait: *Philippum Melanchthon non mentitur mulus mulum scabit.* Sed quomodo probatur non mentiri: Joannes à Danent facet: Catholicos mereri per obseruantiam Traditionum. At quomodo? ait: *De congruitate* Ità est. Sed tñne id mereri simpliciter Philippe? puto, inquit. Erras inquam: Simpliciter mereri est de condigno mereri. Vnde Grammatice ad Theologos, & Theologicum Lexicon, iuga vñ Prædicans in Dordracena Synodo Calepinum ad intelligendum litigia tina vocabula. At Tetzelinus An. 1517. dixit: nullum peccatum non remitti, si contributio in cistam sit conjecta, quo teste! Lutherò, & Schleidanò. Hostes testes adhibeb, & qui mendacem per excellentiam vocantur. Vis id tibi probari? Interroga Joan. Andreæ de Cornu in Luthero verace, suismet verbis convicatum. Interroga & de Schleidano Carolum V. Rom. Imp. maximèque Epitome wahrhaftiger Beschreibung der vornehmsten Handel / 20 Casparis Jennepii in fol. cuius in Colonie 1559.

23. Tertio, ajunt: nos docere, quod omnes nostræ Traditiones sint Apostolicæ. Ita Calvinus lib. 4. Institut. cap. 18. §. 19. Romanenses, inquit, *Magistri extorquent volunt, ut nulla sit apud eos ceremonia, qua non per apostolica censeatur.* Et hoc falsum est; agnoscimus enim, ut sspè dixi, duplices Traditiones: alteras ab Apostolis acceptas: alteras post tempora Apostolorum a Prælatis Ecclesiæ introductas. Deinde pugnat huc Calvini calomnia cum Melanchthonে; nam Melanchthon omnes nostræ Traditiones voeat humanas. Calvinus omnes Apostolicas. Neutrum concedimus: Vide alia Kemnitii mendacia apud Cardinalem Bellarminum libro. 4. de Verbo DEI. cap. 3. (a) Reliquum est, ut diluantur objections adversariorum, quibus conantur Traditiones subvertere.

ANIMADVERSIO.

Anti-Becanus nihilominus ait: Calvinum non mentiri s
mitum; & tamen tam crassè potens patronus est hic Ora-
tor, si taci perspicuo scelere reum efficaciter purgat. Sed
logos seminat, non efficacia argumenta ex Catholico uno produ-
cit, quæ id probent. Lindanum, & Soto pessimè citat ignorans,
quid dicant, quod Mogantini ostendunt, ipsorum verbis exscri-
ptis. Non erat autem contentus fratrum suorum mendaciis,
monti quoque suum lutum adjecit: nempe Festa Passionis, Re-
surrectionis, & Ascensionis Domini; quæ S. Augustinus memo-
rat, ait hic homo, non esse probabiliter ab Apostolis instituta.
Utri credemus? Augustino verusto, an Anti-Becano novo ho-
muni; & Doctori? sed Apostolus damnat eos, qui obseruant dies,
& tempora. O recordiam! damnat indefinite, nempe supersti-
tionem observantiam, ergo omnem; qua Dialectica id excul-
pit; si tñs? tuamet te observantem dici Dominice damnabis.
Recte insitis vestigiis Dordracenæ Synodi, quæ eodem collima-
vit, ut eamem memoriam Christi abrogaret. Vide P. Jod.
Rudd Jesuiticam Scholam, pag. 212.

I. Objectio eorundem.

24. **P**rima sumitur ex illo Deut. 4. 2. *Non addetis ad verbum, quod loqueror vobis, nec auferetis ex eo.* Hinc colligunt Adversarii, omnes Traditiones repudiandas esse; Catholicos peccare, qui illas admittunt. Quare? Quia nihil ad verbum Dei scriptum, scilicet, ut ipsi volunt, addendum est. Ineptissime. Primo, quia dum illo etiam posito volunt oppugnare Catholicos, oppugnant ipsos Apostolos, & quibus Traditiones accepimus. Et nominatim Paulum, qui dixit: *Teneite Traditiones, quas accepistis.* Oppugnant Augustinum, & alios Patres, qui Traditiones amplexi sunt. Oppugnant seipatos, quia & ipsi, ut loquitur Kemnitius, Traditionem de Scriptura, de Exorcismo, & plures alias reverenter accipiunt. Si ergo Catholicci peccant, admittendo Traditiones, peccant etiam Apostoli, patres, Lutherani ipsis; aut si hi innocentes sunt, cur illi damnantur?

25. Deinde: non intelligunt sensum allati testi-
monii ex Deut. Sensus colligitur ex illo contextu, qui
sic habet: *Et nunc Israël audi precepta, & iudicera, que*

ego doceo te, ut faciens ea, vivas: & ingrediens possides terram, quam Dominus DEUS Patrum vestrorum daturum est vobis. Non addetis ad verbum, quod loquereris, nisi auferetis ex eo. Custodite Mandata Domini DEI vestri quae ego præcipio vobis. Quasi dicat: Ego do vobis precepta ceremonialia, & judicialia quæ debetis integrè & perfectè servare. Hoc enim significat illa phrasis non addetis, nec auferetis. Quod quidem aliis verbis sed tamen eodem sensu explicatur alibi, cum dicitur Non declinabitis ab eis vel ad dextram, vel ad sinistram ut Deut. 17 v. 19. & 20. Dicent timere Dominum Deum suum, & custodiare verba, & ceremonias ejus; neque declinet in partem dextram, vel sinistram. Et cap. 13 v. 13. 14. Si audieris mandata Domini DEI tui, quæ egredi præcipio tibi hodie, ac non declinaveris ab eis, neque ad dexteram, neque ad sinistram &c. Et cap. 31. v. 29 Novi, quod post mortem meam inique agitis, & declinabitis citè de via, quam præcepi vobis. Et Josue 1. v. 7 Confortare, & esto robustus valde, ut custodias, & facias omnem legem, quam præcepit tibi Moyses servus meus, non declines ab ea ad dextram, vel ad sinistram.

26. Igitur hæc tria idem valent. 1. Integrè, & perfectè servare præcepta Mosaica. 2. Non declinare ab eis, vel ad dextram, vel ad sinistram. 3. Nihil eorum observatione vel addere, vel detrahere. Quod non sic intelligendum (alioqui non licuisset addere præcepta Evangelica, de fide Trinitatis, de Baptismo, & Eucharistia) sed quod præcepta Mosaica, in sui observatione non sint corruptenda, vel additione, vel subtractione; sed integrè custodienda. v. g. Erat præceptum Mosaicum: Mulier, si suscepto semine peperit masculum, immunda erit septem diebus, & die octavo circumcidetur infantulus. Levit. 12. 2. 3. Ad hoc præceptum non licebat nec ante, nec post diem octavum circumcidere infantulum: nec immunditia matris posterat paucioribus, vel pluribus diebus durare, quam septem. Eadem est ratio de aliis præceptis, ut videbimus in sequenti objectione.

27. Hinc patet testimonium Deuteronomii, quod tantopere urgent Adversarii, nihil ad eum facere: nisi velint sic argumentari: *Judæi debebant perfidè. & integrè servare præcepta Mosaica; ergo Christiani non debent admittere Traditiones Apostolicas.* Sed sola Scriptura esse contenti. Quæ sane consequentia absurdâ, & ridicula est, ut omnes vident. Ut tamen res fiat clarior, quero ab Adversariis, an ipsi putent, hoc testimonium pertinere ad solos Judæos, an etiam ad Christianos? si pertinet ad solos Judæos, cur adducitur contra Christianos? aut cur volunt Lutherani, & Calvinistæ, ut nos ad illud servandum obligemur? si etiam pertinet ad Christianos, cur Adversarii non servant præcepta Mosaica? cur non circumcidunt se? cur alias cæremonias legales intermittunt? cur denique sicut contra nos urgent illam particulam: *Non addetis; non similiter contra se utebent alteram: Non auferetis;* hic hærent.

ANIMADVERSIO.

(2) **A**nti-Becanus hunc fractum malleum reparavit hoc modo: cui nihil debet addi, vel demi, id continet omnia ad salutem necessaria: at Scripturæ Sacrae nihil debet addi, vel demi. *Deut. 4. 2 & 12. 32.* ergo continet omnia, &c. R. 1. Mogunt, nimium probas: quia hinc sequitur, Deuteronomio omnia ad salutem necessaria contineri. Imò quovis versu Scripturæ Sacrae: quoniam nulli eorum fas est aliquid demere, vel addere. R. 2. Majoris prædicatum ly continet omnia distingendo sic: continet omnia vel generaliter solum, vel etiam specialiter, vera est major: ad min. At Sacra Scriptura continet omnia ad salutem necessaria specialiter, falsum est: generaliter, verum est. O mallei redintegrate! ubi distinguendo manisti? peristi, & hoc Doctor Anti-Becane non prævidisti? Dicunt Catholicæ: omnia ad salutem necessaria generaliter, confusè, & abstractè, indistinctè contineri, & dici; non specialiter, individuè, distinctè, & expresse. Contra hoc agit Anti-Becane, si agere est animus.

Objecțio II.

28. **S**ecunda sumitur ex illo *Deut. 12. 32.* *Quod tibi præcipio, hoc tantum facio Domino: nec addas quicquam, nec minus.* Hinc iterum colligunt Adversarii, omnes Traditiones, & præcepta humana

esse irrita, & contemnenda. Quare? Quia hoc tantum faciendum est, quod Deus præcepit: ergo quod homines præcipiunt, faciendum non est; non minus inepti quam supra. Primò, quia si omnia præcepta humanæ sunt irrita, & contemnenda; quid dicemus de Judæis qui accuratè servârunt præceptum de festo Encœniorum quod non erat divinum, sed humanum? Quid de Rechabitis, qui accuratissimè servârunt præceptum Parentis sui Jonadab de perpetua abstinentia à vino? *Jerem. 35. v. 6.* Quid de Apostolis, qui in Concilio Hierosolymitanô præceperunt abstinentiam à sanguine, & luffato? *Act. 15. v. 29.* Quid de Paulo, qui distinguit inter sua, & Christi præcepta? *1. Corinth. 7. v. 12.* Quid de Magistratibus, qui fingunt mandata humana ad conservandam pacem, & justitiam in republica? Quid de nique de ipsis Adversariis, qui in Synodis, & concilulis suis condunt leges, & statuta Ecclesiastica, quæ ab omnibus observari volunt?

29. Secundò, sensus illius loci non est ille, quem fingunt Adversarii, sed longè aliuss; nam sicut in præcedenti testimonio agebatur generatim de præceptis Mosaicis integrè observandis; ita hic agitur speciatim de uno præcepto sacrificii integrè observando. Textus habet: *Quando disperdiderit Dominus DEUS tuus, gentes ad quas ingredieris possidendas, & possederis eas, atque habitaveris in terra earum; cave, ne imiteris eas, & requiras ceremonias earum, dicens: sicut coluerunt gentes Deos suos, ita & ego colam.* Non facies similiter Domino DEO tuo. Omnes enim abominationes, quas auctoratur Dominus, fecerunt Diis suis, offerentes filios, & filias, & comburentes igni. Quod præcipio tibi, hoc tantum facit Domino: nec addas quicquam, nec minuas.

30. Sensus est: quando veneris in terram Palæstinae, ad quam intendis, & obtuleris Domino Dgo tuo sacrificium; non imitareris gentiles, qui falsis Diis offerunt suos filios, & filias per ignem; sed hoc tantum offeres, quod ego tibi præcipio: nempe, ex animalibus oves, capras, hædos, boves, vitulos, columbas, pafferis,

tes, turtures. Ex fructibus terræ: panem, similam, salem, thus, manipulum spicarum virantium, & triticum. Ex liquoribus: sanguinem, vinum, oleum, aquam. Hoc tantum facio, id est: offerto Domino. (nam FARE in hoc sensu à Latinis accipi pridem monstratum fuit) Nec addas quicquam ex sacrificiis gentilium: nec minus ex eis, quæ jam enumerata sunt.

31. Quid hic concludant Adversarii? non video, nisi sic inferant: Judæi debebant ea tantum offerre in sacrificium, quæ à Deo erant determinatae; ergo Christiani non debent servare præcepta humana, sive civilia, sive Ecclesiastica: Spectatum admissi r̄ijsum teneatis amici. (a)

ANIMADVERSIO.

(a) **Q**uid hic Anti-Becane? tela fracta salivâ attinunt, & plebsculæ ignare rerum gestatum ea uti hastas, & macheras novas, terribilésque ostentant, rupturam eam manu tegunt, vel fibolis vestiunt. Videri potest pro ea industria Lini-Textrina Calviniana P. Jodoci Kedd. Mysterium fraudis. Authore P. Hieron. Mülmanno, &c.

Objectio III.

32. **T**ertia sumitur ex illo Galat. 1. v. §. 9. Licet nos aut Angelus de celo evangelizet vobis, præterquam quod evangelizavimus vobis, anathema sit. Et infra: Si quis evangelizaverit vobis præter id, quod acepistis, anathema sit. Ergo inquiunt Adversarii, præter Evangelium non licet admittere Traditiones. Respondeo 1. Hæc objectio retorqueri potest in Adversarios hoc modo: Si quis euangelizaverit vobis præter id, quod Apostolus euangelizavit, anathema sit: Adversarii euangelizant aliquid præter id, quod Apostolus euangelizavit, quia oppugnant Traditiones contra id, quod Apostolus dixit: Tenete Traditiones. Ergo anathema sint.

33. Respondeo 2. Ex scopo Apostoli æstimandum est, an damnentur Traditiones, nec ne. Scopus Apostoli est hic: Galatæ docti erant à Paulo, cæremonias Legis Mosaicæ abrogatas esse, & neminem posse per huiusmodi cæremonias justificari, sed per fidem in Christum.

stum. cap. 2. v. 16. Ab hac doctrina fuerunt postea abduiti per quosdam falsos Apostolos, qui docebant: eos non posse salvati per fidem in Christum, nisi simul circumcidarentur, & alias cæremonias Mosaicas observarent. cap. 1. 6. & cap. 3. v. 1. & cap. 4. v. 9. & c. 5. v. 1. Contra hujusmodi falsos Apostolos agit Paulus, cum ait: Si quis euangelizaverit vobis præter id, quod accepistis, anathema sit. q. d. Accepistis à me hominem justificari per fidem in Christum, non autem per observantiam Legis Mosaicæ; si quis aliter vos instruit, anathema sit. At hinc non sequitur, Traditiones Apostolicas esse rejiciendas, sed potius conservandas; quia non sunt præter, aut contra id, quod Paulus euangelizavit Galatis de justificatione; sed potius sunt id, quod ipse Thessalonicensibus euangelizavit, cum dixit: Tenete Traditiones, quas didicistis. (a)

ANIMADVERSIO.

(a) **P**redicantes inde sinenter jactant verbum DEI, Biblia, Scripturam, & inter cætera etiam sententiam, quam hic adiecit elare Beccanus retorquet in ipsos, & exponit; illi nihilominus ut toti Bibliaci fratres videantur, uti uxores eorum Biblicaliter sorores, idem cantant, recantant. Ad solutiones Catholice Scripturam Sacram clament, nihil minus, quam Scripturam praedicando: elare docet Mysterium Fraudis eorum à P. Hieronymo Mülman vulgatum.

Obiectio IV.

34. **Q**uarta sumitur ex illo Apocal. 22. v. 18. 19. Contestor omni audienti verba prophetia libri hujus: si quis apposuerit ad bac. apponet DEUS super illum plagas scriptas in libro isto. Et si quis dimisuerit de verbis libri prophetia hujus, auferet DEUS partem ejus de libro vite. Ergo non licet apponere Traditiones. Respondeo. Hoc testimonium condemnat Lutheranos, qui non solum diminuunt de verbis libri prophetiae hujus, sed totum librum suspectum habent, nec eum pro Canonico, sed pro apocrypho agnoscunt; non tamen condemnat Traditiones, quia non prohibet, ne præter prophetiam Apocalypticam admittatur aliquid aliud

aliud (alioqui non liceret addere prophetias Isaiae, Jeremias, & aliorum Prophetarum veteris Testamenti, nec item Evangelia, Epistolas. Symbolum fidei) sed solum prohibet, ne verba propheticae Apocalypticæ ab aliquo depraventur, quod duobus modis fieri posse insinuat. Primo, additione; ut si quis apponat aliquid ad prophetiam Apocalypticam, quasi pars illius sit, quæ revera non est. Secundo, diminutione; ut si aliquid detrahatur, quasi ad illam non pertineat, quod revera pertinet. Neutrū faciunt Catholici.

35. Exemplō rem declarabo: Praedicit Joannes cap. 11. fore aliquando, ut veniant duo Prophetæ amici faciis, qui prophetabunt diebus 1260. Et habebunt potestatem claudendi cælum, ne pluat diebus prophetiarum. Et potestatem convertendi aquas in sanguinem, &c. Ad hanc prophetiam nihil addunt Catholici, quod ad eam non pertineat, nec auferunt aliquid, quod ad eam pertineat; sed relinquunt integrum, sicut à Joanne prescripta est. At contra faciunt Adversarii, qui dicunt hos duos Prophetas fuisse Lutherum, & Calvinum. Nam qui hoc dieunt, necessariò diminuunt de verbis prophetice hujus; cum constet Lutherum, & Calvinum non fuisse amicos faciis nec habuisse potestatem claudendi cælum, ne plueret. Et quæ ibidem sequuntur.

Obiectio V.

36. **Q**uinta sumitur ex illo 2. Tim. 3. v. 16. *Omnis Scriptura divinitus inspirata utilis est ad docendum, ad arguendum, ad corripiendum, ad erudiendum in justitia, ut perfectus sit homo DEI ad omnia opus bonum instrutus.* Ex quo loco dupliciter argumentantur Adversarii. Aliqui sic: Omnis Scriptura est utilis ad docendum, & arguendum; ergo supervacaneæ sunt Traditiones. Perinde, ac si dicas: Omnis cibus est utilis ad nutriendum; ergo supervacaneus est potus. Vel: Omnis eleemosyna est utilis ad salutem. Lyc. 11. v. 41. Et Daniel. 4. v. 24. Ergo supervacanea [Sacra]menta. Miseret me horum hominum.

37. Alii sic: Omnis Scriptura est utilis, id est, sufficiens; ergo supervacaneæ Traditiones. Sed quæ hæc interpretatio est? an idem sunt, utilem esse, & sufficientem esse? Si idem sunt, jam illud 1. Timoth. 4, v.8. Pietas ad omnia utilis est, licebit sic interpretari: Pietas ad omnia sufficiens est; ergo reliqua omnia supervacanea sunt. Et similiter illud 2. Timoth. 4, v.11. Marcum assume, & ubi tecum; est enim mibi utilis ad ministerium; id est, sufficiens; ergo Timotheus, Titus, Onesimus, & alii supervacanei sunt. Quis non videt, si hæc licentia interpretandi Scripturam semel admittatur, totam corrumpi, & adulterari posse?

38. Sed ut clarius res ipsa percipiatur, textus Apostoli considerandus est. Igitur Apostolus in citato capitulo horriatur Timotheum Episcopum, ut suos subditos instruat in fide, & bonis operibus, & redarguat Adversarios, qui corrupti mente, & reprobi circa fidem, resistunt veritati. Et ut ostendat eum id posse præstare, subdit: Tu vero permane in iis, quæ didicisti, & credita sunt tibi, sciens, à quo didiceris; Et quia ab infantia tua sacras literas nōsti, quæ te possunt instruere ad salutem per fidem, quæ est in Christo JESU. Omnis enim Scriptura divinitus inspirata utilis est ad docendum, &c. Ubi per sacras literas, quas ait Timotheum ab infantia novisse, intelligit Scripturam veteris Testamenti. Nam eo tempore, quo Timotheus erat infans, nondum existabat Scriptura novi Testamenti.

39. Apostolus ergo, in illo textu, sic argumentatur: Omnis Scriptura divinitus inspirata utilis est ad docendos subditos, & redarguendos Adversarios. At Scriptura veteris Testamenti, quam ab infantia didicisti, est divinitus inspirata; ergo est utilis ad docendos subditos, & redarguendos Adversarios. Cùm ergo cognitione illius Scripturaræ instruēsus sis, magnum ex ea præsidium habes ad præstandum, quod dixi.

40. Ex eodem principio licebit sic concludere: Omnis scriptura divinitus inspirata utilis est ad docendum, & arguendum. At Scriptura novi Testamenti est divinitus inspirata; ergo est utilis ad docendum, & argu-

arguendum. Qui ergo cognitione hujus Scripturæ instrutus est, magnum ex ea præsidium habet ad utrumque præstandum.

41. Porro ex utroque discursu patet: has tres propositiones veras esse secundum Apostolum. 1. Omnis Scriptura divinitus inspirata utilis est ad docendum, & arguendum. 2. Scriptura veteris Testamenti utilis est ad docendum. & arguendum. 3. Scriptura novi Testamenti utilis est ad docendum, & arguendum. Sicut ergo non equitur: Scriptura veteris Testamenti utilis est; ergo Scriptura novi Testamenti est supervacanea. Nec contra: Scriptura novi Testamenti est utilis; ergo Scriptura veteris Testamenti est super vacanea. Sic etiam non sequitur: utraque Scriptura est utilis; ergo Traditionis est supervacanea. Alioqui supervacaneum esset, quod dicit Apostolus: *Tenete Traditiones.* (a)

ANIMADVERSIO.

(a) **H**ec objecio est Achilles hereticorum: itaque eum saepe peremptum resuscitant cum Anti-Becano, & vestiunt. Quomodo? vide sic: Quod ad omnes Sacri Ministerii functiones est utile, ut sit homo DEI perfectus, & ad omne opus bonum periclitè instructus, id continet omnia ad salutem necessaria; atqui Scriptura Sacra ad omnia est utilis, telle 2. Timoth. 3. v. 16. ergo continet omnia ad salutem necessaria. Ecce ibi est vestitus Achilles, repositus à Prædicantibus in curru suo, vide nunc, ut iterum corrut. Moguntini eum distinguendo sequunt medium. Ajunt uti ante: Scriptura Sacra est utilis generaliter, confusè, indistinctè ad omnia ista, conc. Nondum audis? Specialiter, distinctè, individualiter, neg. Nec hoc audis? contra hoc age, nec recanta toties cantata, & protrita; quasi novam musicam, nisi Minister fraudis velis audire. Sed adhuc habet alia arma Anti-Becanus. Quæ? videamus ista. 1. In quo habemus vitam, hoc continet omnia ad salutem necessaria; at in Scriptura Sacra habemus vitam æternam. Jean. 5. v. 39. Scrutamini &c. ergo. Quid hic Catholici faciant? Scrutentur, textum legant, & non credant citanti Scripturam prædicanti. Quid igitur sit? scilicet, Christum dixisse Judæis: *Scrutamini Scripturas, quia vos putatis in ipsius vitam æternam babere.* Vides Catholice, qui hoc putaverint? Video. Vidēsne, etiam, qui illos sequantur? adverto quoad hoc. Adverto etiam quoad alterum. Ibid. v. 40. *Pt non vultis venire ad me, ut vitam habeatis.* Verissime: dum Scripturas de Christo scrutantur sine humilitate Christi, Christum ipsum superbè predunt. Audiant

3. August. ad illa S. Ioan. terba commentantem: *Veni mecum* (Anti-Becane) si vis, super petram, & noli mibi esse velle pro pietra. 2. Ait Anti-Becanus: quo omnia dogmata fidei confirmari, & haeretici confutari debent, ut regulâ fidei, id continent omnem veritatem; Scriptura Sacra talis est: ergo. Respondent Catholici, ut ante distinguendo: continet omnem veritatem specialiter, & distincte, neg. Generaliter, & confusè, conc. Et sic evanescit terrificus iste syllogismus. Moguntini id satis pulchre declarant, ostendentes: ne quidem mysterii maximi in essentia unitatem, in Personis Trinitatem ex solis Scripturis sine Traditione distincte posse probari. Tenta, si ausis; sed citius Turca evades cum illis Prædicantibus, de quibus Schola Jesuitica pag. 102, 103. &c. quam ex sola Scriptura id demonstrares.

3. At Traditiones sunt incertæ, ait Anti-Becanus: R. Catholicus, si de qualitate hoc ait, falsum dicas, Apostolicam partem cum Scriptura Sacra certitudinem habent; quia ab eadem autoritate ortæ sunt. Si de numero, ignorantiam tuam ipso fateris: Ecclesia Christi non ignorat, quot habeat Traditiones. De catalogo per Becanum tibi texto conveni prius; de cæteris erudieris in Schola Jesuitarum, cum Hulio Wesalio Prædicante. 4. Non potest populo constare, quæ sit vera Traditio. R. Catholicus. Si difficile, & ambiguum apud te judicium perspexeris, &c. surge, & ascende ad locum, quem elegerit Dominus DEUS tuus, (olim Hierosolymam, nunc Romam) veniesque ad Sacerdotem Levitici generis (tunc, nunc secundum Ordinem Melchisedech) & Judicem, qui fuerit illo tempore (nunc Clementem XII.) quereresque ab eis, qui indicabunt tibi judicij veritatem, & facies, quocunque dixerint, qui præsumi loco, quem elegerit Dominus, & docuerint te iuxta legem ejus, quereresque sententiam eorum, nec declinabis ad dexteram, neque ad sinistram. Qui autem superbierit nolens obedire Sacerdoti imperio, qui eo tempore ministrat Domino DEO tu, & decreto Judicis, morietur homo ille, &c. Ecce emplastrum universale, amplum, aptum omnem ignorantiam sanare. Deut. 7. v. 9. &c. utere, sanus eris, probatum est.

Objectio VI.

4. **S**exta sumitur ex illo Matth. 15, v. 6. Irritum fecisti mandatum DEI propter Traditionem vestram. Ex Coloss. 2. v. 8. Videte, ne quis vos decipiatur per Philosophiam, & inanem fallaciam secundum Traditionem hominum. Et 1. Petr. 1. v. 18. Redemptus estis de vana vestra conversatione paterna Traditionis. Hinc colligunt Adversarii, omnes Traditiones à Christo,

&

& Apostolis damnatas esse. At non recte: nam Christus, & Apostoli solum loquuntur, vel de Traditionibus Iudeorum, quibus Pharisei male utebantur, ut supra explicatum est: vel de Traditionibus gentilium, quae fidei Christianae repugnabant. At tales non sunt, quas hoc loco nos defendimus. Nos defendimus divinas, & Apostolicas, quae supra enumeratae sunt.

ANIMADVERSIO.

(a) **A**nti-Becanus sit nihilominus, Traditiones admittentes falsitatem. Catholicus de ab Ecclesia approbatis, negat; de aliis non approbatis, concedit. Quid lucri fecisti? Si hoc scisti, cur tibimet non respondisti? si ignorabas tantillam rem, Magistri, & Doctoris nomine quomodo tueberis? At res non scriptae non possunt conservari per multa saecula, zit Anti-Becanus. O grave dictum! ubi scriptum est? quomodo oporteat coelicular ad os deducere, ut edas, & talia innumeria? & numquid? filii Adam didicere esun tot saeculis? & numquid coelum interiasset, si nemo de celo scripisset? quid videtur? magna recordia in Predicante, qui callens Scripturas, nescit Ecclesiam esse columnam, & firmamentum veritatis, ei Spiritum Sanctum doceantem omnem veritatem, iudeo ipsum Christum illi adesse usque ad consummationem. Sed pergamus nunc Becanum audite.

CAPUT III.

De Ecclesia.

Ecclisia Christi, ut dicam cap. 5. est Judex controversiarum fidei, ac religionis. Sed non potest esse sufficiens Judex, nisi habeat tres conditiones. 1. Ut sit visibilis; nam si esset invisibilis, non posset nobiscum visibilitatem agere, & nostras controversias vivavoce dirimere. 2. Ut sit infallibilis; nam si esset fallibilis, posset errare in dirimendis fidei controversiis, ac proinde nunquam essemus tuti in fide. 3. Ut sit nota; nam si esset incognita, non possemus ad ipsam, tanquam ad Judicem confugere. Igitur haec tres conditiones hoc ordine explicandae sunt: 1. Ecclesiam Christi esse visibilem.

bilem. 2. Unam, sanctam, Catholicam, Apostolicam, Sponsam Christi, Domum DEI, Columnam, & instrumentum veritatis. 3. Extra illam neminem salvare posse. 4. Eandem in fide non posse deficere, aut errare, ac proinde securos esse, qui illius sententiam sequuntur. 5. Hanc visibilem Christi Ecclesiam non esse aliam. quam Romanam, seu Pontificiam, quæ toto orbe diffusa est.

ANIMADVERSIO.

Anti-Becano methodus predicta non placet. Quare? quis Becanum nimis laxè agit de Ecclesia, & nimis strictè itane? Ita sit Prædicans: qua ratione? id ipse dicat, nec dicit, nec scit; puto: acu tangere veritatem, qui diceret. Anti-Becanum affectu agere, non intellectu; ex quo etiam Be- canum identidem vocat Sophistam ipse Sophistarum alpha; na- rationem ejus nominis in Becano nullam invenit, in se copio- fam, ut videbimus: quam ut Becani Lector agnoscat sciendū est: Calvinistas modernos duas in mente fixissie Ecclē- sias: unam visibilem, desectibilem; alteram invisibilem, u- stabilem: ex quarum una in alteram, ut libet, desiliunt, ui- tanse, terris æquè, atque aquis assuetæ.

CONCLUSIO I.

Ecclesia Christi in terris visibilis, & conspicua est.

Hanc concedunt præcipui Adversarii, præsertim Calvinus lib. 4. Instit. c. 1. s. 2. ubi ex pro- fesso disputat de Ecclesia visibili, & Philippus Melanchthon in Examine ordinandorum, titulō de Eu- clesia, ubi sic ait: *Ecclesia visibilis in hac vita est cætu visibilis amplectentium incorruptam Evangelii doctrinam, & recte utentium Sacramentis, in quo cætu Filius DEI efficax est. & multos regenerat ad vitam aeternam.*

2. Et res certa est: Primo: quia illa Ecclesia ne- cessariò visibilis est, in qua Episcopi, & Pastores visibi- liter debent gubernare suos subditos, visibiliter docere, hortari, Sacra menta administrare, peccantes corriperet, contumaces ab aliorum communione separare. Et vi- cissim, ubi subditi debent agnoscere suos Pastores, eo-rum monitis obtemperare, instructionem, & Sacramen-

Ita ab eis percipere. At hæc omnia sunt in vera Christi Ecclesia; ergo vera Christi Ecclesia necessariò visibilis est. Minor patet ex Scripturis, Matth. 18. v. 17. Dic Ecclesia, si Ecclesiast non audiērit fit tibi sicut Ebenicus, & Publicanus. Et Act. 20 v. 28. Attendite vobis. & universo gregi, in quo vos Spiritus Sanctus posuit Episcopos, regere Ecclesiam DEI. Et Hebr. 13. v. 17. Obedite Præpositis vestris, & subiacete eis. Ipsi enim per vigilant, quasi rationem pro animabus vestris reddituri. Et alibi.

3. Secundò: illa Ecclesia necessariò est visibilis, in qua publicè indicuntur, & celebrantur Concilia, iudicuntur Canones, dirimuntur controversiae de fide, ac religione. Hæc omnia sunt in vera Christi Ecclesia; nam apostoli indixerunt Concilium Hierosolymitanum, in quo hæc constitutio facta est: *Vixum est Spiritui Sancto, & nobis, nihil ultra imponere vobis oneris, quam hac necessaria, ut abstineatis vos ab immolatis simulacrum, sanguine, & suffocato.* Act. 15. v. 23. 29. Et post tempora Apostolorum celebrata sunt Concilia Generalia: Nicænum, Constantinopolitanum, Ephesinum, Chalcedonense, quæ etiam ab Adversariis, tanquam legitima admittuntur.

4. Tertio: Christus in Evangelio comparat Ecclesiam suam sagènæ misse in mare, & ex omni genere piscium congreganti; comparat convivio nuptiali, ad quod boni, & mali vocati sunt; comparat decem virginibus, quarum quinque prudentes sunt, quinque fatuas; comparat ovili, in quo reperiuntur oves, & haedi. Hæc non possunt intelligi, nisi de Ecclesia visibili; nam Adversarii, qui agnoscent duas Ecclesias, unam visibilem, alteram invisibilem, sic eas inter se distinguunt; quod in hac sint soli prædestinati, in altera boni, & mali permixti. At in Ecclesia, de qua Christus loquitur in supradictis parabolis, sunt boni, & mali permixti; ergo loquitur de Ecclesia visibili: loquitur autem de Vera Ecclesia: Vera igitur Ecclesia visibilis est.

5. Quartò: Idem à Propheta prædictum est: Psal. 18. v. 6. *In sole posuit tabernaculum suum, id est: ut ibi*

Ibidem explicat Augustinus: *In manifestatione posuit Ecclesiam suam, non in occulto.* Et Epist. 166. ad Donatistas: *Ipsa est Ecclesia in sole posita, id est, in manifestatione omnibus nota usque ad terminos terrae.* Eodem spiritu illud Christi, Matth. 5. v. 15. 16. Non potest civitas abscondi supra montem posita: neque accendunt lucernam, & ponant eam sub modio, sed super candelabrum, ut luceat omnibus, qui in domo sunt. Ubi per civitatem, quae abscondi non potest, & per lucernam, quae omnibus lucet, intelligitur Ecclesia Christi. Unde idem Augustinus in libro de unitate Ecclesiae cap. 16. Non tamen inquit, *operta Ecclesia, quia non est sub modio, sed super candelabrum.* Et de illa dictum est: *Non potest civitas abscondi supra montem posita.* Sed Donatistis velut operari est, qui audiunt tam lucida, & manifesta testimonianter illam toto orbe demonstrant, & malunt clausis oculis offendere in montem, quam in eum ascendere. Et Epist. 170. ad Severinum: *Facile tibi est attendere, & videre civitatem super montem constitutam.*

6. Quinto: Idem constat ex Symbolo fidei, ubi sic dicimus: *Credo Sanctam Ecclesiam Catholicam.* Quod de visibili Ecclesia intelligendum esse, non solum docent Catholici, sed etiam multi ex Adversariis, praesertim Calvinus lib. 4. cap. 1. §. 2. & Melanchthon loco super citatō. Itaque dari Ecclesiam visibilem, est articulus fidei secundum Adversarios. Et recte: nam licet extensis oculis videamus multitudinem eorum hominum ex quibus confitata est Ecclesia visibilis, tamen quod ipsa ea multitudine sit vera doctrina Christi, & Apostolorum, hoc non videmus, sed credimus. Unde visibilis Ecclesia, partim cadit sub extenos oculos, partim sub internam fidem. Extensis oculis videmus homines, qui in Ecclesia sunt: interna fide credimus, veram Christi doctrinam apud eos tradi, & conservari.

7. Hinc solvit vulgare illud sophisma: *Quod fide credimus, non est visibile; Ecclesiam fide credimus; ergo Ecclesia non est visibilis;* nam major propositio sic debet intelligi: quod fide credimus, non est visibile ex ea parte, qua sub fidem cadit; tametsi possit esse vi-

visibile ex alia parte, qua sub fidem non cedit. Hujus
rei varia extant exempla: Apostoli in Christo vide-
bant humanitatem, credebant divinitatem. In Baptis-
mo videmus externam aquam, & ablutionem; credi-
mus internam vim regenerandi, & peccata ablucendi.
In Codice Bibliorum videmus chartam, Scripturam, &
Codicem ipsum; credimus, quod in eo continetur, esse
verbum DEI. Idem dico de Ecclesia: Est aliquid in
ea, quo credimus: est aliquid, quod videmus. Credi-
mus veram esse doctrinam, quae in Ecclesia traditur.
Videmus homines, externos ritus, & Sacra menta, quae
in Ecclesia sunt; vel materiale videmus, formam in-
ternam non videmus.

8. Accedit consensus Patrum. Omnes, qui de hac
re ex professo scribunt, Ecclesiam visibilem esse affir-
mant. August. (ut omittam testimonia ipsius suprā
citata) Epist. 166. ad Donatistas sic habet: *In Scriptu-
rit didicimus Christum: in Scripturis didicimus Ecclesium.
Has Scripturas communiter habemus: quare non in eis
Christum, & Ecclesiam communiter retinemus?* Et post
multa: *Ecce Scripturae communes: ecce ubi novimus
Christus, ubi novimus Ecclesiam: si Christum ipsum tene-
atis, ipsam Ecclesiam quare non tenetis? si in ipsum Chri-
stum, quem legitis, & non videtis, tamen propter Scri-
pturarum veritatem creditis: quare Ecclesiam negatis,
nam & legitis, & videtis?*

9. Et ne longus sim in enumerandis aliis Patribus,
omnes illi supponunt Ecclesiam esse visibilem, qui re-
tinent ordine Successores Petri in gubernatione Eccle-
sie, ut Irenaeus, Optatus, Augustinus, Epiphanius, &
Eusebius Cæsariensis. Omnes item, qui fatentur ex
Evangelio, bonos, & malos in Ecclesia permixtos esse;
qui agnoscunt potestatem solvendi, ligandi, excommu-
nicandi, quae nisi in Ecclesia visibili exerceri non potest.
Denique, qui asserunt Ecclesiam sine prædicatione Evan-
gelii, & Sacramentorum administratione, consistere
non posse. Nec puto quemquam esse, qui haec neget,
intelligat.

10. Conabor tamen clarius explicare: Ac primùm quæro: an Respublica Veneta, vel civitas Viennensis in Austria sit visibilis, nec ne? Omnes opinor visibile esse concedunt. At eadem est ratio de Ecclesia, quo sic ostendo: Tria spectari possunt in Ecclesia. 1. Multitudo, seu collectio eorum hominum, qui sunt in Ecclesia. 2. Externum regimen, quo Prælati Ecclesiæ gubernant suos subditos, docendo,hortando, judicando, puniendo. Sacramenta administrando. 3. Interna fides & charitas, quæ inter se utuntur. Eadem spectari possunt in Republ. Veneta, vel Civitate Viennensi. 1. Multitudo, seu collectio eorum hominum, qui in Republ. vel civitate sunt. 2. Externum regnum, quo Magistratus politicus gubernat suos subditos. 3. Interna sectio, quæ isti inter se utuntur. Duo priora, tam in Ecclesia, quam in Republ. vel civitate sunt visibilia. Tertium utrobique est invisibile. Sicut enim externi oculis non possumus videre, an Christiani, qui in Ecclesia sunt, habeant internam fidem, & charitatem, propter externam fidei professionem id credo: sic etiam res habet in Republ. vel civitate. Video cives, qui in ea sunt, video externam politiam, & gubernationem, sed non video internum affectum, quem quisque habet aut habere debet. Si ergo, eo non obstante, nihilominus civitas, vel Respubl. verè dicitur esse visibilis; cum idem de Ecclesia dici non possit? nihil certius. Hinc facile diluvuntur cavillationes, quæ objici solent. (b)

ANIMADVERSIO.

(b) **A** Nti - Becanus sciens, quantum praefidii habeant in duplice Ecclesia ad saltandum, vel ambulandum; & vi- dens, becanum unam, eamque visibilem efficaciter præbare, furiosè agit. Prescribit Becano, quod debeat probare, Ecclesiam nullo modo esse invisibilem. O Alesto! non hoc debet secundum quid invisibilis est, nonne audisti num. 10. disertè dicentes: quod fides, spes, charitas fidelium Ecclesiæ est invisibilis? 2. Becanum ad examen vocat: Quomodo Ecclesia Christi visibilis? tota, an pars? jam dixerat Becanus satis; nisi vellere eum calvinizare, non faciet. 3. Dubitat de veritate majoris syllogismi, num. 2. positi, non sine suspicione eversæ mentis, cum palpabiliter sit vera. 4. Ait: officia à Becano recensita num. 2.

pertinere ad particulares Ecclesias, quæ tamen ad omnem perspicue spectant. 5. Ait: 4. terminos esse in syllogismo eodem, sed invenire ipse nescit. Ecce ita delirat, qui veritatem declinat. Vere in malevolam animam non intrat sapientia, &c.

CONCLUSIO II.

Hæc visibilis Ecclesia est una, sancta, Catholica, Apostolica, Sponsa Christi, Domus DEI, Columna, & firmamentum veritatis.

11. **H**anc etiam admittit Calvinus loco citatō. Et meritō; nam Scripturæ, Symbola fidei. & Patres pañim ita docent. Dicitur autem Ecclesia una, propter unionem, & consensum eorum, qui in Ecclesia sunt. Omnes enim unam, eandemque fidem profitantur, juxta illud Apostoli Ephes. 4. v. 5. *Unus Dominus, una Fides, unum Baptisma.* Et qui recedunt ab hac fidei unitate, propriè Sectarii, & Hæretici appellantur. Itaque ad eam conservandam sèpè hortatur nos idem Apostolus, præsertim Rom. 16. v. 17. *Rogo vos fratres, ut observetis eos, qui dissensiones, & offendi-tula præter doctrinam, quam vos didicistis, faciunt, & declinate ab illis.* Et I. Corinth. 1. v. 10. *Obsecro vos fratres, ut idipsum dicatis omnes, & non sint in vobis schismata.* Et Hebr. 13. v. 9. *Doctrinis variis, & per-reg' inis nolite abduci.* (c)

ANIMADVERSIO.

(c) **A**nti-Becanus nihil solidi habuit, quod unitati Ecclesiæ opponeret, & quō suam dualitatem mundo ostenderet. Est enim dualitas ista tam facta, quam fictum est duo ora habere Anti-Becanum; unum, quo aliquando loquitur verum, & alterum, quo frequenter falsum.

12. Dicitur Sancta, ob has causas: Primi: quia nemo in eam ingreditur, nisi per Baptismum ablutus, & sanctificatus. 1. Cor. 6. v. 11. *Hac quidem fuisti, sed abluti, sed sanctificati es sis.* Secundi: Quia omnia ipsius instituta, cæremoniæ, Sacramenta, & doctrina ad sanctitatem ordinantur. Eò enim spectant, ut vel sancti efficiamur, vel in sanctitate crescamus, & conservemur.

Ter-

Tertid: quia extra illam nulla potest esse sanctitas. *Quarto:* quia Christus, qui est Caput, & Sponsus Ecclesiae, est Sanctus Sanctorum. Addit. Calvin. *lib. 4. Inst. c. 1. §. 17.* vocari Sanctam, quia quotidie proficit in sanctitate, & ad meam sanctitatis aspirat. Nec obstat, quod multi mali sint in Ecclesia. Potest nihilominus vocari Sancta, tum propter rationes allatas, tum etiam, quia multi in ea sancti sunt. (d)

ANIMADVERSIO.

(d) **N**ec contra sanctitatem Ecclesiae potuit Anti-Becanus rationabile aliquid asserte; prorsus cum Calvinisti se faciliter canonizent, & in SS. numero collocent, quam Catholici. Hi enim multo vitæ examine utuntur; isti si se natos, immo ab æterno prædestinatione tales esse jactant; nam omnia sua, & ipsorum scelerata regunt Christi meritis, quibus Hierosolymæ olim positis hodie ipsi confimiliter sancti sunt, & Christus Dominus. Ita sentiunt, docent, & credere tenentur nisi crediderint ita, non censerent fideles. Videri potest Catechismus reformatus, S. Heidelbergensis Ursini.

13. Dicitur *Catholica*, seu universalis, tribus de causis. *Primò:* Ratione loci, quia per universum orbem diffusa est, Marc. 16. 15. *Euntes in mundum universum, prædicate Evangelium omni creatura.* *Secundò:* Ratione temporis, quia semper durabit, Dan. 2. v. 44. *Suscitat Dominus cœli regnum, quod in æternum non dissipabitur.* *Tertiò:* Ratione hominum salvandorum, quia quotquot salvantur, in visibili Ecclesia salvantur, & nullus extra eam salvari potest. (infra concl. sequenti) Hinc patet discrimen inter Ecclesiam Christi, & Synagogam Judæorum. Hæc enim nullo istorum modorum fuit Catholica, seu universalis. Non primò, quia non fuit diffusa per totum orbem; sed per solam Palæstinam. Nec secundò, quia non duravit, nisi certo tempore, nempe usque ad mortem Christi. Nec tertio, quia poterant salvari homines extra Synagogam, ut Ninivitæ, & alii. (e)

ANIMADVERSIO.

(e) **A**nti-Becano nomen Catholicum est hoc loco fudens oculis, unguis in ulcere &c, & qui initio sui Anti-Becanismi aucupabatur nomen Catholici, hic illud oblitus sui

sui opugnat; quomodo verò? Symbolo Apostolico mentitur ab Apostolis non esse appositum, aut ipsos apponendo errasse. Quis hoc? quia Apostolorum tempore nondum erat Catholica Ecclesia; & quare non? nondum toto orbe diffusa. Ecce acumen, quō tollitur medius Articulus Fidei de Ecclesia. Eodem si perget, tolleret integrum illum Carnis Resurrectionem. Quare? tempore Apostolorum nondum erat, nec adhuc est. Hanc sequelam acutam non vidit Anti-Becanus, Moguntini viderunt acutius ipsū. Tu Catholice Lector definitionem Catholicī nominis vide Animadversione I., ubi demonstratum invenies ex Rom. 1. v. 8. quod tempore Apostolorum jam Romana Fides annuntiabatur in universo mundo contra Prædicantes. Itaque Anti-Becanus est meditò suspicetus de Christianæ fidei eversione; cùm tam patenter Apostolorum Symbolum oppugnet, ac fortè Atheismi, vel Mahometismi, quem Catholicī pridē timent à Calvinianis Prædicantibus inducēdum. Hic Professor certè palam ostendit viam, & est in propinqua dispositione cùm suis sociis. Videatur Schola Jesuitica pag. 102. &c. Utinam Prædicans Actus Apostolorum cap. 2. considerasset, invenisset jam ipso die Pentecostes Ecclesiam Christi faciam esse Catholicam, & manifissę exinde usque modò, & manuram ad consummationem.

I4. Dicitur *Apostolica*, Primò: quia in Apostolis initium habuit. Secundò: quia ab Apostolis per orbem terrarum propagata est, Rom. 10. v. 18. In omnem terram exiit sonus eorum. Tertiò: quia sequitur doctrinam Apostolorum. Ad Gal. 1. v. 8. Licet nos, aut Angelus de celo evançelizet vobis, præterquam quod evançelizavimus vobis, anathema sit. Denique: quia retinet jurisdictionem semper per successionem Episcoporum ab Apostolis. Vide Tertullianum lib. de præscriptionibus adversus hæreticos cap. 20. & duobus sequentibus. (f)

ANIMADVERSIO.

(f) **A**Quæ Anti-Becanum vexat nomen Ecclesiæ Apostolica cum, atque Catholicum. Quare? quia conscius est sibi, & familiæ suæ, quod non sit Apostolica; & quare non? quia ab Apostolis legitima spiritus consanguinitate non descendit. Et cur non? Patrem, & Matrem spiritualem non habet. Quare non? negavit Ecclesiam Catholicam, uti jam audivimus; non necessariò esse Apostolica; etiam diserte ait. Jam vero sententia est Cypr. August. infra citanda. Non habet DEUM Patrem, qui Ecclesiam non vult habere Matrem. At Anti-Becanus utitur scriptis Apostolicis. Ita est: sed non satis hoc est; usu litterarum familij alicujus non continuò in genus,

& familiam eam adscisceris; fures eas sublegere possunt, & latrones rapere, non tamen id genus eorum, quorum litteras sibi ruerunt. Ostendat Anti-Becanus eam adoptionem, vel nativitatem in Sancta Catholica, & Apostolica Ecclesia; & credemus esse in ea natam; ostendat in ea professionem, & ostendat ubi eadem Ecclesia commissionem inuenisse alicujus sibi delegati; & credemus eum legitimè munus in ea administrare; hac commissione non probata, non est Prædicans ullus Apostolicus, nec Christi missus, sed aliunde irrepens, vel ascensus spiritualis fur, & spiritualis latro. At Prædicantes vocati sunt à Magistratu pagi, vel civitatis, aut à Synodo Prædicantium, aut à Consistorio, auctor populo ad concionandi munus. Nihil hoc est: nec singuli isti, nec simul habent potestatem à Christo constituendi missos Christi, nisi eam legitimè à temporibus Apostolorum sibi per manus traditam evidenter sciant, & probent.

Vide XII. lepidos saltus VIII. Prædicantium, quos circa I. Jodoci Kedd Speculum Religionis desultarunt. Iudicis iporum Apollonianorum in Zelandia, & Vedelianorum in Frisia Prædicantium contra seipsose schismatica, ac acerbissima scripta edita hi annis in causa vocationis suæ, cum Vedeliani in Magistratum Politicum, Apolloniani in DEUM solum suam Ecclesiasticam potestatem reducunt. Similis vigeret, floraretque in Anglia iuret Independentes, & Presbyterianos. Hunc igitur iudicium declinare vorans Anti-Becanus, negavit Ecclesiam esse Apostolicam, sed in caput suum.

15. Dicitur Sponsa Christi, quia Christus indissolubili vinculo eam sibi conjunxit, Oœc. 2. v. 19. Sponsa bona te mibi in sempiternum. Et Ephes. 5. v. 31. Propterea relinquit homo patrem, & matrem suam, & adhuc rebit uxori suæ, & erunt duo in carne una. Sacramentum hoc magnum est: Ego autem dico: in Christo, & Ecclesia. Habet autem hæc Sponsa tria privilegia. 1. quod sit fœcunda. 2. quod semper virgo. 3. quod ex latere Sponsi progenita. Quæ tria simul sumpta nulli unquam Sponsæ obtigerunt. B. MARIA, Josephi sponsa, fuit quidem fœcunda, & semper Virgo; non tamen è latere sui Sponsi progenita. Eva è contrario fuit ex latere Adami procreata, & fœcunda; non tamen semper Virgo. At Ecclesia, Christi Sponsa, omnia simul nata est. Ac primò: quod fœcunda sit, patet ex illo Galat. 4. v. 31. Non sumus ancillæ filii, sed liberae. Quod virgo, ex illo 2. Corinth. 11. 2. Despondi nos uni virginem castam exhibere Christo. Quod ex latere Christi,

hi, colligunt plerique ex illo Joan. 19. v. 34. Unus militum lancea latus ejus aperuit, & continuo exiit sanguis, & aqua. Quomodo autem id intelligendum sit, dictum est alibi.

16. Dicitur *Domus DEI*, quia tametsi Deus ubique sit, ut ipse metatetur apud Jeremiam c. 23. v. 24. *Cœlum & terram ego impleo*: tamen peculiari modo habitat in Ecclesia, tanquam in domo sua propter specialem assistentiam, & gubernationem, ut *Concl. 5.* explicandum est. Hanc Domum ipse sibi ædificavit supra firmam petram, ut nunquam ruitura sit. *Matth. 16. v. 18.* In hac habet dispensatorem familiæ suæ. *Lue. 12. v. 42.* In hac generat filios per Baptismum, instruit per prædicationem Evangelii, nutrit per Eucœliam, sanat per Pœnitentiam, & Unctionem. In hac habet vasæ omnis generis, aurea, & argentea, lignea, & fictilia. *1. Timoth. 2. v. 10.* In hac celebrat convivium nuptiale. *Matth. 22. v. 2.* Denique extra hanc neminem salvum esse vult, ut paulo post videbimus.

17. Dicitur *Columna, & firmamentum veritatis*; quia est columnæ firma, & stabilis, quæ a veritate delectere non potest; & sua firmitate, ac stabilitate sustentat suos filios, ne à veritate aberrent. Adversarii paulo aliter explicant. Ajunt: Ecclesiam dici columnam, & firmamentum veritatis; vel, quia non alibi habitat veritas DEI in hoc mundo, quam in Ecclesia, ut vult Beza in Commentario: vel, quia Ecclesia est fides custos veritatis DEI, ut interpretatur Calvinus *lib. 4. Inst. c. 1. s. 10.* Vel; ut loquitur in Commentario: *Quia veritatem præconiō suō celebrat; quia puram, & sinceram retinet; quia ad posteros transmittit;* vel denique; ut loquitur in cap. 43. *Isaiæ v. 10.* *Quia veritatem tutur, & propagat;* ut à posteris in omne ævum colatur. *Hæc omnia servient nobis pro s. Conclusione;*

*Extra hanc visibilem Ecclesiam nemo potest
salvari.*

18. **I**Ta passim docent Patres: Augustinus lib. de Unitate Ecclesiæ c. 15. *Ad ipsam vero salutem, inquit, ad vitam aeternam nemo pervenit, nisi qui habet caput Christum.* *Habere autem caput Christum, nemo poterit. nisi qui in ejus corpore fuerit, quod est Ecclesia.* Et Epistol. 10. ad Bonifacium Comitem, sub finem: *Ecclesia Catholica sola est corpus Christi, cuius ille caput est, Salvator corporis sui.* Extra hoc corpus neminem vivificat *Spiritus Sanctus.* Et paulò post: *Non habent itaque Spiritum Sanctum, qui sunt extra Ecclesiam.* Et Epist. 125. ad Donatistas: *Quisquis ergo ab hac Catholica Ecclesia fuerit separatus, quantumlibet laudabiliter se vivere existimet, hoc solo scelere, quod à Christi unitate disjunctus est, non habebit vitam, sed ira DEI manet super eum.* Et S. Gregorius lib. 14. Moralium c. 2: *Sancta universalis Ecclesia prædicat, salvare veraciter, nisi intra se, non posse, afferens: quod omnes, qui extra ipsam sunt, minimè salventur.*

19. Consentient Adversarii. Calvinus lib. 4. c. 1. §. 4. *Verum, inquit, quia non de visibili Ecclesia differere propositum est, discamus vel uno Matris elogio, quam utilis sit nobis ejus cognitio, immo necessaria; quando non alius est in vitam ingressus, nisi nos ipsa concipiatur in utero, nisi pariat, nisi alat suis uberibus; denique sub custodia gubernatione sua nos tueatur, donec exuti carne mortali similes erimus Angelis.* Et paulò post: *Extra ejus gremium nulla est speranda peccatorum remissio, nulla salus.* Et rursus §. 12. Tria, inquit, hic nobis observanda sunt: *Primum quantumlibet sanctitate poleant filii DEI, bac tam conditione semper esse, quamdiu in mortali corpore habitant, ut fine peccatorum remissione consistere nequeant eorum DEO.* Deinde hoc beneficium sic esse Ecclesiæ proprium, ut non aliter eo fruamur, quam si permaneamus in illius communione. Tertiò, per Ecclesiæ Ministros, & Pastores nobis dispensari, vel Evangelii prædicatione, vel Sacramentorum administratione.

20. Et Philippus Melanchthon in Examine ordinandorum, titulō de Ecclesia: *Non loquimur, inquit, de Ecclesia, ut de idea Platonica, sed monstramus Ecclesiam iuxta dictum: Dic Ecclesiae; hic necesse est intelligi visibilem Ecclesiam.* Et mox quærit: an necesse sit, singulos homines salvandos fieri cives hujus Ecclesiae visibilis? Et respondet his verbis: *Prorsus necesse est.*

21. Ejus rei variæ assignantur causæ ab Augustino serm. 181. de Tempore. *Prima*, quia in sola Ecclesia immolatur hostia Redemptoris. *Altera*, in sola vinea laborantes mercedem denarii accipiunt. *Tertia*, omnes, qui extra arcam Noë (figuram Ecclesiae) fuerunt, diluvio extincti sunt. *Quarta*, membrum quod non manet in corpore, vitam habere non potest. *Quinta*, ramus præcisus ab arbore non potest germinare. *Sexta*, rivos à fonte separatos arescit. Alii hanc addunt: Christus est Sponsus Ecclesiae; at Christus non est adulter, nec generat filios ex adultera; ergo non generat filios, nisi ex Sponsa sua Ecclesia: nemo ergo filius Christi est, nisi Matrem agnoscat Ecclesiam. Huc spectat Cyprianus in lib. de Unitate Ecclesiae: cùm ait: *Non habet DEUM Patrem, qui Ecclesiam non habet Matrem.* Et Augustin. lib. 4. de Symbolo ad Catechumenos cap. 13. *Si quis absque Ecclesia inventus ficerit, alienus erit à numero filiorum.* Nec habebit DEUM Patrem, qui Ecclesiam noluit habere Matrem,

22. Eodem pertinet vaticinium Isaiae cap. 60. v. 11. *Aperiuntur portæ tuae jugiter, die, ac nocte non claudentur, ut afferatur ad te fortitudo gentium, & Reges eaurum adducantur. Gens enim, & regnum, quod non servierit tibi, peribit.* Quibus verbis duo prædictit: *Unum: quod Ecclesia Christi futura sit visibilis, quæ pateat omnibus gentibus, si velint intrare. Alterum: quod omnes sunt perituri, qui eam ingressi non fuerint.* (g)

ANIMADVERSIO.

(e) **A**nti-Becanis non placet assertio ista: Extra Ecclesiam non posse quemquam salvari. Et quare non placet? Quia ipsi volunt salvari, & sunt extra Ecclesiam. Quomodo igitur probant isti fictionem suam? Sic serè: Plato natus Scripturam

peruram Sacram legit, & compungit, & ingemiscit; imò ali quis de genere ejus ait: *Ens Entium misericordie mei!* Iste Philo-
phus non est, ajunt verbi Ministri: in Ecclesia visibili & facil ea, quæ faciunt ii, qui sunt in Ecclesia visibili. Quid jam de eo fieri? damnabitur? At ingemuit super se; salvabitur? At non est in visibili Ecclesia. Ecce hoc est grande argumentum Minis-
trorum contra visibilem Ecclesiam; quid ei opponet Catholicus?
Hoc: *Erratis, nescientes Scripturas.* 1. Joan. 5. v. 8. *Tres sunt*
qui testimonium dant in terra, *Spiritus, & aqua, & sanguis*,
quodque DEUS Spiritu ingressos in Ecclesiam, solet etiam in eis
golis missis inducere per aquam, ut *Act. 10. Cornelium, & Eu-*
mochum, & a ibi alios, ut essent quoque corporaliter in Ecclesi-
extra quam non est salus.

CONCLUSIO IV.

*Hæc visibilis Ecclesia non potest deficere, vel
errare in fide.*

23. **H**æc Conclusio non debet intelligi de aliqua par-
te Ecclesiæ, sed de tota Ecclesia; nam certum
est: aliquam Ecclesiæ partem, id est, aliquos
Christianos errare posse, & in ipsa errasse. Erravit Ari-
xius, negans Christi Divinitatem. Erravit Macedonius,
negans Spiritus Sancti Divinitatem. Erravit Nestorius,
asserens duas in Christo personas. Errarunt Eutyches
& Diocorus, afferentes, unam in Christo naturam. Er-
rarunt Pelagiani, negantes peccatum originale, & ne-
cessitatem gratiae. Errarunt Donatistæ, & alii plures.
Qui omnes propter suos errores ab Ecclesia damnati, &
tanquam putrida membra, abscissi sunt.

24. At quæstio est: an tota Ecclesia Christi, seu
tota multitudo Christianorum, quatenus ex Pastoribus
& ovibus confusa est, possit errare in aliquo punto, vel
articulo fidei? vel, ut clarius dicam: an CHRISTUS, qui
Ecclesiam suam gubernat, permisurus sit, ut ipsa tota,
quatenus tuto orbe diffusa est, publicè profiteatur alii
quod dogma, quod sit contra fidem, vel Evangelium?
Hic à nobis dissentient Adversarii. Ajunt: totam Ec-
clesiam visibilem, quæ primis quingentis annis habuit
veram fidem, ac religionem, postea errasse, & multis
seculis usque ad tempora Lutheri in errore persistisse;
vel, ut alii loquuntur, totam periisse, & desecuisse; non
quod

quod perierint, aut defecerint homines, ex quibus con-
fata est Ecclesia visibilis; sed quod defecerit eorum fide,
& sincera religio. Ita passim Lutherani, & Cal-
vinistæ. (a)

ANIMADVERSIO.

(a) **E**T quare queso hoc de Ecclesia probrum dicunt verbi Minis-
trii: quia id in votis habent, docente eos illo, qui ex-
petivit Apostolos ad cribrandum, ut deficeret fides eo-
rum, quod illi factum dicunt, hic expetivit. Sed numquid im-
petravit etiam non sanè; ille enim se opposuit expetenti, qui
rogavit pro Petro, ut non desiceret fides ejus ad horam in tanta
tribulatione, in qua Pastor ipse percussus est; quia quod verbo
videbatur negare, hendo visibilitatem professus est, & non defecit.
Quid igitur impellit Ministros, ut laudent eos, qui dicunt: Ec-
clesiam defecisse, & criminentur eos qui id negant? sua volun-
tas; operant enim defecisse. Irane vero essent mali? Ita sanè:
opera eorum testimorum perhibent nobis de ipsis, ut de Susan-
ne castæ criminatoribus. Unde enim illi criminabantur castam?
de suo corde: & quid erat in corde eorum? adulterium. Quale
adulterium? exosum, an diectum? Utique dilectum; & hoc in
casta tamen accusando culpabant; ipsi erant adulteri, erant apo-
statae à DFO, & adulterii quam faciebant. Sic profus Ministri
verbi, apostatae à DEO, & Ecclesia, Catholicam Ecclesiam apo-
statae damnant, dum eam, ut senes illi mali defecisse exoptant,
quo speciem aliquam suæ reformationi fiducie possint obtendere in-
cautis; sed Daniel deprehendit eos; dum enim Ecclesia illi cri-
minatores examinantur, quomodo defecerit Ecclesia Christi? con-
tinuò inter se dissentire in sua accusatione noscuntur, & reperitur
ludicrum Schini, & Prini ex Dan. 13. v. 54. & 58. à Biblicis
fratribus; inter quos denique etiam aliquis repertus est, qui pro
fratribus suis Ecclesiae accusatoribus auderet dicere: fieri eis in-
juriā, eo, quod intentia discordantium non recitetur concor-
diter. Ridiculum sanè postulatum est, postulare à Daniele, ut
deprehensis ienibus nequam in mendacio discordi, ipse ex Schino,
& Prino arbitris unam conflet arborem, quam mendaces senes
nequidem unam mentiri potueront. Dicunt, & scribunt fræ-
dicantes. Christi Ecclesiam totam defecisse, ut esse Reformatores
ejus videantur; sed defectionem nunquam concorditer explicant,
ne probant, quia uentiuntur.

25. Sed manifestè refelluntur ex concessis. Primo;
quia ipsi concedunt, esse articulum fidei, dari Ecclesiam
Christi visibilem, quæ sancta, & Catholica sit; &
hoc sensu interpretantur illud, quod in Symbolo profi-
temur: *Credo Sanctam Ecclesiam Catholicam*, ut conclu-
sio-

sione secunda ostensum est. At articuli fidei semper sunt veri, nunquam falsi; ergo semper verum est: dicit Ecclesiam CHRISTI visibilem, quae sancta, & Catholicis fit; ergo falsum est, totam Christi Ecclesiam visibilem post primos quingentos annos defecisse, & multis seculis nullam fuisse visibilem Christi Ecclesiam. Nam ita esset, non licuisset tunc dicere: *Credo Sanctam Ecclesiam Catholicam.*

26. Secundò: Concedunt etiam Adversarii, Ecclesiam visibilem esse Sponsam Christi, ut conclusione tertia dictum est. Hinc formo duplex argumentum: unum ex parte Sponsi, qui indissolubili vinculo conjunxit sibi Ecclesiam visibilem, tanquam Sponsam perpetuam, explicat Apostolus, Epheſ. 5. v. 31. Et prædictum est ab Osea cap. 2. v. 19. *Sponsabo te mibi in sempiternum.* Ergo nunquam ab ea separari potest. Alterum ex parte Sponsæ quæ ad perpetuam subjectionem, & fidem conjugalem obligavit se suo Sponso, ut insinuat idem Apostolus, cùm ait: *Sicut Ecclesia subjecta est Christo, ita & mulieres viris suis subdita sint in omnibus.* Quasi dicatur: Ecclesia est norma, seu exemplar subjectionis, & fidelitatis, cui mulieres conformare se debent. At non est norma fidelitatis, si post aliquos annos deficeret a suo Sponso, & fieret adultera. Unde Cyprianus lib. de Unitate Ecclesiæ. *Adulterari non potest sponsa Christi; immo corrupta est, & pudica.*

27. Tertiò: Ecclesia visibilis est Domus Dei, de qua Christus in Evangelio, Matth. 16. v. 18. *Super hanc petram ædificabo Ecclesiam meam, & portæ inferi non prævalebunt adversus eam.* Ubi duo promittit: Primo: quod velit Ecclesiam suam ædificare super petram. Secundo, quod portæ inferi non sint eam expugnaturæ. In utroque alludit ad id, quod Matth. 7. v. 24. dixerat, sapientem architectum esse, qui ædificat domum super petram: stultum, qui super arenam. Causam additum: quia, quando oritur aliqua vehementer tempestas, maxime corruit illa, quæ super arenam: non altera, quæ super petram fundata est. Christus ergo voluit imitari sapientem architectum, & ædificare Ecclesiam suam super petram,

tram, ut nulla ventorum, aut imbrium vi possit disflubari. Hinc patet: eos magnam injuriam irrogare Christo, qui afferunt: Ecclesiam ab ipso ædificatam posse deficere, & re ipsa defecisse; nam inde sequitor, non super petram, sed super arenam fuisse ædificatam; ac proinde Christum fuisse stultum, non sapientem architectum. Imò fuisse mendacem, quod promiserit, se super petram ædificaturum, & non fecerit; quod dixerit, portas inferi non prævaliruras, & prævaluerunt. Hoc argumento usi sunt plerique Patres, ut postea videbimus.

28. Quartò: Ecclesia visibilis dicitur Columna, & firmamentum veritatis, triplici sensu, ut supra dixi: Primo, quia est columnna firma, & stabilis, quæ à veritate deflectere non potest, ut explicant Catholicæ. Secundo, quia est fida custos veritatis, eamque puram, & sinceram ad posteros transmittit, ut vult Calvinus. Tertio, quia non alibi habitat veritas Dei in hoc mundo, nisi in Ecclesia, ut interpretatur Beza. Hinc sumus triplex argumentum. 1. Si Ecclesia visibilis est columnna firma, & stabilis, quæ à veritate deflectere non potest, certum est, non posse errare in fide. 2. Si est fida custos veritatis, nunquam suā culpā amittit veritatem; aut si illam amittit, non est fida illius custos. 3. Si veritas non alibi habitat, quam in Ecclesia visibili; vel ergo superioribus seculis non habitavit veritas in hoc mundo; vel si habitavit non alibi, quam in Ecclesia visibili habitavit. Necesse ergo est, fuisse Ecclesiam visibilem.

29. Quinto: Nemo potest salvari extra Ecclesiam visibilem, ut cum Catholicis disertè fatetur Calvinus. At semper aliqui salvantur; ergo semper durat Ecclesia visibilis. Falsum ergo est, Ecclesiam visibilem multis seculis non exstitisse; nam si non exstisset multis seculis, nemo fuisset salvatus. Periissent igitur omnes Majores nostri, quotquot ante Lutherum per aliquos secula toto orbe vixerunt. Quis hoc credat?

30. Atque hæc argumenta sumpta sunt ex concessione Adversariorum. Accedunt alia ex Scripturis: Primum ex Isaia, qui cap. §4. nihil aliud, quam de Eccle-

Siæ Christi sœcunditate , amplitudine , firmitate , perpetuitate , & victoria contra hæreticos , & alios hostes vanicinatur ; ac inter cætera , sic eam alloquitur in persona DEI , v. 4. *Noli timere , quia non confunderis , neque erubesces . Confunderetur autem , & erubesceret , si crearet in fide . Et v. 10. Montes commovebuntur . & colles contremiscerent , misericordia autem mea non recedet a te , & sedus pacis meæ non commovebitur ; id est : etiam si montes de loco suo moverentur , & colles contremiserent : non tamen misericordia mea recederet a te . & fœdus pacis meæ , quod tecum inihi , fixum , & irrevocabile mansurum est . Et v. 11. Ecce ergo sternam per ordinem lapides tuos , & fundabo te in sapphiis ; & ponam Jaspidem propugnacula tua , & portas tuas in lapidi sculptos , id est : Ego ita fundabo , & stabiliam te , ut tempestate convelli non possis ; ita muniam te portis & propugnaculis , ut futura sis inexpugnabilis . Et v. 17. Omne vos , quod fictum est contra te non dirigetur ; & omnem linguam resistentium tibi in judicio condemnabile id est : Omnes Adversarii , quos diabolus contra te excitabit , non habebunt successum ; & omnes hæreticos qui tibi resistent in causa fidei , ac religionis , de erroris convictos condemnabis . Quod etiam factum est hactenus .*

31. Secundum ex verbis Christi , que plancè conspirant cum verbis Isaiae Matth. 16. v. 18. Portæ inferi non prævalebunt aduersus eam . Quæ jam explicata sunt . Sed audiamus August. lib. 1. de Symbolo ad Catechumenos , cap. 6. ubi ait : *Ipsa Ecclesia sancta , Ecclesia una Ecclesia vera , Ecclesia Catholica , contra omnes hereses pugnans . Pugnare potest , expugnari tamen non potest . Haereses omnes de illa exierunt , tanquam sarmenta inutilia de vite practisa . Ipsa autem manet in radice sua , in vita sua , in charitate sua . Portæ inferorum non vincunt eam . Ubi manifestè loquitur de Ecclesia visibili , ex qua exeunt hæretici . Non enim exeunt ex invisibili , in qua soli prædestinati sunt , quia in ea nunquam fuerunt . Igitur ex sententia Augustini , Ecclesia visibilis est una , sancta , Catholica , quæ à portis inferorum vincitur , aut expugnari non potest .*

32. Tertium similiter ex verbis Christi, Matt. 28.
 v. 19. Euntes in mundum universum, docete omnes gentes, &c. Et ecce ego vobiscum sum omnibus diebus usque ad consummationem seculi. Ego mitto vos in universum orbem, ut apud Ethnicos Evangelium, & Sacra menta administretis. Occurrent quidem multa pericula, & adversitates, quia diabolus, qui ubique habet suos cultores, & idolatras, crudelissime vos persequetur; sed forte rite animo; Ego non deseram vos, adero vobis, & successoribus vestris usque ad finem mundi. Ego inquam adero, qui nuper dixi: Non relinquam vos orphanos. Joan. 14. v. 18. Ego, qui dixi: Confidite, ego vici mundum. Joan. 16. v. 33. Ego, contra quem Princeps hujus mundi non habet quicquam. Joan. 14. v. 30. Ego, cui Pater promisit: Ponam inimicos tuos scabellum pedum tuorum. Psal. 109. v. 1.

33. Hoc etiam testimonio utitur Augustinus Concl. 2. in Psal. 101. contra Donatistas, ubi introduxit Ecclesiam ita loquentem cum Christo: Quid est quod nescio, qui recedentes a me murmurant contra me? quid est, quod perdisti me periisse contendunt? certe enim hoc dicunt, quia fui. & non sum. Annuncia mibi exiguitatem dierum meorum; quamdiu ero in isto seculo? Annuncia mibi propter illos, qui dicunt: fuit. & jam non est; apostatavit, & periit Ecclesia de omnibus gentibus. Et annunciatavit: Ecce ego vobiscum sum omnibus diebus usque ad consummationem seculi. Hic adverte: quomodo Augustinus per latera Donatistarum confodiat Lutheranos, & Calvinistas, qui etiam dicunt, quod illi dicebant: Ecclesia Catholica jam non est, sed fuit. apostatavit. & periit. Contra quos similiter licebit exclamare: Quid est, quod nescio, qui recedentes a me murmurant contra me? Quid est, quod perdisti me periisse contendunt? Nonne tu Domine dixisti: Ecce ego tecum sum omnibus diebus usque ad consummationem seculi. Certe non dixi: Ecce tecum sum quingentis annis, & postea per aliquot secunda te deseram, usque ad tempora Lutheri, & Calvini; sed diserte omnibus diebus usque ad finem mundi. (b)

ANIMADVERSIO.

(b) **A**dversus hæc invicta argumenta petita ex divinis promissionibus quid dicit Anti-Becanus? dicit tamen defecisse; quomodo verò id probare conatur? sic: illas promissiones æquè pertinere ad particulares Ecclesiæ, quæ totam; & addit: atque particulares Ecclesiæ defecerunt statim promissionibus divinis; ergo & tota deficere potest. Ita Anti-Becanus, sed qui probat assertionem suam primam? non probat sed credi sibi postulat; & quod turpius est, ipse alibi eam refutat. clare afferens: de particularibus Ecclesiæ esse conditionatae. Ecclesia tota absolute veras pro omni tempore promissiones: quod Christus semper sit caput Ecclesiæ, & illa semper est corpus Apage igitur cum isto Anti-Becano, & pergit Becanus.

34. Denique omnia argumenta, quibus Augustinus, & alii Patres contra Donatistas, usi sunt, valeant etiam contra Lutheranos, & Calvinistas. Et quidem potiori jure. Ut hoc melius intelligatur, prius expandendum est: quid olim Donatistæ docuerint de Ecclesiæ quid nunc Lutherani, & Calvinistæ doceant. Donatisti docuerunt, Ecclesiam Catholicam, quæ antea toto orbe fuerat dispersa, postea toto orbe periisse, propter crimem Cæciliani Episcopi; & solum remansisse in parte Africæ, quæ Donato adhærebat, ut testatur Augustinus lib. de heresib. cap. 69.

35. Idem serè docent Lutherani, & Calvinistæ. Nam primo afferunt: Ecclesiam Catholicam, quæ primis quingentis annis toto orbe fuerat diffusa, proprie criminis Pontificis (quem Antichristum vocant) toto orbe periisse. Secundo, ita penitus periisse, ut nusquam nec in Europa, nec in Asia, nec in Africa salva, & in columis permanserit, sed ubique adultera, & apostatica fuerit deprehensa. Tertio, postea nihilominus in parte Europæ, quæ Luthero adhærebat, revixisse. primo, & tertio punto similes sunt Donatistis, in secundo deteriores. Igitur quidquid Augustinus, & alii Patres contra Donatistas olim scripsierunt, id vel parvum vel potiori ratione contra Lutheranos, & Calvinistas scripsisse putandi sunt.

Corollarium hujus Conclusionis.

36. **C**um ergo Ecclesia Christi, ut hactenus ostensum, non possit deficere, vel errare in fide propter peculiarem Spiritus Sancti assistentiam, quam Christus illi promisit; magna omnino debet esse ejus authoritas in negotio fidei, & religionis. Hanc authoritatem sacerdotem commendat Augustinus, ut lib. contra epist. Manichaei cap. 5. cum ait: *Ego vero Evangelio non crederem, nisi me Catholica Ecclesia commoderet authoritas.* Et lib. de utilitate credendi ad Honoratum cap. 17. *Cum igitur tantum auxilium DEI, tanquam prosectorum, addictumque videamus, dubitemus nos ejus Ecclesia condere gremio, quae ab Apostolica Sede per successionem Episcoporum frustra hereticis circumstantibus culmen authoritatis obtinuit i cui nolle primas dare, vel summae profectio impietatis est, vel præcipitis arrogantiae.* Notent hoc Adversarii.

37. Porro in hac Ecclesiæ authoritate fundatur communis hæc regula, quam Catholici perpetuò urgunt: Nemo potest errare in fide, & religione, qui sentit, quod tota Ecclesia sentit. Vel, quod idem est: unusquisque tuto, ac securè potest id amplecti, aut respuere, quod tota Ecclesia amplectitur, aut respuit. Hanc regulam ubique tenuit Augustinus, & ex ea definivit hæc puncta:

1. *Orandum esse pro mortuis.* (lib. de cura pro mortuis cap. 1.)
2. *Parvulos esse baptizandos.* (epist. 28. ad Hieron.)
3. *Parvulis prodeesse fidem eorum, à quibus ad Baptismum offeruntur.* (lib. 3. de libero arbitrio c. 23.)
4. *Hæreticos non esse rebaptizandos.* (lib. 1. contra Cœsonium Grammaticum. cap. 3.)
5. *Librum Matthæi Evangelista canonicum esse, non librum Manichæi, qui illi contrarius est.* (lib. 28. contra Faustum. cap. 2.)
6. *Hæreticis, & Schismatycis non esse præcisam spem salutis, si resipiscant.* (lib. inchoatæ expositio-nis Epistola ad Romanos post medium.)

38. Denique: ut semel dicam omnia, in omnibus sequendum esse iudicium Ecclesiæ Epist. 118. ad Januvrium cap. 5. Ad hæc, inquit, ita respondeo: si divinitus Scriptura præscribit authoritas, non est dubitandum, quod ita facere debeamus, ut legimus: ut jam non quomodo sciendum, sed quomodo Sacramentum intelligendum sit disputemus. Similiter etiam, si quid horum tota per omnem frequentet Ecclesia. Nam & hinc, quin ita faciendum sit, disputare, insolentissima insaniam est.

39. Hæc Augustinus. Et quamvis aliqua ex suis prædictis punctis, quæ ex ipso allata sunt, soleant probari ex Traditione Apostolica (ut cap. 4. §. 16. & seqq. quæntibus ostensum est) hoc tamen non obstat, quod minùs possint etiam probari ex autoritate Ecclesiæ præsertim cum ex praxi, iudicio, & autoritate Ecclesiæ debeamus agnoscere, quænam sint Traditiones Apostolicæ, & quæ non sint.

40. Nos cum Augustino eandem regulam amplius sumus, & ex ea specialiter deducimus: eos non errant qui defendunt Purgatorium, Sacrificium Missæ, Invocationem Sanctorum, Exorcismum, & similia; quæ consensu totius Ecclesiæ, antequam Lutherus, & Calvinus dascerentur, recepta, & approbata sunt. Adversarii, si hanc regulam respuunt, nihil certi habere posse sunt in rebus fidei, & religionis; ut in Epilogo hujus capituli demonstrabo: Nunc videamus, quid ipsi obliquiant contra ea, quæ haecenus dicta sunt. (c)

ANIMADVERSIO.

(c) **D**octrina Corollario præcedente expressa per Beccanum validum momordit Anti-Becanum. Itaque cum non posset rottitur, capit eam mendaciis oppugnare. Quomodo inquires? Sic: Anti-Becanus ait: Augustin, in lib. contra episcopum Manichæi cap. 5. dum ait: non crederem: loqui uti Manichæum. Quid mendacius dici poterat? cum enim in præsenti dicat, non crederem, & contra Manichæos hoc scribat, iste tamen cogit Augustinum esse Manichæum, dum scribit contra Manichæum. Ita vecors est Anti-Becanus cum Calvinio suo. 2. sic: Ecclesia Apostolorum tempori proxima non tenuit esse orandum pro mortuis Irane Anti-Becane? quid igitur S. Jacobus maior, minorque & S. Matthæus, & Marcus, in Liturgiis suis orantes pro mortuis

non sunt Apostolorum tempori proximi? & Dionysius Hierarch. Ecclesi cap. 7. & Tertullianus de Corona idem docentes, non sunt Apolitorum tempori proximi? pudeat. 3. Anti-Becanus ait: Augustinum ex usu, & auctoritate Ecclesiae non definire baptizandos esse parvulos. Videamus textum, ait enim: contra Ecclesiae fundatissimum morem nemo sentiat, ubi ad baptismum, si propter sola parvulorum corpora curretur, baptizandi offerentur & mortui. Ita August. Et tamen Anti-Becani hic tenebras offundere canantur, contra quorum mendacia fuisse Moguntini textus SS. PP. exciperant, vel eorum locos assignarunt, quos consulere licet.

Objecio I.

41. Primo sic objiciunt: Synagoga Judaeorum sapientia defecit a fide: ergo etiam Ecclesia potest deficeri, cum sit pars ratio. Antecedens probatur: quia primo defecit tempore Moysis, quando Aaron cum toto populo adoravit vitulum. Exod. 32. v. 4. Secundum, tempore Heliae, quando nullus mansit fidelis, nisi solus Helias; ut ipsemet conqueritur 3. Reg. 19. v. 10. Delictus sum ego solus. & querunt animam meam, ut auferant eam. Tertium, tempore Isaiae, & Jeremias, quando omnes recesserunt a Deo, Isaiae 1. v. 3. Cognovit bos possessorem suum, & asinus praeseppe Domini sui: Israël autem me non cognovit. Et Jerem. 2. v. 13. Duomala fecit populus meus: me dereliquerunt fontem aquæ vivaæ, & foderunt sibi cisternas dissipatas, quæ continere non valent aquas. Et 2. Paralip. 15. v. 3. Transibunt multi dies in Israël absque DEO vero, & absque Sacerdote, Doctori, & absque lege. Quartum, tempore Christi, quando tota Synagoga cum omnibus cæmoniis suis expiravit.

42. Respondeo. Quidquid sit de antecedente, (de quo paulo post) neganda est consequentia. Non enim sequitur: Synagoga defecit ergo Ecclesia deficit. Primo, quia Ecclesia habet promissionem de sua firmitate, ac stabilitate, quam Synagoga non habuit. Non enim de Synagoga, sed de Ecclesia dictum est: Portæ inferi non prævalebunt adversus eam. Secundum, Ecclesia est libera, Synagoga fuit ancilla. Et illa designatur per Sarah, quæ fuit uxor Abrahæ: hæc per Agar, quæ fuit ancilla. Galat. 4. v. 24. At Agar fuit dimissa, & repudiata,

diata, non item Sara, ergo similiter Synagoga debuit repudiari, non item Ecclesia. Tertio, Ecclesia est Catholica, seu universalis, non solum ratione loci, sed etiam ratione hominum salvandorum. Quotquot enim salvantur, in Ecclesia salvantur; & extra illam nemo salvari potest. Igitur, si deficeret tota Ecclesia, nullus omnino salvaretur. At Synagoga non erat Catholica, seu universalis, quia extra illam poterant homines salvare, ut Ninivitae, & alii. Tametsi ergo defecisset tota Synagoga, adhuc tamen potuissent homines salvari.

43. Hæc de consequentia: in probatione antecedentis multa assumuntur, quæ examinanda sunt. Primum est: Synagogam tempore Moysis, in adorando virtulo, à fide defecisse, falsum est; non defecit tota Synagoga, sed pars ejus. Non enim defecit Moyses, neque Levitæ, & Sacerdotes, ut patet ex illo Exodi 32. v. 25. Videns ergo Moyses populum ait: Si quis est Domini, iungatur mihi. Congregatique sunt ad eum omnes filii Levi. Erant autem filii Levi viginti duo millia, ut habetus Num. 3. v. 39.

44. Alterum est: Synagogam tempore Heliæ, Isaiae & Jeremiæ defecisse à fide; hic opus est distinctione: nam eo tempore, duo regna pertinebant ad Synagogam: Alterum Juda, quod constabat duabus: Alterum Israëli, quod constabat decem tribubus. Hoc posterius statim à principio sub primo Rege Jeroboam defecit à vera fide, & publicè cœpit idola adorare, 3. Regum 12. v. 18. Et in eo statu permanxit usque ad captivitatem, juxta illud 4. Reg. 17. v. 22. Ambulaverunt filii Israël in universitate peccatis Jeroboam, quæ fecerat, & non recesserunt ab eis usquequo Dominus auferret Israël à facie sua in Assyriam. Nihilominus semper aliqui fuerunt in illo regno, qui abstinenter ab idolatria, & verum DEUM agnoscerent, etiam tempore Heliæ; nam cum ipse putaret se solum relictum esse, audivit responsum à DEO, 3. Reg. 19. v. 18. Dereliqui mihi in Israël septem milles virorum, quorum genua non sunt incurvata ante Baal.

45. In regno Juda aliter res habuit; nam aliqui Reges fuerunt boni, & cultores veri DEI, ut Asa, Jo-

saphat, Azarias, Joathan, Ezechias, & Josias, sub quibus vera religio, vel restaurata, vel conservata est. Alii mali, & Idololatriæ, ut Achaz, Manasses, Amon. Alii denique, non quidem Idololatriæ, sed tamen mali, semper tamen in templo Salomonis videtur mansisse usus sacrificiorum secundum legem Mosaicam usque ad captivitatem Babyloniam, ut colligitur ex illis verbis. 2. Machab. 1. v. 19. Cum in Perfidem ducerentur Patres nostri; Sacerdotes, qui tunc cultores DEI erant, acceptum ignem de altari occulte absconderunt in valle, ubi erat pusillus altus, & siccus: Loquitur de igne cœlitus à Deo misso, quo utebantur Sacerdotes in quotidianis sacrificiis. Levit. 9. & 10. Igitur ignis ille fuit conservatus in templo usque ad illud tempus, quo Judæi in Perfidem captivi abducebantur.

46. Tertium est, Synagogam tempore Christi defessa esse; hoc verum est. Non quod tunc defecerit à vera fide, quam antea profitebatur, sed quia tunc repudiata est cum suis cæmoniis, & sacrificiis, & in ejus locum successit Ecclesia Christi; at non sequitur, hanc similitet repudiandam: imò contrarium sequitur. Primo, quia, ut ante dixi, Synagogam repræsentabat ancilla Abrahæ, quæ fuit repudiata; Ecclesiam vero uxor Abrahæ, quæ non fuit repudiata. Secundo, Synagoga pròpterea fuit repudiata: quod neque perfecta esset, neque sufficiens ad salutem, iuxta illud Hebr. 7. v. 19. Nihil ad per se. Num adduxit lex. Et hoc sensu cæmoniæ, & Sacramenta Synagogæ vocantur ab Apostolo informa, & egena clementia. Galat. 4. v. 9. At Ecclesia Christi est perfecta, & sufficiens ad salutem; quia Sacramenta ipsius, quæ a Christo instituta sunt, habent vim justificandi, & tollendi peccata. Unde August. in Psalm. 73. Sacramenta inquit, novi Testamenti dant salutem; Sacramenta veteris Testamenti promiserunt Salvatorem. Tertiò, Synagoga continebat umbram fututorum. Hebr. 10. v. 1. Ecclesia continet lucem, qui est Christus. Joan. 1. v. 9. At umbra necessariò deficit, accedente luce, debuit ipsis surcessare Synagoga cum sacrificiis Mosaicis, quando venit Ecclesia cum Christo. Quarto, Synagoga erat in-

stituta pro servis, Ecclesia pro filiis. At servi accipiunt temporalem mercedem a suis Dominis, & sic dimittuntur; Filii autem succedunt in perpetuam hereditatem. Quod insinuat apost. ad Galat. 4. v. 30. *Ejice ancillam, & filium ejus; non enim bares erit filius ancilla, cuius filio liberus.* (a)

ANIMADVERSIO.

(a) **A**nti-Becanus hanc primam objectionem pluribus exemplis conatus est sarcire, sperans multitudine evincere, quod nequit roboe; ait igitur: 1. Ecclesia visibilis defecit tempore Abrahami, quis August. Psalm. 128. ait: Ecclesiam in solo Abraham aliquando fuisse. Argutule sanè: quasi in Abraham, ut in capite, familia fidelis non potuerit dici Ecclesia: cùm idem August. afferat, etiam Ecclesiam sic in solo Loth coevam Abrahami fuisse, nempe ut in capite, vel principe. 2. Ecclesia defecit in deserto, cùm vitulus adoratus est. Falsum id esse patet ex Levitis milibus, qui ulti sunt offensum Numen. 3. Sub Judicibus quoque soñniat, defecisse Ecclesiam visibilem Anti-Becanus ex Jud. 2. v. 11. 12. dicitur. *Feceruntque filii Israël malum &c.* & servierunt Baalim: quæ verba suo arbitrio vult valere ac si nulli manserint fideles. Scilicet: indefinita propositione ista magnis ingenii est universalis, & quidem absoluta. 4. Sub Regibus defecit Ecclesia, ait Anti-Becanus: Becanus id falsum effidit, & constas. 5. Sub Antiocho Epiphane defecit Ecclesia in sippientibus oculis Anti-Becanorum; quippe integras exercitus Machabæorum videre eo tempore non poterant Lippi. 6. Etiam sub Phariæis tempore Christi. Iterum corporis cœcitas Anti-Becanorum, qui Zachariam, Elizabeth, Joannem, Mariam, Annam, Simeonem, & horum similes multis non possunt, vel nollunt agnoscer cœci, & duces cœcorum. 7. Tempore Passionis Dominiæ certò pugnat Anti-Becani. se deprehendisse interitum visibilis Ecclesie. Videamus, quæm verè: Latro in cruce clamat: *Domine, &c.* Christus Mater ait: *Ecce filius &c.* & Discipulus: *Ecce Mater tua.* Centurio glorificat DEUM: item milites ejus: mulieres à longè stantes, Josephum ab Arimathea intrantem ad Pilatum pro Corpore JESU, Nicodemum nunc publicum professorem emendo aromata, omnes hos non vident trunci Anti-Becani, quia invisibilis illi facti sunt. 8. Tempore Diocletiani defecit visibilis Ecclesia, ait Anti-Becanus: Itane? unde igitur illa illustria millia Martyrum, quos Moguntini tosis legionibus producunt contra Anti-Becanos pag. 122. 9. Saltē tempore Concilii Ariminensis defecit, cùm mundus miratus est, se efficiarianum, teste Hieronymo. Verum dicere Anti-Becanus, si Liberum, Damnum, Gaudentium, Maximum, &c. plurimos occulere posset, ne videri possent.

Objec^{tio} II.

47. Secundū sic objiciunt: Ecclesia deficiet à fide tempore Antichriti, ut prædixit Apostolus 2. Thess. 2. v. 3. *Nisi venerit discessio primum, id est, defectio à fide) & revelatus fuerit homo peccati, id est, Antichristus, &c.* At jam pridem revelatus est Antichristus, quem constat esse Pontificem Romanum; ergo jam pridem Ecclesia defecit à fide. *Resp.* Minor aperte falsa est. Major dupliciter potest intelligi. Primo, de defectione omnium fidelium. Secundo, de defectione aliquorum. Priori modo falsa est, non solùm ex nostra, sed etiam Adversariorum sententia; nam ipsi dicunt, Antichristum jam venisse, & tamen negant, omnes fideles à fide defecisse, cùm & ipsi, sub iudicio, fideles sint. Posteriori modo vera est; quia aliqui fideles deficient à fide tempore Antichristi; quod tamen mirum non est: nam à tempore Apostolorum singulis ætatibus aliqui defecerunt, ut Nicolitæ, Marcionitæ, Novatiani, Ariani, Donatistæ, Pelagiani, Severiani, Iconomachi, Cathari, Waldenses, Anabaptistæ, & plures alii.

48. An verò Apostolus, qui adducitur ad probacionem majoris, loquatur de defectione à fide, certum non est. Multi putant, illum loqui de defectione ab Imperio Romano, ut D. Hieronym, epist. 151. ad Algasiam q. 11. *Nisi, inquit, venerit discessio primum, quod græcè dicitur Anostasia, ut omnes gentes, quæ Romano Imperio suōjacent, recedant ab eo; & nisi Romanum Imperium fuerit antea desolatum, & Antichristus præcesserit, Christus non ventiet: qui ideo venturus est, ut Antichristum destruat.* Idem sentiunt Tertull. lib. de Resurrect. carnis, cap. 24. & multi in comment. illius loci. Sed quidquid sit de sensu verborum Apostoli, certum est, non totam Ecclesiam, sed aliquos de Ecclesia defectors à fide tempore Antichristi; quod non est contra nos.

Objec^{tio} III.

49. Tertiū objiciunt illud Dan. 9. v. 27. *Deficiet hostia, & sacrificium: quod interpretantur de defectione Ecclesiæ.* *Resp.* Exstant clarissimæ

testimonia in contrarium, quæ hactenus citata sunt. Cur illis Adversarii fidem non habent? Cur unum illud ex Daniele, quod obscurum est, his omnibus anteposuerunt? Nimirum in hac re imitantur Donatistas, qui, ut ostenderent Ecclesiam in sola Africa remansisse, citabant illud Cant. i. v. 6. *Indica mihi, ubi pascas, ubi cubes in meridie.* Unde sic ratiocinabantur: Ecclesia cubat in meridie; sed Africa est in meridie; ergo Ecclesia cubat in Africa. Extra Africam ergo non est. Quos refellit August. in lib. de unitate Ecclesiæ cap. 19. hoc potissimum argumento. Multa sunt clara Scripturæ testimonia, quæ docent, Ecclesiam toto orbe diffusam esse; ergo male faciunt Donatistæ, cum ex uno obscuro testimonio conantur probare, Ecclesiam esse in sola Africæ.

50. Verba Augustini sunt hæc: *Scrutamini Scripturas Canonicas, & eruite aliquid manifestum, quo demonstretis Ecclesiam in sola Africa remansisse, &c.* Aliquid proferte, quod non egeat Interpretate, nec unde convincemini, quod de altare dilectum sit. *& vos illud ad vestrum sensum detorquere conemini.* Videlicet nunc illud unicum, quod proferre consuevistis. Ubi pascis, ubi cubas in meridie: quemadmodum ex cussis omnibus ejusdem loci verbis, longè aliud indicat, quam vos putatis. Et si hoc sonaret, quod dultis, Maximilianista vos in eo vincerent. Magis enim meridies Provincia Byzantium, Tripolis, ubi illi sunt, quam in Numidia, ubi vos præpolletis. Ita ergo ipsi possunt germanius, & distinctius gloriari de meridiis ut eos excludere ab hac sententia non possitis, nisi in illis verbis verum sensum, & Catholicum teneatis. Aliquid ergo proferte, quod non contra vos verius interpretetur, sed quod Interpretate omnino non egeat; sicut von eget Interpretat Terra tua, orbis terrarum, &c. Sicut non eget Interpretat Convertantur ad Dominum universi fines terræ, &c. Sicut non eget Interpretate. Eritis mihi testes in Jerusalem, & in tota Judæa, & Samaria, & usque in totam terram, &c.

51. Simili modo refellendi sunt nostri Adversarii. Scrutentur Scripturas Canonicas, & eruant aliquid manifestum, quo demonstrent Ecclesiam à fide defecit.

Aliquid proferant, quod non eget Interpretate, sicut non eget Interpretate, Portæ inferi non prævalebunt aduersus eum. Sicut non eget Interpretate: Ecce ego vobis cum sum omnibus diebus usque ad consummationem secuti. Sicut non eget Interpretate: Ego rogavi pro te, ut non deficiat fides tua. Sicut non eget Interpretate: Ecclesia est Columna, & firmamentum veritatis. Et quæ similia sunt. Nam illud, quod proferunt ex Daniele: Deficit hostia, & sacrificium; nihil ipsis patrocinatur, nisi ipsi sint Interpretates. Nam alii non interpretantur de defectione Ecclesiæ Christianæ, ut ipsis; sed de defectione Synagogæ Judæorum. Ex eo autem, quod Synagoga defeciterit, non sequitur, Ecclesiam quoque defecisse, aut defectum esse: imò contrarium, ut supra ostendi.

Objetio IV.

¶ 2. **Q**uartò sic objiciunt: Ecclesia comparatur Lunæ, ut pater ex Scriptura, & Patribus. At Luna aliquando deficit; ergo etiam Ecclesia aliquando deficit. *Resp.* Hic iterum apparet eos, qui hoc objiciunt, degeneres esse filios Ecclesiæ. Habent clara, & aperta testimonia pro innocentia, & integritate suæ Matris, ut jam ostensum est. Cur sinè causa querunt occasionem calumniandi? Cur, quæ à Scriptura, & Patribus optimo sensu dicta sunt, sinistrè interpretantur? Esto sanè: Ecclesia sit similis Lunæ. Sed in quo illi similis est? an in eo, quod sicut Luna sœpè deficit, sic etiam Ecclesia sœpè deficiat? Hoc dicunt, qui oderunt Ecclesiam. In quo ergo? in his potissimum.

¶ 3. Primò, sicut Luna in principio mensis exigua est, ac deinde paulatim crescit, donec plena, & perfecta sit; ita Ecclesia in principio sui ortus exiguum terræ locum occupabat; ac peste ita crevit, ut tandem toto terrarum orbe diffunderetur. Sic Augustinus in Ps. 103. circa illum versiculum: *Fecit Lunam in tempora, ubi ait: Intelligimus spiritualiter Ecclesiam crescentem de minimo,* &c. *Quando obscura erat Ecclesia, quando nondum apparebat, &c.* Modò quidem cœcus est, qui plenâ Lunâ errat.

54. Secundò, sicut Luna accipit lumen corporale à Sole, ita Ecclesia accipit lumen fidei, ac sanctitatis à Christo. Sic idem Augustinus in Psal. 10, Luna, inquit, intelligitur Ecclesia, quod suum lumen non habent, sed ab unigenito DEI Filio, qui multis locis in sanctis Scripturis allegoricè Sol appellatus est, illustratur. Et Philo Episcopus Carpathius in Cantica Canticorum: Luna comparatur Ecclesia, propterea, quod quidquid habet divini luminis, id à Justitiae Sole illo immobili, atque divino accipit.

55. Tertiò, sicut Luna mutationi obnoxia est, ita etiam Ecclesia in hac vita. Nam aliquando fruitur pace, aliquando patitur persecutio[n]es, nunquam tamen deficit. Sic Ambrosius lib. 4. Hexam. cap. 2. Ecclesia tempora sua habet persecutio[n]is, & pacis. Nam videtur sicut Luna deficere, sed non deficit. Obumbrari potest, defigere non potest.

56. In his ergo consistit similitudo inter Lunam, & Ecclesiam; non item in defectione. Nam Ecclesia nunquam deficit in fide: semper firma, stabilis, ac immobilis est. Et ex hac parte non Lunam, sed terram imitatur, iuxta illud Gregorii Magni in Psal. 5. Pœnitentialem: Ecclesia dida est terra: quia in soliditate fidei perpetua firmitate immobiliter perseverat.

57. Miror vero Adversarios, cur hanc unam similitudinem allegent in præjudicium Ecclesiae? cum singulæ aliæ, quæ in favorem, & commendationem illius allegari poterant. Nam in Scripturis, & Patribus Ecclesia non solum Luna per allegoriam vocata est, sed etiam Sol, Hortus conclusus, Fons signatus, Paradisus, Columba speciosa, Civitas DEI, Terra viventium. Miser amicta Sole, Regina in vestitu deaurato, quæ omnia honorifica sunt. Si essent boni Ecclesiae filii, meritè hos titulos sum Matri tribuerent, & ab omni calumniandi studio abstinenterent. (b)

ANIMADVERSO.

(b) **I**sta legunt, non tamen abstinent se à calumnia Antebecani, sed conantur evincere erroneam esse.
1. Vetus Ecclesia errare potuit; ergo & moderna Negatur antecedens nondum probatum,

2. Tempore Antichristi deficiet: jam id negatum est, nec probatum unquam ab Adversariis, nisi obscura Scriptura loca ad arbitrium suum toqueant.

3. Ecclesiae visibili non est promissa infallibilitas. Negatur assumptum, quod non probatur Anti-Becani.

4. Omnes particulares Ecclesiae possunt deficere: ergo & tota particularium collectio. Resp. Omnes singulatim concedo, collectiva nego. Uri & Prædicans potest omnes pernas comedere, singulatim verum est; simul falsum.

5. Omnes Pastores possunt errare: ergo & tota Ecclesia. Resp. Distinguendo, ut ante, imò nego, ob Papæ privilegium.

6. Etiam Papa potest errare. Resp. Distinguendo: in dogmate fidei ex Cathedra definiendo, nego, in rebus facti, & extra Cathedram, concedo.

7. Romana Ecclesia est particularis; ergo potest errare. Resp. Distinguendo, cum suo Capite, quod est universale, nego; siue en, concedo. Alter: Romana Ecclesia, prout significat collectionem omnium Ecclesiarum Romanum Pontificem agnoscens, pro Capite potest errare, nego; prout notat collectionem hominum intra moenia Urbis Romanae, distinguo; uti modò dicebam; quid jam Anti-Becani evicere adversus invictam veritatem, & ejus Advocatum? ignominiam sibi.

CONCLUSIO V.

Visibilis Christi Ecclesia, de qua haec tenus dictum est, non est alia, quam Romana, seu Pontificalis, toto orbe diffusa.

¶. **H**ic notandum est Ecclesiam Romanam duplicitate sumi posse: **Primo**: Pro illa sola Ecclesia particuliari, quae olim Romæ fuit, & nunc est. **Secundo**: Pro collectione omnium fidelium, qui toto orbe dispersi adhærebant olim Romano Pontifici & nunc etiam adhærent. Et hoc posteriori sensu habet varia nomina. **Primo**: Dicitur Catholica, seu universalis, quia toto orbe diffusa. **Secundo**: Pontificalis, quia Pontifici subjecta. **Tertio**: Romana à nobiliori sui parte.

¶. Igitur in hac conclusione loquimur de Romana Ecclesia posteriori modo sumpta; & asserimus, eam esse veram Christi Ecclesiam, cuius proprietates haec tenus explicatae sunt. Quod sic ostendo: Visibilis Christi Ecclesia non potest deficere, aut errare in fide, ut probatum est; ergo à tempore Apostolorum ad nos usque

semper mansit visibilis Christi Ecclesia sine ulla interrup-
tione, aut errore; at nulla alia visibilis, praeter Romana-
nam, seu Pontificiam mansit sine ulla interruptione, &
errore: ergo sola Romana, seu Pontifica est visibilis
Christi Ecclesia. Minorem probo inductionem: quia Ju-
daica abrogata, & repudiata est per mortem Christi
Turcica, seu Mahumetanica non semper fuit; Calvinis-
na, & Lutherana, quam reformatam vocant, nova esti-
cecepit enim cum ipsa reformatione, (a qua nomen habet)
quæ à Luthero, & Calvino, ut ipsorum affectæ di-
cunt, facta est. Sola Pontificia hucusque perseveravit.
Quid hic respondebunt Adversarii? an putant, aliam
praeter Pontificiam, visibiliter, & sine errore semper ex-
sistisse? si putant, dicant obsecro, quæ illa sit? quo no-
mine appelletur? quas mundi partes occupaverit, & ad-
huc occupet? quos Pastores, & Episcopos habuerit. &
adhuc habest? qui Reges, & Imperatores illi adhaerent?
& adhuc adhaereant? qui heretici ab illa damnati? quæ
Academie confirmatæ? quæ templæ, & monasteria ere-
cta? hic non evadent, sat scio.

60. Non desunt tamen, qui oppressi hoc argumen-
to fingant Ecclesiam quandam in cunis jacentem, & va-
gientem, quæ nec fari possit, nec fidem profiteri.
Ajunt enim: Ecclesiam Christi aliquot seculis tam fuissim
corruptam, ac vitiatam, ut nulli in ea fuerint veri fidei-
les, nisi infantes baptizati. Et sine dubio, intelligunt
Ecclesiam Romanam, seu Pontificiam, quam putant
superioribus seculis penitus defecisse, nisi quod soli in-
fantes legitimè in ea baptizati, tanquam vera ipsius
membra permanserint. Miserum perfugium, & ipsius
Adversariis perniciosum; nam ipsi passim docent, duas
esse notas Ecclesiam, nempe: sinceram prædicationem
Evangelii, & legitimam Sacramentorum administratio-
nem, ex quibus vera Christi Ecclesia dignosci debeat, &
hinc quibus consistere non possit, ut videre est in Con-
fessione Augustana art. 7, & in Apologia ejusdem, &
in Calvino lib. 4. Instit. cap. 1. §. 9. 10. & 11. At haec
duæ notæ non convenient Ecclesiam, in qua soli infantes
baptizati sunt, quia soli infantes nec possunt sincere-
pro-

Prædicare Evangelium, nec legitimè administrare Sacra-
menta, ergo Ecclesia, in qua soli infantes sunt, non
est vera Christi Ecclesia.

61. Alii habent aliud effugium; ajunt: semper in
Ecclesia fuisse unum, aut alterum cordatum virum, qui
Papæ contradixerit; cuiusmodi diversis temporibus fue-
runt: Joannes Wicleff, Joannes Huss, Lutherus, Cal-
vinus. Æquè ineptè; nam primò dicant mihi, quis fue-
rit ille unus, vel qui duo cordati viri, qui ante Wiclef-
sum per singula superiora secula, Papæ contradixerint?
Si nesciunt, quare temere affirmant? si sciunt, edicant
eorum nomina, locum habitationis, & cæteras circum-
stantias? Non poterunt. Secundò, Ecclesia Christi non
est deterioris conditionis, quam fuerit Synagoga Judæo-
rum, cum Ecclesia sit domina, Synagoga ancilla. ad
Galat. 4. v. 22. At Synagoga nunquam fuit tam deser-
ta, ut duo tantum viri in ea reperirentur; imò, rema-
pore Heliæ, cum putabatur desertissima, septem millia
virorum in ea reperta sunt. Rom. 9. v. 4. Cur ergo Ad-
versarii fingunt, Ecclesiam Christi fuisse aliquando tam
desertam, ut duo tantum viri in ea reperti fuerint?
Quod manifestè repugnat Scripturæ, quæ apud Isaiam
testatur: Ecclesiam Christi multò fœcundiorem, & am-
pliorem fore, quam fuerit Synagoga? Isaiæ 54. v. 1.
Tertiò, Donatistæ plus tribuebant Ecclesiæ, quam hi fa-
ciunt; nam illi, tametsi dicerent, Ecclesiam toto orbe
periisse, & in sola Africa remansisse, non tamen ausi
sunt afferere, quod hi afferunt, remansisse aliquando in
duobus tantum viris, qui Papæ contradixerint; si ergo
illi, qui melius sentiebant de Ecclesia, quam hi nostræ
Adversarii sentiunt, nihilominus ab Augustino, & aliis
Patribus damnati sunt tanquam hæretici; quid de his
nostris fieri oportere existimandum est? (c)

ANIMADVERSIO.

(e) **A**dversus quintam Conclusionem Recani non solum Anti-
Recani arietant, sed & calcitrant falsitatibus, menda-
ciis, famosis libellis, imposturis, &c. malis modis.
1. Falsitas est: non posse Pontificios ostendere, Romanum
Ecclesiam primis trecentis annis credidisse Purgatorium, invoca-
tio-

eioneū Sanctorum , cultum religiosum Imaginum , Transubstantiationem , operum meritum de condigno , Indulgentiarum thrafarum , satisfactions tam proprias , quam alienas , Occumentorum Pontificatum . Falsitas inquam est quia Bellarminus , Gressens , Gualterius , Cetarius , & alii plurimi jam demonstrarunt ex SS. Patribus , istos articulos à temporibus Apostolorum eis creditos . Videant eos Anti - Becani , & confundantur . At non dicunt : ista necessariò esse credenda ; sat est : quod docuerint esse tenenda , & tenuerint . Tu Anti - Becane , si vir es , produc unum ex his , quos producunt ex pritis seculis Catholici , docerem , non esse ista tenenda ; quod tamen tu doces novitio spiritu quem ab Apostolorum tempore non accepisti .

2. Impostura est : cùm ajunt Anti - Becani , inter articulus fidei Papisticæ esse , quod Episcopi Pontificii dominium in temporalibus super Reges , & Principes habeant id inquam falluum est . prout illud Anti - Becani garriunt , ut invidiam conciter Catholicis apud Reges , & Principes ; dogma illud est Calvinistarum , immò praxis : ut Prædicantes , & plebs involvent in capita Regum seculibus . Videatur Schola Jesuitica P. Jodoci Kedd . apendix ejusdem Scholæ Coloniæ editæ , ubi crimina Calvinianæ hujus generis ex suis DD. asserta legent , & erubescere possint rubere .

3. Inscitiam laborat , quod Anti - Becani de Theologia Hildebrandina , vel Dicitur Grorii VII. garriunt , ex Schismate uno , altero autem auctore contra originalia acta .

4. Impostura est Anti - Becanorum imponentium Becanum quasi is nullam dicat ante Lutherum fuisse religionem , nisi Tunc eicam , Judiciam , & Pontificiam ; impostura inquam , turpis est ista fidio . Nam Becanus hoc loco non recenset alias ; ergo pergit omnes fuisse , quas tacet ; qua regula Juris probabant sequitur istam ? At debet omnes recensere . Etiamne manifeste dæmonatas haereses , quæ vel exoleverunt , vel in angulo orbis levant ; quo dictatore jubente ? credo Cassellensi , ut tomum unus conflares ex Catalogo haeticorum Præteoli , &c. & oblivisceretur pugnæ cum Calvinistis sibi propositæ .

5. Fautitas Anti - Becanorum detegitor , cùm ajunt : Reculum male argumentari à vetustate Pontifica contra Reformatam . Et cur quæcumque male ? Vide fatuitatem . Primum : Fides reformatæ seu Lutheri , seu Calviniana non est nova , sed Lutheri , Calvinis que majores sunt Apostoli , & qui post eos in Oriente , & Occidente sexcentis annis à Christo vel prius , vel imputius doctrinam Evangelicam tradiderunt . Audio quam verè : videbitur immò ipsi vident ; nam mox dissidentes huic fidei antiquitati ajunt secundum : si à vetustate liceret arguere pro veritate religionis pari sane ratione argumentari potuissent Phariæi , & Sadducæi contra Christum , cùm concessionari inciperet . Ecce ibi jam diffi-

de sua imaginaria vetustate, clare latenter novitatem, & eam defendunt exemplō nove Legis à Christo inductæ. O callidos, sed in probrum suum! nam quis unus omnium Doctorum Ecclesie, vel hæreticorum etiam, omnia dogmata Calvinistarum, vel Lutheranorum, seu Reformatorum tenuit ante Lutherum. Ostendunt vel unum, non Cœtum, sed hominem. Scimus ex Conciliis Papæ fragmenta quædam de Ætnæ Reformatæ ab hæreticis nonnullis, risque per Concilia, & Christum, atque Apostolos damnatis asserta fuisse: sed totam doctrinam Reformatorum quod articulos suarum Confessionum, & Synodorum à nomine ante; imò ipsimet ex anno in annum articulos suos morant. Ubi nunc primus Synodi Londin. articulus: Regem Anglie esse caput Ecclesiæ Anglicanæ? unde Schisma Arminianum, & Gommaristicum? unde Apolloniani, & Vedeliani in Hollandia? unde Independentes, Quærentes, Furitani, Calvino-Papistæ in Anglia? in qua Calvinianus criptor ipse præsens queritur, tot esse hæreses, quæ à Christi lege promulgata non fuerunt in toto orbe. Unde hec illas malorum? nisi à novitate, & cerebri humani inconscientia. Porro, quod suam novitatem Reformati tentent obtergere novitate Legi Evangelice per Christum, & Apostolos inducere, ridiculum est plane: siquidem Christus, & Apostoli id receperint cum Authoritate divina, manifestis signis, & portentis, quæ nemo hominem facere poterat nisi DEUS esset in eis, ut facetur Nicodemus Jo. ii. 3. & alii alibi. Hanc authoritatem à Reformati exigit orbis terrarum iam 100. annis, & nondum impetravit, & ideo post eos non ambulant, nisi, qui sine authoritate, & ratione per se dogmata humano spiritui, & carni blandientia sequi elegerunt, etiam si nulli essent falsi doctores.

6. Falsitas Anti-Becanorum est: Pontificii declinant examen Scripturarum: nuli fuius, & illustris Scripturas perscrutati sunt, quam Catholici, seu Pontificii: ut patet ex duobus Alphonsis Tostato, & Salmerone, Cornelio à Lapide, Dionysio, Lino, & innumeris aliis: quos etiam avide ipsi Reformati emunt, & legunt; cum simile in hoc genere non habeant domi suæ, & tamen de his nequiter apud volgus affirunt. Pontificii declinant examen Scripturarum. Praecipue hanc nequitiam detegit mysterium fraudis Predicantiarum P. Hieronymi Müllmanni Coloniz editum.

7. Ajunt Anti-Becani: Catholicos corrumperem historias. Quas quæsto? & quomodo? Indice expurgatorio credo Hispanico, similive. Itane: eur igitur Reformati eundem Argentinæ, & Hanoviae reviderunt: ad hæc quætitur, an errores, & mendacia edito libro propalare, & infamare sit historias corrumperet non credo; at id Index expurgatorius præstat solum; frustra ergo ista calumnia texitur contra innoxios. Tedet ceteras falsitates rexere, quas Moguntini Theologi à pagina 123. ad 125. desexerunt. Ex præmissis judicium fiat de omissis.

CONCLUSIO VI.

*Ecclesia Lutheranorum, & Calvinistarum, quam
ipsi Reformatam vocant, non est vera Christi Ecclesia.*

62. **P**robatur 1. ex dictis: quia una tantum est Christi Ecclesia, quam ostensum est esse Pontificiam; itaque illa, quae contradicit Pontificis, non potest esse Ecclesia Christi. 2. Vera Christi Ecclesia est Christi Sponsa, ut supra probatum est; at Reformata non est Sponsa Christi; nam adultera est. Unde enim reformata esse potest, nisi ex adulterio suo, & apostasia a Christo; si revera reformata est, ut ipsi ajunt. Si dicant Reformatores: fuisse adulteram anti-Lutherum, nunc non esse, tunc se confodunt. Primum: Quia falsificant omnia, quae de perpetuitate, & indissolubilitate conjunctionis inter Christum, & Ecclesiam supra asserta sunt ex scripturis. Secundum: Quia Christum ponunt Caput sine corpore fuisse tot annis, quod adulterium Ecclesiae singunt durasse.

ANIMADVERSIO.

IN hanc Conclusionem iactu necinam Reformatæ religionis insurgunt Anti-Becani mordendo, & lacerando. Quomodo autem sic omnino. 1. ajunt: Romanam Ecclesiam fuisse primis quingentis annis Christi Ecclesiam. Bona confessio, nisi adderent nequiter, Sed non sine labore. Hoc enim ideo adjiciunt ut si dogmata illa, quae nunc tenet Romana Ecclesia; ostendatur a Cottario, & aliis fuisse quoque in primis quinque secundis usitata, tunc effugium adversus fidem Orthodoxam habeant paratum, nempe: illa dogmata fuisse labes, nævos, &c. quod etiam effugium nullum est: cum illi nævi, & labes talia sint dogmata, quae illi nunc anathematizant, & idcirco non potuit esse Ecclesia Christi, quæ anathematizanda docuit. 2. ajunt Hussum, Wiclefum, Waldenses apprehendisse Ecclesiam in adulterio; scilicet, uti impii senes Susanam. 3. Tempore S. Augustini non fuisse Pontificem Oecumenicum. O stuporem! Legant Concilium Chalcedonense, & maxime Theophili Raynaudi Coronam auream super mitram sumini Pontificis Romæ editam. 4. Calvinistas, vel Reformatos non teneri ad facienda miracula. Itane? quomodo ergo credamus eis, quod ipsi sunt missi ad reformatum Ecclesiam DEI? nam ordinaria missione pridem carere noscuntur. 5. ajunt: Catholicos etiam non facere miracula,

tola. Evidens mendacium. Videantur Thaumasia Patris Sylvestri à Petra Santa, Lauretum in Italia, Mons Serratus in Hispania, in Belgin, Germanique tota illustris miraculis loca. Legant Acta, & Vitam, & Annas eorum, qui in Orientis Indias à Sede Apostolica missi sunt; & confundantur. 6. Pontificem Romanum ne quidem canem mortuum excitasse, ait Calvinista ex Lessio; at Lessius tam scurriliter non scripsit, nec sensit de Papa Majestate, sed Cœcilius Calvinista id imponit Lessio, qui scivit, non opus esse, ut Papa mortuos canes excitet melioribus occupatus; uti missionibus Viatorum Apostolicorum, v. g. Francisci Xaverii, &c. ad Indos, qui istic in virtute missionis suæ abunde miracula pro Papa patrârunt. 7. Turci etiam miracula patrant, Ante-Becanus. Sed qualia? cur igitur ad Catholicos Sacerdotes in Hungaria, & alibi festinant, ut super eos male habentes missalibus orent Sacerdotes sequente plurimum effectu petitum. 8. Macedonium Spiritus Sancti oppugnatorem, ait Calvinista, miracula fecisse; quo auctore quæsto? Cedrenô ait. Vide nunc stuporem stupidi Calvinistæ: Macedonius hæresiarcha ad annum Christi trecentesimum quinquagesimum primum vixit; Macedonius autem Cedreni miraculis illustris ad annum Domini quadringentesimum nonagesimum quintum. Erubescite Calvinisti tali Magistro. 9. Anti-Becani ajunt: Bellarminum, & Anstadium Payvam damnare erroris Concilium Chalcedonense, itane? in dogmatis ad fidem pertinentis quæstione, an in facti præsumptione? Si prius dicant: mentiuntur Anti-Becani; si posteriori, nihil ad rem dicunt. 10. Sorbona Parisiensis dicit: Concilium esse supra Papam. Ita Calvinista ait; sed mentitur. Legatur Irenicus Anti Calixtinus, & Duvalius. 11. Papam errare posse tenent Jesuitæ, Panormitanus, &c. id simpliciter ait Calvinista: Jesuitæ simpliciter ajunt: eum mentiri; scit Calvinista, quid Jesuitæ doceant; sed conscientiam istam obnubilate, ut seducat. 12. Phocas Imperator primus Oecumenici titulum Bonifacio III. Papæ concessit dicente Calvinista: sed refutante solide Bellarmino lib. 2. de Romano Pontif. cap. 17. & alibi. 13. Gregorius VII inaudita dogmata invexit, annales corrupti, toto leitus dogmata adulteravit, &c. Quis vero hoc dicit? Calvinista, novus homo. Unde? ex Aventino; qualis is vir? à Basiliis, novis typographis, & aliis alibi corruptus (conferantur editiones, si placet) & ideo in Indice expurgatorio ablutus; immo alias per se suspectos author propter probatissimos authores, qui Gregorio VII. convixeré, & Aventino, similib[us]que Schismaticis contradicunt apud Gretserum Tom. 2. defens. Bellarmini, istura contrafere: item Baronium. 14. Concilium Carthaginense III. impunemente Romani Pontificis primatum, afferit Calvinianus, qui debet scire ex Bellarmino lib. 2. de Romano Pontifice cap. 23. hoc commentum Calvini, & Centuristorum jam pridem esse detegatum.

15. Concilio Gangreni i[n] probari delectum ciborum jactat Calvinista, & Lutheti o[ste]r. Quem vero delectum? canonem. Ita vero quid igitur tu a felium, & murium carne abstines, si eum damnat Concilium, & Concilio credis? I[us]e Canonem 19. & hoc videbis probari, quod Apostoli probarunt Act. 15. d[icitu]ri, quod Manichei statuebant. Ista ignorare est superius stupor, dissimilare damnanda malitia. 16. Concilium Francofordiens[is] rejecit cu[t]um imaginum. Male: & ideo improbatum contraria sanctione Nicen[is] II. 17. Separationem thori in Sacerdotibus damnat Concilium VI. generale Trullanum Can. 13. At impudicaciam hanc detexit jam Bellarm. lib. 1. de Clericis cap. 21. Denique, ut omnia mendacia coronaret Calvinista, ait: Papistas esse monstra. Quo queso fundamento? aigutō scilicet: audiamus syllogismum. Aliqui Pontifices Romani teste Baronio fuerunt monstra, nempe: quoad mores suos ineptos Sedi Apostolicae Pontificii sunt filii Pontificum, uti se profitentur; ergo Pontifici sunt monstra. Syllogismus omnino in figura Calvinistica. Quis responderunt ad artificium tantum McGuntini. Hoc: Quid Pater, talis est filius, ut ponunt Calvinistae: aliquis Prædicans Calvinista est homicida, & est pater alicujus; ergo filius eius quoque est homicida, uti pater eius; Ceporinus in Clivia, Crotius in Hassia, alii alibi narrant historiam.

Epilogus hujus Capitis.

63. EX iis, quæ hoc toto capite dicta sunt, magnam consolationem, & securitatem percipiunt Catholici in negotio fidei, ac religionis: Adversarii è contrario confusionem, & diffidentiam, nam Catholici, ut supra dixi, cum Augustino sequuntur haec certam, ac fixam regulam: *Tota Ecclesia non potest errare in fide.* Ex qua tria inferunt: Primò: Ecclesiam Romanam, quam Adversarii concedunt primis trecentis, ac quadringentis annis fuisse veram Christi Ecclesiam, hactenus non errasse in fide. Secundò: tutos, ac securos se esse in fide, quamdiu publicè profitentur id, quod Ecclesia Romana toto orbe diffusa publicè profitetur. Tertiò: se in defensione Romanæ Ecclesiæ similes esse probis filiis, qui matri suæ honorem deferunt, & subadium præstant.

64. Adversarii tenent contrariam hanc regulam: *Tota Ecclesia potest errare in fide.* Ex qua sequitur, tam ipsorum Ecclesiam errare posse; idcōque neminem apud

apud eos securum , ac turum esse de sua fide. Velenim sequuntur Ecclesiam suam , vel ab ea dissentunt; si ilam sequuntur , nihil certi habent , si ipsa errare potest ; si ab ea dissentunt , magis perplexi sunt ; quia si tota ipsorum Ecclesia errare potest , multò magis singuli possunt.

65. Quod magis confirmo ex duobus principiis , quae ipsi statuant . *Unum* est : Pontificiam Ecclesiam non subito , sed sensim defecisse à fide , ac tandem omni fide objecta , adulteram factam esse . *Alterum* : defectionem illam initio fuisse latenter , & occultam adeò , ut nec hic locus , nec tempus , nec aliæ circumstantiæ illius certe designari potuerint . Tandem tamen post aliquot secula à Luthero , & Calvinō publicè fuisse notatam , & reprehensam .

66. Ex utroque sic concludo : quod contigit Ecclesia Pontificiæ , potest etiam contingere Ecclesiæ Reformatae ; at Pontificia , ut Adversarii dicunt , sensim , latenter , & occultè defecit à fide nobis non advertentiibus ; ergo etiam Reformata potest sensim , latenter , & occultè deficere , ipsis non advertentibus . Quid si eram defecerit , & ipsi non adverterint ? imo , quomodo possunt advertere , si defactio latens , & occulta est ? manent ergo incerti de sua fide , & Ecclesia .

67. Hic planè constricti sunt , nec video , quod possint respondere ; nam quod aliqui dicunt : Ecclesiam non posse errare , vel deficere à fide , quamdiu sequitur verbum DEI , frustra est . *Primum* : quia argumentum , quod iam posui , repetam hoc modo : Quidquid contingit Ecclesiæ Pontificiæ , potest etiam contingere Ecclesiæ Reformatæ ; at Pontificia , ut ipsi volunt , sensim , latenter , & occultè deseruit verbum DEI , nobis non advertentibus ; ergo etiam Reformata potest sensim , latenter , & occultè deserere verbum DEI , ipsis non advertentibus . Quid si ergo jam deseruerit , & ipsi non adverterint , nunquam elabentur ex hoc labyrintho , semper manebunt dubii , & incerti de sua fide ; nisi nobiscum afferant , totam Ecclesiam errare , aut deficere non posse .

68. Deinde, unde constabit Adversariis? an nostra vel ipsorum Ecclesia sequatur verbum DEI, nec nos nostram defendimus, illi suam. Quis decidet hanc item? designent ipsi infallibilem Judicem, qui sententiam ferat. Non possunt. Velenim designabant ipsum verbum DEI, vel Ecclesiam, vel singulos, qui sunt in Ecclesia, vel aliquos ex illis. Ac primò; si designent verbum DEI, nos viciimus; nam verbum DEI expressum afferit: Ecclesia esse columnam veritatis, quam bullae inferorum vires everluzæ sint. Idem nos afferimus: ergo hoc Judice causa definienda est, victoria nostra est. Si autem designent Ecclesiam, contra se faciunt. Velenim sententia Ecclesiæ infallibilis est, vel falli potest: si infallibilis est, errant, qui dicunt, errare posse. Falli potest, iterum errant; quia, cum debeat assignare infallibilem Judicem, designant Ecclesiam, quam ajunt falli, & errare posse. Denique, si designent vel singulos, vel aliquos eorum, qui in Ecclesia sunt, magis defipiunt; si enim tota Ecclesia potest, quanto magis singuli, qui in Ecclesia sunt, errare possunt.

69. Forte dicturi sunt, duplē esse Ecclesiam: unam visibilem, in qua boni, & mali permixti. Alteram invisibilem, in qua soli prædestinati sunt. Totam visibilem errare, non item invisibilem. Sed hoc etiam frustra; imò, qui hoc dicunt, secum ipsi pugnant; nam omnes prædestinati, quos ajunt, esse in Ecclesia invisibili, sunt etiam in Ecclesia visibili; ergo si tota visibilitate errare potest, omnes etiam prædestinati errare possunt: aut, si hi non possunt, nec tota Ecclesia visibilis potest. Quod autem prædestinati omnes sint in Ecclesia visibili, ne Adversarii quidem negare possunt. Et ratio manifesta est: quia nullus salvatur extra Ecclesiam visibilem. Ut Conclus. 4. ex illorum concessione probatam est. At omnes prædestinati salvantur; ergo nullus prædestinatus est extra Ecclesiam visibilem.

70. Ex dictis colligo duplex dilemma in Adversarios. Unum est: vel tota Ecclesia visibilis erravit in finde ante ortum Lutheri, vel non erravit; si tota erravit, omnes, & singulos Christianos errasse necesse est, etiam præ-

prædestinatos, nulla igitur tunc erat fides in terris. Una de igitur Lutherus eam accepit? Si non erravit, cur Adversarii fingunt errasse? cur eam, ut errantem, deserunt?

71. Alterum: vel tota Ecclesia Reformata, in qua Lutherani, & Calvinistæ sunt, potest errare in fide, ipsis bono advertentibus, vel non potest; si non potest, quomodo Pontificia potuit? si potest, quid si jam erret, & ipsi non advertant? Repeto, quod iupræ dixi: semper dubios, & incertos fore, quamdiu sentiunt Ecclesiam errare posse. Deponant nunc errorem, & id sentiant de Matre Ecclesia, quod Majores nostri senserunt. Sic futurum est, ut amplius non errent.

C A P U T IV.

De Capite Ecclesiæ.

NOmen Capitis sumitur duobus modis. *Primum*: Proprietà pro naturali capite humani corporis, cuius officium est, dirigere, & gubernare membra corporis. *Secundum*: metaphoricè, pro morali capite, seu Principe communitatis, cuius officium est dirigere, & gubernare subditos, qui sunt membri a communitate. Hoc posteriori sensu loquimur hic de Capite Ecclesiæ. Esto ergo quæstio: *Quis sit Caput, seu Princeps, seu Rector, & Gubernator Ecclesiæ?* Nos tria differimus. *Primum*: Christum, cum esset in hac vita mortali, fuisse primarium ipsius Caput, & adhuc esse. *Secundum*: Petrum post Christi in cœlo ascensionem, fuisse secundarium Caput. *Vel*, quod idem est, fuisse Vicarium Christi in gubernanda Ecclesia. *Tertium*: Petrum pari potestate successissim Romanum Pontificem, qui post mortem Petri gubernavit Ecclesiam, & adhuc gubernat.

2. Itaque dicimus: duplex esse Caput Ecclesiæ, unum primarium, quod est Christus. alterum vicarium, seu secundarium, quod est Petrus cum iugulo luc-

cessore Pontifice. Sed diversō modō: *Prīmō*: quia Christus non solum est Caput Ecclesiæ militantis, sed etiam triumphantis. *Ephes.* 1. v. 22, Pontifex solius militantis. *Secundō*: Christus est Caput visibile, & invisibile; quia visibiliter, & invisibiliter gubernat Ecclesiā; Pontifex visibile tantum. Quæ omnia breviter probata sunt. (a)

CONCLUSIO I.

De Christo primario Capite Ecclesiæ.

3. **C**hristus in hac vita existens tam ante passionem suam, quam post eam, omnino autem ante ascensionem in cœlos ædificavit, fundavitque Ecclesiā suam; nam Ministros Ecclesiæ 12. Apostolorū uti Episcopos, & 72. Discipulos, uti Presbyteros; item Sacra menta nova, novas leges, Sacerdotium, & sacrificium instituit; Testamentum condidit, idque morte consummavit; & resurgens dedit potestatem remitti peccata, & retinendi; ac denique Principem unum constituit loco suo futurum Petrum, dicens: *Joan.* 13. v. 17. *Pasce oves meas.* Et sic fuit Caput Ecclesiæ quia, qui hæc præstiterit, dignus est vocari Ecclesiæ Caput.

CONCLUSIO II.

4. **C**hristus in hac vita existens, sive ante ascensionem suam fuit visibile Caput Ecclesiæ; quod fuerit Caput, patet ex Conclusione præcedente, quod fuerit visibile Caput, probatur: quia *prīmō* visibiliter, uti jam dictum est, eam fundavit. *Secundō*: eandem visibiliter docendo, monendo, increpando, & faciendo gubernavit. Aliter eadem Conclusio effterri potest, nimirum sic: fuit visibile, & invisibile Caput Ecclesiæ. Visibile, quia visibili modō; invisibile, quia invisibili modō Ecclesiā gubernavit. Hoc explicandum est ex similitudine capitis naturalis; nam caput naturale duobus modis gubernat corpus humanum. *Prīmē*: per internum influxum, qui in eo consistit, quod

quod ex capite, tanquam ex fonte, seu principio deri-
ventur spiritus sensitivi in reliqua membra. Unde fit,
ut reliqua membra possint vitam conservare, & suas
functiones exercere. Secundò: per externam directionem,
quae in eo consistit, quod caput per intellectum;
voluntatem, visum, auditum, & alios sensus, qui in eo
vigent, dirigat reliqua membra in externis actionibus,
ne aberrent. Quo pacto per intellectum, & voluntatem
dirigit manus, ne quid illicitum committant; & per
visum ditigit pedes, ne in foveam incidant; & sic de-
inceps.

5. Sic etiam Christus in hac vita existens, duobus
modis gubernavit Ecclesiam. Primo: per internum in-
fluxum donorum gratiae, Joan. 1. v. 16. De plenitudine
eius nos omnes accepimus. Et Ephes. 4. v. 7. Uni-
tique nostrum data est gratia secundum mensuram dona-
tionis Christi. Secundò: per externam directionem, &
gubernationem; sicut enim Rex externo, & visibili mo-
dō gubernat Rem publicam præcipiendo, montando, in-
crepando, puniendo, officia distribuendo; ita Christus
in hac vita externo, & visibili modō gubernavit Eccle-
siam, ordinando Ministros, & Sacerdotes, sanciendo le-
gem Evangelicam, docendo, hortando, increpando.
Quod alia similitudine explicat Apostolus, Ephes. 5. v.
22. 23. cum ait: Mulieres viris suis subditæ sint, sicut
Dominus; quoniam vir caput est mulieris, sicut Christus
Caput est Ecclesia. Nempe, quoad externam guberna-
tionem. Sicut enim mulier in extenis actionibus trahen-
tur se dirigere juxta imperium sui viri, qui est caput
ipsius, ita Ecclesia juxta legem, & mandatum Christi.

CONCLUSIO III.

6. Christus in celo nunc existens, adhuc manet caput Ecclesiae invisibile, & manebit usque ad consummationem seculi; non tamen manet caput visibile. Ratio est: quia adhuc gubernat & gu-
bernabit Ecclesiam invisibili modō, nempe per inter-
num influxum donorum gratiae, & directionem Spiritus

Sancti, Matth. 28. v. 20. *Ecce ego vobis cum sum omni-
bus diebus usque ad consummationem seculi. Non tamen
gubernat illam visibiliter praesens, sicut fecit ante ascen-
sionem. Unde Augustinus tract. 50. in Joannem prope-
finem: Secundum presentiam Majestatis semper habemus
Christum; secundum presentiam carnis regale dictum est
Discipulis: me autem non semper habebitis; habuit enim
illum Ecclesia secundum presentiam carnis paucis diebus;
modo fide tenet, oculis non videt.*

CONCLUSIO IV.

7. **H**inc sequitur: praeser Christum, qui nunc in
coelis est, debere esse aliquod aliud visibile Ca-
put Ecclesiae, quod loco Christi visibiliter gu-
bernet Ecclesiam. Sicut in absentia Regis solet aliquis
in regno constitui, qui vicem illius suppleat in externa
politia, praesertim si Rex longo tempore absaturus est.
Ratio sumitur ex dictis: quia regimen Ecclesiae debet
manere tale, quale a Christo institutum est; at ipse ante
ascensionem suam instituit regimen visibile sub uno vi-
sibili Capite; ergo debet manere tale. Sicut ergo ipse
fuit visibile Caput ante ascensionem; ita post ascensio-
nem debet esse aliquod aliud visibile Caput loco Christi.
Alioqui regimen Ecclesiae, atque adeo ipsa Ecclesia es-
set mutata, quod est absurdum.

8. Et confirmatur ex analogia Synagogae, & Eccle-
siæ hoc modo: Synagoga Mosaica fuit umbra, seu typus
Ecclesiae Christi; at Synagoga semper fuit gubernata
ab uno visibili Capite, nempe a Pontifice, cui reliqui
omnes erant subjecti; ut patet ex libris Exodi, Leviti-
ci, & Deuteronomii; ergo etiam Ecclesia debet semper
gubernari ab uno visibili Capite. Sequela patet: quia
gubernari ab uno Capite perfectius est, quam gubernari
a multis, ut patet in regimine hujus mundi. Si ergo
Synagoga, quæ fuit imperfectior, quam Ecclesia (sicut
umbra imperfectior est, quam corpus) semper guber-
nata fuit ab uno Capite; multò magis Ecclesia guber-
nari debet ab uno Capite.

9. Dices: analogia in eo consistit, quod sicut Sy-
nago-

nagoga habuit unum Caput, nempe Pontificem; ita Ecclesia habeat similiter unum Caput, nempe Christum. Respondeo. Duplex analogia assignanda est: Una quoad internum influxum gratiae. Altera, quoad externam gubernationem. Prior in eo consistit, quod sicut Christus per sua merita prævisa contulit Synagogæ internam gratiam; ita per sua merita jam exhibita, multò abundantiorem gratiam conferat Ecclesiæ. Posterior in eo, quod sicut Moyses Mediator veteris Testamenti fuit primum Caput visibile Synagogæ quoad exterum regimenter; ita Christus Mediator novi Testamenti fuerit primum Caput visibile Ecclesiæ in extero regimine. Rursum: sicut post mortem Moysis semper perseveravit visibile regimen Synagogæ; ita post ascensionem Christi semper perseveret visibile regimen Ecclesiæ.

10. Ex utraque analogia colliguntur hæc: Primo: Invisibile Caput Synagogæ, & Ecclesiæ quoad internum influxum gratiae esse idem, nempe Christum. Secundo: Visibile Caput Synagogæ, & Ecclesiæ quoad externam gubernationem esse diversum; nam visibile Caput Synagogæ ab initio fuit Moyses, cui postea successerunt Pontifices legales; visibile autem Caput Ecclesiæ ab initio fuit Christus, cujus locum postea supplevit Petrus, & ejus Successores, ut deinceps probandum est. Tertio: Moysen fuisse figuram Christi quoad externam gubernationem; nam sicut Moyses fuit Legislator, Mediator, & Princeps in veteri Testamento, ita Christus in novo. Quartus: Pontifices veteris Testimenti fuisse typum, seu figuram Pontificum novi Testamenti; nam sicut illi in extero regimine præsidebant toti populo Christianorum. Denique confirmatur analogia exercitus, in quo, dum contra hostem procedit, debet esse unus supremus Dux, aut in ejus absentia Vicarius, qui omnia dirigat.

ANIMADVERSIO.

ADVERSUS Concl. IV. toto disu insurgit Anti-Becanus forma sophistica, scommatis, falsitatibusque pugnans. Quomodo autem? Mutatis formam argumenti principalis à Be-

eano pro visibili Capite Ecclesiae allati; ut ejus jus videretur evi-
 delcere, & tunc cavillō dupli in Becanum tortō conatus est elo-
 dēre, dicens: Becanus vel semper retinuit cornua, vel abjecit
 non abjecit, ergo retinuit. Item: Becanus vel manxit hucusque
 corruptor Aule Cæsareæ, vel esse debet; non dicit: si detinisse
 faceretur enim, se fuisse; ergo tali forma sit Anti-Becanus, Be-
 canum argumentari, dum dicit: Ecclesiæ regimen à Christo insti-
 tutum, vel idem est hucusque, vel diversum; si non est idem,
 mutata est Ecclesia; si verò est, idem erit adhuc visibile regi-
 men, ut initio fuit. Lector sit judex. Sed quomodo? Anti-Becani
 Sophisma solutum est Prædicanti Cassellensi? sic omnino; ajunt
 Moguntini, Becanum argumentari, ac si diceret in hunc modum:
 Vel Crocius hominem, quem domini suæ malleis excerebratum vi-
 exuit, denuo ad vitam revocavit, vel ille miser adhuc est mor-
 tuus; atqui non resuscitavite eum; ergo. Item filia Doctoris NN.
 (quem, & quam optime novit) domesticō ante annos aliquot stu-
 p̄d deficiata, vel mirō miraculō pudorem imminutum recuperar-
 vit, vel adhuc infamia stupri laborat; atqui non recuperavit?
 ergo. Tale ajunt esse argumentum Becani, in quo, ut in præmis-
 sis, supponitur, Crociūm esse homicidam, & N. filiam scortum
 factam esse verè; ità verè in argumēto supponebatur, & assere-
 batur regi- men visibile monarchicum à Christo in Ecclesiæ esse con-
 stitutum; in sophismate autem contra Becanum torto deersat
 hypothesis eum cornutum, vel corruptorem suissie. Sed quid
 Anti-Becani ajunt ad argumentum Becani, ducium ex analogia
 Synagogæ, & Ecclesiæ? Anti-Becanus ait: se non videre for-
 tam teclam: Moguntini ajunt: Talpa non videt Solem; ergo
 non est Sol. Negant consequentiam; collocant rāmen in foram,
 ut talpa videre possit; sic Cœtus, qui est perfectior, quam Syna-
 goga, debet gubernari non deteriore forma, quam Synagoga, cla-
 rum cunctis; atqui Ecclesia Christi est Cœtus perfectior, quam
 Synagoga, clarum Christianis; ergo. Sed Synagoga gubernata
 est Monarchice sub uno visibili Capite, primū Moysē; deinde
 aliis Successoribus, &c. Quid ad hæc Crocius? insipienter negat
 Moyses tuissim summum Sacerdotem contra Exodi cap. 40. ju-
 sto 2. Paralip. cap. 26. Levit. 8. Psalm. 98. Moyses, & Iudeus
 in Sacerdotibus ejus. Philonem lib. 3. de vita Moysis. Gregorium
 Nazianz. orat. ad Gregor. Nyss. Augustinum quæst. vigesima ter-
 tia in Levit. & Psalm. 98. Hieronym. lib. 1. in Jovin. Dionysium
 cap. 5. Hierar. &c. imo contra seipsum dicentem alibi: Moyses
 fuerat Dux, & Pontifex. An non ita sentire, & scribere, insi-
 pientium est? assere: negare jure, an injuriis, non curare.
 Quid verò Anti-Becanus ait ad alteram analogiam ab exercitu
 bene ordinato petitam? ait: falsa hypothesis substructam esse an-
 logiam. Quomodo? inquires sic: unius exercitus bene ordinati
 debet esse unus Dux supremus, unius regni Rex unus, unius ori-
 lis.

lis unus Pastor, &c. Anti-Becanus negat. Quare? quia duo subinde Duces uni exercitii præficiuntur, & duo economi uni domui, &c. Vide Anti-Becane stuporem tuum, affiras uno halitu, & negas; nam iste, à quo duo Duces præficiuntur uni exercitui, nos est unus supremus? & an recte sit, quodcumque fieri vidisti? porrò ne hic hæreas, lege Theophili Raynaudi tractatum de bicipiti Ecclesia contra novum in Gallia errorem nuper exortum. Ne tamen admittant Anti-Becani duplex, unum visibile, alterum invisibile Ecclesiæ Caput; instant, & urgent: si Ecclesia habet duplex Caput; ergo & mulier duos viros potest habere; nam Christus est Caput Ecclesiæ, uti vir mulieris. 1. Corin. b. 12. v. 3. at consequens est absolum; ergo & antecedens, R. Nego seq. majoris: non enim, quod alicui est Caput, etiam statim illi vir est; Christus, & Deus est Caput mulieris, non tamen vir ejus. 2. Patres non agnoverè Caput aliud Ecclesiæ à Christo. R. Distinguendo, gratiam influens invisibile, & non subordinatum: verum est: visibile, & subordinatum, invisibili; nego. 3. Christus est Sacerdos in æternum. Psalm. 19. Hebr. 7. v. 17. Ergo non est opus Vicarii. R. Negando consequentiam. 4. Nullum est Sacerdotium præter unum Christi. R. Contrarium probavit Bellarminos duobus libris de Missa. 5. Si Ecclesia habet Caput præter Christum, runc erit illa corpus alterius capitatis, præterquam Christi. R. Negando sequelam majoris. 6. In Apostolica Ecclesia non invenitur œcumenicum caput nominatum unquam; ergo Christus id non instituit. R. Nego antec. Paulus nominavit id, Epes. 4. & 1. Corint. b. 12. Posuit in Ecclesia pri-mūm Apostolos, & S. August. episs. 162. In Romana Ecclesia semper Apostolica Cæshedrae viguit principatus. 7. Christus noluit in Ecclesia esse Dominationem. Luc. 22. v. 25. Ergo noluit esse œcumenicum Pontificem. R. Negando sequelam, vel distinguo antecedens: noluit esse Dominationem superbam, injuria facientem, &c. conced. humilam, modestam, &c. noluit; nego. 8. Spiritus Sanctus vicarii regit Ecclesiam Christi, quoad extera-nam gubernationem; ergo non alias œcumenicus Pontifex. R. Iojuriosus est ille Vicarius Spiritus Sancti Majestati, importans directè mihiorem esse officio, & indirectè etiam in natura, ut ostendunt Moguntini. Omnes fideles sunt membra corporis, cuius Caput est Christus; ergo nullus fidelis est Caput præter Christum. R. Nullum non subordinatum est præter Christum, concedo; nullum subordinatum Christo Caput est, nego; nam caput mulieris vir est, ait Apostolus: 10. Ergo biceps erit Ecclesia. R. Minime; sicuti uxor Prædicantis non est biceps, eo, quod caput habet suum, & adhuc caput ejus vir est, & viri Caput Christus.

De Petro Christi Vicario, seu de Primatu Petri.

I. Stensum est, post Christi ascensionem debuisse aliud Caput Ecclesiae visibile, quod in externa directione gubernaverit Ecclesiam locum Christi. Hoc Caput asserimus, fuisse Petrum Apostolum, quem Sancti Patres vocant Vicarium Christi, Principem & Coryphaeum Apostolorum, Principem Caput Ecclesiae, Pastorem gregis Dominici, Pastorem Pastorum. Et merito: quia Christus commisit illi curram tuarum oviuum, seu totius Ecclesiae, cum dixit: *Pasce oves meas.* Unde Bernard. lib. 2. de Consideratione ad Eugenium Papam cap. 8. *Tu es, inquit, cui oves editae sunt.* Sunt quidem, & alii gregum Pastores, sed tantum gloriofius, quanto & differentius praeceteris non membris distat. Habent illi sibi assignatos greges, singulis singulos, tibi unive sic editi, uni unus. Nec modum ovium sed & Pastorum tu unus omnium Pastor. Unde id probem, queris? Ex verbo Domini: cui enim, non dico Episcoporum, sed etiam Apostolorum sic absolute, & inde discretè tota communisse sunt oves? Si me amas Petre, pastores meas. Quasi illius, vel illius populi, civitatis, ubi regionis, aut certi regni? Oves meas, inquit: cui non planum? non designasse aliquis, sed assignasse omnes. Nihil excipitur, ubi distinguitur nihil. Similia habent Ambros. serm. 46. de pœnitentia Petri in fine, Greg. lib. 4. epist. 32. ad Mauritium, Augustum & alii.

II. Idem confirmari potest ex prærogativis Petri; non quod unaquæque prærogativa per se sufficiens sit ad astruendum Petri Primatum, & eminentiam super alios Apostolos; sed quod omnes simul sumptæ id faciant. Sunt autem hæ præcipuae: 1. Quod Christus soli Petro inter omnes Apostolos proprium nomen misseraverit. 2. Quod, quando in Evangelio recensentur nomina Apostolorum, semper primò loco ponatur Petrus. 3. Quod Scriptura loquatur de Petro, tanquam de Principe, de aliis, tanquam de subditis. 4. Quod Petrus sèpè loquatur nomine omnium Apostolorum, tanquam illorum Antesignanus. 5. Quod inter omnes Apo-

Apostolos soli Petro facta sit prima revelatio divinitatis Christi. 6. Quod soli Petro promissa sit stabilitas fiduci, & cathedrae. 7. Quod Christus pro solo Petro, & ipso voluerit tributum solvi in Capharnaum. 8. Quod post resurrectionem soli Petro inter omnes Apostolos primum apparuerit. 9. Quod soli Petro absolute dixerit: *Pasce oves meas.* 10. Quod Petrus sua auctoritate vocaverit alios ad electionem novi Apostoli in locum Iudee proditoris. 11. Quod primus promulgaverit Iudeis Evangelium post acceptum Spiritum Sanctum. 12. Quod primum miraculum apud Iudeos fecerit in confirmationem Evangelii. 13. Quod ei iam primus praedicaverit gentibus Evangelium, & quod ipsi soli oblata sit visio cœlestis de vocatione gentium. 14. Quod primus in Concilio Hierosolymitano sententiam dixerit, & omnes illi acquieverint. Vide, quæ lib. 2. de Republica Ecclesiastica cap. 6. de his disputata sunt.

13. Sed notandum est, quasdam ex illis prærogativis, nempe primas octo præcessisse Primum Petri, & fuisse, vel signa futuri Primatus, vel dispositiones præbias, vel promissiones ad eundem obtinendum. Nonam, quā dictum est: *Pasce oves meas*, fuisse actuum Primatus collationem; reliquas fuisse effectus, seu exercitia Primatus jam obtenti. Dabo simile: quando Rex vult alicui ex suis aulicis dare supremam aulæ præfecturam, servat hunc ordinem; *Primo*: disponit illum ad hoc officium. & exhibet quedam signa suæ erga illum propensionis; quatenus illi præ cæteris familiaribus; soli sua consilia communicat; solum ad legationes magni momenti adhibet; soli præmissionem facit; soli primum locum tribuit. *Deinde*: his præmissis, re ipsa consert illi præfecturam; postea permittit illum exercere officia præfecturæ. Sic fecit Christus: *Primo*: disposuit Petrum ad Primum Ecclesiæ variis signis, & prærogativis. *Deinde*: re ipsa contulit illi Primum, Joan. 21. v. 17. *Pasce oves meas*. Denique Petrus, accepto Primum, cœpit illum exercere; cœpit, inquam, convocare discipulos ad electionem novi Apostoli, promulgare solemniter Evangelium; & alia similia officia manifestare.

Objectiones contra Primum Petri.

14. *P*rima sumitur ex illo: Rom. 12. v. 5. *M*ultum unum corpus sumus in Christo, singuli autem alterius membrorum. Ubi Apostolus nullum aliud Caput agnoscit, nisi Christum; & inter membra corporis, non minus includit Petrum, quam alios fideles; immo omnes fideles vult esse membra, non solum respectu Christi, sed etiam respectu ipsorum inter se ut patet ex illis verbis: *S*inguli autem alterius membrorum. Igitur & Petrus, & Pontifex sunt membria corporis Ecclesiae, non solum, si conferantur cum Christo, sed etiam, si conferantur cum aliis fiducibus non ergo Caput Ecclesiae. *R*espondeo: Apostolus differt ibi loquitur de Christo, quatenus est Caput Ecclesiae per internum influxum donorum gratiae. Et fieri verum est, omnes fideles, etiam Petrum, & Pontificem esse membra, non Caput; omnes enim accipiunt gratiam a Christo, tanquam a Capite; nullus a Petro, vel Pontifice. Si autem sermo sit de Christo quatenus est Caput Ecclesiae per externam gubernationem, tunc non solum ipse, sed etiam Petrus est Caput; ille quidem primarium, & propria virtute; huiusvero secundarium, & virtute ab illo participata.

15. Dices: ergo Ecclesia est biceps, quia habet duo Capita. *R*espondeo. Nihil hic novum; nam & regnum quodlibet hoc sensu biceps esset, si Regem absensem habet, & Proregem praesentem: utrumque ut caput in externo regimine; sed alterum alteri subordinatum. Idem dico de Ecclesia: Biceps est; quia habet duo Capita, primarium, & secundarium. *D*abo aliud exemplum ex Apostolo, Ephes. 5. v. 22: *V*ir, inquit, caput est mulieris. At mulier praeter virum, qui caput est ipsius, habet etiam naturale caput in suo corpore; igitur biceps est.

Objecio II.

16. *S*icut caput, & reliqua membra hominis constituant unum integrum corpus naturale; ita Christus, & Ecclesia constituunt integrum corpus

pus mysticum, quod conflatum est ex capite, & membris; teste Apostolo 1. Corinths. 12. ergo omnes praeter Christum, qui Caput est, sunt membra corporis Ecclesiae; ergo nullus praeter Christum, est Caput Ecclesiae. Respondeo. Hec objectio solvitur eodem modo, quo prior; nam caput potest duplicitate conferri cum membris. Primo: quoad internum influxum, qui procedit a capite in reliqua membra; & sic unius corporis unum est caput. Secundo: quoad externum regimen; & sic unius corporis possunt esse duo capita. Quo pacto corpus mulieris habet unum caput, a quo recipit influxum spirituum sensitivorum; habet duo, a quibus regitur in externis actionibus: nam a proprio capite naturali, & a viro, qui caput ipsius morale est, gubernatur. Idem est de Ecclesia: Habet unum Caput quoad influxum gratiae; habet duo quoad externam gubernationem, quorum unum supplet vices alterius. Et priori modo solus Christus est Caput, reliqui omnes sunt membra; posteriori non solus Christus, sed etiam Petrus est Caput; qui tamen priori modo est membrum, & non Caput.

17. Quando ergo objicitur ex Apostolo, quod Christus, & Ecclesia constituant unum integrum corpus mysticum, quod ex Capite, & membris conflatum est; hoc intelligi debet priori sensu; nam Apostolus disertè loquitur de Christo, quatenus est Caput Ecclesiae quoad internam divisionem donorum gratiae, ut in textu patet: Et sic concedo, ut jam ante concessi: omnes, praeter Christum, esse membra Ecclesiae; & nullum praeter Christum, esse Caput Ecclesiae. Quod si similis objectio fiat de Christo, quatenus est Caput per externam gubernationem; dicendum erit: Christum cum suo Vicario esse Caput, reliquos omnes membra. Sicut fit in regno aliquo, ubi Rex cum suo Prorege est Caput regni, alii membra.

Objectio III.

18. **C**hristus suam Ecclesiam aequè commendavit omnibus Apostolis, non magis Petro, quam aliis. Omnibus enim dixit: *Sicut me misit Pater*.

Pater, & ego mitto vos. Item: *Docete omnes gentes*
Deinde omnes æquè docuit, & instruxit. Omnipotens
æquè misit Spiritum Sanctum in die Pentecostes. Hanc
æqualitatem agnoscit Cyprianus in tract. de simplicitate
Prælatorum, seu de unitate Ecclesiæ, cùm ait
Hoc erant utique & ceteri Apostoli, quod fuit Petrus
pari consortio prædicti & honoris, & potestatis. Respondeo.
Verum est: quòd omnibus commendaverit suam
Ecclesiæ; falsum, quòd omnibus æquè commendavero
*rit; nam soli Petro dixit: *Pasce oves meas.** Igittu
pastura omnium ovium soli Petro, non aliis commen
data est, Nec valet hæc consequentia: omnes æquè
instructi sunt, & æquè Spiritum Sanctum acceperunt;
ergo unus non habet majorem jurisdictionem, quam
alius, Sicuti non valet: homines omnes æquè habent
caput, pectus, ventrem &c. ergo omnes sunt æquè Re
ges, vel Principes in regno. Nam aliud est, loqui de
doctrina, & sanctitate; aliud de jurisdictione. Non
omnes, qui pares sunt in doctrina, & sanctitate; sun
etiam pares in jurisdictione. Alioqui Rex in regno
si non haberet majorem doctrinam, & sanctitatem
quam subditi; non haberet etiam majorem jurisdictionem,
quod est absurdum. Et ratio à priori est: quia
potesas, & jurisdictione per se non pendent à majori do
ctrina, & sanctitate. Cyprianus idem docet, quod nos
nempe omnes Apostolos, antequam Petro diceretur:
**Pasce oves meas,* fuisse æquales; postea non fuisse æqua*
les; sed Petrum præ aliis eminuisse. Vide, quæ dixi
mus lib. 2. de Republica Ecclesiæ. cap. 7. objeccl. 1.

Objecclio IV.

19. **P**AULUS in faciem restitit PETRO ad Galat. 2. v. 11.
Ergo Petrus non fuit Caput Ecclesiæ; alioqui
Paulus fuissest arrogans, & procax, quòd Cap
piti Ecclesiæ ausus esset resistere. Respondeo.
Verum est, Paulum Petro restitisse; quia Petrus erraverat, non
quidem in aliquo fidei articulo, in quo errare non
poterat juxta promissionem Christi: Rogavi pro te Petru
mo

ne non deficiat fides tua. Sed in facto; quia incaute simulabat Iudaicum cum scandalo, & offensione genitum. At hinc non sequitur: Petrum non fuisse Caput Ecclesiae; sicut in simili non sequitur: David fuit reprehensus à Joab. 2. Reg. 19. 2. 5. ergo non fuit Caput regni. Imò multi Patres ex hac ipsa Petri representatione colligunt, superieres posse coripi ab infestis; quando sit cum debita humilitate, & charitate, ut Augustinus epist. 19. ad Hieronymum. Cyprianus epist. ad Quirinum de hereticis rebaptizandis. Gregorius hom. 18. in Ezechiēl. D. Thom. in 2. quest. 33. a. 4. ad 2. Similiter non sequitur: Paulum fuisse arrogantem, & procacem; quia quod fecit, factum est bonō zelō ad tollendum scandalum, quod vitum erat ex incauta Petri simulatione.

ANIMADVERSIO.

ANei - Becani in argumentis pro Primatu Petri se se mirè torquent: uni forma non placet, alteri materia; Cessellensis etiam corruptit formam argumenti, ac tunc fibi triumphant canit. Vera forma argumenti pro Petri Primatu est hæc: Qui solus Apostolorum iussione Christi accepit Pastoratum ovium Christi, & agnorum ejusdem; is solus Apostolorum est Pastor ecumenicus in Ecclesia Christi subordinatus Christo; atqui solus Apostolorum Petrus iussu Christi accepit Pastoratum ovium, & agnorum Christi, Joan. 21. ergo solus Apostolorum Petrus est pastor ecumenicus in Ecclesia Christi subordinatus Christo. Adversus hanc probandi formam centum annis, & pluribus laborauit Lutherani, & Calviniani; & minati sunt puro puto Evangelio se eam eversuros; garrisserunt multa, calumniati sunt pluviis, quid effecerunt? nunquam è Scripturis potuerunt concludere conclusionem suam; ergo Petrus non est iussu Christi Doctor solus inter Apostolos constitutus Pastor omnium ovium, & agnorum Christi. Quid igitur faciunt? Mysteriò fraudis fibi consuerunt utuntur. Quo illo? Objectiones quasdam nugaces, inefficaces nullies solutas à Catholicis excubunt, regerunt, in scenam reproducunt; ut aliquid agere videantur, & non obmutuisse apud plebem. Ea fraude contenti sunt, si se in causa suis sustentent. Porro titulos, & prærogativas Petri pro Pontificatu illius afferendo post Becanum sibi in Onomastici forma digerit Theophilus Raynaudus in eo libro, qui dicitur olorea aurea supra mitram Summi Pontificis; qui tituli ex omnibus seculis collecti convincunt, Ecclesiae Christi semper fuisse

se judicium, & sensum: Petrum esse oecumenicum Pontificem seu Pastorem ovium Christi; & pari potestate ejus in Cathedra Romana Successores esse prædictos. Veritatis amans Lector illum consulens fructum referet non levem sibi, Adversariis confutacionem. Quid verò adversus prærogativas Petri à Recano recitat? 1. Vocabulam prærogativa cum Orbitione flagellant miseri? 2. Nomen Petro non esse mutatum, eò, quod Simon Petrus dicitur sit, qui ante Simon diceretur. Sat stupide id quidem? 3. Etiam aliis Apostolis, ut Joanni, Jacobo, qui Boanerges sunt appellati; quid tum? non argumentatur Recanus ex una prærogativa sat est, si ea in Petro sit vera. 4. ajunt: in Catalogo Apostolorum non semper nominari primo loco Petrum. Unde verò hoc? ex Ioann. I. v. 45. ad Galat. 2. v. 1. I. Corint. I. v. 22. Sed quero? an ibi texatur Catalogus Apostolorum? Vndeant Anti-Becani. 5. Promissionem oecumenici Pontificatus Petru factam à Christo, Matth. 16. v. 18. conantur Anti-Becani corrumpere. Quomodo? Simoneon ajunt, à petra denominatum esse, & Christum velle ædificare super petram à qua denominatus sit Petrus; & proinde negant Anti-Becani se audire, valere; quod Christus sit ædificatus Ecclesiæ super Petrum. O Calvinista! ô Lutherichola! habuissetis oculos, & aures Joannis Chrysostomi, homil. 55. in Matth. Ambrosii, serm. 47. Greg. lib. 4. epist. 32. Origen. hom. 5. in Exod. Athanasii in epist. ad Felicem Basili lib. 2. in Kunom. &c. à Moguntinis prolatorum PP. tunc sanè vidissetis, & audissetis; nunc aure habetis, & non auditis, oculos, & non videtis; nempe: quod Catholica Ecclesia semper vidit, & audivit; quia maluistis audire Lutherum, Calvinum, & similes seductores. 6. ajunt: Christum omnibus Apostolis æquè commisisse Ecclesiam. Resp. Commisisse æquè quoad curandi actus, verum est: quoad prærogativam, & transmittendum in posteros officium eminentis curæ suæ, nego. Nulli enim dixit: super te ædificabo Ecclesiam meam, non de faciet fides tua &c. 7. Petrus non est agnitus Primus, Oecumenicus; nec id muneris exercuit. Resp. Act. I. & 2. & 15. cum Chrysostomi Oecumen., aliorumque Ecclesie DD. expositione, & Laurentii Poteri ad hæreticas affiancas responsione in sua Antiq. Papatus lib. 2. cap. 2. num. 8. At Oecumenicus Pontifex debet esse extra reprehensionis justæ aleam, non autem talis Petrus. Gal. 2. v. 11. Resp. Debet esse extra reprehensionem in fidei dogmate, verum est; nec de fidei errore reprehensus est Petrus, sed de errore moris alicujus. 8. Paulus non est inferior Petro, 2. Corintib. II. Gal 2. ergo Petrus non est Oecumenicus, vel Summus Pontifex. Resp. Disting. meritis laboribus, &c. conced. Jurisdictione, nego. 9. Petru fuit creditum Evangelium Circumcisionis, Paulo præputii; ergo Petrus non fuit Oecumenicus Pastor. Resp. Negando consequentiam

illa divisio non fuit potestatis, sed hominum instruendorum
principali aliquā curā, & frequentiore. Vide Bellarm. lib. 1.
Pontif. cap. 16. obj. 4. Denique alii Patres Oecumenicum Pon-
tificatum abnuunt. *Resp.* Eo sensu, quasi Petrus solus esset
Pontifex, & nemo præter eum, bene abnuunt; quasi inter Coepi-
cos animarum non eminetur Jurisdictione, non abnuunt.
Videatur ea de re Laur. Forer. in Antiq. Papatus, lib. 2. cap. 2.
Hec pro Primate S. Petri.

De Pontifice Petri Successore, seu de Primate Pontificis.

Romanum Pontificem esse Petri Successorem,
docent antiqui Patres: Optatus Milevitanus
lib. 2. contra Parmenianum: *Petro successit
Linus, Lino Clemens, Clementi Anacletus, &c.* Et August.
Epist. 165. ad Generosum: *Si ordo Episcoporum sibi suc-
cedentium considerandus est, quanto certius, & verè sa-
lubriter ab ipso Petro numeramus, cui totius Ecclesiæ figu-
ram gerenti Dominus ait: Super hanc petram adificabo
Ecclesiam meam. Petro enim successit Linus, Lino Cle-
mens, Clementi Anacletus, Anacleto Edaristus, &c.* Et
Philippus Presbyter in Concilio Ephesino, tom. 2. c. 16.
Nulli dubium, imò seculis omnibus notum est: *Sanctum
Petrum Apostolorum Principem, & Caput, Ecclesia Catho-
lica fundamentum, per Successores suos hucusque semper
videre causisque decernere, semperque dictum esse. Hu-
c itaque ordinarius Successor Papa Cœlestinus nos ad hanc
monum misit. Omitto alios Patres, qui vel Cronica,
vel Martyiologia, vel vitas Pontificum conscripserunt.
Omnes incipiunt à Petro, & Pontifices faciunt Petri
successores.*

21. Et ratio evidens sumitur ex principiis iam po-
tis. *Primum est: Christum in hac vita fuisse visibile
Caput Ecclesiae in externa gubernatione. Alterum: hanc
gubernandi formam non esse mutatam post ascensionem
Christi, ac proinde etiam nunc opus esse visibili Capite.*
*Tertium: hoc Caput non aliud fuisse post Christum.
quam Petrum, cui dictum est: *Pasce oves meas.* Cùm
ergo post mortem Petri non sit facta mutatio in regimine
Ecclesiae, necesse est: *Petro successisse aliquem.* qui
eodem*

etdem modo, quo Petrus, Ecclesiam gubernaverit.
Nec aliis assignari potest, quam Pontifex Romanus.

22. Hinc sequitur: sicut Petrus fuit Caput, & Pastor universalis Ecclesiæ; ita etiam Pontificem, qui Petro succedit, cum pari potestate esse Caput, & Pastorem universalis Ecclesiæ. Et hic titulus tribuitur illi in epistola Paschalini Episcopi, & aliorum de damnatione Dioscori, tom. 2. Concil. in fine Concilii Chalcedonensis, ubi leguntur hæc verba: *Unde Sanctissimus, & Beatusissimus Papa, Caput universalis Ecclesiæ Leo, per nos, & Legatos suos, &c. Episcopali cum dignitate nudavit. Vide etiam Patres Concilii Chalcedonensis in epist. ad Leonem, quæ exstat in fine ejusdem Concilii.* Item Ambrōzium epist. 81. ad Stricium Papam. Et Hieronymum epist. 57. ad Damatum Papam. Et Augustinum in libro contra epistolam Manichæi, quam fundamentalem vocant, cap. 4. & alios.

23. Accedunt varia Pontificis privilegia, ex quibus idem convincitur. Primum est: quod omnes Episcopi totius orbis, qui in judiciis Ecclesiasticis sentiunt, se gravari ab Episcopis, aut Synodis Provincialibus, possint confugere ad Romanum Pontificem, tanquam ad judicem superiorem, cui reliqui omnes Episcopi subjeti esse debeant, & à cujus sententia non liceat ulterius appellare. Hoc patet ex Concilio Sardicensi, cap. 4. juxta secundam editionem. Alterum: quod omnes Christiani, quando oriuntur dissensiones in fide, debent adhærere illi parti, quam tenet Romanus Pontifex, seu Sedes Apostolica, si non velint errare. (Irenaeus lib. 3. contra heres cap. 3. Hieronymus epist. 5. ad Demet. idem cap. 9. Basilius in epistola dñi Sabino Diacono ad Pontificem Romanum. Cyrillus Alexandrinus in epist. ad Cœlestinum Papam. Augustinus lib. 1. contra duas epistolas Pelagianorum cap. 1. & alii.) Tertium: quod nullum Decretum statui possit pro tota Ecclesia, nisi Pontifice consentiente. Socrates lib. 2. hist. cap. 5. Sozomenus lib. 3. cap. 7. Theodoretus lib. 2. cap. 22. Concilium Chalcedonense Actor. 1. in initio, & Actor. 16.

in relatione Sanctæ Synodi ad Leonem Papam, Augustinus
cum aliis Episcopis Concilii Carthaginensis epist. 69. ad
Innocentium Papam. Quartum: Quod Pontifex possit
fancire leges Ecclesiasticas, quæ obligent universam Ec-
clesiam ex dictis; quæ omnia à nobis fusè explicata sunt
lib. 3. de Republ. Ecclesiastica cap. 4.

Objectiones contra Primum Pontificis.

Primo: Duo Romani Pontifices Pelagius, & Gre-
gorius damnant illum titulum: *Oecumenicus,*
seu universalis Patriarcha, quo utebatur Joa-
nnes Constantinopolitanus Episcopus. *Respondeo.* Hi duo
tituli distinguuntur. **P**rimo: Dici universalem Episco-
pum in Ecclesia. **S**econdo: Dici Episcopum universalis
Ecclesiae; **P**rior reprehenditur in Joanne: posterior re-
petit usurpatum à Pontifice. Est autem hoc discrimen in-
ter utrumque: Qui dicit, se esse universalem Episco-
pum, insinuat se solum esse Episcopum, & aliis omni-
bus derogat nomen, & honorem Episcopalem. Et hoc
fecisse Joannem, testatur Gregorius lib. 4. epist. 34. &
lib. 7. epist. 69. Qui autem dicit, se esse Episco-
pum, vel Pastorem universalis Ecclesiae, non significat
se esse solum Episcopum, vel Pastorem; sed se habere
generalem curam, & gubernationem totius Ecclesiae;
licet alii Episcopi habeant specialem curam, & guber-
nationem Ecclesiarum particularium. Et hoc sensu Pon-
tifex solet vocari Episcopus, & Pastor universalis Eccle-
sie; ut fatetur Gregorius lib. epist. 32. & alii Pontifi-
ces, qui Gregorium præcesserunt, ut Sixtus I. epist. 2.
Victor I. epist. 1. Pontianus epist. 1. &c.

Secondo: Polycrates Episcopus Asiæ, & Ire-
naeus restiterunt Victori Papæ, Asiaticas Ecclesias ex-
communicati. *Respondeo.* In sancto Victoris duo spe-
canda sunt. **P**rimo: Potestas excommunicandi. **S**e-
condo: Causa excommunicationis. Igitur Polycrates,
& Irénæus non negarunt Victorem Papam habere pote-
statem excommunicandi Episcopos Asiæ, ut benè nota-
ueronius tom. 2. Annal annō Christi 198. sed negarunt
causam excommunicationis fuisse sufficientem, & ideo

illi restiterunt. An autem fuerit sufficiens, nec ne-
jam non dispuo. Si fuit, immerito reprehensus est
Victor; si non fuit, potuit reprehendi cum debita mo-
destia, sicut Petrus à Paulo reprehensus est. Hoc enim
non derogat ipsius potestati, & jurisdictioni. (*supra*
s. 18.)

26. *Tertia*: Firmilianus Episcopus Cæsareæ Cappa-
dociæ non agnovit Stephanum Pontificem pro Capite
Ecclesiæ, sed illum contempnit, ut patet ex epistola
ipsius ad Cyprianum data. *Respondeo*. Firmilianus erat
offensus Pontifici, & ideo tam acerbe in illum scripsit.
Causa offensionis fuit hæc: Cyprianus cum multis Epis-
copis Africæ contendebat, baptizatum ab hereticis col-
latum non esse validum, ac proinde baptizatos ab her-
eticis quando redeunt ad Ecclesiam Catholicam, rebaptizandos. Hanc sententiam sequebatur Firmili-
anus cum aliis Episcopis Cappadociae, Ciliciae, & Galatiae.
Stephanus Pontifex nixus Apostolica traditione, con-
trarium decernebat; & quia supra dicti Episcopi perti-
naciter persistebant in tua opinione, & Stephano ex-
communicati sunt. *Eusebius lib. 7. cap. 4.* Hoc ægræ
ferens Firmilianus, strinxit calatum, & epistola ad Cy-
prianum missa multis calumnis bonum Pontificem in-
sestatus est; eoque liberius id fecit, quod sciret Cypriano
num esse in eadem secum opinione, & Pontifici in hoc
puncto adversari. *Vide Augustinum lib. 1. contra Dona-
ristas cap. 18.* ubi ait Cyprianum peccasse, quod non
voluerit Stephano Pontifici obedire.

27. *Quarta*: Episcopi Orientales in Concilio An-
tiocheno, duplice de causa restiterunt Julio Pontifici.
Primo: Quod ipsos Romanam citasset. *Secundū*: Quod
Athanasium ad se confugientem, qui in Synodo Orien-
tali fuerat damnatus, absolvisset, & suæ sedi restituisset.
In utroque dicebant illum usurpasse plus autoritatis
quam debebat. *Respondeo*. Hæc objecatio magis premit
Adversarios, quam nos; nam inter illos Episcopos, qui
Julio restiterunt, erant triginta sex Ariani. *Contra*
verò: Athanasius, qui Julio adhaesit, erat doctissimus
& sanctissimus Catholicus. Quando ergo Adversarii sic
ob-

objiciunt: Episcopi Orientales, qui magna ex parte erant hæretici, restiterunt Pontifici; ergo non habebant illum pro Capite Ecclesiæ. Ego vicissim sic objecio: Athanasius vir catholicissimus, sanctissimus, & doctissimus ab Episcopis Orientalibus appellavit ad Pontificem, tanquam ad superiorem Judicem; ergo agnovit illum pro superiori Judice. Utra objectio melior est, Adversariorum, an mea? Ilicredunt Episcopi hæreticis; ergo Episcopo Catholico. Et tamen illi Episcopi, quod bene notandum est, agnoverunt postea se errasse, & à Julio Pontifice veniam deprecati sunt, ut testatur Athanasius in apologia 2. contra Arrianos, his verbis: *Arriani vidi a veritate veniam scriptis litteris a Julio Romano Pontifice poposcerunt.* & ad nos pro pace epistolas misere. Reliquas objections dissolvi lib. 3. de Republ. Ecclesiastica cap. 5.

ANIMADVERSO.

Si unquam mendaciis, hic strenuissime rem suam egerunt Antiochini; adeò, ut cùm Crocius suo cerebro Germanico in hac arte diffideret, Gallicum Molinæ sit mutuatus. Quid igitur dicunt? 1. Sanctum Petrum Romæ non fuisse. 2. Nec annis Romæ sedisse. Bellarmine, & Forerius jam id probaverunt. 3. S. Gregorium horruisse nomen universalis Episcopi. Hoc sidem refutaverunt; & sopra dixi, quo sensu abnuerint id nomen Patres. 4. Zosimus Papa falsi convictus est in Concilio Carthaginensi, quod citaret Sardicenses Canonem sub nomine Nicæno. Hoc sidem refutaverunt. 5. Ajunt: Canon sextus Concilii Nicæni partitus jurisdictionem inter Patriarchas Rom. Antioch. Alex. & hos Romanos æquat. Fraudem hanc detexit Turrianus in 22 d. 15. dub. 2. Bellarm. Forerius. 6. Concilium Chalcedonense æquat Canoninopolitanum Romano. Refellit Bellarmine, & Forerius. 7. Sardicense Concilium, non fuit Generale, quoad personas, & causam nego: quod distinctam à Nicæno! difficultatem, non fuit novum generale, transeat. Generalitatem amplissimè probavit Moguntini pag. 151. 8. Non fuit convocatum à Rom. pontif. Hoc falsum diluvunt Orientales Episcopi apud Theodorenum lib. 2. cap. 20. Forer. lib. 5. cap. 4. 9. Legati Sedis Romanae non præsederunt. Falsum id esse evicerunt Moguntini pag. 151. illi non non præsederunt. 10. Canonem Sardicenses de Appellationibus non sunt recepti. Forerius ostendit falsum lib. 5. Antiq. Pap. c. 3. 11. Canonem Sardicenses cum Nicænis non bene concordant. Figmentum veletis discordare, quæ concordant, appellare posse ad Synodus Pro-

vinciales, & ad Apostolicam Sedem bene congrunt; uti ire ad
 forum, & Templum. 12. Concilium Sardicense non defert P^p
 pae insolidum litis judicium. Textus Concilii hoc mendacium
 refutat; sed dicit Anti-Becanus: Episcopos hanc Jurisdictionem
 dedisse Papae. Falsum dicit: à DEO habebat; Episcopi tantum
 confessi sunt eum habere. Rursus ait: soli Julio data appellatio,
 non Sedi Romanae. Novum segmentum lubrici serpentis. Jam
 supra probatum est: Sedi à DEO datum esse jus judicandi uni
 versos. 13. Gelasius abusus est auctoritate horum Canonum.
 Segmentum hoc refutavit Forero lib. 6. cap. 32. maximè num
 31. contra Molinæum. 14. Athanasius non appellavit ad V^{er}
 pam, uti ad Judicem. Segmentum refutatum ab eodem lib. 4.
 cap. 12. & lib. 6. cap. 20. Rursus: nec Chrysostomus appelle
 lat, uti ad Judicem. Segmentum similiter à Forero lib. 7. c. 2.
 refutatum est. Nec Flavianus, nec Theodoreus: refutatum ab
 eodem lib. 6. cap. 20. 15. Augustinus, & Optatus non agnoscent
 Primatum Rom. Pontificis. Segmentum refutatum à Forero lib.
 5. cap. 15. num. 27. & lib. 6. cap. 9. 10. 11. 16. Gelasius Pap^p
 verbis Christi detrahit. Segmentum refutatum Forero lib. 6. cap.
 32. num. 31. 17. Innocentius erravit, statuens infantes absque
 communione non posse salvati. Segmentum à Forero lib. 1. cap.
 21. §. 4. num. 25. & lib. 6. cap. 10. num. 20. refutatum. 18.
 Augustinus cum Afris non agnovit Primatum Pontificis Romani.
 Segmentum à Forero lib. 6. cap. 6. &c. rejectum, & nominatio
 de Cypriano lib. 3. cap. 3. 19. S. Basilius de Dalmatio, tanquam
 sui simili loquitur; nec somniet de Primate Romano. Segmen
 tum, & calumniam detergere à Sancto illo Moguntini pag. 153.
 20. In Concilio Constantinopolitano Sedes Constantinopolitana
 sequata est Romana. Item in Chalcedonensi Can. 28. Mendaci
 um hoc confutat Forero lib. 5. cap. 12. num. 2. & seq. & lib. 6.
 cap. 27. & seq. 21. Primis quinque seculis non fuit agnitus
 Oecumenicus Pontifex Romanus. Hoc grande mendacium For
 ero lib. 2. 3. 4. 5. 6. confixit. 22. Synodus Constantinopoliti
 ana I. habita est inconsulto Romano Pontifice. Segmentum à Forero lib. 5. cap. 10. explosum. 23. Ex Concilio Chalcedo
 nensi non colligitur Oecumenicus Primatus Papæ. Segmentum à Forero lib. 6. cap. 24. & seq. castigatum. 24. Papa non potest
 ferre legem, quæ totum mundum astringat. Segmentum à Mo
 guntino in Anti-Becano, pag. 154. & seq. explosum. 25. Ye
 lagius II. & Gregorius M. titulum Oecumenici in Joanne Con
 stantinopolitano acerrimè oppugnabant. Resp. In eo, cui non
 competit iure bono oppugnari; ut si homo de trivio sumat libi
 titulum Elect. Imperii; alias in eo, cui competit, sensu falso
 scopum se supra alios Episcopos, qui sunt astra coeli, & nu
 bes, efficeret. Hoc facit Papa, cum vult esse Oecumenicus
 Resp.

Resp. Qui se effert, & non est Oecumenicus, verè Luciferianus est: sed Papa Romanus non est Oecumenicus, nego. 27. Schisma inducit, qui se vocat universalem. Resp. Nemo se vocans, quod est, inducit Schismam: sed qui honorem, quem debet, & obedientiam non praestat Vicario Christi, ut faciant Calvinistæ, & Lutherani. 28. Nonquam orbis universus agnoscit se subesse Pontifici. Resp. Si pro singulis hominibus dicas universum ortem, verum dicas: sed nihil ad rem: quia illo argumento probas DEUM non esse Dominum omnium, eo, quod singuli hominum nodum se subesse ei agnoverunt. Si de Capitibus Ecclesiasticis vis intelligi Tō universos orbis: mentiris; & confutans te generalia Concilia, Patrum monumenta, Corona aurea Raynaudi, & usus à temporibus Apostolorum hucusque productus. 29. Polycarpus non obediebat Anioeto; nec Aliani Victorii: nec Afri Cornelio; nec Orientales Julio; nec Chalcedonensis Synodus Leonis. Refutatum est figura à Forero lib. 3. cap. 23. lib. 5. cap. 1. lib. 6. cap. 26. Deinde: esto non ubi diversint aliqui; an ideo non subditi? domini suæ habet Antebeccanos Cassell nisi solutionem sui argumenti; nempe filia civis neglecti Patris ingenio furtivo indulxit amori: ergo non est subditus Patri de jure, quid videtur? 30. Aeneas Sylvius, postea Pius II. scribit: ante Synodum Nicenam, adeoque 300. post Christum annis sibi quemque vixisse, & ad Ecclesiam Romanum parvum habitum esse respectum. Resp. Correxit sua scripta Iovenia Pius II. & dixit: Nicenam rejicite, Pium recipite, &c. ex merito: erraverat enim, ut constat ex Ecclesiastica Historia Eusebii, &c. 31. Solus Christus est Caput Ecclesiae universale, & omnes Episcopi membra Christi. Resp. Crambe ter cocta, & decocta sèpè. 32. Nec Petrus, nec ullus Apostolus, aut s. Episcopus se fecit universalem. Resp. Bene, non fecit; nemo enim potest sibi sumere honorem, nisi à DEO detur; an ideo non est? 33. Nec se universalem appellavit. Resp. Si de rati agitur, falsum est; si de nomine, & litteris, concedi potest, neminem dixisse: Ego sum universalis. Sed nihil juvat hoc Anti-Becanos. 34. Tempore Nicenæ Concilii debebat Papa esse contenus suburbanis Ecclesiis, quæ intra centesimum lapidem ab urbe erant. Resp. Commentum ex farina Calviniana dissipavit Forerius lib. 4. cap. 8. num. 3. & seq. contra Molinæum. S. Leo ait: Roma latius præsedit Religione divina, quam dominatione terrena; & minus fuit, quod illi bellicos labor subdidit, quam quod pax Christiana subjecit. 35. Proprium est precursoris Anti-Christi, superbiendo se cæteris anteponere; qui Papa hoc facit; ergo. Resp. Negando minorem, quam non possunt probare calumniatores isti. 36. Quis Cardinalibus, vel Clerico Romano dedit potestatem electione præficiendi toti ubi Oecumenicum Caput? Resp. Papa. Quis vero Papæ dedit

hanc potestatem? Resp. Christus, Jo[n]n. 21 committens claves suas. 37. Si est aliquis Episcopus universalis Ecclesie, tunc illo apostatae caderet tota Ecclesia. Resp. DEUS prouidit, & providebit porro, ut non deficiat fides Petri. 38. Tempore Gregorii Magni fuit nomen Oecumenici novum; ergo ante non fuit. Resp. Nominis voculares, & syllabarum, res fuit à Christi in celum ascensu; id Anti-Becano sit, semel dictum esse, satis. 39. Nomen Oecumenici est vanum, profanum, blasphemum, perversum, superbium, stultum, sceleratum. Resp. Prout illud Joannes Constantinopolitanus arrogabat sibi, verum est: prout illud Christus Petro dedit; falsum est. 40. Est contra statuta Evangelica, & Canonica. Resp. Crimine alio iusculo condita sèpè decocta. 41. Is coercendus est, qui honori Imp. se superponit. Resp. Calvinista valde sunt solliciti pro Imp. honore, scilicet: sed tamen fingamus esse; qui se auctoritate assumpta ex se superponit, est coercendus; qui verò auctoritate D[omi]ni superpositus est, & gradum suum servat, quem jure tenet, est coercendus, nego; prius faciunt rebellem Regibus suis, posterius facit Papam. Illi ergo coercendi, hic humiliter ferendus est. 42. Coercendus est, qui nulli subeficit, & solus omnibus vult præesse; at talis est Papa, assumens nomen universalis; ergo. Resp. Nego minorem; verius diximus in minori: tales sunt Calviniani, Independentes fratres mei in Anglia, & Apolloniani fratres mei in Zelandia, & alii alibi brevi ex ovo predituri. 43. Christus non instituit ullum Oecumenicum totius Ecclesie Episcopum. Resp. Falsum est sequè, ac Petrus non fuit Oecumenicus Episcopus. 44. Omnes Episcopi sequè omnibus Apostolis succedunt. Resp. Falsum est. 45. Romanus Episcopus appellatur ab aliis Episcopis frater, Collega, Coepiscopus; ergo non est Oecumenicus. Resp. Negando sequelam. 46. Romanus Papa non convocavit Concilia ex toto orbe primis seculis; ergo non est Oecumenicus. Resp. Quid igitur S. Petrus in actis Apostolorum? & si singulis seculis non fecit, id probat non opus fuisse; instantiæ, quæ faciunt Anti-Becani, vel male intellegunt, vel figura sunt, ut Moguntini ostenderunt. 47. Ad Romanum Episcopum olim non licebat appellare, imò ab eo; ergo non est Oecumenicus. Resp. Moguntini antecedens distinxerunt, ita, ut nihil proistat Anti-Becanis; nempe: quasdam appellaciones ipso Romano Papa consentiente esse veritas. His similibus molè pluribus figuris, astianiis, & officiis pugnant Anti-Becani. Sed ex dictis cetera lector estimabis, quam omittuntur, Moguntini persequuntur.

C A P U T V.

De Judice Controversiarum.

1. C^{on}elebris quæstio est, quis debeat esse **Judex** controversialium, quæ oriontur inter Christianos circa fidem, & religionem? Adversarii docent: Scripturam esse Normam, & Judicem: omnes fidei controversialiæ ex sola Scriptura finiri, ac decidi posse. Hoc probant: quia Deus in veteri Testamento remittit Iudeos ad solam Scripturam, tanquam ad Judicem, Isaiae 5. v. 20. Adlegem magis, & ad testimonium. Idem facit Christus in novo, Joan. 5. v. 39. Scrutamini Scripturas. Et hoc Christi consilium secuti sunt Heroenses, de quibus scriptum est, Act. 17. v. 11. Quo idie scrutantes Scripturas, si bac ita se haberent-ita illi.

2. Nos distinguimus inter Judicem, & Normam. Judicem vocamus, qui fert sententiam inter partes litigantes. Normam, secundum quam fertur sententia à Judice. Posita hac distinctione tria assertimus. Primum: Ecclesiam esse Judicem controversialium. Secundum: Normam, quam sequitur Ecclesia in sententia ferenda, non esse solam Scripturam, sed Scripturam, & Traditionem simul. Tertium: Ecclesiam juxta hanc normam duplē sententiam pronunciare posse; vel per Pontificem, qui est Caput, & Pastor Ecclesiæ; vel per Concilia à Pontifice approbata, quæ repræsentant Ecclesiam. Et utroque modo sententiam esse infallibilem; nam neque Pontificem in fide errare posse, cui in Petro dictum est: *Ego pro te rogavi, ut non deficiat fides tua.* Neque Concilia legitimè celebrata, propter illam Christi promissionem: *Ecce ego vobiscum sum omnibus diebus usque ad consummationem seculi.*

3. Ad hanc sententiam confirmandam, & priorem refellendam utar sex argumentis. *Primum* sumetur ex officio Judicis, quod Scripturæ non competit. *Seundum* ex parte ipsius Scripturæ, in qua duo spectanda sunt, littera, & sensus. Littera occidit, teste Apostolo. Sensus saepè obscurus est, ut alio Judice opus sit. *Tertium* ex parte controversiarum; nam aliquæ sunt, quæ ex Scriptura dirimi non possunt, cum nulla de iis in Scriptura fiat mentio. *Quartum* ex usu, & praxi veteris Testamenti, ubi non Scriptura, sed Pontifex pro Judice agnoscebat. *Quintum* ex simili usu, ac praxi novi Testamenti. *Sextum* ex analogia Judicis controversiarum civilium, & politicarum; nam Judex ejusmodi controversiarum non est lex scripta, sed Princeps, aut Consistorium Principis. Postea respondebo ad objectiones Adversariorum.

ANIMADVERSIO.

IN hac Controversia supponitur, quod sacerdos inter Pastores Ecclesie Christi, etiam si sequantur ducem Sacre Scripturæ nihilominus oriantur dissidia, tum de vero sensu Scripturæ tum rei controversæ veritate: uti accidit inter Arrianos, Athanasios in Ægypto, illis dicentibus: Christum non esse Deum Filium consubstantialem; his contra idem affirmantibus, utriusque ex Scriptura se tutantibus. Quo casu queritur? quis debet & possit cum authoritate definitiva partes litigantes judicare, & sententiâ, lata litera terminare? Hactenus Lutherani, & Calvinistæ, &c. hujus temporis apostoli à Romana Ecclesia, dixerunt: hunc judicem esse Biblia; at hoc tempore aliqui obruti pluvia argumentorum Catholicorum, & rei male fundatae experientiâ, ajunt callidius quiddam: nempe 1. supremum Judicium controversiarum esse DEUM, cuius vox sit Biblia Sacra. 2. Huius subordinatum Judicem esse Ecclesiam aliquam v. g. Cassellenensem, Francoturensem, vel Synodum Dordracenam, &c. particularem fallibilésque congregaciones astrictas Bibliis, uti subalternatos, & secundarios Judices. Contra Lutheranos, & Calvinianos dicentes: Biblia esse Judicem controversiarum, directe procedit, & eorum sententiam evicit; contra posteriores indirecte; etiò enim verbis discrepant à prioribus, tamen nihil; sed mysterio fraudis Prædicantæ, ab Hieronymo Müllmanno evulgatæ, si aliquando callidius obvelant, ne adeò citò deprehendantur, evit idem dicant quoad rem, quod cœteri simplices Lutherani, & Calvinistæ. Audiamus Recanum.

Primum Argumentum ex officio Judicis.

4. **P**rimū argumentum sic propono: Qui est **Judex** inter duos litigantes (subaudi, de re ipsis ad salutem necessaria; & veritatem ejus scire voluntates, & scire debentes) debet ita pronunciare sententiam, ut uterque litigantium manifestè intelligat, quānam sit sententia **Judicis**: & alter eorum fateatur (vel fateri possit) illam pro se, alter contra se latam esse; alioqui, nisi id fiat, non cessabunt à lite, sed uterque suam causam prosequetur; at Scriptura non potest esse talis **Judex** controversiarum. Major per se clara est: minorem probo: quia **Lutherani**, & **Calvinistæ** multis annis litigant de his punctis. **Primò**: De Baptismo Parvorum. **Secundò**: De reali præsentia Christi in Eucharistia. **Tertidò**: De prædestinatione. **Quartò**: De Persona Christi. **Quintò**: De Exorcismo. **Sextò**: De numero, & Canone librorum Scripturæ; & tamen Scriptura, quam volunt esse **Judicem**, non potest dirimere, aut finire has ipsas controversies. Nec hactenus auditum est, ita pronunciasse sententiam: ut vel **Lutherani**, vel **Calvinistæ** falsi sint, contra se pronunciatam esse. Hoc constat ex eventu; nam utrique pèrgunt in studio, & ardore litigandi, quod sine dubio non facerent, si putarent sententiam clarè semel esse latam. Tunc enim vel ultro cessarent à suscepta contentione, & sententiæ acquiescerent; vel certè, si existimarent injustè secum agendum esse, ad alium **Judicem** provocarent. Neutrum fit.

5. Utque magis appareat vis hujus argumenti, duo consideranda sunt: Unum, quòd tam **Lutherani**, quam **Calvinistæ** palam fateantur, se non aliud **Judicem**, quam solam Scripturam agnoscere; & hanc ipsam Scripturam esse claram, perspicuam, & ad omnes controversies sopiendas per se sufficientem, nec ullam falsitatem subesse illi posse. Alterum, quòd nihilominus utriusque nihil aliud faciant litigando apud hunc **Judicem**, quam ut quotidie crescant eorum lites, & ipsi erga se mutuò infestiores evadant. Ex quibus alterutrum se qui necesse est: vel Scripturam hactenus non pronunciasset.

ciàsse claram, perspicuam, & sufficientem sententiam: vel certè, si pronunciavit, Lutheranos, & Calvinistas pervicaces esse, qui claræ, perspicuæ, & sufficienti sententiæ non volunt acquiescere. Alterutrum ipsi eligant?

ANIMADVERSIO.

Quid ad hoc argumentum Anti-Becanus? in majoris clarissima tricari primò, deinde sentiendo, se ibi non proficeret negare minorem: & experientiam, qua Becanus probat minorem, rejicere in hominum obstinatorum vitium, non inscripturam satis clare loquentem. Quasi omnes Lutherani, & Catholici videant veritatem in Scriptura, & nolint perwicki rigidi, Calvinistas sequi, vel ita sine causa, ut, quod Calvinisti vident, hi non videant in Scriptura. Pulchrum effugium, scribere: nam hoc idem dicunt Lutherani pro se de Calvinistis, & Catholici de utriusque. Quis jam Jodex erit hujus controverbi vide, quò homo suo iudicio innoxius devolvatur?

Secundum Argumentum ex parte Scripturæ.

6. IN Scriptura duo spectanda sunt: Littera, & sensus, sicut in homine corpus, & anima. De illis ut aliqui interpretantur, locutus est Apostolus 2. Corinth. 3. v. 6. cùm ait: Littera occidit, spiritus autem vivificat. q. d. Si sequaris verum Scripturæ sensum, qui est quasi spiritus, & anima vivificant: proredit tibi ad salutem. Si autem neglecto vero, & legitimo sensu, haeresas tantum in externa littera. & contendas illum esse sensum, quem externa littera praefert, sèpè errabis. Quam interpretationem sequitur Augustinus serm. 70. de Tempore. Frequenter, inquit, admonui charitatem vestram, fratres dilectissimi, ut his lectionibus, qua diebus istis in Ecclesia recitantur, non hoc tantum attendere debeamus, quod ex littera sonant cognoscimus, sed remoto velamine littera. vivificantem spiritum fideliter requiramus. Sic enim dicit Apostolus: Littera occidit, spiritus autem vivificat. Denique infelices Judæi, & plus infelices heretici, qui, dum solum littera aspiciunt sonum, quasi corpus sine anima. ita finè vivificantem spiritu mortui remanserunt. Similia habet lib. 3. de doctrina Christiana cap. 5.

7. Hoc posito duo probanda sunt: *Unum* est, quod Scriptura, si litteram speces, non possit esse Judex controversiarum. *Alterum*, quod neque, si sensum speces, possit esse Judex. Priorem partem sic probo: Ille non potest esse infallibilis Judex controversiarum, qui ducit homines in errorem, & hæresim; at Scriptura, si nudam illius litteram specemus, facile ducit homines in errorem, & hæresim; (supposita ipsorum imbecillitate) ergo non potest esse infallibilis Judex controversiarum. Major per se nota est; quia pròpterea quærinus infallibilem Judicem, ne erreremus; ergo, qui dicit nos in errorem, non est infallibilis Judex. Minor patet ex Apostolo; quia Scriptura secundum litteram occidit, id est, in lapsum, & errorem dicit

8. Sic olim occidit Iudeos, qui omnia, [qua] in Moyse, & Prophetis prædicta erant de Christo, intelligebant secundum externam litteram, & sensum interius latenter non percipiebant. Et hoc est, quod ait Apostolus 2. Corinth. 3. v. 15. *Usque in hodiernum diem, cum legitur Moyses, velamen positum est super cor eorum.* Id est: adhuc Iudei non intelligunt Moysen, quem quotidie legunt; quia non penetrant internum ipsius sensum, sed externâ litterâ contenti sunt. Vel clariôs: non agnoscunt Christum, qui in Moyse sub externis ceremoniis, ac sacrificiis, tanquam sub velamine occultatus est. Adhuc hærent in ipso velamine, & non considerant, quid sub illo lateat reconditum.

9. Quod etiam objicit illis Christus, Joan. 5. v. 39. *Scrutamini Scripturas, quia vos putatis in ipsis vitam eternam habere.* Et illæ sunt, qua testimonium peribent de me, & non vultis venire ad me, ut vitam beatissimam. Quasi dicat: si vultis certò cognoscere, me esse Messiam à Deo promissum, de quo Moyses, & Prophete scriperunt; non tantum debetis legere Scripturas quoad externam litteram, sed multò magis scutari internum sensum, & spiritum, qui sub externa littera, quasi sub umbra, aut figura delitescit. Hoc haec tenus non fecistis; tametsi enim persuasum vobis sit, in Scripturis sicut esse vitam eternam; tamen nescitis, in qua

qua parte sita sit. Non est sita in externa litera, in exten-
tis cæremoniis, & figuris, ut vos putatis; sed in spiri-
tu, & sensu in mysterio. Ibi me quærите, & invenietis.

10. Nec solos Judæos, sed etiam hæreticos litteras
occidit; nam multi in suis erroribus propriæa perie-
runt, quod relatio Scripturæ sensu, quem sequitur San-
cta, & Catholica Ecclesia, alium sensum secundum ex-
ternam litteram amplexi sint. Quod aliquot exem-
plis obiter demonstrabo.

11. Sabelliani dicebant: non esse tres Personas di-
vinas, sed unam tantum, quæ tamen haberet tria no-
mina propter diversa officia, seu operationes: Eandem
enim Personam vocari Patrem, Filium, & Spiritum
Sanctum; sed diverso respectu. Patrem, quatenus est
author omnium creaturarum; Filium, quatenus assu-
mptus humanam naturam ex Virgine; Spiritum Sanctum
quatenus sanctificat nos per suam gratiam. Ex eorum
sententia sequebatur: Patrem esse mortuum, & passum;
nam si una tantum est Persona, quæ dicitur Pater, Fi-
lius, & Spiritus Sanctus; sénè, si illa Persona moribunda
& passa est, necesse est, Patrem mortuum, & passum
esse. Hinc teste Augustino in lib. de heresio. cap. 4.
Patriconiani appellati sunt. Unde hic tantus error
ex littera occidente; nam secundum externam litteram
intelligebant illud Joan. 10. v. 30. *Ego, & Pater
unum sumus.* Ex quo inferabant, Patrem, & Filium
(& consequenter Spiritum Sanctum) esse unum quoad
Personam, cum tamen secundum sensum Ecclesiæ, sint
unum quoad essentiam, & duo quoad Personam.

12. Arriani dicebant: Christum non esse DEUM,
sed inferiorem DEO. Unde hoc? quia relatio sensu
Ecclesiæ secundum litteram explicabant verba Christi,
Joan. 14. v. 28. *Pater major me est.* Id est, absolute
major; at Ecclesiæ sensus est, Christum secundum hu-
manitatem esse minorem DEO Patre; secundum divi-
nitatem, æqualem. Et priori modò intelligendum esse
illud: *Pater major me est.* Posteriore illud: *Ego, &
Pater unum sumus.* Et sic omnia optimè cohærente.
Vide Athanasium orat. 2. contra Arrianos. Hilarium
lib.

lib. 5. & 11. de Trinitate Augustinum lib. 3. contra Maximinum cap. 24. & 25. & lib. de Trinitate cap. 7.

13. Macedoniani negabant Spiritum Sanctum esse DEUM. Ex quo principio? Ex littera occidente; nam secundum litteram accipiebant illud Apostoli 1. Corin. 2. v. 10. *Spiritus omnia scrutatur, etiam profunda DEI.* Unde sic concludebant: Qui scrutatur, querit; qui querit, dubitat; qui dubitat, ignorat; qui ignorat, Deus non est; ergo Spiritus Sanctus non est Deus. At Ecclesia locum illum sic interpretatur: *Spiritus omnia scrutatur;* id est, omnia penetrat, & comprehendit. Quo sensu dicitur etiam Deus Pater omnia scrutari. 1. Paralip. 28. v. 9. *Omnia corda scrutatur DEUS.* Et Psal. 7. v. 10. *Scrutans corda, & renes DEUS.* Et Jerem. 17. v. 10. *Ego Dominus scrutans corda.* Vide Theodoreum, Theophylactum, D. Thomam, & alios in commentario illius loci.

14. Manichæi asserebant: *vetus Testamentum novum contrarium esse.* Quare? Quia rem totam aestimabant secundum externam litteram, quam si spectas, alterum alteri videtur repugnare. Nam *vetus* dicit: *Deum creasse omnia, Genes. 1. v. 1.* *Novum* dicit: *Verbum creasse omnia, Joan. 1. v. 3.* *Kursus* *vetus* dicit: *hominem factum esse ad imaginem Dei, Genes. 1. v. 27.* *Novum* dicit: *hominem esse ex diabolo, Joan. 8. v. 44.* Item *vetus* dicit: *Deum die septimo quievisse ab opere, Genes. 2. v. 2.* *Novum* dicit: *Deum usque modò operari, Joan. 5. v. 18.* Contra hos agit Divus Augustinus in libro contra Admantum Manichæi discipulum, & ex sensu Catholicæ Ecclesiæ conciliat inter se loca, quæ secundum litteram videntur sibi adversari. Non enim repugnat, *Deum fecisse omnia;* & tamen fecisse per Verbum, veluti per suam artem, seu ideam. Nec repugnat, *hominem factum esse ad imaginem Dei quoad naturam;* & tamen esse ex diabolo quoad malitiam. Denique non repugnat, *Deum quievisse die septimo ab opere creationis mundi;* & tamen semper operari in gubernando, & conservando.

15. Pelagiani negabant peccatum originale, assertantes: peccatum Adami nocuisse ipsi soli, non autem posteris. Ex quo fundamento? Ex littera occidente, quia scriptum est Ezechiel. 18. v. 20. *Filius non portabit iniquitatem Patris.* At sensus illius loci secundum mentem Ecclesiæ Catholice est hic: Filius, qui non est particeps peccati Patris, non portabit iniquitatem Patris; si autem particeps est, portabit. Vide Augustinum in lib. post collocationem cap. 7. Nunc autem constat, posteros fuisse participes peccati primi Parentum, juxta illud Rom. 5. v. 12. *In quo omnes peccaverunt.* Sed quomodo peccaverunt omnes in Adamo? Hoc alibi explicandum est.

16. Fuerunt etiam antiquiores hæretici, qui negabant carnis resurrectionem; quia scriptum est. Joan. 6. v. 64. *Spiritus est, qui vivificat; caro non prodest quidquam.* Ex quo loco secundum externam litteram intellecto sic argumentabantur: Quorsum caro, si nihil prodest, esset resurrextura? (Refert Tertullianus in lib. de Resurrectione carnis cap. 37.) Ex eodem loco Calvinistæ faciunt hanc similiter consequentiam: Quorsum Christus daret nobis suam carnem in Sacramento Eucharistiae, si nihil prodest? Utrique decepti sunt ex littera occidente, alioqui licet etiam concludere hoc modo: Si caro non prodest quidquam? cur Christus eam assumpit? cur Verbum caro factum est? cur pro nobis cruci eam affixit? certè non fecit hoc frustra. Vide Maldonatum in cap. 6. Joannis.

17. Atque hæc sufficient de priori parte argumenti, in qua tum autoritate Apostoli, tum variis exemplis demonstratum est; Scripturam, si litteram extensem spectemus, non posse esse infallibilem Judicem controversiarum; quia littera occidit, & varios errores, ac hæreses parit.

18. Altera pars est: Nec Scripturam, si sensum spectemus, posse esse Judicem. Quam sic probo: Scriptura quoad verum, & legitimum sensum sæpè est obscura, & difficilis intellectu; ac proinde sæpè oritur controversia de vero, & legitimo ipsius sensu. Omnis autem

autem controversia requirit aliquem Judicem: debet ergo aliquis esse Judex, qui definias. hunc esse legitimum sensum, illum non esse. At hic Judex non potest esse ipsa Scriptura, de cuius mente, & sententia controversia movetur; ergo aliquis alius distinctus à Scriptura.

19. In hoc discursu sunt tria principia. *Primum* est: Scripturam quoad sensum sèpè esse obscuram, & difficilem intellectu. Hoc fuse probatum est cap. 1. *Alterum* est: Ex hac obscuritate necessariò nasci multas controversias. Hoc non indiget alia probatione, quam quotidiana experientia. Constat enim omnibus seculis à tempore Apostolorum ad nos usque semper ortas suisse aliquas controversias de legitimo Scripturæ sensu. *Tertium* est: Judicem harum controversiarum non posse esse Scripturam. Quod probo duplii argumento.

20. *Primum* sumitur ex dictis in hunc modum: Judex debet clare pronunciare sententiam, ut ab utraque parte litigante (cupiente, & debente scire veritatem) intelligi possit; alioqui frustra illam pronuntiat; at Scriptura, quando sensus ipsius obscurus est, non potest clare pronunciare sententiam, ut ab utraque parte litigante intelligi possit. Si enim in tali casu clare pronunciaret sententiam, jam sensus ipsius non esset obscurus, sed clarus, quod est contra suppositionem; ergo in tali casu non potest esse Judex.

21. *Dices:* Tametsi sensus Scripturæ in uno loco aliquando obscurus sit, tamen in alio potest esse clarus; ac proinde Scriptura per illum locum, qui clarus est, potest ferre sententiam de alio, qui obscurus est. *Resp.* Hoc quidem obviandum Adversarii, sed frustra. Nam *primo*, si ita est: cur ipsi per hanc viam non finiunt controversias, quas inter se habent? cur, inquam, Lutherani, & Calvinistæ, cùm altercantur de aliquo Scripturæ loco, qui obscurus est, non recurrent ad alium, qui clarus est? aut si id faciunt, cur nullus altercandi apud illos est finis? Hic hærent.

22. *Deinde* aliud est, verba Scripturæ esse clara; aliud, sensum Scripturæ esse clarum; nam claritas verborum

borum pendet ex cognitione Grammaticæ ; claritas autem sensus ex intentione , & consilio Spiritus Sancti ; ergo in tali casu verba Scripturæ poterunt esse clara, non tamen sensus verborum, qui à Spiritu Sancto intenditur erit clarus. Hoc ostendam in exemplo. Verba Christi in Evangelio sunt hæc : *Hoc est Corpus meum : Hic est Sanguis meus.* Quæ verba, si nativam illorum significacionem spectes, sunt clara, & perspicua ; & ab omnibus, non modo Christianis, sed etiam Judæis, Turcis, & Ethnicis intelligi possunt. At de sensu illorum, qui à Spiritu Sancto intentus est, infinitæ propè apud Christianos controversiæ sunt.

23. Addo : non raro fieri, ut idem locus Scripturæ, quem una pars litigantium putat clarum, & perspicuum esse, ab altera censeatur esse obscurus, ac intricatus. Quid in tali casu factio opus est? aut quis Judex adhibendus? Scriptura certè pro Judice adhiberi non potest, nam de illius sensu, ac sententia controversiæ est : cum alii claram, alii obscuram esse contendant, & ab aliis in hanc, ab aliis in aliam partem distrahatur. Quid ergo consilii? sine dubio alias Judex querendus est : v. g. Lis inter nos, & Calvinistas est de vero, ac locali descensu Christi ad inferos, quem illi negant, nos astruimus. Et utimur duplici testimonio. Alter ex Symbolo fidei : *Descendit ad inferos.* Altero ex cap. 2. Act. v. 27. *Non derelinques animam meam in inferno.* Utrumque dicimus clarum, & perspicuum esse. Calvinistæ de utroque negant, & obscurissima sua interpretatione utrumque faciunt obscurissimum ; ac prius quidem interpretantur hoc sensu : *Descendit ad inferos,* id est : pertulit in cruce duros cruciatus damnati, ac perdit hominis; ut coactus fuerit urgentè angustia exclamare : *DEUS meus, ut quid dereliquisti me?* Posteriorius autem hoc sensu : *Non derelinques animam meam in inferno,* id est : Non derelinques adavet meum in sepulchro. Ita Beza in commentario illius loci.

24. Quid hic agendum? aut quem Judicem compellabimus? si Scripturam consulimus, nihil aliud ipsa dicet, quam quod antea dixi : nullum iota, nullum apicem

apicem additura est: de eo autem, quod antea dixi, controversia est, ergo per id, quod antea dixit, controversia finiri non potest. Si ergo post ortam controversiam Scriptura nihil novi dicit, sed manet in antiquis terminis, certè per illam finiri lis non potest; sed necesse est, ut vel alium Judicem adire, vel alteram partem litigantem sponte cedere, vel denique utramque in lite perseverare.

25. Posterior argumentum. Multa sunt testimonia Scripturæ, quorum verus, ac legitimus sensus haberi non potest, nisi ex Traditione, & autoritate Ecclesiæ, (ut probatum est cap. 2.) ergo si oriatur controversia circa ejusmodi testimonia, sola Scriptura non potest esse Judex, sed oportebit confugere ad Traditionem, & autoritatem Ecclesiæ. v. g. Christus dicit Matt. 28.v.19. *Euntes docete omnes gentes, baptizantes eos in nomine Patris, & Filii, & Spiritus Sancti.* Sensus verus, & legitimus est: quod in Baptismo pronunciari debeant hæc verba: *Ego te baptizo in nomine Patris, & Filii, & Spiritus Sancti.* Et quod Baptismus sine tali verborum pronunciatione non sit validus. In hoc consentiunt nobiscum Adversarii. At si aliquis negaret hunc esse sensum, & contenderet non opus esse pronunciare hæc verba: *In nomine Patris, & Filii, & Spiritus Sancti;* sed omnino sufficere, si quis inter baptizandum habeat internam voluntatem, & intentionem baptizandi in nomine Sanctissimæ Trinitatis; quomodo illum confundemus? an ex solis Scripturæ verbis nihil minus quam illa verba: *Baptizantes eos in nomine Patris, &c.* non dicunt vocalem Trinitatis invocationem adhiberi oportere. Unde ergo constat, oportere? Ex praxi, & Traditione Ecclesiæ. Si hanc respuis, non habebis ultimum præsidium contra Adversarium, qui negaret vocalis prolationem necessariam esse.

26. Aliud exemplum: Christus dicit Joan. 3. v. 5. *Nisi quis renatus fuerit ex aqua, & Spiritu Sancto, non potest introire in regnum DEI.* Hic locus secundum verum, & legitimum sensum intelligitur de necessitate Baptismi aquæ, ut nobiscum fatentur Lutherani; at

Calvinistæ hoc negant; quomodo ergo refelli poterunt à Lutheranis? non certè ex verbis citatis; nam tametsi nominetur aqua, non tamen additur expressè, quod debeat intelligi de vera aqua; nam & alibi nominatur ignis, ut Lucæ 3. v. 16. *Ipsè vos baptizabit in Spiritu, & igne;* & tamen non intelligitur verus ignis. Unde ergo constabit in priori loco, veram aquam intelligi oportere, & in posteriori non verum ignem; aut, unde Lutherani contra Calvinistas id probabunt? Non aliunde, quam ex praxi, & Traditione Ecclesiæ.

27. Aliud: Christus in ultima Cœna non solum instituit Eucharistiam, sed etiam lotionem pedum adhuc buit. Et quidem in institutione Eucharistie dixit: *Comedite, bibite.* In lotione autem pedum: *Vos debetis alterius lavare pedes.* Hic Adversarii dicunt: priora verba continere præceptum, posteriora non item: ac proinde fideles divinō præceptō obligari ad sumendum Eucharistiam sub utraque specie; non tamen ad lotionem pedum. Nunc quæro: unde hoc ipsis constet: aut quo prætextu existimet se teneri quidem ad sumptionem utriusque speciei, sed tamen liberos esse a lotione pedum? Non possunt prætexere Scripturæ verba: *Comedite, bibite,* non plūs videntur significare, quam si paterfamilias dicat suis hospitibus: *Comedite, bibite, læti estote.* At si paterfamilias ita loqueretur, non censeretur illos velle sub præcepto obligare; cùm ergo Christus eodem modo locutus sit, unde constabit, eum voluisse novō præceptō obligare omnes fideles ad utramque speciem? Hæc autem verba: *Vos debetis alterius alterius lavare pedes,* videntur significare præceptum, non minus, quam si Dominus dicat servo: *Tu debes mensam parare.* Unde igitur sciunt, se his verbis non obligari ad lavandos pedes, cùm tamen hæc verba obligationem præferant? Ex sola praxi, & Traditione Ecclesiæ, nam Ecclesia nunquam usurpavit hanc lotionem, tanquam necessariam; quod tamen fecisset, si divinō præceptō putasset se ad illam obligari.

28. Omitto similia exempla, quæ passim occur-
runt; & ex dictis concludo in hunc modum: Scriptura
potest dupliciter spectari. *Primo*: Quoad externam
litteram. *Secundo*: Quoad internu[m] sensum, qui à
Spiritu Sancto intentus est. Neutro modo potest esse
Judex controversiarum. Non priori, quia externa lit-
tera s[ecundu]m dicit nos in errorem. Nec posteriori, quia
sensus Scripturæ s[ecundu]m obscurus, & ambiguus est; ita
ut opus sit alio Judice, qui definiat hunc legitimum,
& à Spiritu Sancto intentum illum non esse. Atque
haec sufficient de secundo arguimento, quod ex parte
Scripturæ desumptum est.

ANIMADVERSIO.

Quid Anti-Becanus ad 2. argumentum? 1. taxat, quod Be-
canus distinguit litteram à Spiritu Scripturæ. Sed nonne
id taxare est ridiculum apud intelligentes; cùm ipse Apo-
stolus id fecerit? 2. Dicit: esse quatuor terminos in argumento
Becani illo: Si Scriptura esset Judex controversiarum, vel foret
secundum litteram tantum, vel secundum sensum tantum, vel
secundum utrumque simul sumpta; neque enim datur præterea
aliquid in Scriptura, secundum quod ipsa possit esse Judex; sed
non est secundum litteram tantum, nec secundum sensum tan-
tum, nec secundum utrumque simul, uti probatur; ergo. Ita
Becanus: ubi vero hic 4. termini? At Becanus sic non exprimit.
Omnino, lege Sycophanta. Minotis enim probatio per trimem-
brem Scripturæ sumptionem Becano procedit; nam toto secundo
argumento probat, Scripturam non posse esse Judicem controver-
siarum secundum solam litteram, neque secundum solum sensum;
& denique tertio argumento probat eandem Scripturam non posse
esse Judicem secundum litteram, & sensum conjunctim; quia
multæ sunt controversiae fidei, quarum vel nulla est mentio in
Scripturis, vel omnino ad definiendum insufficiens est Scripturæ,
ut ibi videbimus. Quid jam amplius Anti-Becanus movere?
Etiam probationem Minotis principalis quoad primam partem
impedit. Quomodo? Becanus probaverat, Scripturam secundum
litteram solam occidere ex Apostolo, & August. hoc negat Anti-
Becanus, dicens: id vitiō malæ interpretationis fieri. Quomodo
Moguntini hic respondent pro Hecano? Ajunt: interpretationem
malam esse errorem ipsum, queruntque: quis Lectorem ingenio,
probitat[er]que præditum in istum errorem induxit? non ipse se,
quia noluit errare, & solus cum littera Scripturæ errat, cùm le-
gebatur eam; ergo littera eum seduxit, non essentialiter, & necel-
lentiō, sed tamē seipso. Ibi Anti-Becanus venetur. Quid vero
idem

idem sit ad alteram partem principalis Minoris? nempe: Sciri
pruram nequidem sumptuam secundum sensum posse esse Judicem
controversiarum; Calumnias oggerit, uti sepius atramentum.
Quas quæso? 1. Beccanum pro argumento formato inducere di-
scorsum. Resp. Si malum, ostende? si bonum, quid carpis?
2. Impostor Beccanus pro controversiis fidei supponit controversias
de particularibus Scripturæ textibus. Resp. Tu ipse impostor es,
qui controversum articulum fidei in Scripturæ textu supponis
non latere, cum id melius nōris. 3. Beccanus supponit, in omnibus
controversiis fidei debere esse aliquem Judicem, idque ambigüe.
Resp. Calumniaris; absque ambiguitate talem Judicem in
terris supremum, & infallibilem requirit. 4. Beccanus ludit in
vocula Judicis. Resp. Calumniaris: propriè dictum Judicem re-
quisit. 5. Beccanus aliena loquitur à proposito, cum alium
concludit debere esse Judicem à Scriptura distinctum. Resp. Cum
aliena? Quia alius Calvinista hoc non negat. Quis ille? Cro-
cius Cassellis post mortem Beccani primum auditus crocitare. Quid
autem crocitat? Confistorium aliquod Prædicanticum esse Judi-
cem controversiarum. Non oppugnavit hanc sententiam Becc-
nus? non erat opus, quia ipsi se oppugnaverant, dicentes: se
esse erroneous homines. Ubi hoc dixerunt? In Dordracena Syno-
do, ubi tota sapientia Calvinistarum fuit congregata. Quibus
verbis hoc dixerunt? Absit verbis, tum non sunt humiles, sed
factis testati sunt; quia magis discordes recesserunt, quam con-
veneront. Hoc Acta, & post scripta eorum loquuntur, integris
tomis excusa. Concedit igitur Calvinista Crocius contra sym-
mystas suos, Scripturam non esse Judicem controversiarum?
Ita sane: post tot negationes. Quid ad hoc alii Prædicantes?
aut sequentur enim, aut pœnas dabit.

Tertium Argumentum ex parte Controversiarum.

29. **H**oc argumentum sic propono: Multæ sunt
controversiæ circa fidem, & religionem, qua-
rum vel nulla fit mentio in Scriptura; vel
certè non sufficiens ad hoc, ut Scriptura de illis sen-
tiam ferre possit: ergo in iis dirimendis aliis Judex quæ-
rendus est. Ejusmodi autem controversiæ sunt hæ-

30. *Prima*: An libri Tobiae, Judith, Sapientiae,
Ecclesiastici, & Machabæorum sint Canonici? nec nel-
Negant Lutherani, & Calvinistæ; nos affirmamus. At
quis erit Judex, qui litem dirimat? Scriptura esse non
potest; nec Lutherani, & Calvinistæ, quod bene notan-
dum est, ad Scripturam provocant; sed ad Canonicum,
&

& Traditionem Judæorum. Ajunt: libros istos in Canone Judæorum non reperiri, ideoque Canonicos non esse. Agnoscunt igitur alium Judicem in hac causa præter Scripturam. Et quem illum? Traditionem Judæorum. Mira res! Pluris Judæos, quam Christianos faciunt; & cum ipsi Christiani esse velint, Christi, & Apostolorum Traditionibus infestissimi sunt, & Judæorum Traditionem in pretio habent.

31. Secunda: Quot sint Sacra menta novæ Legis; Adversarii dicunt esse duo: Baptismum, & Eucharistiam. Catholici, septem. Quid autem Scriptura? nihil de hoc numero definit, ac proinde Judex in hac causa esse non potest. Unde ergo Catholici habent septennarium, si ex Scriptura non habent: ex Traditione, & consensu Ecclesiæ. Unde Adversarii binarium: hoc ipsi viderint. Certè ex Scriptura non habent, aut, si putant se habere, speciatim præstent hæc tria. Primo: Ostendant ex Scriptura nomen Sacramenti tribui Baptismo, & Eucharistiæ; non item aliis? Secundo: Ex eadem Scriptura definitiant Sacramentum? Tertio: Demonstrent definitio nem convenire Baptismo, & Eucharistiæ; non autem reliquias? Hæc si præstiterint, salva res est. At nunquam præstabunt.

32. Tertia: An Exorcismus possit adhiberi in Baptismo? Ajunt Lutherani, negant Calvinistæ. Neutrā tam: n ex Scriptura suam sententiam possunt confirmare. Similis controversia est inter ipsos Lutheranos, an infantes (quos ajunt habere actum fidei, dum baptizantur) accipiant fidem vi Exorcismi, ut vult Lutherus; an vi Baptismi, ut contendunt ipsius Asseclæ.

33. Quartæ: An baptizati ab hereticis sint rebaptizandi? atsi mavit olim Cyprianus cum quibusdam aliis. Negabat post Augustinus cum reliquis. Sed nec hi, nec illi poterant ex sola Scriptura hanc litem decidere; nam Augustinus, qui vetiorem sententiam tenebat, non aliunde, quam ex Apostolica Traditione, & praxi Ecclesiæ se ratabatur: (lib. 2. de Baptismo contra Donatistas cap. 7. & lib. 5. cap. 23.) Huic Traditioni cessit Cyprianus, quia videbat se omni præsidio Scripturæ destitutum esse, teste Augustino epist. 48. ad Vincentium.

34. Sunt & aliæ similes controversiae, quæ ex sola Scriptura decidi non possunt, præsertim hæc. *Prima*: An Baptismus una unctione. an trina conferri debeat? *Secunda*: An Christiani loco Sabbathi debeant colere diem Dominicum? *Tertia*: An Symbolum fidei sit verbum Apostolicum? *Quarta*: An B. MARIA manserit Virgo post partum? &c.

ANIMADVERSIO.

Tertium argumentum Becani, quo probat Scriptoram secundum se rotam, sive secundum sensum, & litteram simul, non posse esse Judicem controversiarum, ideo, quod multorum fidei punctorum controversorum in Scriptura non sit mentio, vel non sufficiens, uti Becanus per 5. exempla demonstraret. *Anti-Becanus* mirificè aggreditur. 1. Quia concedit non esse mentionem quarundam controversiarum in Scriptura, & tamen concedit, eam harum posse esse normam; mox sui oblitus dicit, eas virtualiter, *impliciteque* in Scriptura contineri. 2. Ait, controversias de facto non esse è Bibliis decidendas. Falsissimum hoc est: an non ex Scriptura deciditur quæstio de facto Judæ proditoris. 3. In primum exemplum Becani impingit, & ait: *Tobiz*, *Judith*, *Sapientiæ*, *Ecclesiastici*, & *Machabæorum* libros non esse Canonicos; quia, ut ille affirmat, mentiuntur, & docent impia. *Resp.* *Moguntini*, negando assumpnum, & urgenti Prædicantem, ut hoc ex Scriptura proberet, sed defecit. 4. Ad secundum Becani exemplum concedit *Crocius*, nomen Sacramenti non esse in Scriptura, sat esse, si res sit. *Audio*, Sed dic, quorū modo in Scriptura res est, si ibi rei istius nomen non est? Item ait: se, subisque paratos esse ad definiendum è Scriptura Sacramentum: imò ad hoc teneri; mox resiliens ait: non teneri. Quare? Non poterat ex Scriptura. Quid igitur facit? an confitetur id ipsum? Minime: sed dat definitionem hanc: quod Sacramentum sit ritus, qui habet mandatum DEI; & cui addita est remissio peccatorum. Unde vero illam dedit? E cerebro suo. Quo jure? Mysteriō fraudis Prædicantice, quæ est, verbum DEI strenue jactare, & suas imaginationes ejus loco obtrudere. 5. Ad tertium Becani exemplum de Exorcismo, & aliis cæremoniis ait *Anti-Becanus*: esse rejicienda. Quare? Christus damnavit. Ubi? *Matth.* 1. 5. 3. Quare & vos transgredimini mandatum DEI propter traditionem vestram? &c. Ita *Crocius*. Sed ubi hic Exorcismus damnatur? an Phariæ exorcisabant? &c. Christianas cæremonias usurpabant? Non fanè. Quomodo ergo Prædicans eas ex illo loco Matthæi damnat? Sic: Prædicans vult per mysterium fraudis, qua verbum DEI prætendens suum inculcat.

6. Ad

6. Ad quartum Becani exemplum de infantium fide, dum baptizantur, bene damnat Crocius, utpote Luthera cum controversiam.
 7. Ad quintum exemplum, an rebaptizandi sint ab hereticis? ait Crocius, ex Scriptura deduci sic: quod non est in Scriptura, non est faciendum; iteratio Baptismi non est in Scriptura; ergo. Rident hic Maguntini hominem, qui ex Scriptura deducere possit, quod non est in Scriptura, ut ipse fatetur. 8. Trinam, vel unicam mersionem in Baptismo ait Anti-Becanus esse adiophorum. Unde hoc definit? ex Scriptura? non certe: nisi iterum inde ducatur, ubi non est. In diei verò Dominicæ celebrations locò Sabbathi inducta, planè se strangulat.

*Quartum Argumentum ex usu, & praxi
veteris Testamenti.*

35. **C**ertum est, in veteri Testamento omnes controversias legales, quae erant majoris momenti, decisas fuisse à summo Sacerdote, seu Pontifice; ut testatur Josephus lib. 2. contra Apionem. Et expressè habetur Deut. 17. v. 8. 9. Ubi tria notanda sunt. Primo: Quod variè fuerint controversiae apud Judæos. Aliæ oriebantur ex lege Decalogi, aliæ ex mandatis moralibus, quae sunt extra legem Decalogi, aliæ ex præceptis cæteris ceremonialibus, aliæ ex judicialibus. 2. Paral. 19. v. 16. & Liranus ibid. Secundo: Quod in singulis civitatibus constituti fuerint inferiores Judices, qui ex officio debebant hujusmodi controversias dirimere. Deut. 6. v. 18. & 2. Paral. 19. v. 5. Tertio: Quod, quando inferiores Judices non poterant inter se convenire, nec controversias ad se delatas, propter peculiarem aliquam difficultatem dirimere; necesse fuerit consurgere Hierosolymam ad superiores Judices, quibus Pontifex præsidebat; & Pontificis sententia sub pena mortis acquiescere. Deut. 17. v. 8.

36. Hinc colligimus, duplex apud Judæos fuisse Tribunal, & Concilium; unum majus, quod vocabatur Sanedrim, vel Synedrion, vel Concilium Seniorum, alterum minus. Inter ea multiplex fuit discriminatio. Primum: Quia majus erat tantum Hierosolymæ, minus in singulis civitatibus. Secundum: In majori judicabantur maiores controversiae, in minori faciliores. Tertium: In majori præsidebat Pontifex, non item in mi-

neri. *Quartum*: A minori licebat appellare ad majus non autem contra à majori ad minus. *Quintum*: In majori erant septuaginta personæ præter Pontificem in minori viginti tres. De majori sæpè fit mentio in Evangelio.

37. Utrumque Concilium habuit suam originem sub Moyse; & majus quidem institutum est ex mando Dei, *Num. 11. v. 16*. Minus vero ex consilio Jethro, *Exod. 18. v. 13*. Porro cum utrumque progressu temporis penè collapsum esset, iterum restitutum, & renovatum fuit à Josaphat Rege Iuda, ut habetur *2. Paralip. 19. v. 5*. Plura de hac re diximus in analogia veteris, ac novi Testamenti *cap. 11.* & alibi.

38. Quæres 1. An Pontifex, quem dicimus esse Judicem controversiarum, in veteri Testamento fuerit infallibilis Iudex? Respondeo affirmativè. Et tripliciter probo: Primò: Quia quando aliqua controversia erat difficultis, & ambigua; volebat Deus, ut partes litigantes deferrent eam ad Pontificem in majori Concilio praesidentem cum hac promissione, quod ab eo acceptum essent judicii veritatem. (*Deut. 17. v. 9*.) Secundò: Quia Deus mandabat omnibus sub pena mortis, ut acquiescerent sententiæ Pontificis. (*Deut. 17. v. 12*.) Tertiò: Quia si Pontifex, quando in Concilio pronunciabat sententiam, potuisset falli; nunquam litigantes, qui illum consulabant, fuissent securi. Cur ergo sub pena capititis tenebantur sequi illius decisionem.

39. Quæres 2. Quare Pontifex fuerit potius infallibilis in decidendis controversiis legalibus, quam alii Judices inferiores? Ratio dubitandi est: quia fieri poterat, ut non minus alii essent periti in lege, quam Pontifex; ergo non minus alii potuissent esse infallibles, quam Pontifex. Imò etiam magis, si erant peritores. Respondeo. Si spectemus industriam humanam, certum est, non minus alios, quam Pontificem potuisse Legem intelligere, & interpretari. Si autem spectemus assentiam Spiritus Sancti, quæ sancte potissimum in hoc negotio spectanda est, ea Pontifici potius, quam aliis fuit communicata. Exemplum habemus in Moyse;

nam Deus concessit illi maiorem assistentiam, quam septuaginta Senioribus, qui illi in hoc officio subserviebant. Hoc colligitur ex illo, Num. 11. v. 17. *Dixit Dominus ad Moysen: Ausseram de spiritu tuo, tradamque eis, ut sustentent tecum onus populi.* Ubi per spiritum intelligi debet aliquid donum gratiae, quod requiritur in iis, qui recte volunt alios gubernare, & eorum controversias dirimere. Est ergo hic sensus: *Ausseram de spiritu tuo, & tradam;* id est: dabo illis donum gratiae, sed infra illud donum, quod tu habes Tibi, qui supremus Judex es, plus dari oportuit, quam illis, qui tibi subjecti sunt.

ANIMADVERSIO.

Quid ad quartum Becani argumentum Anti-Becanus? Multa. 1. ait: ad Sacerdotes non tuuisse judicium delatum. Errat autem contra Deut. 17. Qui superbiérunt nolens obediere Sacerdotis imperio, &c. 2. Cùm hoc non succederet, ait: Sacerdotes non judicassent de doctrina, & religione. Errat autem contra 2. Paralip. 19. Pontificem jussit in iis, quae ad DEUM conuenient præsidere. 3. Cùm & hic illus eum secessisset, ait: eos non de Lege, sed secundum Legem, vel ex Lege debuisse judicare; de qua re: utique de religione per Scripturam; & ubi obscurata Lex, vel non attingebat controvèrsiam, quid tunc? nonne de Lege judicabant? Frivola igitur effugia querit Prædicans. Hinc 4. ait: non sequitur à veteri Testamento ad novum, nisi probatio alia accedit. Imò sequitur à Figura ad figuratum, si manetur in analogia; ergo 5. Ait: à Moysi ad Pontificem non est consequentia. Ecce non? Ridiculè affert ea, in quibus conuenit Moysi, & Pontifici; & negligit ea, in quibus discrepant, veluti circumcisum esse, in Ægypto natum esse, &c. O acutum! 6. Ad infallibilitatem Pontificis in veteri Testamento, ut eam avertat Anti-Becanus, nihil solidi affert; nequidem apparet, nisi quod ait: Pontifices veteris Testamenti aliquoties aberrasse, ut Aaronem Exod. 32. Uriam 4 Reg. 16. Caipham Matth. 26. sed pridem responsum fuit: eriores facti, non dogmatum fidei fuisse ab eis commissos.

Quintum Argumentum ex usu, & praxi nostri Testamenti.

40. **S**icut in veteri Testamento, ut jam ostendi, non Scriptura, sed Pontifex, & Concilium Seniorum fuit Judex controversiarum; sic etiam in

novo hactenus servatum est. Hoc ostendam brevi introductione. Ac primò tempore Apostolorum fuit origo controversia de circumcisione: An scilicet novi Christiani, qui tunc fidem Evangelii recipiebant, non possent salvati, nisi etiam circumcidarentur, & legaliter servarent? Quae controversia potissimum intelligebatur de gentilibus ad fidem conversis. Erat autem duplex de hac re sententia: Una quorundam, qui ex Iudeis facti erant Christiani, qui dicebant: gentiles pro fidem Christi non posse salvati, nisi circumcidarentur & ceremonias Legis Mosaicæ observarent. Altera Pauli, & Barnabæ, qui asserabant: non opus esse circumcisione, & observatione legalium. Act. 15. v. 1.

41. At quomodo decisæ, & finita est hæc controversia? An ad solam Scripturam, tanquam ad communem Judicem delata est? Nihil minus. Sed potius ex consensu utriusque partis delecti sunt aliqui, qui Hierosolymam irent ad Apostolos, ut ipsi in solemni Concilio de tota re cognoscerent, & definitivam sententiam pronunciarent; quod & factum est: nam ex una parte designati sunt Paulus, & Barnabas; ex altera alii, qui simul Hierosolymam profecti, Apostolos, & Seniores adierunt. Hi coacto Concilio, & invocato Spiritu Sancto, responderunt his verbis: *Vixum est Spiritui Sancto & nobis nihil ultra imponere vobis oneris, quam habere necessaria, ut abstineatis vos ab immolatis simulacrorum & sanguine, & suffocato, & fornicatione.* Quæ verba per modum Epistolæ missa sunt ad gentiles Christianos, de quibus agebatur. Et sensus est: Non volumus vobis imponere onus circumcisionis, & legalium, quod grave est; sed abstinere ab iis, quæ jam dicta sunt, quod grave non est.

42. Hic duo, quæ ad rem faciunt, notanda sunt. Primum est: quod hæc controversia de circumcisione & legalibus, sufficienter potuisse determinari per Paulum, & Barnabam; qui & ambo erant Apostoli, & Prophetae, & Doctores. Act. 13. v. 1. Ambo à Spiritu Sancto speciatim delecti, ut Evangelium Gentibus prædicarent. Act. 13. v. 2. Et jam reipsa illud prædicaverunt in

in multis locis, ac provinciis. *A.D.* 14. 20. 25. 26. Neuter tamen voluit hoc officium usurpare, ut suō exemplō docerent, hujusmodi controversias, quae fidem, ac religionem concernunt, ad ordinarios Ecclesiae Praelatos, vel ad Concilia Praelatorum deferri oportere.

43. Alterum est: quod in Concilio Apostolorum, in quo controversia illa proposita, & definita est; nullum Scripturæ testimonium, quod directè ad circumcidionem pertineret, allatum sit; cum tamen in utramque partem non defutura fuissent testimonia, si ex illis solis oportuisset litem finire, ac terminare; nam pro circumcisione adduci potuisset illud. *Gen. 17. v. 10. 11. 12.* *Hoc est pactum meum, quod observabitis inter me. & vos. & semen tuum post te. Circumcidetur enim vos omne masculinum. & circumcidetis carnem præputii vestri, ut sit in signum fæderis inter me, & vos, &c.* Tam vernaculus, quam emptitius circumcidetur. & quisunque non fuerit de stirpe vestra; Eritque pactum meum in carne vestra in fædus aeternum. At si pactum est aeternum, ut hic dicatur: semper servari necesse est, etiam in lege Evangelica; nec solum à Judæis, sed etiam ab aliis, qui non sunt de stirpe Judæorum. Contra vero occurrebat illud, *Deut. 30. v. 6.* *Circumcidet Dominus DEUS tuus cor tuum, & cor seminis tui.* Ubi insinuatur, circumcisionem carnis non duraturam in novo Testamento, sed ei successuram circumcisionem cordis. Sicut etiam *Jerem. 4. v. 4.* *Circumcidimini cordis. & auferite præputia cordium vestrorum.* Quas dicit: Non requiro circumcisionem carnis, sed cordis; quæ consistit in interna contritione, & dolore de peccatis. Hæc, & similia utrimque adduci poterant ex Scriptura. At factum non est; sed Apostoli in Concilio congregati ex directione, & assistentia divina, quam Christus promiserat illis, & eorum successoribus, sententiam pro tulerunt.

44. Post tempora Apostolorum, aliæ, atque alias controversiæ, diversis locis, & ætatibus exortæ sunt; quas similiter à Pontifice Romano, vel à Conciliis ab eo approbatis, decidas, ac dirempas esse, notum est ex histo.

historiis Ecclesiasticis. Et qui illorum sententiae noluerunt acquiescere, pro hæreticis habiti, & damna i sibi Producam exempla aliquot illustriora, quæ primum occurunt.

45. *Prima* controversia fuit: An Pascha deberet celebrari cum Judæis die decima quarta primi mensis ut volebant mulci in Asia, qui propterea Quartadecimani appellati sunt. An verò tantum die Dominicæ sicut nunc fit: Hæc tandem post multa Concilia Episcoporum decisa, ac finita est à Victore Papa, anno Christi 198. Vide Euseb. lib. 5. hist. Eccles. cap. 23. & seq.

46. *Secunda*: An Ecclesia possit illos absolvere de peccatis, qui post Baptismum lapsi essent? Negavit Novatianus. Sed damnatus est in Concilio Romano sub Cornelio Papa, anno Christi 255. Vide Baronium circa eundem annum.

47. *Tertia*: An in Deo sint tres Personæ realiter distinctæ? Negavit Sabellius afferens: unam tantum esse Personam, quæ habeat tria officia: Creationis, Redemptionis, & Sanctificationis. Sed damnatus est in Concilio Alexandrino, tempore Sylvestri Papæ anno Christi 319. juxta Baronium.

48. *Quarta*: An Christus sit purus homo, sicut cæteri mortales, & nihil amplius habeat in natura. & hypostasi, quam nos habemus? Affirmavit Paulus Samosatenus. Sed damnatus est in Synodo Antiochenæ tempore Dionysii Papæ, anno 266. juxta Baronium. Vide Eusebium lib. 7. cap. 27.

49. *Quinta*: An Christus sit Verbum Patris æternum, & ejusdem cum Patre substantia? Negavit Arius afferens: esse Verbum Verbi non ab æterno, sed in tempore à Deo ex nihilo creatum, & alterius à Deo substantia: ac proinde Deum non semper Patrem suisse, sed tempus aliquando extitisse, cum non esset Pater. Sed damnatus est in Concilio Nicæno I. sub Sylvestro Papa, & Constantino Imperatore, anno 325. Vide duas Epistolas Alexandri Episcopi Alexandrinæ, quarum una exstat apud Socratem lib. 1. cap. 3. Altera apud Theodoreum lib. 1. cap. 4.

50. *Sexta*: An in Christo sint duæ Personæ, sicut sunt duæ naturæ, divina, & humana? Affirmavit Neophorus Episcopus Constantinopolitanus. Sed damnati sunt in generali Concilio Ephesino, sub Cœlestino Papa, & Theodosio Imperatore, anno 434. & priùs à Cyrillo in Concilio Alexandrinô, anno 431. Vide Baronium.

51. *Septima*: An in Christo sint duæ naturæ? Euthyches, & Dioscorus dixerunt: ante unionem hypostaticam fuisse duas naturas, divinam, & humanam; post unionem, duas in unam coaluisse, & unam factam esse. Sed damnati sunt in generali Concilio Chalcedonensi sub Leone Papa, & Marciano Imperatore, anno 454. Vide Gabrielem Vasquez tom. 1. in 3. partem Divi Thomæ, disp. 14.

52. *Octava*: An in Christo sit una tantum voluntas? Macarius Antiochenus Patriarcha, Cyrus Alexanderinus, Sergius Constantinopolitanus, & quidam alii, tametsi agnoscerent in Christo duas naturas, dixerunt tamen unam tantum esse voluntatem, nempe divinam: ut refert D. Thom. in 3. quæst. 18. art. 1. Ideoque Monachitæ appellati sunt. Eorum sententia damnata est in generali Concilio Constantinopolitano III. sub Agapitone Papa, & Constantino IV. Imperatore, anno 679. Iuxta Baronium. An autem nomine voluntatis intellexerint potentiam, ac operationem? videri potest apud Gabrielem Vasquez tom. cit. disp. 73. cap. 1.

53. *Nona*: An Spiritus Sanctus sit Deus? Negant Macedoniani, de quibus Augustinus in libro de Haeresibus cap. 52. sic scribit: Macedoniani sunt à Madonio Constantinopolitano Ecclesiæ Episcopo, quos Ἀνευματοπαιχοῖς Graeci dicunt; id, quod de Spiritu Sancto litigant. Nam de Patre, & Filio recte sentiunt, quod unus sint, ejusdemque substantia, vel essentia. Sed de Spiritu Sancto hoc nolunt credere, creaturam eum esse dicentes. Hi damnati sunt in Generali Concilio Constantinopolitano I. sub Damaso Papa, & Theodosio Imperatore, anno 383.

54. *Decima*: An Baptismus repeti, seu reiterari possit? Quæ controyersia dupliciter potest intelligi,

Primò: An Baptismus, si semel validè collatus sit, repeti possit? Affirmavit Marcion, teste Epiphanio ^{refi} 42. paulò pòst principium, **Secundò:** An Baptismus qui ab hæreticis collatus est, repeti possit? Affirmarunt Donatistæ, qui baptizatos à Catholicis rebaptizabant; teste Augustino in lib. de Hæresibus cap. 69. eò, quod Catholicos haberent pro hæreticis, & Baptismum ab hæreticis collatum putarent esse invalidum, ut explicat Vasquez disp. 146. cap. 4. Hi damnati sunt in Concilio Romano sub Melchiade Papa, anno 313. apud Sutorium.

55. Undecima: An homo sine gratia DEI per solas naturæ vites possit implere Legem, si velit? Affirmarunt Pelagius, & Cœlestius. Sed damnati sunt in Concilio Carthaginensi, & Milevitano sub Innocentio I anno 416. juxta computum Baronii.

56. Duodecima: An Parvuli nascantur in peccato originali, & ad illud peccatum abolendum indigeant Baptismò? Negarunt iidem authores, Pelagius, & Cœlestius; teste Augustino in lib. de hæresibus cap. 88. ubi de illis sic habet: Hic error damnatus est in Concilio Milevitano cap. 2. & postea à Zosimo Papa, ut testatur idem Augustinus in lib. de peccato originali cap. 6. & seq.

57. In his, & similibus controversiis, quas brevitatis causâ omitto, tria consideranda sunt; **Primò:** Quod altera pars litigantium clarè, & perspicuè damnata sit. **Secondò:** Quod hæc condemnatio facta sit ab Ecclesia Catholica, tanquam à Judice; quæ aliquando tulit sententiam per Pontificem, qui est Caput, seu Pastor Ecclesiæ; aliquando per Concilia, quæ repræsentant Ecclesiam. **Tertiò:** Quod Lutherani, & Calvinisti agnoscant hanc damnationem legitimè factam esse. Fatentur enim Novatianum, Sabellium, Samosatenum, Arrium, Nestorium, Eutychen, & Dioscorum, Monothelitas, Macedonianos, Donatistas, Pelagianos, meritò damnatos esse, & pro hæreticis haberi oportere. Nec aliunde, quam ex Ecclesiæ Catholicæ decisione. Quod si sola Scriptura esset Judex, & Ecclesia suam sententiam non interposuisset, in hodiernum usque diem du-

durarent istae controversiae; nec adhuc clarè, & palam omnibus constaret, supradictos authores pro hæreticis habendos esse. Nunc cùm ab Ecclesia damnati sunt, certa, & in dubitata est.

58. Dicas: Quid si Ecclesia errasset in serenda sententia? Respondeo. Hoc tantundem est, ac si dicas: Quid si Christus, Apostoli, & Prophetæ mentiti essent. Nam illi testati sunt, Ecclesiam errare, aut deficere non posse. Est enim, ut loquitur Christus, fundata super petram; & portæ inseri non prævalebunt adversus eam. Matth. 16. v. 18. Est columnæ, & firmamentum veritatis. 1. Timoth. 3. v. 15. Nunquam confundetur, neque erubescet. Isaïæ 54. v. 4. Jaspis est propugnaculum tuis. Ibid. v. 12. Et omnis lingua resistens illi in judicio condemnabitur. Ibid. v. 7. de hac re dixi cap. 3.

ANIMADVERSIO.

Quid ad quintum Becani argumentum Anti-Becanus? tricas ipse sibi facit; & denique concedit verum esse, quod Becanus hic docet. Quas oto tricas? Has, 1. ait: ab Apostolis infallibilibus non valere argumentum ad posteros eorum, & Papam. Sed cur non? si Christus privilegia eadem Papæ concessit, quæ Petro; uti alibi fatus declaratum est, 2. ait: Becanum non probare, quod debebat. Quid igitur debebat probare? Crocius ait: Scripturam non esse judicandi normam. O homo! hoc Becanus non debebat, sed hoc: Ecclesiam semper Judicem contraversiarum fuisse, non verò Scripturam. Nōne id facit? at aliquis Prædicans hoc non negat. Esto: alii negant; Crocium alibi configit, si non ibi. Sed quid ad exempla singula à Becano allata Anti-Becanus? Probare nollet, & inprobare non potest evidentiâ lucis historicæ, & PP. testimoniiis perstrictus. Garrit tamen quædam ad singula, ne gloriam damnatorum hæresum Papæ Romano relinquat; sed deliria sunt ex iisdem historiis perspicue refutata. Deinde ait: in damnandis hæretibus Scripturam esse adhibitam, uti normam. Esto, sed nec uti Judex ipsa, nec ut norma adæquata, ut ostendunt ipsa Acta Conciliorum. Denique scrupulos habet Anti-Becanus circa confirmationem, & approbationem Conciliorum; ait enim: si Concilia non approbata possunt errare, etiam approbata. Quare? Quia Papa non habet potestatem, vel mandatum confirmandi; uti nec Concilia petendi confirmationem à Papa. Quomodo hoc probas Anti-Becane à Nihilo. Itaque tibi nihil etiam credimus.

*Sextum Argumentum ex Analogia Judicis
Controversiarum Civilium.*

59. **H**oc argumentum, quod rem maximè illustrabit, proponi potest hoc modo: Inter res fidei, ac religionis ex una parte, & inter res civiles, ac politicas ex altera, potest spectari multiple analogia. *Prima:* Sicut in politicis, ac civilibus sibi oriuntur lites, ac controversiae, quæ requirunt aliquem Judicem, qui sententiam ferat inter partes litigantes, sic etiam fit in fide, ac religione. *Secunda:* Sicut in controversiis civilibus distinguuntur haec tria: *Judex*, Lex scripta, & consuetudo; sic etiam in controversiis fidei haec tria: *Judex*, Scriptura utriusque Testamenti & Traditio. *Tertia:* Sicut Princeps, vel Magistratus secularis fungitur officio Judicis in decisione controversiarum civilium; sic etiam Princeps Ecclesiæ, vel Syndodus Ecclesiastica fungitur officio Judicis in decisione controversiarum fidei. *Quarta:* Sicut Lex scripta est quasi norma quædam, seu regula, quam sequitur *Judex* secularis in decidendis controversiis civilibus; sic etiam Scriptura utriusque Testimenti est, quasi norma quædam, seu regula, quam sequitur *Judex* Ecclesiasticus in decidendis controversiis fidei. *Quinta:* Sicut sola Lex scripta non est sufficiens, & integra norma omnium controversiarum, sed Lex scripta, & consuetudo simul; sic etiam sola Scriptura utriusque Testimenti non est sufficiens, & integra norma omnium controversiarum fidei; sed Scriptura, & Traditio simul.

60. Hæc clara sunt: nihilominus, ne quis dubitet, singula breviter explicabo. Ac *primo:* Quod Princeps, vel Magistratus secularis fungatur officio Judicis in controversiis civilibus, non eget longa probatione. Hoc enim testatur quotidiana experientia in omnibus regnis, ac provinciis; nam ubique contentiones, & causæ civiles deferuntur ad Principem, vel Magistratum seculariem, quem paries litigantes agnoscunt pro legitimo suo Judice; quod etiam ex utroque jure, tam civili, quam Canonico notissimum est; nam in utroque existantur Tituli:

Tituli: *De officio Judicis ordinarii, & delegati.* Nec ullus in hac re tam peregrinus, ac stupidus est; ut per Judicem ordinarium, aut delegatum intelligat Legem scriptam; cum constet illum esse ordinarium, qui ordinariam habet jurisdictionem, & potestatem; illum vero legatum, qui accepta ab Ordinario potestate, vicem illius gerit.

61. Deinde, quod Lex scripta non possit esse Judex, facile probari potest. Et quidem in his tribus casibus.
Primo: Quando ipsa obscura, aut ambigua est; tunc enim opus est alio Judice, seu Interpreti, qui mentem illius explicet. **Secundò:** Quando una Lex videtur alteri repugnare, quod frequentissime contingit; tunc etiam Judex adhibendus est, qui eas inter se conciliet. **Tertio:** Quando verba Legis, quae generalia sunt, resstringenda essent in aliquo casu, & tamen restricta non sunt; quod tunc sit, quando occurrit aliquis casus particularis, quem Legislator, cum Legem conderet, non prævidit eventurum; & si prævidisset, non voluisse illum iub Lege sua comprehendere. In tali igitur casu contra verba Legis judicandum est. Et quis erit tunc Judex? non Lex ipsa; nam illa seipsum non destruit, aut judicat. Alius ergo distinctus à Lege;

62. **Postremò:** Quod sola Lex scripta non possit esse sufficiens norma pro decisione quarumcunque controversiarum civilium, sed præter Legem scriptam admittenda sit etiam consuetudo, certissimum est apud Juris consultos; ac potissimum in duplice casu. **Primo:** Quando movetur aliqua controvèrsia, de qua nulla existat Lex scripta; tunc enim consuetudo, si adsit, vim Legis obtinet; juxta illud: *Es, quæ longa consuetudine comprobata sunt, ac per annos plurimos observata, velut tacita ciuium consentio, non minus, quam ea, quæ scripta sunt iura, servantur.* (L. 35. ff. de Legibus.) **Secundò:** Quando exstat quidem Lex scripta, sed ambiguitate, ac sensu illius: nec aliunde, quam ex consuetudine, & Traditione de ea constare potest. Tunc enim habet locum illud: *Optima Legum interpres est Consuetudo.* (L. 37. ibid.)

63. *Dices*: Quid si occurrat aliqua *controversia*, quæ nec ex *Lege scripta*, nec ex *consuetudine finiri posset*. quæ tunc erit norma, quam *Judex* sequi debet? *Respondeo*. Tunc ex *naturali æquitate* debet rem *componere*. Hoc tunc potissimum fit, quando occurrit aliquis *casus*, qui comprehenditur quidem sub verbis *Legis*, non tamen sub mente *Legislatoris*, ut supra dictum est. Tunc enim *Judex* ex *aquo*, & bono debet sententiam pronunciare. Idem fieri potest in *controversiis fidei*, aut *religionis*; nam si occurreret aliqua *controversia*, quæ neque aperte ex *Scriptura*, neque ex *Traditione* decidi posset, recurrentum esset ad auxilium *Spiritus Sancti*; qui tametsi in *omni casu implorantibus* adesse solet, in hoc tamen speciatim doceret nos *omnem veritatem*, ut Christus promisit. Et hoc remedio usi sunt *Apostoli* in *Concilio Hierosolymitano*, ubi agebatur de *circumcisione*, & *observatione legalium*. Atque hæc sunt argumenta, quibus haecenus probatum est: *Judicem* *controversiarum fidei* non posse esse *Scripturam*, sed *Ecclesiam*. Nunc supereft, ut *objectiones Adversariorum* diluamus.

ANIMADVERSIO.

Anti-Becanus in re parissima tamen aliquid querit imparitatis, & queritur de *Becani fallacia*. Videamus: Argumentum *Becani* sextum est tale: In illis statibus, inquit, quos est *specialis analogia*; convenit servari eandem *controversiarum* *decidendarum rationem*; atqui inter statum *politicum* & *Ecclesiasticum* est *specialis analogia*; ergo convenit eandem servari rationem. Atqui in statu *politico* hæc servatur ratio, ut *Lex scripta* non *judicet*: sed sit aliis à *Lege distinctus Judex*; propter ingentes rationes; ergo convenit etiam in *Ecclesia*, ut *Scriptura* non sit *Judex*, aliis distinctus à *Lege Judex*. Quid hic fallacio! nisi quod fallaci cuncta videantur fallaciam.

Objec^{tio} I.

64. **P**rima sumitur ex illo *Isaiae* §. v. 19. 20. *Ad legem magis, & ad testimonium*. Hinc colligunt *Adversarii*, *Judeos* in *veteri Testamento*, quando oriebatur aliqua *controversia*, missos fuisse ad *legem, & testimonium*; id est: ad *Scripturam*, tanquam ad

ad Judicem. Sed valde errant; Primo: Quia jam ostenditum est, Judicem controversiarum in veteri Testamento non fuisse Scripturam, sed Pontificem. Secundo: Quia illa verba: *Ad legem, & testimonium*, multò aliter accipienda sunt, quam putant Adversarii; ut patet ex præcedentibus, quæ sic habent: *Cum dixerint ad nos: Quarite a Pythonibus, & a divinis qui strident in incantationibus suis: Numquid non populus a DEO suo requiret pro vivis & mortuis? Ad legem magis, & ad testimonium.* Quid si non dixerint juxta verbum hoc, non eritis matutina lux. Ubi disertè agitur contra illos, qui de futuris eventibus solent consulere Pythonissas, & Ariolos; & remittuntur partim ad Legem, quæ id prohibebat Deut. 18. v. 9. partim ad testimonium Prophetarum, qui a DEO constituti erant, ut futura prædicerent. 3. Regum 22. v. 7.

65. Igitur sensus illorum verborum: *Ad legem magis, & ad testimonium*, est hic: Si vultis fieri certiores de futuris eventibus, non debetis consulere Pythonissas, sicut fecit Saul 1. Reg. 28. v. 7. Quia hoc Deus per Legem suam fieri prohibuit, ad quem vos remitto: Sed consulite Prophetas Domini, quorum officium est de futuris prænunciare. Quid hoc facit ad Judicem controversiarum? Nihil penitus; nisi Adversarii velint hoc modo ratiocinari; de futuris eventibus non licet consulere Pythonissas; ergo sola Scriptura est Judex controversiarum. Ineptissime. Et tamen, quod ministeris, præcipui illocum Rabbini sic iacebunt,

ANIMADVERSIO.

Objectionem de Lege, & Testimonio ex Isaiae 8. v. 19. 20, ita perspicue repulerat Beccanus, ut fracta videbatur; Ante Beccanus ramen conatus est refutare sic: Ad quod Judæi in rebus fidei sub gravi comminatione non habende lucis matutinæ, nisi juxta silud sint victuri, remittuntur, hoc est, uniuersa norma fidei; atqui Judæi sub ista comminatione ad Scripturam remittebantur, Isaiae 8. ergo. Ita Anti-Becanus, sed gratis; nam Beccanus ostendit illis Isaiae verbis non probari Judicem controveneratum; Anti-Becanus vero ex illis verbis exculpit notam, sed neque normam adæquatam. Aliud peccatum: in

minore truncavit Anti-Becanus medium Syllogisticum, omitendo ly in rebus Fidei. Nihil ergo fecit hic Anti-Becanus.

Objecio II.

66. Secundo sumitur ex illo, Joan. c. v. 39. Scrutamini Scripturas. Ecce inquit Adversarii Christus remittit nos ad Scripturam, tanquam ad Judicem controversiarum. Hoc certe non dicent, si intelligerent mentem Christi. Christus in illo capite disputat cum Iudeis, qui negabant ipsum esse Filium Dei. Ipse autem probat se esse quatuor testimoniorum.

Primo: Testimonio Joannis Baptiste: Vos, inquit, misistis ad Joannem, & testimonium perhibuit veritati. Erat autem hoc ipsius testimonium: Ecce Agnus Dei, ecce qui tollit peccata mundi. Et iterum: Ego testimonium perhibui, quia hic est Filius Dei. Joan. i. v. 34.

Secundum: Testimonio miraculorum, quae patrabant: Ego, inquit, habeo testimonium maius Joanne. Opera enim, quae dedit mihi Pater, ut perficiam ea, testimonium perhibent de me, quia Pater misit me.

Tertium: Testimonio Dei Patris: Et qui misit me pariter, ipse testimonium perhibuit de me. Nempe cum dixit de celo: Hic est Filius meus dilectus, in quo misi complacui; ipsum audite. Matth. 3. v. 17. & Luc. 9. v. 35.

Quartum: Testimonio Scripturarum veteris Testamendi: Scrutamini, ait, Scripturas, quia vos putatis in ipsis vitam aeternam baberes; & illa sunt, quae testimonium perhibent de me, & non vultis venire ad me, ut vitam habeatis. Quasi dicat: Si non vultis recipere tria priora testimonia, quae tamen efficacissima sunt (alioqui illa non produxissem) saltet non potestis rejicere testimonium Scripturarum, de quibus tanopere gloriamini. Ille ipsae, si attente scrutamini, perhibent testimonium de me, quod sim Melias & Dho promissus. Quare ergo non creditis?

67. Hinc concludo: Adversarios ex hoc loco sequi possunt, quam nos oppugnare. Nam ipsi contendunt, solam Scripturam esse Judicem controversiarum; & Christum ad solam Scripturam nos remittere;

contrarium verum est: nam Christus in controversia, quam habebat cum Judæis, an ipse esset Filius DEI? non remisit illos ad solam Scripturam, sed primò ad testimonium Joannis Baptiste: deinde ad testimonium miraculorum, quæ ostendebant ipsum esse Deum; postea ad testimonium Dei Patris, qui voce de cœlo de-lapsa idem confirmabat. Denique, ut omnia experientur, ad testimonium Scripturarum.

68. Nos Catholici in hac re Christum imitamus. Nam in controversiis, quas habemus cum Adversariis, non solum utimur testimonio Scripturæ, sed etiam Sanctorum Patrum, & Matri Ecclesiæ, & miraculorum, quæ saepè fiunt pro confirmatione nostræ fidei. Adversarii autem, quasi Christo prudeatores essent, nihil volunt audire, nisi ex solis Scripturis. In quo similes sunt Judæis, contra quos Christus agit: nam Judæi, repudiato quocunque alio testimonio, solam Scripturam admittebant. Et hanc ipsam neque tunc intelligebant, neque adhuc intelligent: ut testatur Apostolus 2. Corinth. 3. v. 14, cùm ait: *Obtuli sunt sensus eorum.*

ANIMADVERSIO.

Anti-Becanus hanc 2. objectionem fractam volens refutare, sic concludinavit: quam regulam Christus in controversiis fidei decidendis secutus est, ex merito agnoscitus una fidei regula; at Christus Scripturam in controversiis fidei decidendis secutus est; ergo. *Resp.* 1. ad maj. negando ejus suppositum, quod est ly *Solam*, alias ly *una* fallaciter inferetur. *Resp.* 2. ad min. distinguendo *Solam* secutus est Scripturam, nego, uti ostendit Becanus hic; aliquando fecisse nihil ad Anti-Becani intentum. Inde enim nihil conficietur, nisi aliquando nos Scripturam recte sequi. Scilicet: quando res controversiarè in ea exprimitur, & Traditio consentit.

Objetio III.

69. **T**ertia sumitur ex illo Act. 17. v. 11. *Quotidie scrutantes Scripturas, si hac ita se haberent.* Hic iterum clamant Adversarii, Berœenses non temerè credidisse, quæ ab Apostolis dicebantur, sed omnia examinasse juxta normam Scripturæ. *Aequum igitur*

Igitur esse, ut nos illorum exemplum imitemur, & solam Scripturam pro norma, ac Judice agnoscamus. Sed frustra. Quod facilè constabit, si constet de re ipsa, de qua tunc agebatur. Ea fuit hujusmodi: Paulus Apostolus, ut expressè habetur in eodem capite; primum quidem Thessalonicae, deinde apud Berœnenses differebat ex Scripturis, adperiens, & insinuans; quia Christum oportebat pati. & resurgere a mortuis; & quia hic est Jesus Christus, quem ego annuncio vobis. Quid verò Berœnenses? Sequitur ibidem: Susceperunt vero cum omni aviditate, quotidie scrutantes Scripturam, si hac ita se haberent.

70. Igitur hic est sensus illius loci: Berœnenses, cum audirent Paulum citare quædam testimonia Scripturæ veteris Testamenti, quibus astruebat Christi mortem, & resurrectionem: scrutabantur, an ea testimonia inessent Scripturæ, & iis ipsis testimoniis consentanea essent, quæ à Paulo dicebantur. Non quidem eo animo, quasi dubitarent de morte, & resurrectione Christi, quippe, quæ factis confirmata erat ab Apostolo per virtutem miraculorum; 2. Thess. 1. 9. 5. sed ut magis in fide confirmarentur, si viderent ea, quæ Paulus prædicabat, multò ante per Prophetas fuisse prævisa, & præsignificata, & dupli via ipsis innotuissent.

71. Ex hoc sensu, quid obsecro, concludent Adversarii & Nihil ad rem, de qua agitur; nisi forte sic velint concludere: Berœnenses scrutabantur testimonia Scripturæ à Paulo citata; ergo sola Scriptura est Judex controversiarum. Quod perinde est, ac si dicas: Lutherani scrutantur testimonia Augustini à Bellarmino citata; ergo solus Augustinus est Judex controversiarum. Vel sic: Rustici scrutantur testimonia Lutheri à Prædicantibus citata; ergo solus Lutherus est Judex controversiarum. Vel sic: Kemonitus in Examine Concilii Tridentini scrutatur Traditiones à Catholicis allegatas; ergo sola Traditione est Judex controversiarum. Vel denique sic: Discipuli scrutantur testimonia Ciceronis à Praceptorum citata; ergo solus Cicero est author latinitatis. Apage cum istis consequentiis. Et tamen apud

apud Adversarios, quia meliores non habentur, in
pretio sunt.

ANIMADVERSIO.

Hoc 3. argumentum ita perspicue Bocznus pertractavit, ut
Anti-Bocznus solum querat, quare Berœni es scrutati es-
sent Scripturas, si non eas agnoverissent, ut normam tota-
lem? *Resp.* Ex scrutando non sequitur aliquid esse normam,
vel Judicem, Catholici indies scrutantur Scripturas, & tamem
negant eam esse Judicem, vel normam uniam fidei, aut con-
troveriarum.

Objec^tio popularis IV.

72. **P**lerique simpliciores sic objiciunt: *Judex con-*
troveriarum in rebus fidei debet esse infalli-
bilis, qui errare non potest; quia si ipse erra-
ret, reliqui etiam errarent, qui illius sententiam se-
querentur. Jam verò: constat ex una parte, Scriptu-
ram esse infallibilem, cùm sit verbum Dei, quod er-
rare non potest; & ex altera, homines non esse infal-
libiles, sed mendaces, & errori obnoxios, juxta illud
Rom. 3. v. 4. *Est autem DEUS verax, omnis autem ho-*
mo mendax. Ergo Scriptura potest esse infallibilis Ju-
dex; homines, cùm sint mendaces, non possunt; ac
Pontifex est homo, & Ecclesia nihil aliud, quam col-
lectio hominum; ergo Pontifex, & Ecclesia sunt men-
daces, & errare possunt. *Nemo igitur tutus, ac securus*
in negotio fidei, qui illorum sententiam sequitur.

73. Hæc objec^tio, si quid roboris, ac momenti ha-
bet, non minùs valet contra Adversarios, quam contra
nos; nam si omnis homo mendax est, & errare potest;
necessariò sequitur: Moysen, Prophetas, Apostolos,
Evangelistas, Lutherum quoque, & Calvinum, itemque
omnes Prædicantes Luthernos, & Calvinianos menda-
ces esse. & errare posse, quia homines sunt. Nil igitur
credendum illis, aut fidendum esse; sed omnia, quæ
ab illis dicuntur, suspecta, & incerta haberi oportere.
Ubi ergo fides? Nec resert, si dicant: se non hominis,
sed Dei verbum annunciare, nam si mendaces sunt,
etiam in hoc punto mentiri possunt. Nihil ergo
certi est.

74. Sed absit, ut nos ita loquamur. aut sentiamus
 Longè aliter res habet: ac primo quidem fatemur. Scri-
 pturam certam. ac infallibilem esse; quia verbum Dei
 est. Sed addimus, cum sapientia obscura sit, non faciliter
 unicuique constare posse de legitimo illius ientu. Itaque
 alio Judice opus esse, qui infallibiliter decernat, quia
 legitimus Scripturae sensus sit. Hic autem Judex non
 potest esse quilibet homo privatus; quia alioqui tol-
 essent diversi Judices, quot diversa capita, & sententiae
 & ipsi litigantes essent Judices, & sic nulla controversia
 componi posset. Quisque enim diceret, se bene sen-
 tire, reliquos male. Necesse igitur est, ut sit aliquis
 publicus Judex, qui cum autoritate decernendi, & de-
 finiendi inter partes litigantes potestatem habeat.

75. Deinde asserimus. homines duplicitate spectari
 posse. primo: Quatenus sunt filii Adam, & obnoxii
 variis naturae corruptionibus. Sic sine dubio proni sunt
 ad mendacium, & falsitatem. Gen. §. v. 21. & Psalm.
 39. v. 6. Secundum: Quatenus a Spiritu Sancto dirigun-
 tur, & gubernantur ad aliorum instructionem, & de
 hoc ipso regimine, & gubernatione Spiritus Sancti con-
 fiat; sic infallibles, & sine mendacio sunt. Talis in
 veteri Testamento fuit Moyses cum Senatu Seniorum.
 Num. 11. v. 17. Tales alii Pontifices, qui deinde tecuti-
 Deut. 11. v. 9. & Aggai 2. v. 12. & Malachia 2. v. 7.
 Tales Prophetæ, Isaías, Jeremias, Ezechiel, Daniel, &
 alii. Jeremias 1. v. 7. Tales in novo Testamento Apo-
 stoli, quibus dictum est Joan. 14. v. 26. Mittam vobis
 a Patre Spiritum veritatis. Et cap. 16. v. 13. Cum au-
 tem venerat ille Spiritus veritatis, docebit vos omnem veri-
 tatem. At ubi omnis veritas, ibi nullum mendacium.
 Talis denique semper fuit, & nunc etiam est Ecclesia,
 qua propter perpetuam Spiritus Sancti assistentiam, &
 directionem a Christo ipsi promissam, nunquam ha-
 genus erravit, nec deinceps errare poterit.

76. Sed an omnes, & singuli, qui in Ecclesia sunt,
 habeant hanc assistentiam, & directionem Spiritus San-
 cti, ut in fide errare non possint? Facilius responso. Sin-
 guli quidem habent, sed dependenter ab ipsa Ecclesia.
 Quam-

Quamdiu ergo manent conjuncti cum Ecclesia, suum illi conformando judicium errare non possunt; si dissenient ab Ecclesia, jam errant. Quod duplice similitudine declarari potest. Una sumitur ex proportione humani corporis; nam si quæras, an singula membra, quæ sunt in humano corpore, habeant in se spiritus vi tales, & sensitivos, quibus vita conservatur; respondendum est: singula quidem habere, sed dependentes à capite, & corde. Nam à capite, & corde, tanquam à duplice principio, derivantur hujusmodi spiritus in reliqua membra. Unde si intercipiantur, aut occul dantur meatus illi, seu canales, per quos fit illa spirituum derivatio & distributio; necesse est, reliqua membra destituti spiritibus, & officium suum exercere non posse. Sic etiam in Ecclesia: Singuli fideles, qui sunt quasi membra Ecclesiae, habent quidem assistentiam, & directionem Spiritus Sancti, sed dependenter à Pontifice, qui est veluti Caput Ecclesiae; & à Conciliis, quam lunt quasi cor Ecclesiae. Quamdiu ergo singuli manent colligati cum doctrina Pontificis, & Conciliorum; par ticipant de assistentia, & gubernatione Spiritus Sancti, nec in fide errare possunt. Sin per discordiam, & per tinaciam dilcedant à capite, & corde, jam occludunt sibi omnes meatus, ut assistentia, & directio divina ad eos derivari non possit. Et sic à veritate abducuntur, & erroribus obnoxii sunt; quod contigit Arrio, Nestorio, Macedonio, Pelagio, & sexcentis allis.

77. Altera similitudo sumi potest à gregè ovium, qui optimè representat Ecclesiam, attestante Christo Joan. 10. Nam sicut totus gressus in uno stabulo, vel loco collectus, habet perpetuam assistentiam Pastoris, qui surcā, & canibus defendit illum à ferocia luporum; sic etiam tota fidelium Ecclesia in una fide, & spiritu collecta, habet perpetuam assistentiam divini illius Pasto ris, qui dixit: *Ego sum Pastor bonus, & cognosco oves meas.* Joan. 10. v. 14. Et iterum: *Ecce ego vobis secum sum omnibus diebus usque ad consummationem seculi.* Matth. 28. v. 20. Item: sicut singulæoviculæ, quam diu manent conjunctæ cum grege sub custodia Pastoris,


immunes, ac tutæ sunt à morsu lupo rum; sic etiam
Enguli Christiani, quamdiu manent conjuncti cum Ec-
clesia, id est, cum doctrina, & consensu Ecclesie, im-
munes, ac tuti sunt à periculo erroris, & infidelitatis.
Denique sicut oviculae, quæ aberrant à grege, destituui-
tur protectione Pastoris, ac proinde lupo rum insidiis
expositæ sunt; sic Christiani, qui discedunt à communis
consensu, & doctrina Ecclesie, destituuntur afflentis
Spiritus Sancti; ideoque erroribus expositos esse, ne-
cessere est.

ANIMADVERSO.

AD 4. argumentum nihil potuit opponere Anti-Becanof-
sed novis, uti putat argumentis, tanquam molaribus la-
pidibus conatur obruere Ecclesiam, & Papam; ut defi-
niant esse Judices. Sic igitur dicit: 1. Summus Judex debet de-
clarari in Scriptura, at nullibi ut talis declaratur Ecclesia, vel
Papa; ergo. Resp. Nego major. sed est Traditione declarata
Ecclesia minor negatur. 2. Summus Judex non est alligatus ad se-
gulam; at Ecclesia est alligata ad regulam; ergo. Resp. Distin-
guendo ly summus, in absolute sumnum, qualis est DEUS,
& accommodate suum, qualis est homo soli DEO, & no-
nisi alteri subditus, quemodo Calvinistæ solebant olim loqui in Sy-
nodis suis de Rege Anglie? et si postea aliter re ipsa egerint, uti
Calvinianus Salmasius de suis Fratribus conqueritur; talis vero
accommodatio summus bene potest salva summitate, & maiestate
ad regulam esse astrictus. 3. Summi Judicis sententia est regula
fidei; at Ecclesie sententia non est regula fidei; ergo. Resp. Ut
ante: prout enim summus fuerit, sic & regula erit ejus sententia;
absolute summi Judicis est summa regula; alterius, accommoda-
tio summa; & priore modo summi Judicis erit prima regula
fidei; alterius, proxima dependens à prima, vel per Scripturam,
vel Traditionem, vel novam revelationem; prout placet abier-
tute summo. 4. Qui habet fundamentum doctrinam Apostolo-
rum, cui astringatur, non est summus Judex; at Ecclesia habet
id; ergo. Resp. Ut ante, quia est crux alio juculo recedit.
5. Supremi Judicis sententia non debet à se ipsa discrepare; ut
Ecclesie sententia à se ipia discrepat, quia iudicavit communis
eandem olim sub utraque specie laicis, nunc non, &c. ergo
Resp. In dogmate fidei non debet discrepare à se, verum est; in
dogmate moris alicujus pro diverso tempore, & loco, & personis
non debet discrepare à se, tam falsum est, quād quod dicitur
per Predicans à se, si aestate bibat frigidum, & hysteme calidum,
vel ex uno ore spiret frigidum, & halet calidum, illud pro rebus
genere.

Berando juscule, hoc pro calefacienda manu. 6. Summus Iudeus
 est infallibilis, at Ecclesia non est talis: 1. quia recipit falsa;
 nempe magos ab Oriente venientes fuisse Reges: Catharinam,
 Georgium, Christophorum fuisse homines sanctos, &c. 2. Defini-
 dit falsa, cum Concilium errat, quod Pontificii concedunt fieri
 posse, & factum. *Resp.* Ad 1. partem minoris, negando quoddam
 recipiat falsa, quia falsum est, Magos non fuisse Reges, uti &
 alios non fuisse sanctos homines. Ad 2. partem, Ecclesia defini-
 dit falsa, absque Papa subinde fieri, verum est; cum Papa, fal-
 sum est, nec potest probari Anti-Becanus oppositum. Imo vero
 probat sic: potest Papa errare in facto; ergo & in fide. *Resp.*
 Negando consequentiam. 7. Si Ecclesia haberet assistentiam Spi-
 ritus Sancti in dogmate fidei definiendo: ergo & in factis, ne er-
 eret, quia est pars ratio, & necessitas. At prius habet, uti dicitur;
 ergo & posterius. *Resp.* Non est pars ratio, nec necessitas; Ec-
 clesia enim adunatur per unam fidem, & unum Baptisma ad unum
 DFUM, non per uniforme aliquod factum. 8. Concilia aliquot
 recepta errarunt, nempe 1. Neo-Cesariense in prohibendis se-
 cundis nuptiis. Canone 72. 2. Constantinopolitanum III. in
 definiendo, quoddam matrimonia cum hereticis sine irrita. 3. Ro-
 manum sub Stephano VII. Formosum damnando, quem postea
 Concilium aliud Ravennae sub Joanne IX. restituit, & Stephan-
 um simul damnavit. *Resp.* Ad 1. Neo-Cesariense prohibuit,
 vel nuptias secundas in polygamiam scante priore matrimonio;
 vel secundas non fieri cum solennitatibus iis, quibus primae sunt.
 Et hoc utrumque adhuc servatur in Ecclesia. Ad 2. Constanti-
 nopolitanum III. Canone 72, vel posuit haren pro impietate
 dirimenter, ut Tridentinum Clandestinitatem; vel quod pro-
 bas Bellarminius lib. 2. de Conciliis cap. 8. illos esse spundo ca-
 nones non sextae Synodi Generalis sed alterius. Ad 3. *Resp.* fuisse
 questionem facti, dum de Formoso disceptatum est, non autem
 fidei dogma. 9. Papa etiam erravit, ut Marcellinus immolando
 sub Diocletiano; Liberius subscribendo damnationi Athanasii;
 Vigilius, Paschalis II. &c. omnes. *Resp.* In q. facti, esto in
 dogmate aliquo fidei publicè docendæ, & publicè dicens, nego,
 pernego; nunquam probabunt mille Anti-Becani. 10. Sic argu-
 tur Anti-Becanus: Papa habet assistentiam Spiritus Sancti, ut
 non possit errare, vel ergo dependenter ab Ecclesia, vel indepen-
 denter ab ea; non dependenter, quia tunc non erit Caput ejus,
 sed ipsa illius Caput; non etiam independenter ab ipsa, quia si
 Papa esset extra Ecclesiam. *Resp.* Sit argumentum tale; vel
 Prædicantis caput habet vitram dependenter à corpore suo, vel
 independenter ab eo; si dependenter, ergo non est caput; si in-
 dependenter, ergo non est pars corporis. Quomodo Prædicantes
 solvunt hoc argumentum de capite suo? sic nos, & melius illud
 de Pontifice. Denique Corollaria paonit Anti-Becanus, quæ in

faspicias, sunt fuci, & mendacia; utri 1. Catholicos, maximus
Jesuitas, esse impudentes Papae assentatores; constantes assertio-
nes debuit dicere. 2. Suæ causæ diffidere, quia nequeunt ferre
DEI judicium in Scriptura loquentis, scilicet, juxta explicatio-
nes Prædicantium, & querunt domesticum Judicem, eumque ho-
minem in suæ causa pronuntiantem, nempe Papam à Christo
constitutum. Quid sequitur? 3. Certainam normam controversi-
am, nempe Scripturam in contemptum adduci. Ohe! non
Scripturam, sed expositiones Prædicantium, quibus falso, & frau-
dulenter prætexunt nomen Scripturæ. Videant Mülmanni my-
sterium fraudis. 4. Pro principio certo, id est, Scriptura,
trudi incertam definitionem Papæ. Iterum ohe! pro falsis gloria
Prædicantium verbo DEI fœnum facientium teneri autoritatem
à Christo constituti Pastoris, *Joan. 21*. At quo securitas est in
Papatu, cum sedent Romæ Pseudo-Pontifices? Resp. In Pseudo-
Pontificibus nulla, sicuti nec in Pseudo-Ministris. Nullius ho-
rum definitiones suscipimus, donec moraliter constet, quis
legitimus Papa, vel legitimè missus; tunc ei inhæremus nisi
verbo Christi. Sed rato seculo aliquando Pseudo-Pontifices se-
deret. Resp. Falsum est: nam turbulentissimo seculo decimmo
quod Prædicantes oggerunt, non nisi duos exhibet Pseudo-Papa.
Historia Ecclesiastica: nempe Leonem anno 969. uno vix annos
& Bonifacium quemdam anno 974. XIII. mensum Papas ficti
præter quos aliqui alii eo seculo fuere quidem invasores Sedis
Apostolice, sed tamen legitimè sedentes, Clero Romano malevo-
lere improbum, quam habere nullum, vel fardo schismate tur-
bare mundum, quo exsilio consilium Christi valuit: *Super Catho-
licam Moysis*. Quia in patientia recte potuissent Calvinistæ, &
Reformati imitari Romanos tollerando Caput Ecclesiae suæ
gem Carolum tot Synodis à se stabilitum.



C A P U T VI.

De Antichristo.

Aversarii conantur simplici populo persuadere
Papam esse Antichristum. Quo consilio id
faciant, facilis conjectura est. Nimirum: ut
suam defectionem à Catholica fide possint tegere,
& excusare sub prætextu defectionis ab Antichristo,
socios defectionis habere.

ANIMADVERSIO.

Immaniter hac in materia se gerunt Prædicantes, quasi præcio
 nente Luthero, manus suas sine lotuti in sanguine Papæ, &
 Cardinalium. Quid igitur agunt? quid dicunt? Quid agant,
 Historiae narrant, quid dicant, huc pertinet. Publicè damnatos
 hereticos, schismaticos, etiam quosdam, si possint, male intel-
 lectos, vel prave animatos in Papam aliquem Catholicos produ-
 cunt in aciem, ut secum pasquillis, famosis libellis, mendaciis,
 & imposturis pugnant; immo nolentes pugnare etiam compellunt
 mo tuos, uti Okamom, Savanarolam, & alios. Brevi tamen
 conficta aciem tam minacem Becanus fugat; nam deregit fun-
 damentum, cui innituntur; quo nude iniuste evanescit metus
 & timore tanto incussus. Quod igitur est Anti-Papistarum fun-
 damentum? Resp. Scriptura, uti ipsis placet, explicata. Quæ?
 2. T. de S. 2. v. 7. *Mysterium operatur iniquitatis.* Hoc uti vo-
 lunt, explicant de Missa, & multis aliis, atque tunc Papæ ap-
 pllicant, & concludunt, quod volunt. Ita omnes? omnes,
 nisi pauci, quos fratrum suorum pudet; dum vident recordationem
 eorum in argumentando. Quomodo igitur isti pauci rem suam
 agunt? Ex Becano syllogismum describunt, quo suæ causæ
 aptiorem nec reperire ipsi, nec pangere possunt, ne tempe hunc:
 qui convenient omnes Antichristi notæ in Scriptura fundatæ, est
 Antichristus; atqui Pontifici Romano convenient omnes normæ
 illæ; ergo. Notæ autem omnes sunt; ut aiunt: quas Becanus
 num. 5. ponit. Sic illi, qui se plus sapere arbitrantur. Quan-
 tum verò valet horum sapientia? Resp. Nihilò plus ceterorum
 imprudentiæ; nam minor falsa est, nec eam possunt probare
 veram esse de Papa, nisi rursum Scripturam explicit, uti vo-
 lunt, & tuos ejus explicationem è suo cerebro depromptam
 ostendant convenire Papæ. Hac verò probandi ratione quidvis
 probare potest insipientia humana. Deinde: notæ, quas ex Be-
 cano, & aliis Catholicis sufficiunt, & ipsi recensent; non
 sunt omnes notæ Antichristi, nec clarissimæ, sed obscuriores,
 omisssis clarissimis, quas idem Becanus posuit, sed non ad gustum
 tenebras amantium. Has autem videre licet num. 3. & 4. Be-
 cani in hac Epitome, quibus convincuntur heretici, nondum
 advenisse Antichristum illum famosum, & propriè dictum; idcir-
 co sentientes se in probando deficer, desiliunt ad latè dictum An-
 tichristum, ne tempe quemvis vitiosum. Et cum de tali multæ
 harrirent falsa, concludunt Papam esse Antichristum simplicio-
 ber dictum, quæ praxis tota spectat ad mysterium fraudis Præ-
 dicantice à Mulinanno detectum. Sed & ipse Becanus deregit
 hoc eorum mysterium, dum querit ex Anti-Papistis, quo tem-
 pore venerit Antichristus ille, de quo somniant? in qua quæstio-
 ne anxie se versant, & non inventantes fundamentum planè
 di-

discordant in maximo articulo fidei suæ, ita ut integris seculis
hi citius, illi serius eum venisse dicitent. Nam uti tenes Se-
mannæ castæ accusatores, hic sub schino, ille sub prono em-
agentem mentiebantur. Huicnamen dissensioni tantæ emplastrum
grande imposuit Anti-Boccanus, nempe ex tali dissensione non
recte concludi, falsum esse dogma eorum. Ea quare non? Qui
aut de Christi natali anno etiam esse discordiam quoad Consulit
Romanos, sub quibus sit natus; non tamen inde recte inferri
quod falsum sit dogma de Christo nato. Sed hoc emplastrum
non est aptum regendas heterodoxorum discordias, sed confessio
aperta, illos discordeat, qui semper sunt certi, semper verbum
DEI purum, clarissim quoque se jactant prædicare, cui jactatio
talis pugna contradicit. Dissensio de anno natali Christi inter
orthodoxos est, illos scilicet, qui dicunt se solum certitudinem
habere in illis, que per Apostolicam Sedem definita sunt; qua
cum de anno natali Domini nondum definita, hunc esse cor-
roverium nihil obstat, & tamen mysticum Nativitatis, ut
pote quod definitum est, esse certum. Multò verò magis pugnat
inter se heterodoxi, cum debent nominare Papam, qui primus
Antichristum agere caperit. Nam si S. Gregorium M. illus
Ecclesiae Doctorem primò loco constituerint, alii verecundiora
suum ab hac nota surpissima exemptum faciunt. Verbo: San-
phonicas videas vulpeculas.

2. Catholici sic sentiunt: Nomen Antichristi signifi-
cat hostem, seu adversarium Christi. Et sumitur du-
pliciter. Primo: Generatum pro quoconque Christi ad-
versario, cuiusmodi sunt omnes haeretici. Et hoc sensu
dictum est ab Apostolo, 1. Joan. 2. v. 18. *Nunc An-*
tichristi multi facti sunt, id est: multi haeretici male
de Christo sentientes, de quibus sequitur: *Ex nobis*
prodierunt, sed non erant ex nobis. Eodem sensu in-
telligitur illud, 1. Joan. 4. v. 3. *Omnis spiritus qui*
solvit JESUM, ex DEO non est: & hic est Antichristus,
de quo audistis, quoniam venit, & nunc jam in mundo est.
Secundo: Speciatum pro præcipuo, ac principali Christi
adversario, cuius reliqui omnes Præcursorum sunt. Et
de hoc loquitur Paulus 2. Thessal. 2. v. 3. 4. *Nisi ren-*
*tatus fuerit homo peccati, filius perditionis, qui adver-
sus est, & extollitur supra omne, quod dicitur DEUS.*
Hanc distinctionem tradit August. lib. 2. contra adver-
sarium legis cap. 12. Damascenus lib. 4. cap. 27. & alibi
Posita hac distinctione duo afferimus.

3. Prior assertio: Antichristus, quatenus specia-
lum sumitur pro primario Christi hoste, nondum, dum
scribo, venit in hunc mundum. Probatur primò: Quia
non veniet, nisi prius eversum, & desolatum fuerit
Romanum Imperium; ut passim tradunt antiqui Pa-
tres, tam Græci, quam Latini. Et confirmant ex cap.
2. & 7. Danielis. & cap. 17. Apocal. Atqui Romanum
Imperium nondum eversum, & desolatum est; ergo &c.
Secundò: Quia tempore Antichristi venturi sunt duo
lestes, qui amicti saccō, seu ciliciō: prophetabunt die-
bus mille ducentis sexaginta, & habebunt potestatem clau-
dendi cœlum, ne pluat diebus Prophetias ipsorum, & po-
testatem convertend aquas in sanguinem. &c. apoc. 11.
v. 3. At hi duo testes nondum venerunt, ergo.

ANIMADVERSIO.

ADVERSUS primum Becani argumentum Anti-Becanus & susos
est mentiri, quod Romanum Imperium eversum sit, &
desolatum. Contrarium tota Europa videt, & audit, &
Inquitur. Audax Prædicans, imò atrox! 2. negat Romanum
Imperium debere penitus eversum esse ante adventum Anti-Chri-
sti, contra SS. PP. à Moguntinis reproductionum disertam senten-
ciam. Sic malus homo, modò idem factum assertit, modò negat,
tibi ipsi hostis. Sed quomodo Anti-Becani probant assertionem
suum tam patenter falsam de Romano Imperio iam everso? Di-
cunt. Christi adventum respondere temporis, quo Regnum quar-
num in ruina jacere vaticinati sunt Prophetæ; ergo Romanum
Imperium debuit esse sublatum Christo nascente in terris. Resp.
De adventu secundo Christi, verum est, omnia regna subla-
tore, non de primo adventu; nihil ergo probat Anti-Becanos
ex his prophetiis male intellectis. Rursum Anti-Becanus sibi
contrarius ait: in Regnum evertendorum numero, non de-
bet posse Romanum Imperium, quod Christo nascente capitur;
ergo nihil probant Catholici ex eo, quod Romanum Imperium
non sit eversum. Resp. Negando explicationem Anti-Becano-
rum.

4. Posterior assertio: Papa non est Antichristus iste
famosus. Hæc sequitur ex dictis: Primò: Quia Anti-
christus nondum venit, nec venturus est, nisi everso
Romano Imperio; at Pontifex pridem venit florente
Imperio Romano. Secundò: Antichristus occidet duos
hlos Prophetas, de quibus dictum est, Apocal. 11. v. 7.

Hoc

Hoc Pontifex non fecit. Accedunt tria alia Argumenta: *Primum*: Antichristus non regnabit, nisi tribus annis cum dimidio, Daniel. 7. v. 25. *Ad tempus, & tempora, & dimidium temporis.* Et Apocal. 11. *Mensibus quadraginta duobus.* Et ibidem v. 3. *Die mille ducentis sexaginta.* At Pontifex regnavit iam multis seculis. *Secundum*: Antichristus à Judæis pro Messia recipietur, Joan. 5. v. 43. At Pontifex non recipitur ab illis pro Messia. *Tertium*: Antichristus faciet ignem de cœlo descendere. *Apocalyp. 13. v. 13.* Hoc non facit Pontifex. Vide, quæ diximus tom. Opusculorum, opusc. 3.

ANIMADVERSIO.

AD 2. argumentum Beconi, quid ajunt Anti-Becani? ¹ unum, alterum ve Catholicum torrenti SS. PP. de Enoch & Elia venturi contra Antichristum differentium, opponunt nugatorie. 2. His in subdium substituunt Prædiesnti aliter docentes de Enoch, & Elia, quam Tertull. lib. de An. Christi 50. S. Hyppol. Mart. Orat. de Consummat. mundi. Justinus dial. cum Tryphone &c. plurimi à Moguntiniis pag. 214 recitati docuerunt. At tantis viris opponere Prædicantes aliquos, vel etiam omnes, est grillos componere elephantis, & noctilucas soli.

5. Obje^ctio. Notæ Antichristi convenient Papam. *Prima* est, deficere à fide, 2. Thessal. 2. v. 3. At Papa defecit à fide, qua defendit Purgatorium, Invocationem Sanctorum, Sacrificium Missæ, & similia. *Secunda*, sedere in templo DEI. *ibid.* At Papa sedet Romæ in Ecclesia Christi. *Tertia*, ostendere se tanquam DEUM. *ibid.* Hoc facit Papa, quia exhibet se pro visibili Capite Ecclesiæ. *Quarta*, extollere se supra omnem DEUM. *ibid.* Hoc facit Papa, quia extollit se supra omnem Ecclesiasticum, & politicum ordinem. *Quinta*, negare Christum. 2. Joan. 2. v. 22. Hoc facit Papa, quia corrumpit doctrinam de Christo Mediatore. *Sexta*, facere falsa miracula Laureti apud Statuam B. Virginis. *Septima*, imprimere subditis characterem Apoc. 13. v. 16. At Papa hoc facit, quando unctione chrismatis signat frontes Christianorum in susceptione Confirmationis.

6. *Resp.* Meret quisquilliae sunt, quod ostendo per singulas notas diicurrendo: At *primò*: defendere Purgatorium, Invocationem Sanctorum. & Sacrificium Missæ, non est deficere a fide, quia antiqui Patres ea defenderunt. Potius dicam: Adversarios deficere a fide, qui ista oppugnant. *Secundò*: Aliud est, sedere in templo Dei Hierosolymæ, aliud in Ecclesia Christi Romæ. Antichristus sedebit in templo Hierosolymæ, & a Judæis adorabitur. Pontifex sedet Romæ in Ecclesia Christi, quam Adversarii deseruerunt. *Tertiò*: Exhibere se pro visibili Capite Ecclesiæ, non est idem, quod exhibere se DEUM. Petrus exhibuit se priori modo: Antichristus exhibebit se posteriori. *Quartò*: Etiam Moyses fuit supra omnem ordinem Ecclesiasticum, & politicum, & tamen non extuli se supra DEUM. *Quintò*: Nondum probârunt Adversarii, Papam corrupisse doctrinam de Christo Mediatore. Ipsi potius corruerunt, ut alibi ostendo. *Sextò*: Papa non facit miracula Lauretana, sed DEUS. Deberent Adversarii ostendere, Papam facere ea miracula, quæ Scriptura dicit facturum Antichristum. Cujusmodi sunt hæc duo: *Primum*: Ignem de cœlo deducere. *Secundum*: Effigere, ut imago bestiæ loquatur. *Apocal. 13. v. 15.* Neutrum adhuc legimus factum à Papa. *Septimò*: Character Antichristi debet habere tres conditiones. *Prima*: Ut sit communis omnibus, pusillis, & magnis, divitiis, & pauperibus, liberis, & servis. *Secunda*: Ut possit imprimi, vel in fronte, vel in dextra manu. *Tertia*: Ut nemo, nisi habens characterem, possit emere, aut vendere. *Apoc. 13. v. 16. 17. & cap. 14. v. 9.* At illæ conditiones non convenient undioni chrismatis. Frustra ergo litigant Adversarii.

ANIMADVERSIO.

Quomodo Anti-Becani notas illas obscuriores Antichristi applicant Papæ? *Resp.* Nihil melius, verbo si tamen, quam Becanus ipsorum vice egit, qui etiam eadem telam retegit in sua reducens falsa principia. Qui vero fusiùs hoc recte voler, Moguntinas animadversiones consulat.



C A P U T VII.

De Invocatione Sanctorum.

1. **Q**uestio est, an liceat invocare Sanctos in celo existentes sub hac formula, quam usurpani Catholici? *Sancta MARIA, ora pro nobis; Sancte Petre, ora pro nobis; Omnes Sancti DEI, intercedite pro nobis.* Nos affirmamus. **Primi:** Quia antea qui Patres suō exemplō id nos docuerunt, ut Nestorius, Ephrem, Nazianzenus, Nyssenus, Ambrosius, Chrysostomus, Hieronymus, Augustinus, & quotquot postea secuti sunt. **Secundi:** Quia hæc invocatio totius Ecclesiae consensu approbata est; tota autem Ecclesia errare non potest. **Tertiū:** Quotidie fructum inde experimur; nam multi invocatione hujus, vel illius Sanctorum consequuntur sanitatem corporis: alii donum castitatis, alii illustrationem intellectus: alii alia beneficia. **Quartū:** Constat ex Scriptura, pium, ac utile esse, invocare Sanctos in hac vita mortali existentes. Hoc enim fecit Apostolus Coloss. 4. v. 2. 3. *Orationi instate, orantes simul, & pro nobis.* Et 1. Thess. 3. v. 1. *Fratres orate pro nobis, ut sermo DEI currat, & clarificetur, sicut & apud vos.* Ergo etiam pium, & utile est, invocare Sanctos cum Christo regnantes; præsertim cum horum intercessio non minùs efficax sit, quam istorum.

2. Adversarii, qui more suo contemnunt antiquos Patres, consensum Ecclesiarum, & fructum pietatis, multa objiciunt. **Primi:** Quod invocatio Sanctorum sit injuriosa Deo, qui solus vult adorari. **Secundi:** Quod sit injuriosa Christo, qui solus est Mediator Dei, & hominum. **Tertiū:** Quod sit signum dissidentiae; quia, quando confugimus ad Sanctos, videmur dissidere Deo, & Christo. **Quartū:** Quod sit res inutilis, quia Sancti in celo non audiunt nostras orationes, neque sciunt, quid hic apud nos agatur, idcōque frustra illos invocamus.

3. Sed haec argumenta nullius momenti sunt: Et tamen, si tria priora valerent contra nos, valerent etiam contra Apostolum: Neque enim oppugnant invocationem Sanctorum in terra militantium, quam Apostolus usurpavit, ac invocationem Sanctorum in celo triumphantium, quam nos usurpatimus. Nam si haec consequentia bona est: Solus DEUS vult adorari; ergo non licet invocare Sanctos in celo, etiam haec erit: Solus DEUS vult adorari; ergo non licet invocare Sanctos in terra; nam particula *Solus*, non minus excludit hos, quam illos. Item, si haec est bona: Solus Christus est Mediator; ergo peccant Catholici invocando Sanctos in celo; etiam haec erit: Ergo peccant Adversarii, invocando Sanctos in terra. Denique si sequitur: Catholici invocant Sanctos in celo; ergo diffidunt DEO, & Christo. Sequetur etiam: Adversarii invocant Sanctos in terra; ergo diffidunt DEO, & Christo.

4. In quarto supponunt: Sanctos in celo non audire nostras orationes, neque scire, quid apud nos agatur. Et quomodo id probant? Ineptissime, ex his Scripturarum locis. Job 14. v. 21. *Sive nobiles fuerint filii ejus, sive ignobiles, non intelligit.* Et Ecclesiast. 9. v. 5. *Videntes sciunt se esse morituros: mortui vero nihil moverunt amplius.* Et Isaiae 63. v. 16. *Abraham nescivit nos; & Israël ignoravit nos.* Quae testimonia nihil ad rem faciunt; non enim disputamus hic de hominibus, qui tempore veteris Testamenti erant in Limbo, vel in inferno; sed de Sanctis, qui tempore novi Testamenti sunt in celo. Esto, priores ignoraverint, quae hic sunt; non sequitur inde, etiam posteriores ignorare. Nihil ergo efficiunt Adversarii.

5. Sed instant, quomodo Sancti in celo possunt cognoscere nostras orationes, & interna desideria? Ego vicissim quero, quomodo Sancti in hac vita possunt cognoscere arcana aliorum consilia, & molitiones? Samuel cognovit omnia, quae erant in corde Saulis. 1 Reg. 9. v. 19. Eliseus scivit omnia, quae a famulo abstente erant perpetrata. 4. Reg. 5. v. 26. Item omnia secreta consilia Regis Syrii. 4. Reg. 6. v. 9. Daniel scri-

vit occultum somnium Nabuchodonosoris, & interpretationem illius. *Daniel. 2. v. 26.* Petrus Apostolus scivit occultam fraudem Ananiae, & Saphirae. *Aetor. 5. v. 1.* Denique, quæ non cognoverunt Prophetæ? quæ ab oculis hominum erant abscondita. Si hæc potuerunt fieri in terra, cur similia non possunt fieri in cœlo?

ANIMADVERSIO.

Veteribus argumentis heterodoxorum à Becano decoctis, ab Anti-Becanis recocatis, etiam nova in subfidum suum advocant; nempe: Nullum habemus de invocatione Sanctorum mandatum, promissionem, exemplum in Scriptura Canonica; ergo non invocantur pie, & utiliter. 1. Invocationem Sanctorum antiquitus, & in primitiva Ecclesia non fuisse usurpatam, sed tempore Augustini cœpisse, ut Kemnitius, vel tempore Gregorii, ut Melanchthon discordantissime assertunt; hæc Anti-Becani. Quid Mogantini his opponunt: Ad 1. argumentum misso antecedente, negant consequentiam; quia Scriptura non est adæquata fidei, & morum regula, si absque Traditione sumatur. 2. Negatur antecedens, 1. quia scriptum iobemur DEUM laudare in Sanctis ejus. 3. exempla invocationis Sanctorum etiam post mortem eorum, vel SS. Angelorum, habes Gen. 48. Exod. 32. v. 13. Jobi 19. v. 21. iuncta explicatione S. Augustini Not. in Job. 19. 3. Promissiones de opere salutaria per Sanctoros, Exod. 23. & alibi. Exempla, & testimonia de invocatione Sanctorum in primitiva Ecclesia per singula saecula vide apud Gualterium in Tabula Chronologica, & alios. Denique ait Anti-Becanus: Qui recedit à forma invocationis à DEO præscriptæ, male facit; invocans Sanctoros, recedit à forma invocationis à DEO præscriptæ, nempe à Pater nostro. &c. ergo. *Resp.* Recedit à forma adæquata invocationis, nego; à forma inadæquata, qualis est Pater noster, &c. concedo. Si autem à forma inadæquata recedentes peccant, sicut quoties Psalmos cantant heterodoxi, adversus formam à Christo præscriptam peccabunt. Ex his, similibusque vanitatibus Anti-Becanorum, adeò sperte dispolosis estimare licet variarum catetorum, quæ nihilō his sunt solidiora cum in præmissis, rum sequentibus materiis controversiarum, adeò ut labori parcer possint, si Crocio, & Hunekino, &c. Anti-Becanis non sint prolatum.

CAPUT VIII.

De Sacramentis.

Duplicia distingui solent Sacra menta: alia vetera, seu Mosaica: alia nova, seu Evangelica. Vetera sunt hæc. *Primum*: Circumcisio. *Secundum*: Agnus Paschalis. *Tertium*: Purificationes ab externis immunditiis. *Quartum*: Expiaciones à peccatis. *Quintum*: Consecratio Sacerdotum. *Sextum*: Eius panem propositionis. Ita *D. Thomas I. 2. quæst. 102. art. 5.* Nova sunt: Baptismus, Confirmatio, Eucharistia, Pœnitentia, Extrema Unctio, Ordo, Matrimonium. Vetera fuerunt umbræ, seu figuræ novorum. Ac *primò*: Circumcisio fuit figura Baptismi. *Secundò*: Agnus Paschalis, & eis panum propositionis, figura Eucharistie. *Tertiò*: Purificationes, & expiations, figura Pœnitentiae. *Quartò*: Consecratio Sacerdotum, figura Ordinis. Nulla tamen fuit figura Confirmationis, Extremæ Unctionis, & Matrimonii; causam assignat *D. Thomas loc. cit.* Nos hic agimus de Sacramentis novis, seu Evangelicis. Ac *primò* de nomine Sacramenti. *Secundà*: De definitione. *Tertiò*: De causis. *Quartò*: De effectu. *Quintò*: De numero. De quibus inter nos, & Adversarios disceptatio est.

De Nominе Sacramenti.

Nomen Sacramenti aliter sumitur apud profanos Authores, aliter in Scriptura. In Scriptura idem significat, quod Mysterium. Et sumitur dupliciter. *Primò*: Pro re arcana, seu abscondita. *Secundò*: Pro signo rei arcanae, ieu absconditæ. *Priori modò*: Incarnatio verbi, & vocatio Gentium ad fidem, vocantur Sacra menta, seu mysteria; id est, res in arcano DEI consilio absconditæ, quas nemo potuit agnosce re, nisi quando Deus per Prophetas, & Apostolos dignatus fuit eas revelare. *Ephes. 3. v. 3. Coloff. 1. 26. & 1. Timoth. 2. v. 16.* *Posteriori*, Matrimonium Adæ,

& Evæ, & somnium Nabuchodonosoris dicuntur Sacra-
menta. seu Mysteria; id est, signa rerum arcanarum,
seu absconditarum. *Ephes. 5. v. 32. Daniel. 2. v. 19.*
Nam matrimonium Adæ, & Evæ significat conjunctio-
nem Christi cum Ecclesia; & somnium Nabuchodono-
soris, successionem quatuor regnum. Hoc posteriori
sensu nos dicimus: Baptismum, Eucharistiam, & re-
liqua jam recensita, esse Sacraamenta, seu mysteria; id
est, signa rei arcanæ, seu absconditæ; non cujuscunque,
sed internæ gratiæ, seu sanctitatis; ut jam explicabi-
tur.

De Definitione Sacramenti.

3. **C**atholici sic definiunt: *Sacramentum est signum
& causa gratiæ.* Vel: *Est res sensibilis, quæ ex
DEI institutione habet vim significandi, & effi-
ciendit gratiam.* Quæ definitio convenit novis tantum
Sacramentis, non veteribus. Nam vetera significabant
quidem gratiam, sed non efficiebant. Nova & signi-
ficant, & efficiunt: non ut causa principales, sed ut
instrumentales.

4. Adversarii & à nobis, & à se mutuò discrepant:
nam aliqui sic definiunt: *Sacramentum est promissio gra-
tiae, quæ externo signo annexa est;* ut Lutherus. Alii
contrario sic: *Est externum signum, cui promissio gratiae
annexa est;* ut Melanchthon. Alii sic: *Est symbolum,*
seu sigillum, quo applicatur promissio; ut Herbrandus.
Alii sic: *Est sigillum, quo obsignatur promissio;* ut Cal-
vinus. Alii aliter. Qui omnes dupliciter refelluntur.
Primo: *Quia nomine gratiæ non intelligunt internam*
gratiæ, seu justitiam inhærentem, sicut nos intelli-
gimus; sed gratuitam peccatorum remissionem, quam
putant in eo consistere, quod Deus non imputet nobis
peccata nostra, sed quasi palliò tegat, & dissimuleat.
Quod infra cap. 16. refutabitur. Deinde: nulla ista-
rum definitionum convenit Eucharistie. Hæc enim non
est instituta, ut remittat peccata; sed ut in homine
justo soveat, conservet, & augear gratiam, seu justi-
tiæ inhærentem, nam Eucharistia nihil aliud est,
quam

quam cibus, & potus spiritualis, quo anima reficitur, & vegetatur. *Joan. 6. v. 55.* Sicut ergo cibus, & potus corporalis non prodest corpori mortuo, sed vitam habenti; ita Eucharistia non prodest animæ per peccatum mortuæ, sed per gratiam viventi.

De Causis Sacramentorum.

5. **C**atholici agnoscunt quatuor causas; materialē formā, efficientēm, finalem. Materia Sacramentorum est res sensibilis; forma, est vis significandi, & efficiendi gratiam, quam ex DEI institutione habet res sensibilis, ut supra dixi. Efficiens, seu principalis author, qui instituit Sacra menta, est nostra sanctificatio. Ideo enim instituta sunt, ut confirant nobis gratiam sanctificantem, quam significant. Hoc ultimum negant Adversarii; Ajunt: ideo instituta esse, ut excitent in nobis fidem, per quam justificemur. Non ita est, nam fides requiritur ante susceptionem Sacramenti, tanquam prævia dispositio. *Marci 16. v. 16.* Qui crediderit, & baptizatus fuerit, salvus erit; quem vero non crediderit, etiamli baptizatus fuerit, condemnabitur. Fides præcedit, Baptismus sequitur. Et *Matt. 28. v. 19.* Docete omnes gentes, baptizantes eos in nomine Patris, &c. Prius instruendi sunt omnes homines in Doctrina fidei, ut credant in Christum Redemptorem, ac deinde baptizandi.

6. Et confirmatur exemplis Scripturæ: nam Philippus non voluit baptizare Eunuchum, nisi prius crederet in Christum. *A&t. 8. v. 36. 37.* Ait Eunuchus: Ecce aqua, quis prohibebit me baptizari. Dixit autem Philippus: Si credis ex toto corde, sicet. Et Petrus in concione, quam habuit ad Iudeos in die Pentecostes, prius excitavit illos ad fidem in Christum, ac deinde ad Baptismum suscipiendum cohortatus est. *A&t. 2. v. 36.* Et ratio est: quia si Baptismus ideo institutus esset, ut excitaret actum fidei, non prodesset infantibus, quia in illis non potest excitari actus fidei propter defectum rationis. Vide infra lib. 2. cap. 2.

Objicitur primò.

Scriptura dicit hominem justificari per fidem; ergo non justificatur per Sacra menta, nisi quatenus excitant fidem, quae justificat. *Resp.* Non sequitur; quia potest homo justificari per varias causas in diverso genere. Justificatur enim per fidem, tanquam per præviā dispositionem; per gratiam, seu justitiam inhaerentem, tanquam per causam formalem; per Deum, tanquam per causam efficientem principalem; per Sacra menta, tanquam per causas instrumentales; per Christum, tanquam per causam meritoriam. *Vide Concil. Trident. Sess. 6. cap. 7.*

Objicitur secundò.

Apostolus docet: Abrahamum non fuisse justificatum per Circumcisionem, quae erat Sacramentum veteris Testamenti, sed per fidem. *Rom. 4. v. 20.* Ergo similiter nos non justificamur per Sacra menta novi Testamenti, nisi quatenus excitant in nobis fidem. *Resp.* In antecedente supponitur, Circumcisionem excitatē fidem in Abrahamo, quod falsum est. Non enim excitavit fidem in illo, sed fuit signaculum fidei jam antea habitæ. *Priūs enim Abraham credidit Deo, ac deinde circumcisus est. Genes. 15. v. 6. & Gen. 17. v. 24.* Deinde: consequentia non valet; quia non est eadem ratio veterum, ac novorum Sacramentorum. Vetera non conferabant gratiam, nova conferrunt. Non ergo sequitur: Abraham non fuit justificatus per Circumcisionem; ergo neque nos justificamur per Baptismum.

De Effectu Sacramentorum.

Ex dictis constat, quid adversarii sentiant, & quid nos. Illi dicunt: Sacra menta ideo instituta esse, ut excitent fidem. Ex quo sequitur: effectum illorum esse fidem; hoc jam refutavi, quia fides est dispositio prævia. Nos dicimus, ideo instituta esse, ut conferant gratiam justificantem. Unde sequitur: effectum illorum esse gratiam. Quod apertè docet

Scriptura Joan. 3. v. 5. *Nisi quis renatus fuerit ex aqua, & Spiritu Sancto, non potest introire in regnum DEI.* Hinc enim colligimus, per Baptismum nos renasci, seu rege nesciri; quod sine gratia justificante fieri non potest. Item ex illo Act. 2. v. 38. *Baptizetur unusquisque destrum in remissionem peccatorum vestrorum.* Et Act. 22. v. 16. *Exurge, & baptizare, & ablue peccata tua.* At peccata non remittuntur, aut abluuntur, nisi per infusionem gratiae justificantis. *Inf. à cap. 16.*

De Numero Sacramentorum.

10. **N**Os docemus cum Concilio Tridentino, & consensu totius Ecclesiae, septem esse Sacra menta novae Legis Baptismum, Confirmationem, Eucharistiam, Poenitentiam, Ordinationem, Extremam Unionem, Matrimonium. Adversarii, ut alibi semper, ita etiam hic inconstantes sunt. Nam aliqui agnoscunt, solum Baptismum, ut Lutherus in libro de captivitate Babylonica circa initium. Alii Baptismum, & Eucharistiam, ut Philippus in locis communibus. Alii Baptismum, & Eucharistiam, & Poenitentiam, ut multi Lutherani in suis Catechismis. Alii Baptismum, Cœnam, & Matrimonium, ut Zwinglius in libro de vera, & falsa religione. Alii Baptismum, Cœnam, & Ordinationem, ut Calvinus lib. 4. Inst. cap. 19. §. 31. Itaque nihil apud illos certi est.

11. Neque illi possunt ullo modo, vel ex Scriptura, vel ex Traditione suas discrepantes sententias confirmare; nam Traditio, quam rejiciunt, pro nobis est. Ex Scriptura, quam admittunt, nihil hactenus pro se attulerunt, nec deinceps allaturi sunt. Nusquam Scriptura dicit duo, vel tria tantum esse Sacra menta. Imò, quod majus est, nusquam vel Baptismo, vel Eucharistiae tribuit nomen Sacramenti; nusquam definit, quid propriè sit Sacramentum novae Legis. Quid ergo præsidii ex sola Scriptura sperare possunt? nihil penitus. Nos perpetua Ecclesiae Traditione nos tuemur. Semper in Ecclesia traditum, & creditum est, septem esse novae Legis Sacra menta. In hac Traditione acquiescimus,

suadente Apostolo 2. Thess. 2. v. 14. Itaque fratres statim & tenete Traditiones, quas didicistis. Statim, & tene-

mus.

12. Ut autem constet de Traditione, consulendi sunt antiqui Patres. Ego Augustinum, qui omnium in istar est, hoc loco consulam. Is igitur agnoscit Baptismum, & Eucharistiam, Lib. 3. de Doctrina Christiana cap. 9. Paucæ (inquit) pro multis, eademque factil facillima, & conservatione caffissima ipse Dominus, & Apostolica tradit disciplina: sicuti est Baptismi Sacramentum & celebratio Corporis, & Sanguinis Domini. Agnoscit Confirmationem lib. 2. contra litteras Petilianæ c. 104¹ In hoc unguento Sacramentum Chrismatis vult interpretari, quod quidem in genere visibilium signaculorum sacrosanctum est, sicut ipse Baptismus. Agnoscit Pœnitentiā lib. 1. de adulterinis conjugiis cap. 26. & 28. Edem est causa Baptismi, & Reconciliationis. sine quibus Sacramentis homines credunt se non debere exire de corpore. Agnoscit Ordinem lib. 2. contra Epistolam Parmeniani cap. 13. Utrumque Sacramentum est, & quodam consecratione utrumque homini datur: illud, cum baptizatur; istud, cum ordinatur. Ideoque in Ecclesia Catholica utrumque non licet iterare. Agnoscit Extremam Unctionem, serm. 215. de Tempore. Quoties aliqua infirmitas supervenerit, Corpus, & Sanguinem Christi: ille, qui agrotat, accipiat; ac deinde corpusculum suum ungat; ut illud, quod scriptum est, impleteatur in eo: insinuat aliquid inducat Presbyteros, & oreant super eum ungentes eum oleo. Agnoscit Matrimonium lib. 1. de Nuptiis, & concup. cap. 10. Hujus Sacamenti res est, ut mas, & femina connubio copulati, quamdiu vivent inseparabiliter perseverent.

13. Objicit Kemnitius: Scriptura nusquam dicit septem esse Sacra menta. Resp. Nusquam etiam dicit duo, vel tria esse. Objicit 2. Scriptura negat septem esse Sacra menta; nam Apocal. 17. v. 7. Angelus vocat Sacramentum bestiam, quæ semptem capita habebat; ergo septenarius Sacra mentorum numerus pertinet ad Antichristum, qui per illam bestiam significatur. Resp.

Kem-

Kemnitius calumniatur; quia 6 septem nostra Sacra-
menta sunt septem capita Antichristi, necesse est, etiam
Baptismum, & Eucharistiam esse capita Antichristi,
quod est contra ipsum Kemnitium. Deinde: per septem
capita intelliguntur septem Reges, non septem Sacra-
menta. Videatur textus.

C A P U T IX.

De Communione sub utraque specie.

1. **A**dversarii duplici nomine accusant nos in hoc
puncto. Primo: Quod contra apertam Christi
institutionem, & praeceptum porrigamus laicis
Eucharistiam sub una tantum specie. Secundum: Quod
hac ratione fraudemus illos altera parte hereditatis a
Christo sibi relictos; nam Christus in ultima Cœna con-
didit Testamentum, quo omnibus fidelibus, tam laicis,
quam Sacerdotibus legavit suam Carnem, & Sanguinem
per modum hereditatis. Lucæ 22. v. 20. *Hic est Calix
nouum Testamentum in Sanguine meo.* At nos privamus
laicos altera parte hujus hereditatis, quia non damus
illis Sanguinem, sed solam Carnem. Verum haec omnia
sunt falsa. Nam primo falsum est, extare præceptum
Christi, quo laici obligentur ad utramque speciem.
Secundum: Falsum est, Eucharistiam sub utraque specie
esse hereditatem, quam Christus in novo Testamento
nobis legaverit. Tertium: Falsum est, nos laicis non dare
Sanguinem, sed solam Carnem. Hæc omnia probabo
per sequentes conclusiones.

C O N C L U S I O I.

2. **N**ullum exstat præceptum Christi, quo laici obe-
ligentur ad utramque speciem. Quod dupli-
citer probo. Primo: Quia Adversarii nullum
possunt invenire in Scriptura. Sunt autem triplices Ad-
versarii: Hussitæ, Lutherani, Calvinistæ. Omnes qua-
runt

runt præceptum, sed nullibi inveniunt. Russitæ quæ
runt in illis verbis, Joan. 6. v. 54. *Nisi manducaveritis
Carnem Filii hominis, & biberitis ejus Sanguinem, non
habebitis vitam in vobis.* At reclamant Lutherani: ne-
gant toto illo capite vel unum esse apicem, qui de Sp-
eramento Eucharistie intelligatur. Ipsi ergo querunt
in illis, Lucæ 22. v. 19. *Hoc facite.* Sed repugnat Cal-
vinus: solis Sacerdotibus, non laicis id dictum esse i-
Christo contendit. Calvinus querit in istis, Matth.
26. v. 27. *Bibite ex eo omnes.* Sed ad eos & apostolos
ea pertinere declarat Marcus, cum addit: *Et bibe ut
ex eo omnes.* Hinc concludo: Adversarios non convi-
nire inter se de præcepto; imò, quod amplius est, cù-
ita discrepare, ut ubi alii putant se invenisse præ-
ptum, alii negent ibi esse.

3. Secundò: Nos è contrario sufficienter convinci-
mus, unam speciem licet usurpari posse. Hoc autem
convincimus auctoritate Patrum, & consensu Ecclesiarum
Patrum, qui ita sentiunt, sunt isti. Primi: Qui afferunt
Christum duobus discipulis in Emmaus porrexisse Eucha-
ristiam sub una specie, ut Hieronymus, Chrysostomus,
Augustinus, Theophylactus, & multi alii. Secundi:
Qui ajunt: tempore Apostolorum usitatam fuisse unam
speciem. Et probant ex illo, Act. 2. Erant autem per-
severantes in doctrina Apostolorum, & communicatione
fractionis panis, & orationibus. Vel, ut Styrus vertit:
Communicabant in precibus, & fractione Eucharistie.
Et ex illo, Act. 20. v. 7. Una autem Sabbathi, cum con-
venissimus ad frangendum panem. Tertiò: Qui dicunt,
post tempora Apostolorum unam speciem fuisse in usu,
ut Tertullianus, Basilus, Clemens Alexandrinus, Cy-
riacus, Hieronymus, Augustinus, Sozomenus, Nice-
phorus, & alii, quos citavi in Manuali.

CONCLUSIO II.

4. **C**hristus in novo Testamento non reliquit nobis
Eucharistiam sub utraque specie per modum
hereditatis, sed Legati testamentarij, ut fin-
gunt Adversarii. Ratio est: quia sicut Deus in veteri
Testa-

Testamento promisit Hebreis terram Chanaan per modum hæreditatis. *Psal.* 140. v. 11. & *Levit.* 20. v. 24. Ita in novo promisit nobis vitam æternam per modum hæreditatis, *ad Titum* 3. v. 7. & *Hebraor.* 9. v. 15. non autem Eucharistiam. Nec usquam legimus in Scriptura, nos esse hæredes Eucharistie, seu Carnis. & Sanguinis Christi; sed hæredes vitæ æternæ, seu regni eorum. *Roman.* 8. v. 17. & *ad Titum* 3. v. 7. & *1 Cor.* 10. v. 5. Et confirmatur: quia Manna fuit figura Eucharistie; at Manna non fuit hæreditas Hebræorum, sed cibus, seu viaticum, quo reficiebantur Hebræi, dum irent in terram Chanaan, quæ erat illorum hæreditas; ergo similiter Eucharistia non est hæreditas nostra, sed est viaticum, quo reficimur in itinere, dum tendimus ad vitam æternam, quæ est hæreditas nobis promissa.

5. Nec obstat, quod objicitur ab Adversariis: *Luc.* 22. v. 20. & *1. Corinth.* 11. v. 25, *Hic Calix novum Testamentum est in meo Sanguine.* Non enim sensus illorum verborum est iste: *Hic meus Sanguis,* qui est in hoc Calice, est novum Testamentum; id est, hæreditas testamentaria à me relata; sed longè alias, quem explicant Matth. & Marcus; cùm ajunt: *Hic est Sanguis meus, quo sanctificatur novum Testamentum.* Ubi Christus novum Testamentum opponit veteri, & suum Sanguinem sanguini hircorum, & vitulorum. Sicut enim vetus Testamentum fuit sanctum sanguine animalium; ita novum Sanguine Christi; & sicut de veteri dixit Moyses, *Exodi* 24. v. 8. *Hic est sanguis sacerdotis.* quod pepigit Dominus vobis; & Apostolus *Hebraor.* 9. v. 19. 20. Moyses accipiens sanguinem vitulorum, & hircorum, dixit: *Hic sanguis Testamenti,* quod mandavit ad vos DEUS. Ita Christus de novo: *Hic est Sanguis meus novi Testamenti.* Secundum Adversarios sic dicendum esset: *Hic Sanguis Christi est novum Testamentum,* id est, hæreditas novo Testamento relata. Item: *Hic sanguis hircorum, & vitulorum est vetus Testamentum,* id est, hæreditas veteri Testamento relata. Quod absurdissimum est.

6. **L**AICI sub una specie non accipiunt solam Carnem sed Carnem, & Sanguinem simul; immo totum Christum. Et hoc sensu docent Theologi nostris, sub una specie non minus contineri totum Christum, quam sub utraque. Ratio est: quia Christus immortalis, juxta illud Rom. 6. v. 9. *Christus resurrexit ex mortuis jam non moritur.* Ergo Caro, Sanguis, Animam, & Divinitas Christi semper manent conjuncta; proinde, cum sub specie panis sit Caro Christi, necessitatis est, etiam Sanguinem, Animam, & divinitatem, atque adeo totum Christum adesse. Ex quo ulterius sequitur: non minorem fructum percipi ex una specie, quam ex utraque. Totus enim fructus percipitur a praesenti Christi, qui non minus sub una, quam sub utraque specie praesens est. Cur ergo, inquires. Sacerdotes non sunt contenti una specie, sicut jubent Laicos contentos esse? Resp. Eucharistia non solum est Sacramentum, sed etiam Sacrificium, ut Capite sequenti demonstrabitur; igitur ratio Sacramenti salvati potest in una specie: ratio Sacrificii requirit utramque speciem. Laici ergo, qui Eucharistiam accipiunt, quatenus Sacramentum est, una specie contenti sunt. Sacerdotes autem, qui illam, id est Sacrificium offerunt, utramque speciem usurpare debent.

Prima objecatio ex Scriptura:

7. **H**USSITAE, ut dixi, objiciunt illud: *Nisi manebitis caveritis Carnem Filii hominis. & biberebis ejus Sanguinem, non habebitis vitam in eobus.* Resp. Haec verba continent quidem praeceptum de sumenda Eucharistia, non tamen de utraque specie. Nulla enim sit mentio specierum, panis, & vini, sed Carnis & Sanguinis; at Caro, & Sanguis Christi potest sumi sub una specie, ut jam explicatum est.

8. LUTHERANI objiciunt illud: *Hoc facite in memoria commemorationem.* Resp. Hoc dictum est post sumptionem panis, non autem post sumptionem calicis. Inde ergo non potest colligi praeceptum de sumptione calicis.

9. Calvinistæ objiciunt illud: *Bibite ex hoc omnes.*
 Resp. Hoc solis Apostolis dictum est, qui erant præsentes. Cum enim Christus divisisset panem Eucharisticum in varias partes, & singulis Apostolis singulas porrexisset; talix autem eo modo dividi non posset, uni ex Apostolis integrum porrexit cum hac cautione, ut nos putaret totum sibi ebendum esse, sed aliquid inde degustandum, ac deinde reliquis ordine portigendum. Itaque verba illa: *Bibite ex hoc omnes*, perinde valent, atque illa Luc. 22. v. 17. *Accipite, & dividite inter vos,* id est. Unus non exhaustat totum calicem, sed singuli aliquid bibant. Quod & factum, ut testatur Marcus: *Et biberunt ex eo omnes.* Utique illi omnes ex eo biberunt, quibus dictum erat a Christo: *Bibite ex hoc omnes.* Res clara est.

Secunda objectio ex Patribus.

10. Primum objicitur Cyprianus, qui in sermone de Cœna Domini sic habet: *Lex ejus Sanguinem prohibet, Evangelium præcipit, ut bibatur.* Resp. Cyprianus, ut probet præceptum bibendi Sanguinem, citat illud: *Nisi manducaveritis Carnem Filii hominis, & biberitis ejus Sanguinem, non habebitis vitam in vobis.* Hoc autem præceptum, ut supra dixi, non requirit utramque speciem, sed manducationem Carnis, & bibitionem Sanguinis, quæ fieri potest sub una specie panis, ut jam sæpè dictum est. Et hoc insinuat Cyprianus, cum addit: *Potus, & ejus ad eandem pertinent rationes.* Quasi dicat: Idem est manducare Christum, & bibere Christum. Qui ergo manducat illum sub una specie, non solum manducat Carnem, sed etiam bibit Sanguinem ipsius; ac proinde satisfacit præcepto Evangelico, de quo loquitur Cyprianus.

11. Secundum: Objicitur Chrysostomus hom. 18. in posteriorem Corinth. ubi ait: *Est autem, ubi nihil differt Sacerdos à subdito, ubi? quando fruendem est horrendis mysteriis.* Similiter enim omnes, ut illa percipiuntur, digni habemur. Non sicut in lege, partem quidem Sacer-


Sacerdos comedebat, partem autem populus; & non licet bat populo participem esse eorum, quorum particeps erat Sacerdos. Sed nunc non sic: verum omnibus unum Corpus proponitur, & unum poculum. Resp. Nulla hic sententio praecepti sub utraque specie. Nec Chrysostomus disputat ibi de tali praecepto, sed solum assignat differentiam inter sacrificia veteris, ac novae Legis. Nam in veteri Sacerdos unam sacrificii partem, populus alteram comedebat. In nova totum sacrificium, quod ad victimam, quae offertur, attinet, aquæ à populo atque à Sacerdote participatur. Utique, tam populo quam Sacerdoti, totus Christus secundum Carnem, & Sanguinem manducandus. & bibendus proponitur. Nemo hoc negat. Nec aliud vult Chrysostomus; quod autem addit: *Omnibus unum Corpus proponitur. & poculum unum.* Non debet intelligi de speciebus Sacramentalibus, sed de Carne, & Sanguine Christi. Non enim sensus est: omnibus, tam Laicis, quam Sacerdotibus proponi eandem speciem panis, & eandem speciem vini; quia hoc falsum est, cum singuli accipiant partes panis, & vini consecrati inter se realiter distinctas: sed omnibus proponi eandem Christi Carnem, & eundem Sanguinem; ita ut Sacerdos nihil Carnis, aut Sanguinis percipiat, quod non etiam percipient Laici. Et in haec re ponit discrimen inter utriusque Legis populum, & Sacerdotes.

12. Tertiò: Objicitur Leo Papa serm. 4. de Quadragesima, ubi de Manichæis ita scribit: *Ore indigno Christi Corpus accipiunt, Sanguinem autem redemptionis nostræ baurire omnino declinant.* Resp. Leo non damoto communionem sub una specie in Catholicis, qui eam legitimè tunc usurpabant; sed in Manichæis, qui ex saeptilega superstitione abstinebant à calice etiam in consecratione tum, quia putabant vinum esse fæl draconis: tum, quia negabant Christum esse verè mortuum, & verum Sanguinem effudisse. Vide, quæ diximus in Manuali.

13. Quartò: Objicitur Gelasius Papa, qui apud Gratian. cap. comperimus de Conf. dist. 2. sic habet: Comperimus, quod quidam sumpta tantummodo Corporis sacræ portions, à calice sacri Crucis abstineant. Qui procul dubio, quoniam nescio, qua superstitione docentur abstinenti, aut Sacraenta integra percipient, aut ab integris arcentur; quia divisio unius & ejusdem mysterii finit grandi sacrilegio non potest provenire. Resp. Hæc objecatio est similis præcedenti. Gelasius non reprehendit Catholicos à calice abstinentes, sed Manichæos, qui ex superstitione abstinebant in sacrificatione:

Tertia obiectio ex ratione:

14. Quæ talis est: Omnes Hebrei in deserto biberunt aquam de petra, 1. Corinth. 10. v. 4: Ergo etiam omnes Christiani debent bibere de Sanguine Christi; nam aqua illa fuit figura hujus Sanguinis. Respondeo. Hoc ipso argumento convincam Adversarios; nam si illa aqua fuit figura Eucharistie, faveret uni speciei, non duabus. Nota: varias fuisse figuræ Eucharistie. Primo: Panem, & vinum Melchisedech. Secundo: Panes propositionis. Tertio: Panem subcinericum Heliae. Quartò: Manna. Quinto: Aquam de petra. Sexto: Agnum Paschalium. Septimo: Sacrificia Mosaica. Omnes hæc, excepta prima, repræsentant Eucharistiam sub una specie. Adversarii autem non agnoscunt primam figuram; ergo secundum ipsos, nulla est figura, quæ repræsentet utramque speciem. Cùm autem inferunt: Omnes Hebrei biberunt aquam de petra; ergo omnes Christiani debent bibere Sanguinem Christi; libenter hoc admittimus. At inde non convincitur necessitas utriusque speciei; nam Christiani sub una specie possunt comedere Carnem Christi, & bibere ejus Sanguinem, ut sèpè dictum est;



C A P U T X.

De sacrificio Missæ.

1. **S**acrificium est externus cultus, qui ex interno affectu soli Deo exhibetur. Ad hunc cultum res quiruntur quinque. **Prius**: Minister, qui offerit sacrificium. **Secundus**: Materia. **Tertius**: Forma. **Quartus**: Locus. **Quintus**: Finis. Minister, est Sacerdos. Materia, est res sensibilis, quæ offertur Deo. Forma, est consumptio, vel mutatio rei oblatæ. Locus, in quo fit sacrificium, est Altare. Finis potest esse quadruplex. **Primus**: Recognitio supremi dominii, quod Deus in nos habet. **Secundus**: Cratiarum actio pro beneficiis acceptis. **Tertius**: Novorum beneficiorum petitio. **Quartus**: Expiatio peccati. Hinc solet distingui quadruplex sacrificium. **Primus**: Latreuticum, quo testamur nos esse servos Dei, cui omnia debeamus. **Secundus**: Eucharisticum, quo ostendimus nos gratios pro acceptis beneficiis. **Tertius**: Imperatorium, quo petimus nova beneficia. **Quartus**: Propitiatorium, quo studeamus placare Deum, ut nobis condone peccata nostra.

2. **Porro**: cum triplex hominum status spectari possit ab orbe condito ad nos usque, nempe, status naturæ, status Legis Mosaicae, & status gratiarum, seu Evangelii; hinc sit, ut distinguantur etiam triplicia sacrificia: *alia* legis Naturæ; *alia* legis Mosaicae; *alia* legis Evangelicae. In lege Naturæ fuerunt sacrificia Abel, Noë, Abram, Melchisedech, Isaac, Jacob, Job. In lege Mosaica, victimæ, libamenta, immolationes, item holocausta, hostiae pro peccato, hostiae pacificæ. In lege Evangelica duplex est sacrificium: *Unum* cruentum, quo Christus in ara Crucis Deo Patri oblatus est pro expiatione peccatorum nostrorum. *Alterum* inferuentum, quo idem Christus quotidie sub specie panis, & vini offertur in altari in memoriam sacrificii cruentis. Utrumque præfiguratum fuit per sacrificia legis Naturæ, & Mosaicae.

3. His

3. His positis quæstio est: An sacrificium incruentum, quod nos sacrificium Missæ appellamus, sit propriè, & verè sacrificium i Adversarii, qui rem ipsam negare non audent, suo more de nomine altercantur. Concedunt celebrationem Eucharistiae, quæ à Christo instituta est; negant, propriè vocati posse sacrificium. Nos affirmamus: Sententia nostra variis modis probari potest. Primi: Ex typis, seu figuris veteris Testamenti. Secundi: Ex vaticinio Malachiae. Tertiū: Ex colloquio Christi cum Samaritana. Quarti: Ex Apostolo Paulo. Quinti: Ex consensu Sanctorum Patrum. Hinc sumo totidem argumenta.

4. *Primum*: In veteri Testamento fuerunt tres potissimum figuræ, seu umbræ celebrationis Eucharistiae. *Prima*: Oblatio panis, & vini à Melchisedech facta. *Secunda*: Celebratio Agni Paschalis. *Tertia*: Iuge sacrificium. Atqui illæ tres figuræ erant vera sacrificia; ergo etiam celebratio Eucharistiae est verum sacrificium. Consequentia probatur: quia umbra, seu figura, qualis, in suo genere imperfectior est, quam id, cuius est umbra, seu figura; ergo quidquid perfectionis est in umbra, seu figura, multò eminentius debet esse in eo, cuius est umbra, seu figura; sicut quidquid perfectionis est in rudi delineatione imaginis, multò eminentius est in ipsa imagine jam perfecta. Jam vero esse sacrificium, est quædam perfectio, quam fuit in umbra, seu figura celebrationis Eucharistiae; ergo multò magis debet esse in ipsa celebratione Eucharistiae.

5. *Secundum*: Malachias Propheta cap. 1. v. 7. & sequentibus prædicti fore, ut in novo Testamento offeratur Dño mundum sacrificium in omni loco, quod præferendum sit sacrificiis Mosaicis, quæ sœpè erant immunda. Nam de his in persona Dei sic loquitur: *Offeratis super altare meum panem pollutum.* Item: *Offertis eucum, claudum, & languidum ad immolandum.* De illo autem: *In omni loco sacrificatur, & offertur nomen meo oblatio munda.* Quæ illa munda oblatio i Corpus, & Sanguis Christi sub specie panis, & vini, ut inter pretantur Sancti Patres.

6. *Tertium*: Christus in colloquio cum mulier Samaritana ait hoc discrimen esse inter sacrificium iudaicum, Samaritanum, & Christianum; quod duo priora fuerint certo loco alligata, tertium in omni loco offerri possit. Deinde, quod duo priora fuerint vitiata, tertium non item. Loquitur autem de sacrificio proprio dicto; ergo Christiani habent aliquod sacrificium propriè dictum, quod in omni loco offerri potest. Hoe verò non est sacrificium Crucis cruentum, quod semel tantum, & uno loco oblatum est; ergo est sacrificium Eucharistiae incruentum, quod quotidie in variis locis offertur. *Ioan. 4. v. 19.* Vide Maldonatum ibid.

7. *Quatum*: Apollolus 1. *Corint.* 10. 5. 15. agnoscit triplicem mentem, seu triplex altare. *Unum*, in quo Gentiles sacrificant idolis, seu dæmoniis. *Alterum*, in quo Judæi offerunt Deo victimas ex animalibus. *Tertium*, in quo Christiani offerunt Corpus & Sanguinem Christi sub specie panis, & vini. At quorsum? Ut probet Corinthios debere abstinere ab idolothytis, id est, à carnibus, quæ idolis, seu dæmoniis oblatæ sunt. Hoe sic probat: Qui comedunt de victimis, quæ in altari idololatrico immolatae sunt idolis, ille est participes altaris, & sacrificii idololatrici, & consequenter est culpator idolorum; sed vos, cùm sitis Christiani, non debetis esse participes sacrificii idololatrici, neque cultores idolorum: *Fugite*, inquit, *ab idolorum cultura*. Ergo non debetis comedere de victimis, quæ immolatae sunt idolis. Majorem confirmat à simili, quia Christiani, qui sumunt Corpus, & Sanguinem Christi, sunt participes altaris, & sacrificii Christi; & Judæi, qui comedunt de victimis Mosaicis, sunt participes altaris, & sacrificii Mosaici; ergo similiter, qui comedunt de victimis idololatrici. At nemo potest simul esse participes altaris Christi, & idolorum; ergo si vultis esse participes altaris Christi, debetis abstinere ab altari idolorum.

8. *Quintum*: Antiqui Patres tam clare loquuntur de sacrificio Eucharistiae, ut nemo de ipsorum sententis dubitare possit. Quod variis modis ostendo: *Primo*: Quia usurpant has voces: *Sacrificium*, *Oblatio*, *Hoffatio*.

Victima, Offerre, Sacrificare, Immolare. Secundū: Requirunt altaria ad celebrandum Eucharistiam. Altaria autem non eriguntur, nisi ratione sacrificii. Tertiū: Ministros, qui Eucharistiam offerunt, vocant Sacerdotes. Proprium autem munus Sacerdotum est, offerre sacrificium. *Hebr. 5 v. 1. & Hebr. 8 v. 3.* Quartū: Ajunt Melchisedechum fuisse verum Sacerdotem. & obtulisse panem, & vinum in sacrificium: Et hoc modo præfigurasse incruentum sacrificium, quod Christus sub specie panis, & vini instituit in ultima Cœna, cāmque ob causam, Christum in Scriptura vocari Sacerdotem secundū ordinem Melchisedech. Denique variarium Malachiae, de quo suprà dixi, interpretantes de sacrificio Eucharistiae. Testimonia Patrum invenies apud Bellarminum lib. 1. de Missa cap. 15. & sequentibus. Nec opus est hoc transcribere, quia Advertarī fatentur, Patres nobiscum sentire, præsertim Lutherus in lib. de Missa privata. Calvinus lib. 4. institut. cap. 15. s. 1. & 12. Kemnitius in Examine Concil. Trid. & alii.

Objectiones Adversariorum.

1. **P**rimā: Sacrificium debet offerri DEO, non autem comedī ab hominibus. At Eucharistia comeditur ab hominibus; ergo non est sacrificium.
Resp. Major, quoad posteriorem partem; falsa est; nam Agnus Paschalis erat verum sacrificium, & tamen comedebatur ab Hebreis. Similiter hostiæ pacificæ erant sacrificia, & tamen pars earum cedebat in ulrum Sacerdotum, & offerentium.

2. **S**econdā: Id, quod est Sacramentum, non potest simul esse sacrificium. At Eucharistia est Sacramentum; ergo non potest simul esse sacrificium. Major probatur: Quia Sacramentum, & sacrificium opponuntur; nam in Sacramento accipimus aliquid à DEO, in sacrificio damus aliquid DEO. At ratio accepti, & ratio dati non possunt simul in una, eadēque re consistere. *Resp.* Major falsa est, etiam ex adversariorum concessione; nam Pleissæus Calvinista l. 12. de Euck. c. I.

expressè ait: Agnum Paschalem fuisse simul Sacramen-
tum, & sacrificium. Qnod etiam ex Scholasticis docet
D. Thomas, & alii plures. Nec obstat, quod in Sacra-
mento accipimus aliquid à Deo, & in sacrificio aliquid
offerimus Deo; quia hæc duo possunt simul consistere,
ut jam ostensum est in Agno Paschali. Et sancè, si id
quod à Deo accipimus, non liceret offerre Deo, nul-
lum foret sacrificium, juxta illud I. Paralip. 29, v. 14:
*Tua sunt omnia, & qua de manu tua accepimus, dedi-
mus tibi.*

11. *Tertia:* Christus, quando instituit Eucharistiam,
non dixit: *Offerte*, sed *comedite, & bibite*. Ergo Eu-
charistia de institutione Christi non est sacrificium, sed
Sacramentum tantum, *Resp.* Tametsi non sit usus illo
vocabulo, *Offerte*, usus tamen est alio æquipollente;
cum dixit: *Hoc facite in meam commemorationem*, id
est: posthac celebrate Eucharistiam, quam nunc insti-
tuo pro gratiarum actione, in memoriam meæ mortis,
quam pro vobis, & coto humano genere subiturus sum.

12. *Quarta:* Christus est Sacerdos in æternum;
ergo nullum habet Successorem, aut Vicarium in Sacer-
dotio. Nulli ergo nunc sunt Sacerdotes in terris, ac
proinde nec sacrificia. Et confirmatur ex Apostolo.
Hebr. 7. ubi dicit: ideo in veteri Testamento fuisse
plures Sacerdotes, quorum unus alteri succedit, quia
singuli erant mortales; Christus autem est immortalis,
ideoque non indiget Successoribus, & Vicariis, *Resp.*
Aliud est, esse Successorem alterius: aliud esse Minis-
trum, seu Vicarium; nam Successor est ejusdem digni-
tatis, & potestatis cum eo, cui succedit; non autem
Minister, aut Vicarius cum eo, cuius Minister, aut Vi-
carius est. *Rursum*, Successor nonnisi post mortem,
aut depositionem alterius constitutus at Minister, seu
Vicarius solet constitui, dum adhuc vivit is, cui sub-
servit. Utrumque patet in Rege: Is, quamdiu vivit,
& in officio manet sine abdicatione, non habet Succes-
sorem; potest tamen habere Ministros, aut Vicarios,
qui ipsi subserviant. Idem est de Christo: Non habet
Successorem in Sacerdotio cum pari potestate, quia
semper

semper vivit, ut recte argumentatur Apostolus. Habet
tamen Ministros, seu Vicarios, qui ipsi subserviunt in of-
ficio sacerdotali, ne tempe Dispensatores Mysteriorum Dicit.

13. *Quinta*: Sacrificium Crucis habet vim infinitam; ergo non indigemus alio sacrificio; ergo multiplicare tot sacrificia Missæ nihil aliud est, quam negare virtutem, & sufficientiam sacrificii Crucis. *Resp.* Sacrificium Crucis habet infinitam vim sanctificandi homines, nec opus est alio sacrificio Crucis, aut ejusdem sacrificii repetitione. *Vel* (quod idem est) non est opus, ut alias Christus pro nobis moriatur, aut ut idem Christus saepius moriatur; nam semel moriendo sufficiens satisfacit Deo Patri pro nobis. *Hebr* 9. v. 28. & *Cap.* 10. v. 14. Duo tamen necessaria sunt: *Unum*, ut simus memores illius tanti beneficij. *Alterum*: ut fructus illius beneficij nobis applicetur. Utrumque fit per Sacrificium Missæ, & alia media a Deo ordinata.

C A P U T XI.

De Purgatorio.

1. *Questio* 1: An sit aliquis locus, in quo animæ Justorum, quæ in hac vita sufficienter purgatae non sunt, purgentur post hanc vitam, antequam ad coelestem gloriam admittantur. *Lutherani*, & *Calvinistæ* negant. *Catholici* afferunt. Et probant 4. potissimum argumentis. *Primum* sumitur ex suffragiis viventium pro mortuis. *Alterum* ex eo, quod remissa culpa mortali, non semper remittatur tota poena illi debita. *Tertium* ex eo, quod justi aliquando moriantur cum peccatis venialibus. *Quartum* ex Scriptura, & Patribus. Singula explicanda sunt, ac deinde objections Adversariorum diluendæ.

2. *Primum* igitur argumentum est tale: Fideles in hac vita recte, ac utiliter orant pro defunctis; at non orant pro illis, qui sunt in cœlo, vel in inferno;

mo; ergo pro illis, qui sunt in Purgatorio; ergo datur Purgatorium; Major probatur dupliciter. Primo: Ex Scriptura. Deinde ex praxi, & consuetudine Ecclesiae. Ex Scriptura habemus luculentum testimonium lib. 2. Machab. cap. 12. v. 42. ubi Judas Machabaeus iustit offerti sacrificium pro defunctis. Et factum est ibi approbatur his verbis: Sancta ergo, & salubris cogitatio pro defunctis exorare, ut a peccatis solvantur. De praxi, & consuetudine Ecclesiae scribit S. Augustinus in lib. de Cura pro mortuis, cap. 1. In Machabaeorum (inquit) libris legimus oblatum pro mortuis sacrificium. Sed etiam nusquam in Scripturis veteribus legeretur, non pars tamen est universa Ecclesia, qua in hac consuetudine claret, authoritas; ubi in precibus Sacerdotis, qui Domino DEO ad ejus altare funduntur, locum suum habet etiam commendatio mortuorum. Et ibidem c. 4. Non sunt prætermittenda supplicationes pro spiritibus mortuorum, quas faciendas pro omnibus in Christiana, & Catholica societate defunctis suscepit Ecclesia.

3. Secundum: Sæpè fit, ut homo, qui peccavit mortaliter, liberetur a culpa mortali, & consequente a reatu poenæ aeternæ, & tamen maneat obnoxius alii, cui poena temporalis; ergo, si antequam exsolvat illam poenam, decedat ex hac vita, debedit illam exsolvere Purgatorio. Hic discursus fundatur in eo, quod Deus remittat aliquando peccatum mortale, & reatum poenæ aeternæ; ita tamen, ut velit hominem, cui remissio facta est, punire aliqua poena temporali, non solum in cautelam, sed etiam in vindictam peccati præteriti, ut Justitia aliquomodo satisfiat. Sicut Rex aliquando condonat reo offenditam, & poenam capitam, quam meritus est; & tamen, ne omnino videatur neglegta Justitia publica, vult illum per aliquod tempus exiliō, vel carcere puniri. Quod variis Scripturæ exemplis probari solet. Primo: Quia Moyies. & Aaron, ob peccatum incredulitatis, quod illis remissum erat, adhuc puniti sunt morte corporali, ante ingressum in Terram promissionis. Num. 28. v. 12. & Deut. 34. v. 4. Secundum: Quis

Quia David post impetratam veniam adulterii, & homicidii punicus est morte filii. 2. Reg. 12. v. 14. **Tertium:** Idem David, cum rogasset DEUM pro remissione peccati superbiæ, obtinuit quidem remissionem, sed tamen proposita est illi triplex pœna, ut unam eligeret in vindictam peccati jam antea condonati. 2. Reg. 24. v. 12. Omiteo similia exempla. Vide Augustinum Tract. 124. in Joannem. Et in enarratione Psalmi 50. circa illum versiculum: *Ecce enim veritatem dilexisti.*

4. Tertium: Aliquando etiam contingit, ut homo justus moriatur cum peccatis quibusdam venialibus (præsertim si subitanea morte præveniatur, neque habeat spacium cogitandi, aut dolendi de hujusmodi peccatis) & sic maneat obnoxius pœnæ temporali, quæ illis peccatis debita est. Certè in tali casu non potest admitti ad cœlestem gloriam, nisi priùs liberetur à peccatis venialibus, & reatu pœnæ temporalis, quæ illis debetur. Apocul. 21. v. 27. Non liberatur autem in hac vita ex suppositione; ergo post hanc vitam: non in celo, nec in inferno, ergo in Purgatorio.

5. Quartum: Varia sunt testimonia Scripturæ, ex quibus Sancti Patres probant Purgatorium. **Primum:** Matth. 12. v. 32. *Qui dixerit contra Spiritum Sanctum, non emittetur ei neque in hoc seculo, neque in futuro.* Ex quo colligitur aliqua esse peccata, quæ remittuntur in futuro seculo, ut argumentatur S. Augustinus lib. 12. de Civitate Dei cap. 24. **Secundum:** Luc. 23. v. 42. *Dicebat Iustus ad Iesum: Domine memento mei, cum veneris in regnum tuum.* Quod sane non dixisset, nisi putasset Christum posse ipsi post hanc vicam peccata remittere; ut ait idem Augustinus lib. 6. contra Julianum cap. 15. **Tertium:** 1. Corinth. 3. v. 15. *Ipse autem salvus erit: sic tamen, quasi per ignem.* Quod de igne Purgatorio interpretatur idem Augustinus in Psalm. 37. huius post initium, & alibi saepius. **Quartum:** 1. Corinth. 15. v. 29. *Alioqui quid facient, qui baptizantur pro mortuis, si omnes mortui non resurgent?* Ubi baptizari pro mortuis idem est, quod sponaneas afflictiones pro illis suscipere, ut i. Purgatorio lib. rentur, ut explant magni Authores. M 5 Obje-

Objecções Adversariorum.

6. Prima: Scriptura docet duo tantum esse loca amarum post hanc vitam: unum beatitudinis in cœlo, alterum damnationis in inferno. Matth. 25. v. 46. *Ibunt hi in supplicium aeternum, justi autem in vitam aeternam.* Resp. Post diem iudicij erunt tantum duo ista loca pro adultis, ut patet ex citato textu. At nunc, sicut etiam in veteri Testamento plura sunt. E certe, si duo tantum essent, dicant. obsecro, Adversarii ubi fuerint animæ eorum, qui post mortem iterum resuscitati sunt ad vitam? Quo pacto ab Elia resuscitatus est filius viduæ Sarpeanæ; ab Eliæo, filius Sunamiticidis; à Christo, filius viduæ in Naim; filia Jairi, Principis Synagogæ; Lazarus in Bethania; ab Apostolo Petro. Tabitha; à Paulo. Eutiebus adolescentis; Ubi, inquam animæ horum fuerunt, antequam ad vitam revocarentur? Non in inferno, quia ibi nulla est redemptio; nec in cœlo, quia alioqui non fuisset beneficium, sed poena. Si ex cœlesti beatitudine debuissent redire ad hanc vitam mortalem. Super est ergo fuisse in alio loco, qui ab utroque distinguebaruntur.

7. Secunda: Scriptura docet, justos post hanc vitam statim admitti ad cœlestem gloriam, nulla facta mentione Purgatorij. Luc. 23. v. 43. *Hodie mecum eris in Paradiſo.* Et Phil. 1. v. 23. *Cupio dissolvi, & esse cum Christo.* Resp. Scriptura ibi non loquitur de omnibus justis, sed de aliquibus. Nam, qui nihil purgandum habent, statim post hanc vitam admittuntur ad cœlum, verum est. Qui autem habent aliquid expiadendum, admittuntur suo tempore, sed quasi per ignem; ut ex Apostolo, & August. dictum est. Nec obstant testimonia ex Scriptura citata; nam illud *Hodie mecum eris in Paradiſo*, fuit singulariter privilegium concessum latroni, cui Christus liberaliter condonavit omnia peccata sine ulteriori obligatione poenæ temporalis post mortem; quod non sequitur omnibus concedi. Ex illo etiam: *Cupio dissolvi, & esse cum Christo;* nihil aliud potest colligi, quam Apostolum habuisse magnum desiderium vivendi cum Christo, quod & nos habere possumus; præsertim, si cum eadem Apostolo veraciter asseramus: *Castigo corpus meum.* & in servitatem redigo.

CAPUT XII.

De vocatione Ministrorum Ecclesiæ.

POpulus Dei, tam in veteri, quam in novo Testamento duobus modis regi, ac gubernari solet.
Primi: In rebus politicis. Hoc fit per Reges, Principes, & alios Magistratus seculares. **Secundi:** In rebus Ecclesiasticis. Hoc fit per Ministros Ecclesiæ. de quibus nunc agimus. In utroque gubernandi genera necessaria est legitima vocatio; nam neque in rebus politicis, neque in Ecclesiasticis potest aliquis usurpare regimen, nisi legitimè ad hoc vocatus, & deputatus sit. Et si qui aliter faciant in politicis, appellantur tyranni: si in Ecclesiasticis, fures, & latrones, juxta illud Joan. 10. v. 1. *Qui non intrat per ostium in obile odium, surgit, & latro.*

2. Hoc loco, relicta Regum, ac Principum secularium vocatione, solum agam de vocatione Ministrorum Ecclesiæ, quæ duplex est: Una ordinaria, quæ fit à Deo mediante consensu, & cooperatione hominum. Altera extraordinaria, quæ immediatè fit à solo Deo. Agam primò de vocatione Ministrorum veteris Testamenti. Secundò: De vocatione Ministrorum novi Testamenti. Tertiò: Ostendam ministros Lutheranos, & Calvinianos non esse legitimè vocatos.

De vocatione Ministrorum veteris Testamenti.

Igitur Ministri veteris Testamenti, qui ordinariè vocabantur ad ministerium Synagogæ, erant triplices. **Primi:** Pontifex, seu summus Sacerdos. **Secundo:** Alli Sacerdotes inferiores. **Tertiò:** Levites. In illorum vocatione quinque spectari poterant. **Primi:** Eleccio, seu designatio certæ personæ. **Secundò:** Purificatio praecedens Consecrationem. **Tertiò:** Ipsa Consecratio. **Quartò:** Applicatio ad usum, seu exercitium ministerii. **Quintò:** Potestas, & officium.

4. *Electio*, seu designatio personæ fiebat per ~~exp~~
malem successionem; nam filii succedebant parentibus
ut Aaroni Eleazar, Eleazar Phineas, & sic deinceps
Ecclesi. 45. v. 7. *Purificatio* fiebat certis ritibus à D^eo
præscriptis, cujusmodi erant: *Aspersio aquæ lustralis*
zacio pilorum, lotio corporis, & vestium, oblatio iu-
eritificii pro peccato, *Num. 8. v. 6.* *Exodi 29. v. 4.* *Com-*
secratio Pontificis, & Sacerdotum erat huiusmodi
Primò: Pontifex ornatus Pontificali. & Sacerdotes
sacerdotali inducebantur. *Secundò*: Pontifex ungibus
oleounctionis in capite, non item Sacerdotes. *Tertii*:
Tam Pontifex, quam Sacerdotes in extremo auricula
dexteræ, & in pollice manus, ac pedis dexteri tinyeban-
tur sanguine arietis immolati. *Quartò*: Vests eorum
aspergebantur sanguine arietis, & oleo unctione.
Quintò: Ex canistro panum, & ex ariete immolato dr-
bantur illis aliquis in manus, ut ea levarent coram D^eo.
Q^{uo} signo non solùm dabatur illis potestas sacrificandi
sed simul applicabantur ad usum ministerii. Hæc omnia
habentur *Exodi 29. v. 4.* & sequentibus. Cæterum
ut major esset solennitas hujus actionis, triplex offe-
rebatur sacrificium: Holocaustum, hostia pacifica, &
hostia pro peccato. *Exodi 29. v. 1.* & *Levit. 9. v. 2.*

5. Supereft potestas, & officium: Pontifex habebat
quædam officia communia cum aliis Sacerdotibus
quædam propria. Hujusmodi erant quatuor: *Primum*:
Semel in anno, nempe in solennitate expiationis, in-
troire in Sanctuarium, seu in Sancta Sanctorum. *Hebre-*
9. v. 7. & instituere publicam totius populi expiatio-
nem ab omnibus peccatis toto anno contractis. *Levit. 19.*
Alterum: Consecrare Sacerdotes, & Levitas. *Exodi 39.*
Levit. 8. & *Numer. 8.* *Tertium*: In controversiis le-
galibus agere supremum Judicem. *Deut. 17. v. 12.* &
2. Paralip. 19. v. 11. *Quartum*: In rebus magni mo-
menti consulere Deum, quid agendum. *Num. 27. v. 11.*

6. Hæc de ordinaria vocazione. Extraordinarii
vocabantur illi, qui à solo D^eo sine ministerio aliorum
hominum, mittebantur ad docendum, reformatum,

& arguendum populum. Quo pacto mīhi sunt Moyes, Helias, Helisæus, & alii Prophetæ. Erat autem necesse, ut qui hoc modo dicebant se missos esse à Dgo tertis, & evidētibus signis confirmarent suam missiōnem, alioqui populus non credidisset ipsi, sed pro impostoribus habuisset. Quod facietur Moyes de scipio. Cū enim Deus dixisset illi: Veni, & mittante; Respondit Moyes: Non credent mihi, neque audient vocem meam, sed dicent: Non apparuit tibi Dominus. Exodi 3. v. 10. & cap. 4. v. 1.

7. Dupliciter autem probabant, se à Dgo missos esse. Primi: Per miracula. Sic probavi Moyes, quando virgam in serpentem mutavit, & aquam in sanguinem convertit. Sic Samuel, Helias, Helisæus, & alii. Secundi: Per veracem prædictionem futurorum, quæ brevi erant eventura. Quo pacto Helias prædictit, tribus proximis annis non fore pluviam. 3. Reg. 17. v. 1. Michæas Regem Achab infeliciter pugnaturum in Ramoth Galaad. 3. Reg. 22. v. 17. Elisæus post unum diem fore magnam annonæ vilitatem. 4. Reg. 7. v. 1. Iffaias, proximô anno fore abundantiam frugum; sequenti, pomorum copiam; tertio, plenam messem, & vindemiam. cap. 37. v. 30. Et quia hæc omnia evenierunt eo modo, quo Prophetæ prædixerant; ideo magnam autoritatem apud populum sibi conciliabant, & se verè à Dgo missos esse persuadebant. Sicut è contrario, quia non eveniebant ea, quæ à falsis Prophetis prædicabantur, nulla illis fides habebatur. Et hoc signe discernendum esse inter veros, & falsos Prophetas constat. Deut. 18. v. 22.

De vocatione Ministrorum novi Testamenti.

PRÆCIPUI Ministrorum novi Testamenti sunt Pontifex, Episcopi, Presbyteri, seu Sacerdotes, quorum nomine intelliguntur etiam Pastores, seu Parochi. Igitur, quod ad ordinariam eorum vocationem attinet, eadem sere in ea spectari debent, quæ in vocatione Ministrorum Legis Mosaicæ. Primo: Elección, seu designatio certæ personæ, quæ sit per suffragium Clericorum,

Cleri, cujus est, idoneas personas eligere ad ministerium Ecclesiasticum. **Secundò:** Purificatio, quæ postissimum consistit in puritate animi, in probitate virtutis, in doctrina fidei, & aliis virtutibus, quas Apostolus requirit i Episcopis. **Tertiò:** Consecratio, seu ordinatio, quæ fieri debet ab Episcopo per manuum impositionem, sicut semper in Ecclesia fuit usitatum. **Quartò:** Applicatio ad usum ministerii, quam nos in nova Lege vocamus Missionem. Hæc fit a Prælatis Ecclesiæ, qui Ministri jam consecratis assignant subditos, quos gubernent. **Quintò:** Potestas, & officium. Et quidem Episcopi habent quædam officia communia cum Sacerdotibus, ut baptizare, Eucharistiam confidere, absolvere a peccatis Extremam Unctionem dare, Evangelium prædicare i quædam propria, ut Sacramentum Confirmationis conferre, Ministros Ecclesiæ ordinare, & similia.

9. Extraordinariè vocati sunt Apostoli ad prædicandum Evangelium, & Sacraenta administranda. Qui etiam, ut supra dixi de Moysè, & Prophetis, suam vocationem multis signis, ac miraculis, toti mundo debuerunt contestari. Marc. 16. v. 20. Prædicaverunt ubique Domino cooperante, & sermonem confirmante subsequentibus signis. Imò, quod amplius est, nec Christus potuit aliter persuaderè, a Deo Patre se missum esse, nisi per miracula. Habebat quidem pro se vaticinia Prophetarum, Luc. 24. v. 27. Habebat testimonium Joannis Baptiste: Ecce Agnus DEI. Habebat vocem Patris cœlestis: Hic est Filius meus dilectus. Et tamen inter tot missionis suæ præsidia, adhuc opus erat miraculus. Joan. 10. v. 37. Si non facio opera Patris mei, nolite mihi credere: si autem facio, & si mihi non vultis credere, operibus credite, &c.

*Quod Lutherani, & Calviniani Ministri non
sunt legitimè vocati.*

10. **H**oc primò ostendam de ipso Luthero, qui est quasi Pater omnium Ministerorum adversus partis in præsentí. Deinde de alijs, qui illum secuti sunt, & adhuc sequuntur. Igitur de Lutheris sunt

sunt discrepantes sententiae. Aliqui assertunt ordinariè vocatum à Dño, mediante potestate. & consensu Prælatorum Ecclesiæ. Alii extraordianariè à solo Dño. Alii partim ordinariè, partim extraordianariè. Ordinariè quidem, ad prædicationem Evangelii: Extraordianariè autem, ad reformationem Ecclesiæ. Hinc triplex emergit quaestio,

11. *Prima*: An Lutherus ordinariè vocatus sit? Aliqui Lutherani affirmant, quia in Ecclesia Catholica fuit legitimè ordinatus in Sacerdotem & admissus ad prædicationem Evangelii, quæ duo sufficiunt ad ordinationem vocationem. Hi supponunt, Ecclesiam Catholicam habere legitimam potestatem ordinandi veros Sacerdotes, & mittendi ad executionem ministerij. Hoc accipimus, nam inde sequitur, Ecclesiam Catholicam esse veram Ecclesiam, in qua est verum sacerdotium, & cui à Christo data est potestas ordinandi, & mittendi; Ego de Luthero sic statuo, ordinariè, & legitimè vocatum esse ad ministerium, quod exercuit in Ecclesia Catholica ante defensionem; non tamen ad ministerium, quod exercuit in Ecclesia Lutherana post defensionem. Tunc enim cœpit oppugnare Ecclesiam Catholicam, in qua antea vixerat; cœpit aliter docere, quam antea docuerat; cœpit obrogare festa, jejunia, vota monastica, orationem pro defunctis, sacrificium Missæ, quæ antea approbaverat. Haec non potuit facere per potestatem, quam accepérat in Ecclesia Catholica; quia Episcopus non dedit illi potestatem in destructionem Ecclesiæ, in qua erat Episcopus; ergo vel non habuit talem potestatem, vel si habuit, aliunde debuit accipere. At i quod Explicent hoc Lutherani, qui volunt ordinariam ipsius vocationem defendere.

12. *Secunda* quaestio: An Lutherus extraordianariè vocatus sit? Aliqui affirman, quia vident ordinariam ipsius vocationem defendi non posse. Sed contra: nam qui hactenus in veteri, vel novo Testamento extraordianariè à solo Dño vocati, & missi sunt: debuerunt suam Missionem evidenti signo, vel miraculo apud populum comprobare, sicut fecerunt Apostoli. & Propheta;

phetis; & qui id facere non potuerunt, pro falsis Propheticis, & impostoribus habiti sunt, ut supra ostensum est. At Lutherus nunquam potuit evidenti miraculo probare, se extraordinariè a solo Deo missum esse ergo, &c.

13. Aliqui respondent, non opus esse novis miraculis; quando non adfertur nova doctrina. Lutherum non attulisse novam doctrinam, sed antiquam, & Apostolicam; ergo non fuisse necessarium, ut illam novis miraculis confirmaret. Sed frustra. *Primo*: quia ne Christus adserebat novam doctrinam, quando proponebat Judæis doctrinam Moysis, & Prophetarum de Messia; & tamen ad eam populo persuadendam opus erat novis miraculis. Idem dico de Helis, Jeremia, & aliis Prophetis. Nihil novi adferebant, sed revocabant populum ab idolatria ad verum Dei cultum, qui erat antiquissimus. *Secundo*: Falsum est: Lutherum nihil novi attulisse. Attulit novam Ecclesiæ reformationem, ut Lutherani fatentur. Attulit nova dogmata, quæ tempore Ecclesiæ primitivæ fuerunt inaudita. Certe novum est, affirmare omnes Traditiones repudiandas esse, cùm dicat Apostolus: *Teneite Traditiones*. Novum est, duo tantum esse Sacra menta; non esse orandum pro mortuis, infantes in Exorcismo habere actum fidei Corpus, & Sanguinem Christi esse ubique, totam Ecclesiam jam multis seculis errasse; antiquos Patres multa falsa docuisse; Lutherum suam doctrinam habere de cœlo; liberum arbitrium esse titulum sine re. Haec nova sunt, non Apostolica. Ad ea populo persuadenda, novis miraculis opus est.

14. Alii respondent, sufficiente miraculum esse, quod statim à principio infiniti propè homines Lutheri doctrinam amplexi sunt. Hinc etiam colligi posse, doctrinam fuisse efficacem, & à Deo inspiratam. Nihil minus. Nam etiam infiniti propè homines olim secuti sunt doctrinam Arii. An ideo efficax fuit, & à DEO inspirata? Non certè. Nota, ex triplici capite provedere posse, quod aliquis Doctor habeat multos sedatores;

Primo:

Primo: Quia doctrina ipsius est divina, & miraculis confirmata. *Secundo*: Quia grata est carni, & sanguini. *Tertio*: Quia est subdola, & ingeniosa. Ex primo capite, Prophetæ, & Apostoli traxerunt ad se homines. Ex secundo, Lutherus. Ex tertio, Arrius, & Calvinus.


15. *Tertia* quæstio: An Lutherus partim ordinariè, partim extraordinariè vocatus sit? Ordinariè quidem ad prædicationem Verbi, extraordinariè vero ad reformationem Ecclesiæ. Ita sentit Meisnerus Lutheranus: Sed jam ostensum, nec ordinariè, nec extraordinariè vocatum esse. Deinde hic author sibi ipsi contradicit, nam Lutherus non alio modo putavit se reformatum Ecclesiam, nisi prædicatione Verbi. Si ergo ordinariè vocatus est ad prædicandum, etiam ordinariè vocatus est ad reformatum. Aut, si ad hoc extraordinariè, etiam ad illud extraordinariè vocatus est.

16. Hæc de Luthero. Reliqui Ministri sunt duplices: nam aliqui ante defensionem fuerunt legitimè ordinati Sacerdotes in Ecclesia Catholica. Alii non. De prioribus idem dicendum: quod de Luthero nec ordinariè, nec extraordinariè vocatos esse. Non extraordinariè, quia nullo miraculo probare id possunt; nec ordinariè, quia, qui ordinariè vocantur in Ecclesia Catholica, non vocantur ad ministerium, quod eidem Ecclesiæ contrarium est. De posterioribus sic statu. *Primo*: Non esse extraordinariè vocatos à solo DEO, propter rationem sœpè allatam. que sumitur ex defensione miraculorum. *Secundò*: Nec ordinariè, mediante consensu, & cooperatione hominum. Quod tripliciter probo: *Primo*: Ex concessione eorum Lutheianorum, qui docent ordinariam Lutheri vocationem consistere in sacerdotio, quo in Ecclesia Catholica iniciatus est. Ex quo sequitur, qui tali sacerdotio iniciati non sunt, ordinariè vocatos non esse. At Ministri, de quibus sermo est, non sunt iniciati tali sacerdotio, ut supponimus; ergo nec ordinariè vocati.

17. Deinde ex perpetua praxi Ecclesiæ, nam à tempore, Apostolorum usque ad ortum Lutheri, nullus ordinariè vocatus, & ordinatus est; nisi ab Episcopo per-

manuum impositionem. Acto. 14. v. 22. & 1. Timoth. 4. v. 14. & 2. Timoth. 1. v. 6. & alibi. At Ministri de quibus agimus, non sunt ita ordinati; ergo.

18. Denique ex consensu eorum, contra quos agimus. Nam ipsi velint, nolint, fateri debent, se nos esse vocatos eo ritu, qui in Ecclesia Catholica usitatus est, sed alio longè diverso. Si ergo noster ritus legitimus est, ut facientur Lutherani, qui defendunt ordinariam Lutheri vocationem: alterum subreptitium esse necesse est. Aut si noster subreptius est, quomodo Lutherus, qui nostro ritu ordinatus est, potuit legitimus vocatus esse? Dicant Lutherani.



CAPUT XIII.

De Cælibatu Ministrorum Ecclesiæ.

1. **Q**uestio est, an Ministri Ecclesiæ obligentur ad Cælibatum? Negant Adversarii. Nos sic resoluimus. Primo: Sacerdotes veteris Testamenti divino iure obligatos fuisse ad continentiam, non quidem perpetuam, sed pro iis diebus, quibus in tempore vel tabernaculo ministrabant: hoc ex Scriptura, & Partibus fusè probatum est in Analogia veteris, ac novi Testamenti. cap. 7. quest. 7.


2. Secundo: Apostolos servâsse perpetuam continentiam, & eandem aliis suâsse. Matth. 19. v. 27. Ecce nos reliquimus omnia, & secuti sumus te: quid ergo erit nobis? JESUS autem dixit illis: Amen dico vobis. Et infra: O innîs, qui reliquerit domum, vel fratrem, aut sorores, aut patrem, aut matrem, aut uxorem, aut filios, aut agros propter Nomen meum, centuplum accipiet, & vitam aeternam possidebit. Ex quo loco constat: Apostolos reliquisse omnia, quæ habebant, ac proinde, qui habebant uxores, reliquisse illas, & servâsse continentiam. Ad quam Paulus hortatur omnes, 1. Corin. 7. v. 7. Volo vos omnes esse, sicut me ipsum. Et ibidem: Dico autem non nuptis, & viduis: Bonum est illis, si permaneant, sicut & ego. Nempe in statu continentali.

3. *Tertio*: Successores Apostolorum servasse etiam continentiam, eamque postea non semel, sed potius Ecclesiastica lege praesciptam esse, & quidem dupliciter: *Primo*. Ut non liceret ipsis uxores ducere post suscepitos Ordines. *Secundò*: Ut, si ante suscepitos Ordines duxissent uxores, & postea suscepissent Ordines, non licenter uti uxoribus, sed deberent perpetuam servare continentiam. Hujusmodi lex constituta est prima à Concilio Illebitano, Can. 33. *Placuit in totum prohibere Episcopis, Presbyteris, Diaconis, & Subdiaconis positis in ministerio, abstinere se à conjugibus suis.* Deinde à Concilio Carthaginensi II. Can. 2. *Omnibus placet, ut Episcopi, Presbyteri, & Diaconi, vel qui Sacra menta contrectant, pudicitiae custodes etiam ab uxoribus se abstinent;* ut, quod Apostoli docuerunt, & ipsa servavit An- tiquitas, nos quoque custodiamus. Similia habent Sircius Papa in epistola ad Himerium Tarragonensem Episcopum, cap. 7. Innocentius I. in epistola ad Exupé- tium, cap. 1. Concilium Agathense Can. 9. Concilium Aurelianense 3. Can. 7. & ita deinceps.

4. *Quartò*: Hanc legem Ecclesiasticam de Cöliba-
to semper viguisse in Ecclesia Occidentali (nisi quodd
in quibusdam locis particularibus aliquantulum fuerit
neglecta) non tamen viguisse æquè in Orientali. Nam
Graeci, tametsi post suscepitos Ordines non soliti sint
uxores ducere; tamen, si antea duxerint, possunt Or-
dines suscipere, & simul uxores retinere; nec tenentur
ab eorum consortio abstinere, nisi tempore vices suæ,
sicuti in veteri Testamento factum est. Vide Vaquez
3. Part. quæst. 248. cap. 2.

5. *Dices*: Ecclesia non potest statuere legem, quo-
cero hominum statui generatim adimbat libertatem
contrahendi matrimonium. *Résp.* Verum quidem est,
quod antecedenter ante consensum explicitum, vel
implicitum absolute loquendo non possit hoc facere;
sed falso est, quod non possit facere eo modo, quo
nunc facit, nempe sub hac conditione: ut, si quis velit
esse Sacerdos, aut Episcopus, debeat servare continen-
tiam. Nam per hujusmodi legem non cogit quem-

quam ad continentiam ; sed relinquit unicuique liberum , ut possit , si velit , amplecti statum Ecclesiasticum cum hoc tamen onere , us si illum amplectatur , servat Cœlibatum . Sic i nullus mercator cogere potest absolutè ad emendam mercem ; si tamen aliquis emerit , cogere potest ad dandum pretium , & magis si jam emerit .



C A P U T XIV.

De peccato originali , mortali veniali .

1. **D**uplicet est controversia : *Una* : Quid sit peccatum originale ? Adversarii docent , esse concupiscentiam , quod nos negamus . *Altera* : Ab peccatum mortale , & veniale ex natura sua inter se distinguantur ? Adversarii negant , afferentes : omnia peccata ex natura sua esse mortalia , nullum veniale . Nos contrà afferimus quædam ex natura sua esse mortalia , alia venialia .

C O N C L U S I O I.

2. **P**eccatum originale , quod ex Adamo contrahimus , non est concupiscentia , seu pronitas , & inclinatio ad malum , quam nos vocamus concupiscentiam in actu primo : sed est privatio justitiae originalis . Prior pars patet : quia quidquid habet rationem peccati , hoc tollitur per Baptismum . (*infra cap. 16.*) Concupiscentia non tollitur per Baptismum , quia baptizati sentimus in nobis pronitatem , & inclinationem ad malum , juxta illud Roman . 7. v. 23 : *Video aliam legem in membris meis , repugnantem lege mentis mea .* Posterior etiam patet : quia omne malum consistit in privatione alicujus boni ; sed peccatum originale est malum ; ergo consistit in privatione alicujus boni ; non autem consistit in privatione alterius boni , quam justitiae originalis , qua privati sunt posteri Adami propter ipsius transgressionem ; ergo .

3. Objiciunt Adversarii 1. Apostolus concupiscentiam vocat peccatum. Rom. 6. v. 12. Non regnet peccatum in corpore nostro mortali. Resp. Nomen peccati sumitur 4. modis in Scriptura. Primi: Proprietate, pro peccato. Joan 1. v. 29. Ecce Agnus DEI, ecce, qui tollit peccatum mundi. Secundi: Improperie, pro causa peccati. Et sic concupiscentia loco citatis vocatur peccatum, quia incitat ad peccatum. Terti: Improperie, pro offensione, vel poena peccati. Zach. 14. v. 19. Hoc erit peccatum Egypti, id est, poena. Quarti: Improperie, pro sacrificio, quo expiatum peccatum. Sic Christus vocatur peccatum, 2. Corinth. 5. v. 21. Eum, qui non nobis fecerat peccatum, pro nobis peccatum fecit. Ubi ponitur nomen peccati, semel proprietate, & tunc improperiè hoc sensu: Deus Pater voluit Filium suum, qui non peccaverat, esse hostiam pro peccato.

Objiciunt secundò :

Quidquid non est ex Deo, peccatum est; sed concupiscentia non est ex Deo; 1. Joan. 2. v. 16. Omne, quod est in mundo, concupiscentia carnis est, & concupiscentia oculorum, & superbiae; quaenam est ex Patre. Ergo. Resp. Concupiscentia, seu pronitas ad malum non est a Deo creante, sed a Deo puniente. Deus enim, quando creavit primos Parentes, creavit illos in justitia originali, sine omni concupiscentia, seu pronitate ad malum. Quando vero primi Parentes percaverunt, tunc privavit illos justitia originali; qua ablata, cœpit concupiscentia insurgete per modum poenæ. Gen. 3. v. 7.

CONCLUSIO II.

Praeter peccata mortalia, quæ mortem animas adserunt, & æternâ poenâ per se digna sunt, Rom. 6. 23. & Gal. 1. v. 21. Dantur aliqua venialia, quæ nec mortem animæ adserunt, nec æternâ poenâ digna sunt. Prov. 24. v. 16. Septies in die cadit Justus. Quod intelligitur de venialibus, quæ non tollunt justitiam, & charitatem ab homine. Sicut & illud,

Jacob. 3. v. 2. *In multis offendimus omnes.* Et conformatur primò: ex illo. Luc. 6. v. 41. *Quid vides festinam in oculo fratris tui & trabem autem, quæ in oculi tuo est, non consideras?* Ubi peccatum mortale comparat cum trabe, quæ extinguit oculum; Veniale cum festuca, quæ leviter tantum afficit, non extinguit. Deinde ex illo. Matth. 5. v. 22. *Qui irascitur fratri suo, reus est iudicio; qui dixerit fratri suo Racu, reus erit concilio; qui autem dixerit Fatae, reus erit gehennæ ignis.* Ubi distinguuntur tria peccata iracundiae. quorum tertium aeternā pœnā dignum est; at proinde mortale, reliqua duo non item.

6. Sunt autem duplia peccata venialia: *Alii* sunt talia ex suo genere, ut verbum otiosum. *Alii* ex imperfectione operis, cujusmodi sunt partim illa, quæ fiunt ex subreptione, ut subiti, & non omnino deliberati motus concupiscentiæ, iræ, odii, supribus partim illa, quæ censentur venialia ex parvitate materiae, ut fortum unius oboli, quod neminem notabiliter laedit.

7. Objicitur primò illud Ezech. 18. v. 4. *Animam, quæ peccaverit, ipsa morietur.* Et Rom. 6. v. 23. *Stipe pendium peccati mors.* Utrumque generatim assertur de quovis peccato; quia nulla sit exceptio; ergo quodvis peccatum est mortale. *Resp.* Neutrū generatim assertur; nam Ezechiel expressè loquitur de certis tantum peccatis; nempe de idololatria, adulterio, homicidio, usura, & rapina; quæ ex genere suo mortalia sunt. Apostolus vero de immunditia, & iniquitate, v. 19.

8. Objicitur secundò illud Jac. 2. v. 10. *Qui offendit in uno, factus est omnium reus.* Ergo homo per quodvis peccatum incurrit reatum aeternæ mortis; ergo quodvis peccatum est mortale. *Resp.* Jacobus loquitur de peccato contra legem Decalogi, ac nominatim de adulterio, & homicidio, quæ ex natura sua mortalia sunt. Sic enim ait: *Quicunque totam legem servaverit, offendat autem in uno, factus est omnium reus.* Qui enim dixit: *Non machaberis, dixit, & non occidi-*

occides. Quod si non mox haberis, occides autem. factus
is transgressor legis. Quali dicat: Qui committit unum
peccatum mortale contra legem Decalogi, etiam si plu-
ra non committat, reus est mortis. Sicut qui accipit
unum vulnus lethale, etiam si plura non accipiat, ob-
noxius est morti corporali.

9. Objicitur tertio: Omne peccatum offendit Deum,
qui est infinita bonitas; ergo omne peccatum dignum
est infinita poena; ergo mortale. Resp. Duplex est of-
fensio. Una gravis, quae est contra charitatem, & ami-
citudinem; de qua loco citato: Qui offendit in uno, factus
est omnium reus. Altera levis, quae non dissolvit cha-
ritatem, & amicitudinem, de qua alibi: In multis offendit
dinus omnes. Et iterum: Si quis in verbo non offendit,
hic perfectus est vir. Itaque non omne peccatum of-
fendit Deum tam graviter, ut dissolvat amicitudinem cum
Deo.

C A P U T X V .

De Libero Arbitrio.

1. **U**sus liberi arbitrii consistit in his tribus. Primo: Ut possis agere, vel non agere. Secundo: Ut possis bene, vel male agere. Tertio: Ut ex duobus possis alterum praeter altero eligere. Eccl. 15. v. 14. Hunc usum habuit homo in statu innocentiae. Quae-
stio, an etiam nunc habeat Lutherus, & Calvinus ab-
solute negant. Sic enim scribit Lutherus in asserto
artic. 36. Liberum arbitrium est figuratum in rebus, seu
titulus sine re: quia nulli est in manu sua quidquam co-
gitare mali, aut boni; sed omnia sub DEO sunt, contra
quem nihil possumus. Quod & Poëta voluit, quando
dixit: Certa stant omnia lege. Similiter Calvinus lib.
3. instit. cap. 25. s. 8. ponit hæc duo principia: Unum:
nihil fieri DEO permittente, sed quæcumque sunt,

fieri D^eo volente. Alterum: voluntatem D^ei esse rerum necessitatēs. Unde infert, omnia fieri necessariō, nihil libere, Lutherani hoc tempore moderatores sunt.

2. Nos utimur distinctione: Sunt enim duplices actiones hominis, de quibus disputari potest. *Alias* morales, seu politicae, quae pendent à viribus naturae: ut comedere, ambulare, mercari, matrimonium contrahere, bellum gerere, agros colere, litteris operam dare. *Aliae* supernaturales, quae pendent à viribus gratiae; ut credere mysteria fidei, sperare vitam aeternam, diligere D^eum ex toto corde. Igitur in prioribus actionibus habemus usum liberti arbitrii, ut experientia docet. Habemus etiam in posterioribus suo modo. Ut hoc intelligatur, haec tria distinguenda sunt. *Prius*: Nos nihil boni operis, quod conducat ad vitam aeternam, facere posse sine gratia D^el. *Ioan. 15. v. 5.*
& 2. Corinth. 3. v. 5. *Secundū*: Nec esse in nostra potestate, ut habeamus gratiam D^el prævenientem, qua excitemur ad bene operandum. *Roman. 9. v. 6.* *Tertiū*: Esse tamen in nostra potestate, ut, quando habemus gratiam D^el, cum illa cooperemur. *Hoc tertium est*, quod hic assertimus, & infra lib. 3. cap. 5. contra Calvinum demonstrabimus.

3. Objicit Lutherus illud Isaias 41. v. 23. *Bent, aut male, si potestis, facite.* Unde colligit: non esse in nostra potestate, bene, vel male operari; sed nimis crassè id colligit; nam Isaias non loquitur de hominibus, sed de idolis gentium, quibus exprobrat impotitatem, quod, cum Dii habeantur a stultis hominibus, non possint tamen bene, aut male facere; id est, non possint cultoribus suis prodesse, nec contemptoribus nocere. *Quid hoc ad liberum arbitrium hominis evertendum?* Non magis, quam si dicam: idola non habent cerebrum; ergo nec Lutherus.

C A P U T X V I .

De Justificatione.

1. Utatio illa, qua quis ex peccatore fit justus, vocatur *justificatio*: sicut *mutatio*, qua ex ægrototo fit sanus, vocatur *sanatio*, & qua ex frigido calidus, calefactione. Est igitur quæstio, quomodo fiat hæc *mutatio*? id est, quomodo, qui antea erat peccator, fiat *justus*? Vel, quomodo ex statu peccati, & potestate tenebrarum transferatur in statum gratiae, & adoptionis filiorum Dei? Hoc potest explicari ex analogia, & similitudine sanationis corporalis.

2. Igitur nos sic explicamus: Sit pauper aliquis plenus scabie, ulcere, & putredine, qui Medicum adeat, ut sanari possit. Quid Medicus? Tria faciet: *Primo*: Præscribet illi quasdam præparations ad feliciorem morbi curationem; ut sectionem venæ: vel purgationem internam corporis, vel balneationem, vel aliiquid simile, prout morbus exigit. *Secundo*: Dabit illi salutarem, vel vivificant medicinam, qua & vires redintegrentur, & pristina sanitas recuperetur. *Tertio*: Adjungit præservativum, ne iterum in morbum incidat. Ita fit in justificatione, seu sanatione animi. Carea sanationem peccatoris, qui animo æger est, Deus tria facit. *Primo*: Præscribit illi quasdam dispositiones ad sanandum animum; ut fidem, spem, timorem, contritionem, dilectionem, & propositum emendandi vitam. *Secundo*: Infundit illi gratiam, seu justitiam inhærentem, qua & verè peccata tolluntur, & animus intrinsecè renovatur. *Tertio*: Adjungit præservativum, ut deinceps insistat piis operibus, & observationi mandatorum Dei; ne, si aliter faciat, amittat gratiam, & sanitatem, quam adeptus est.

3. Adversarii aliter explicant in hunc modum: Sit pauper aliquis plenus scabie, ulcere, & putredine, qui à Medico sanari cupiat. Quid Medicus? Hoc habetur illum, ut manu apprehendat pulchrum, & elegans pallium alicujus divitis, idque corpori tuo circumponat, scabiem tegat; ac deinde magna securitate in conspectum Principis sui veniat; quippe qui fœdita tem corporis tam eleganti pallio obducetam advertere non possit. Sic etiam in justificatione. Sit homo peccator, qui propter scelerum suorum horrorem, actus peritudinem non audeat venire in conspectum Dei, & à Christo, tanquam Medico spirituali subsidium perat. Quid Christus? ajunt: Offert illi suam justitiam, & satisfactionem, tanquam pretiosam chlamydem. Horatur, ut fide illam apprehendat, eaque sua flagitia, quasi velo quodam tegat, ac deinde confidenter in conspectum Dei ie sitat; à quo sine dubio innocens, ac mundus declarabitur, etiam si revera non sit.

4. Ex hac Adversariorum sententia sequuntur hæc tria. Primo: In justificatione hominis peccatoris non tolli peccata, sed tantum regi, seu occultari, ne in conspectum Dei veniant. Secundo: Nec infundi illi gratiam, seu justitiam inhærentem, qua interius renotetur, & sanetur, sed solùm imputari illi justitiam Christi, qua non in se, sed extra se justus appareat, etiamsi interius maneat peccator immundus, & impurus. Tertio: Ut autem hæc justitia illi impuretur, opus esse sola fide, quæ illam apprehendat; & hoc sensu solam fidem justificare. Quæ omnia absurdâ sunt. Et quidem duo priora hic refutabo per duas conclusiones: tertium in sequenti capite refelletur, ubi de fide justificante agendum est.

CONCLUSIO I.

5. IN justificatione hominis peccatoris verè tolluntur peccata, non tantum reguntur. Hoc patet ex manifestis Scripturæ testimoniosis. Ioan. I. v. 29. Ecce Agnus DEI, ecce, qui tollit peccatum mundi. Et Act. 3. v. 19. Pénitentemini, & convertimini, ut deleantur

tur peccata vestra. Et Hebr. 9. v. 28. Christus semel oblatus est ad multorum exhaurienda peccata. Et Micheæ 7. v. 19. Projicit in profundum maris omnia peccata nostra. Ex quibus ita concludo: Id, quod tollitur, deletur, exhauriatur, & longissime projicitur ab homine, certè non manet in homine; sed in justificatione peccatum tollitur, deletur, exhauriatur, & longissime projicitur ab homine; ergo non manet in homine.

6. Accedit efficax ratio ex metaphoris, quibus natura, & fœditas peccatorum in Scriptura explicatur. Sunt autem tres metaphoræ. Prima: Qua peccata vocantur maculæ, sordes, inquinamenta, quibus homo maculatur, inquinatur, & sordidas efficitur. Iosue 22. v. 17. & Jerem. 2. v. 22. & Apocal. 22. v. 11. & Matth. 15. v. 11. Altera: Qua vocantur vincula, funes, & compedes, quibus homo ligatur, constringitur, & captivus detinetur. Psalm. 115. v. 7. & Prov. 5. v. 22. Tertia: Qua vocantur vulnera, livores, & plagæ, quibus homo fauciatur, vulneratur, & æger efficitur. Iсаіа 30. v. 26. & Micheæ 1. v. 9. Jam verò constat, in justificatione peccatoris, maculas ablui, vincula disrumpi, vulnera sanari. Psalm. 50. v. 9. Asperges me hyssopō, & mundabor, lavabis me, & super nidem dealbabor. Et Ezech. 36. v. 25. Mundabimini ab omnibus inquinamentis vestris. Et 1. Corinth. 6. v. 11. Abluti esis, sanctificati esis. Et 1. Joan. 1. v. 7. Sanguis Christi emundat nos ab omni peccato. Et Psalm. 115. v. 16. Dirupisti vincula mea, tibi sacrificabo hostiam laudis.

7. Objiciunt Adversarii illud Psal. 31. v. 1. Beati, quorum remissæ sunt iniquitates. & quorum tegi sunt peccata. Ex quo inferunt peccata tegi, non tolli. Resp. Hoc posterius non rectè infertur. Nos dicimus, tegi, & tolli. Et utrumque dicit Scriptura. Quod pulchre explicat Augustinus enarrat. 2. in Psalm. 31. ex proportione vulnerum corporis, nam hujusmodi vulnera, inquit, duobus modis tegi possunt. Primo: Ab ipso vulnerato. Secundo: A Medico. Vulneratus tegit et palliū, non tollit; Medicus emplastrō tegit, & tollit. Idem

Idem fit in peccatis. Tegi possunt & ab ipso peccatore, & à DEO. Peccator tegit, quando dissimulat. Deus tegit, quando infusione gratiae sanat, & tollit. Quinam ergo Beati secundum Psalmistam? Ille, quorum peccata priori, an quorum posteriori modo teget? Videant Adversarii, quomodo Beati esse velint. Nos certè posteriori modo esse cupimus, ut etiam Augustinus locò citatò, cùm ait: *DEUS ergo tegat, non tu; nam si tu tegere volueris, erubescens, Medicus non curabit. Medicus tegat, & curet; emplastrò enim tegit. Sub tegmine Medicis sanatur vulnus, sub tegmine vulneris gelatur vulnus.*


CONCLUSIO II.

DEUS in justificatione infundit homini gratiam, seu justitiam inhærentem, qua homo interius renovatur, & sanctus, mundus, & justus efficitur. Ephes. 4. v. 26. *Renovamini spiritu mentis vestras.* Et 1. Corinth. 3. v. 14. *Nescitis, quia templum DEI estis, & Spiritus DEI habitat in vobis;* nempe per sanctitatem, justitiam, & charitatem, juxta illud: Rom. 5. v. 5. *Charitas DEI diffusa est in cordibus nostris per Spiritum Sanctum, qui datus est nobis.* Porro hæc charitas sortitur varia nomina, ratione diverisorum efficitur. Ac primò vocatur gratia, quia nos DEO gratios, & acceptos facit. Ephes. 1. v. 6. Secundò: Vocatur justitia, quia per eam reddit homo unicuique quod suum est; DEO cultum, & obedientiam; proximo, amorem, & obsequium; sibi ipsi, exclusionem vitiorum, & virtutum incrementa. Roman. 6. v. 18. Tertiò: Vocatur imago, & similitudo DEI. 1. Corinth. 15. v. 49. & Rom. 8. v. 29. Quartò: Vocatur pignus hæreditatis, quia videlicet sanctitas, quam in nobis Spiritus DEI operatur, certam spem futuræ hæreditatis nobis facit. 2. Corinth. 1. v. 2. Quintò: Vocatur semen DEI, quia sicut ex semine proveniunt arbores fructuæ; ita ex charitate opera fructuosa in vitam æternam. 1. Jean. 3. v. 9. & Jean. 4. v. 14.

9. Praeter hanc justitiam inhærentem, agnoscimas etiam justitiam Christi, quæ nobis imputatur; sed non eo modo, quo agnoscunt Adversarii. Nam illi putant, hominem solā justitia Christi justum esse, nec admittunt justitiam inhærentem. Nos contra, hominem justum esse justitia inhærente, & hanc justitiam inhærentem illi dari propter justitiam Christi; id est, propter ipsius passionem, & mortem, quam pro humano genere sustinuit.

10. Multa objiciunt Adversarii pro justitia imputativa, quæ nullius morenti sunt. Primi: Illud Rom. 4. v. 5. Credenti in eum, qui justificat impium, reputatur fides ejus ad justitiam. Resp. Hoc nihil ad rem, nam aliud est, fidem, quæ in nobis est, imputari nobis ad justitiam Christi, quæ extra nos est, imputari nobis ad justitiam. Illud prius afferit Apostolus, hoc posterius non afferit.

11. Secundi: Objiciunt illud Rom. 5. v. 19. Per unius obedientiam, justi constituentur multi. Hinc confici putant, ipsam Christi obedientiam nostram esse justitiam, quia per illam justi constituimur. Resp. Fatalem quidem nos meritorie justos constitui per obedientiam Christi, non tamen formaliter. Et hoc sentit Apostolus; opponit enim obedientiam Christi inobedientiæ Adami; & sicut per hanc injustos, ita per illam justos constitui nos afferit. At verò per inobedientiam Adami, non formaliter, sed meritorie constituimur injusti; ergo similiter per obedientiam Christi, non formaliter, sed meritorie constituimur justi. Sicut enim Adam per suam inobedientiam meritus est posteris, ut in seipsis contraherent peccatum originale, quo in se injusti sunt; ita è contrario, Christus per suam obedientiam meritus est, ut in seipsis haberent gratiam, seu justitiam inhærentem, qua in se justi sunt. Vide August. lib. 1. de peccat. meritis, & remiss. cap. 9. Omitto similes objectiones.



CAPUT XVII.

De Fide justificante.

1. **T**RIA docent Adversarii. *Primo*: Solam fidem justificare. *Secundo*: Hanc fidem justificantem in eo consistere, ut credas, peccata omnia tibi remitti propter merita Christi. *Tertio*: Distinguunt autem à fide historica, & miraculorum. Addunt Calvinis & alia tria. *Primo*: Fidem justificantem donari solis prædestinatis. *Secundo*: Et semel habitam amitti non posse. *Tertio*: Et facere hominem certum, ac securum de sua justitia, perseverantia, prædestinatione, & vita æterna. Hinc emergunt variæ quæstiones.

QUÆSTIO I.

2. **A**N sola fides justificet: *Primo*: Certum est, fidem non justificare formaliter: quia forma, à qua homo formaliter est justus, non est fides, sed justitia, secundum nos justitia inhærens; secundum Adversarios, justitia imputativa. *Secundo*: Certum est, non solam fidem justificare dispositivè, sed etiam timorem spem, charitatem, pœnitentiam. Nam sicut de fide scriptum est, Rom. 3. v. 28. *Arbitramur hominem justificari per fidem*. Ita de aliis Eccles. 1. v. 28. *Qui fuit timore est, non poterit justificari*. Et Prov. 28. v. 25. *Qui sperat in Domino, sanabitur*. Et 1. Joan. 3. v. 14. *Qui non diligit, manet in morte*. Et Act. 2. v. 38. *Pœnitentiam agite. & baptizetur unusquisque vestrum in remissionem peccatorum*. *Tertio*: Dubium manet, an sola fides dici possit justificare, quia sola apprehendit justitiam Christi? Affirmant Adversarii. Ego distinguo. Verum est, solam fidem apprehendere justitiam Christi; falsum est, nos justificari per solam justitiam Christi fide apprehensam, ac proinde falsum, solam fidem hoc sensu justificare.

3. Objicitur primò: Illud Rom. 3. v. 28. Arbitramur hominem justificari per fidem sine operibus legis. Et Ephes. 2. v. 8. 9. Salvati estis per fidem, non ex operibus. Hinc colligunt Adversarii, sola fide hominem justificari, quia Apostolus opponit fidem operibus. Cum ergo dicit: hominem justificari fide sine operibus, excludit omnia opera praeter fidem; ergo etiam excludit actum timoris, spei, dilectionis, & penitentiae. Resp. Duplicia sunt opera: alia praecedunt fidem, alia sequuntur. Priora excludit Apostolus, non posteriora. Cum ergo actus timoris, spei, dilectionis, & penitentiae sequantur fidem, & in fide fundati sint, certum est, non excludi. Hanc autem esse mentem Apostoli inde constat, quia vult offendere, nec Judæos ex nuda observatione legis Mosaiæ, nec Gentiles propter bona opera ante fidem suscep- tiam patrata, justiam à Deo consequi potuisse, auctoritatem consecutos esse, sed ex fide in Christum: fidem esse ini- tium salutis, & justificationis; nec dari ex preceden- tibus operibus, sed esse donum Dei. Vide August. lib. de Prædestinatione Sanctorum cap. 7. & in Praefat. Psalmi 31. & alibi.

4. Objicitur Secundò: ex eodem Apostolo, homi- nem justificari gratis, ac proinde sola fide. Rom. 3. v. 24. Justificati gratis per gratiam ipsius. Resp. Justificatio di- citur gratuita, non quia sit sola fide, sed quia non me- temur illam per ulla opera sive fidei, sive fidem præ- cedentia. Conc. Trid. Sess. 6. cap. 8.

5. Objicitur tertio: Scripturam solius fidei mentio- nem facere, quando ait de justificatione, & remissione peccatorum, Lucas 7. v. 50. Fides tua te salvam fecit. Et Joan. 1. v. 12. Dedit eis potestatem filios DEI fieri his, qui credunt in nomine ejus. Et Joan. 3. v. 36. Qui cre- dit in Filium, habet vitam eternam. Resp. Sicut Scri- ptura aliquando meminit solius fidei, ita aliquando ineminit solius charitatis, Lucæ 7. v. 47. Remittuntur si peccata multa, quoniam dilexit multum.

QUÆSTIO II.

6. **A**N fides justificans in eo consistat, ut quis certò credat peccata omnia sibi esse remissa propter meritum Christi? Affirmant Adversarii, sed male: *Primb*: Quia ipsi docent, nihil fide credendum esse, nisi quod habetur in Scriptura. At ibi non habetur, Lutherus aut Calvinus remissa esse peccata; ergo id fide credendum non est. *Secundb*: Quia si certò credunt, peccata sibi remissa esse, frustra orant, *Dimitte nobis debita nostra*. *Tertiib*: Testimonia Scripturæ, quæ ipsi adserunt pro fide justificante, sunt hæc ferè, Matth. 9. v. 2. *Videns JESUS fidem eorum, dixit paralyticis: Confide fili, remittuntur tibi peccata tua*. Et infra v. 22: *Confide filia, fides tua te salvam fecit*. Et Lucæ 1. v. 19: *Vade, quia fides tua te salvum fecit*. Hæc, & similis importunè nobis objiciunt Adversarii pro sola fide justificante; & tamen nullo modo intelligi debent de fide, qua quis credit, peccata sibi remissa esse, sed à fide, qua paralyticus, & alii ægroti credebant, se à Christo sanari posse, ut ex contextu patet.

7. Objici potest illud ex Symbolo: *Credo remissionem peccatorum*, sed frustra; nam sensus illius articuli non est: Credo mihi remissa esse peccata; sed, credo, & profiteor, in Ecclesia Catholica esse donum remissionis peccatorum, quod per Baptismum, & alia Sacramenta percipitur. Unde, quod in Symbolo Apostolico dicitur: *Credo remissionem peccatorum*, in Constantinopolitano explicatur: *Confiteor unum Baptismum in remissionem peccatorum*. Et Catechumeni, qui ante Baptismum recidant, & credunt totum fidei Symbolum, non jam habent, sed expectant remissionem per Baptismum obtinendam.

QUÆSTIO III.

8. **A**N fides justificans differat à fide historicæ, & miraculorum? Adversarii distinguunt triplicem fidem. Unam historicam, qua creditur trivialis esse, quod à Deo fieri non possit. Tertiam promissio-

missionum, qua credimus veras esse promissiones Dei de gratuita peccatorum remissione per meritum Christi; Addunt, nos nec prima, nec secunda, sed sola tertia justificari. Hanc iterum ajunt duplicem esse: Unam generalem, qua generatim credimus promissam esse remissionem peccatorum iis omnibus, qui in Christum credunt. Alteram specialem, qua unusquisque in particulari promissionem illam sibi applicat, credendo omnia peccata sibi remissa esse. Hanc specialem proprie esse illam, qua justificamur.

9. De hac triplici fide sic scribit noster Maldonatus in cap. 9. March. *Ista triplex fides, quam isti nuper indenerunt, figmentum est, somniuum est, portentum est, chimera est; Si unam haberent fidem, omnem haberent;* quia triplicem habent, nullam habent. Aptissime, Primo: Quia fides illa specialis jam explosa est. Orendi enim, neminem posse certò credere, sibi remissa esse peccata, nisi à DEO id speciatim revelatum sit. Secundo: Falsum est, fidem miraculorum non justificare. Certe fides illa, de qua loquitur Christus Marci 16.v.16. Qui crediderit, & baptizatus fuerit, salvus erit, fides justificans est; & tamen est fides miraculorum, ut patet ex verbis sequentibus: *Signa autem eos, qui crediderint,* haec sequentur: *In nomine meo damona efficiant.* Falsum quoque est, fidem historiam non justificare. An non fides historica est, quā credimus Christum esse crucifixum, mortuum, sepultum, descendisse ad inferos, resurrexisse à mortuis, & ad cœlos ascensisse? Nemo dubitat. Et tamen eadem illa fides justificans est, ut patet ex Symbolo fidei, & ex Scriptura. Rom. 10. v. 9. *Si in corde tuo credideris, quod DEUS illum suscitavit à mortuis, salvus eris.* Et I Corin. h. 15. v. 1. *Notum facio vobis Evangelium, per quod salutem nominis; quoniam Christus mortuus est pro peccatis nostris;* & quia sepultus est, & quia resurrexit tertia die, &c.

QUÆSTIO IV.

No. **A**n fides detur solis prædestinatis? Affirmat Calvinus lib. 3. Instit. cap. 21. s. 10. Sed falso; nam etiam Judas proditor, & Simon Magus, & Nicolaus Antiochenus aliquando credidissent, & tamen non erant prædestinati. De Juda constat, Joan. 6. v. 71. Nonne ego vos duodecim elegi. & unus ex vobis diabolus est? De Simone, Act. 8. v. 12. 13. Cum vero credidissent Philippo evangelizanti de regno DEI, & in nomine JESU Christi baptizabantur viri, ac mulieres, tunc Simon, & ipse credidit; & cum baptizatus esset, adbaerebat Philippo. De Nicolao, Act. 6. v. 3. 5. Considerate viros ex vobis boni testimonii septem, plenos Spiritu Sancto, & sapientia. Et elegerunt Stephanum, & Philippum, & Prochorum, & Nicanorem, & Timonem, & Parmenam, & Nicolaum advenam Antiochenum.

QUÆSTIO V.

No. **A**n fides amitti possit? Calvinus lib. 3. cap. 2. s. 11. asserit, amitti non posse. Sed aperte contra Apostolum 1. Timoth. 1. v. 19. Quicquid circa fidem naufragaverunt, ex quibus est Hyrcanus, & Alexander. Et cap. 4. v. 1. In novissimis temporibus discedent quidam a fide, attendentes spiritibus erroris. Et ratio est, quia si fides amitti non potest, unde tot sunt haeretici in mundo? Oportet haereses esse, inquit Apostolus. Hoc autem interest inter haereticos, & paganos? quod hi fidem nunquam habuerunt; illi habuerunt, & amiserunt. Et jam ante ostendi, Simonem Magum, & Nicolaum Antiochenum habuisse fidem, qui tamen postea haeretici facti sunt.

QUÆSTIO VI.

No. **A**n fides faciat hominem certum de sua justitia, perseverantia, & prædestinatione? Affirmat Calvinus in Antidoto Concil. Trident. Sejj. 6. cap. 10. 13. & 14. Et aperte sequitur ex ipsius funda-

damentis, quæ hæc sunt. *Primum*: Fidem dari solis prædestinatis. *Secundum*: Eam non amitti. *Tertium*: Sola fide hominem justificari. *Quartum*: Qui fidem habet, certum esse de sua fide. Hinc sequitur: si is, qui fidem habet, certus est de sua fide, certum quoque esse de sua justitia, quia sola fides justificat, certum de sua perseverantia, quia fides justificans non amittitur; certum de sua prædestinatione, quia fides datur solis prædestinatis. Hæc Calvini opinio refellitur ex iisdem principiis, quibus innititur. Nam tria priora manifestè falsa sunt, ut probatum est. Quartum vero, sive verum, sive falsum sit, nihil ad rem facit. Nam, et si is, qui fidem habet, certus esset de sua fide, non tamen certus esset de sua justitia, si sola fides non justificat; nec certus de perseverantia, si fides amitti potest; nec certus de prædestinatione, si fides communis est reprobis, & prædestinatis.



C A P U T XVIII.

De Observatione Legis.

Controversia est, an homo justus in hac vita, non quidem suis viribus, sed cum auxilio divinæ gratiæ, possit observare legem Decalogi; affirmant Catholici, negant Adversarii; quia nec illud præceptum. *Non concupisces* nec illud: *Diliges Dominum Deum tuum ex toto corde tuo*, nec reliqua servati possunt. Hinc inferunt justum non obligari ad servandam legem: tum, quia servari non potest, tum quia Christus liberavit illum ab observatione legis, *I. Timoth. 1. v. 9. Justo non est lex posita.* Et Galat. 3. v. 13. *Christus nos redemit de maledicto legis.*

CONCLUSIO I.

2. **I**llud præceptum. *Non concupisces, servari potest in hac vita ab homine justo, cum auxilio divinae gratiae.* Ratio est, quia illo præcepto non prohibetur motus concupiscentiæ indelibera, seu consensum præveniens, sed ipse consensus, qui est in nostra potestate. Hoc constat ex Scriptura. Quod enim uno loco ait: *Non concupisces, alibi explicat Eccl. c. v. 2. Ne sequaris in fortitudine tua concupiscentiam cordis tui.* Et cap. 18. v. 30. *Post concupiscentias tuas non eas.* Et Roman. 6. v. 12. *Non regnet peccatum in vestro mortali corpore, ut obediatis concupiscentiis ejus.* Unde August. libr. 1. de Nuptiis & concupis. cap. 23. *Concupiscentia, inquit, in renatis non est peccatum, quando illi ad illicita opera non consentitur.* Et lib. 5. contra Julianum cap. 3. *Aliud est habere mala desideria carnis, aliud tradi eis consentiendo.*

3. Dices, in duobus illis præceptis Decalogi. *Non macaberis, & Non furtum facies, prohibetur consensus in concupiscentiam uxoris, & rei alienæ:* Ergo in hoc præcepto, quod in eodem Decalogo sequitur. *Non concupisces;* prohibetur morus concupiscentiæ sine sensu; alioqui idem bis prohibetur. Resp. In duabus prioribus prohibetur adulterium, & furtum, quod externo opere committitur; in alio, quod solo sensu perficitur. Voluit enim Deus significare, non solum peccari externo opere, sed etiam interno consensu, ut explicat Christus. Matth. 5. v. 28.

CONCLUSIO II.

4. **E**tiam illud præceptum. *Diliges Dominum Deum tuum ex toto corde tuo, servari potest.* Certe David, & alii servarunt. Psalm. 118. v. 10. *In toto corde meo exquisivi te.* Et 3. Reg. 14. v. 5. *Non fuisti sicut servus meus David, qui custodivit manus data meas,* & fecutus est me in toto corde suo. Et 4. Reg. 23. v. 25. de Josia. *Similis illi non fuit ante eum nisi quis*

qui reverteretur ad Dominum in omni corde suo, & in tota anima sua, & in universa virtute sua, juxta omnem legem Moysis. Idem dicti potest de Abrahamo, Moysse, Samuel, Elia, Jeremia, & aliis Prophetis. Idem de B. Virgine, Apostolis Stephano, Timotheo, Tito, & multis aliis, de quibus prædictum est Deut. 30. v. 6. Circumcidet Dominus cor tuum, & cor seminis tui, ut diligas eum in toto corde, & in tota anima, ut possis vivere.

s. Dices, Diligere Deum ex toto corde, nihil aliud est, quam tatum cor nostrum quantum est, in eo solo diligendo occupari. Hoc autem in hac vita fieri non potest. Resp. Alius est sensus illius præcepti, nimirum; ut diligamus Deum ex toto corde, id est, ut diligamus eum super omnia; ut præferamus illum tebus aliis; ut nullius rei amorem Dei amori anteposamus; ut nullius creaturæ amore vel timore veniamus Deum offendere, & ab illius amore recedere. Hic verus, ac germanus sensus est. Hunc expressit Apostolus Rom. 8. v. 39. Nulla creatura poterit nos separare à charitate DEI. Et Christus Matth. 10. v. 37. Qui amat patrem, aut matrem plus quam me, non est me dignus.

CONCLUSIO III.

Tota lex Decalogi servari potest ab homine suilo. Primo: Quia si duo præcepta, quæ videbantur omnium difficilima, servari possunt, non etiam reliqua? Secundo: Qui diligit Deum ex toto corde, præfert illum omnibus creaturis, nec inquit ullius creaturæ vult illum offendere: Ergo servat omnia illius præcepta, quia si vel unum non servaret, jam illum offenderet. At homo justus potest illum diligere ex toto corde, ut probatum est: Ergo potest omnia illius præcepta servare. Imo si proprie loquimur, hæc duo, amare DEUM ex toto corde, & mandata DEI custodire: vel ipsa idem sunt, vel certe alterum cum altero necessariò connexum; fieri enim non potest, ut quis diligit Deum ex toto corde,

& non servet omnia ejus præcepta. Hinc in Scriptura
serè semper conjunguntur, ut Exod. 20. v. 6. Deut.
10. v. 12. 13. Josue 22. v. 5. Joan. 15. v. 10. & alibi.

7. Objici solet illud Actor. 15. v. 10. Quid tentas
tis imponere jugum super cervices discipulorum, quod ne-
que Patres nostri, neque nos portare potuimus? Resp.
Apostolus ibi non loquitur de lege Decalogi, de qua
hic disputamus, sed tantum de cæterinali Pharisæo-
rum cæteriali aggravata. Contendit enim Christia-
nos non esse obligandos ad circumcisionem, & simi-
les cæterias Judaicas, dupli ex causa. Primo:
Quod sunt jugum grave, & importabile. Secundo:
Quod sunt inutiles ad justificationem. Non intelligit
autem jugum absolute importabile, sed quod ægrè,
ac difficulter portari possit. Nam si omnino portari
non posset, falsum esset, quod scriptum est de Za-
charia, & Elisabeth Lucæ 1. v. 6. Erant ambo justi ante
DEUM incedentes in omnibus mandatis, & justificatione
ribus Domini sine querela.

CONCLUSIO IV.

8. **H**omo justus non est liber ab obligatione legis
Decalogi, ut singunt Adversarii. Nam Chri-
stus expressè dicit Matth. 11. v. 29. Tollite ju-
gum meum super vos. Et cap. 19. v. 17. Si vis ad vi-
tam ingredi, serda mandata. Et Joan. 15. v. 14. Vobis
amici mei estis, si feceritis, quæ ego præcipio vobis. Et
Apost. Jac. 2. v. 8. Si tamen legem perficitis regalem.
An hic dicent Adversarii; Non tollimus jugum tuum
super nos, quia importabile est. Volumus ad vitam
ingredi, sed per solam fidem, non per observationem
mandatorum. Sumus amici tui, etiam si non facimus
quod præcipis. Nolumus perficere legem regalem, &c.
Hoc plane novum Evangelium.

9. Objicitur illud Galath. 3. v. 13. Christus nos
redemit de maledicto legis. Resp. Aliud est, Christum
liberasse nos ab observatione legis, quod meritò ne-
gamus: aliud redomisse nos de maledicto legis, quod
cum

tum Apostolo asserimus. Nam per sua merita obtinuit nobis gratiam, per quam possumus legem implere, & maledictionem evadere.

10. Objicitur & illud 1. Tim. 1. v. 9. *justo non est lex posita, sed injustis, & non subditis.* Resp. Duplex est vis, & potestas legis. ut recte docet D. Thom. in 1. 2. quæst. 96. art. 5. & alii passim. Una: Directa va. Altera: Coactiva. Lex ergo posita est omnibus, tam justis; quam injustis, quoad vim directivam; quia scilicet dirigit, & prescribit omnibus, quid agere, vel non agere debeant. At quoad vim coactivam resistentium non est posita justis, sed tantum impiis; quia justi sponte, libenter, & alacriter ex instinctu charitatis faciunt ea, quæ à lege prescribuntur; nec opus eos est cogere ad legis observationem. Impii contraria, saepè recalcitrant, & à legis obedientia se subducunt, idque quodammodo cogi ad obsequium debent.

C A P U T X I X.

De Merito bonorum operum.

1. **Q**uestio est: An homo justus cum gratia DEI possit facere bona opera, quæ apud DEUM meritoria sint vitæ æternæ? Negant Adversarii, quia putant peccatum originale manere in hominibus justis, & ejus contagione infici, & contaminari omnia ipsorum opera, ita ut potius mortem mereantur, quam vitam æternam. Vide. Calvinum 1. 2. Institut. cap. 1. s. 9. Et 1. 3. cap. 15. s. 1. Nos contrarium. Primo: Quædam justorum opera esse bona, honesta, & Deo grata. Secundo: Eadem esse meritoria vitæ æternæ.

2. Prior pars assertionis probatur ex contrario fundamento. Nam ex fide certum est, omnia peccata tolli in justificatione, & infundi gratiam seu justitiam inherentem, quæ facit hominem Deo gratum, justum,

& sanctum, ut cap. 6. probatum est. Unde sequitur, sicut ab homine injusto procedunt opera mala. ita à justo procedere bona, & Deo grata. Quo spectat illud Christi, Matth. 7. v. 18. Non potest arbor bona mala fructus facere. Et Joan. 15. v. 5. Ego sum vitis, vos palmitos: qui manet in me, & ego in eo, hic fert fructum multum. Hinc colligo duo argumenta. Unum: Arbor bona non potest facere malos fructus: sed homo justus est arbor bona. Psalm. 91. v. 13. ergo homo justus, non potest facere malos fructus. Alterum: Omnis palma, qui est in secunda vite potest facere bonum fructum: sed Apostoli erant palmitos in Christo, tanquam in secunda vita; Ergo poterant facere bonum fructum. Idem est de aliis.

3. Objicitur 1. illud Isaia. 64. v. 6. Et facti sumus isti immundi omnes nos, & quasi pannus menstruata unipersa iustitiae nostrae. Resp. Non loquitur Propheta de iustis, sed de impiis, nec de omnibus, sed tantum de Judæis: nec de omnibus illorum operibus, sed solum de sacrificiis, & neomeniis, in quibus illi maximè suam iustitiam collocabant; quæ tamen Deus execrabantur, juxta illud Isaiae 1. v. 13. Ne offeratis ultra sacrificium frustra: incensum abominationis est mihi, &c.

4. Deinde objicitur illud Eccles. 7. v. 21. Non est homo justus in terra, qui faciat bonum, & non peccet. Resp. Hoc non debet intelligi de peccatis mortalibus, quia de illis scriptum est. 1. Joan. 3. v. 9. Omnis, qui natus est ex DEO, peccatum non facit, sed de venialibus juxta illud Prov. 24. v. 16. Septies in die cadet justus, & resurget. Et Jacob. 3. v. 2. In multis offendimus omnes.

5. Posterior pars probatur, quia vita æterna in Scripturis vocatur merces, seu præmium bonorum operum, Matthæi 5. v. 12. Gaudete, & exultate. quamvis merces vestra copiosa est in talibus. Et cap. 20. v. 5. Voca operarios, & reddite illis mercedem. Et Rom. 3. v. 6. 7. DEUS reddet unicuique secundum opera ejus: si quidem, qui secundum patientiam boni operis, gloriam,

viam, & bonorem, & incorruptionem quarunt, vitam
eternam &c. Et 1. Corinth. 3. v. 8. Unusquisque pro-
priam mercedem accipiet secundum suum laborem. Et
Galat. 6. v. 8. Qui seminat in spiritu, de spiritu metet
vitam eternam. Et 2. Timoth. 4. v. 7. Bonum certa-
men certavi, cursum consummavi, fidem servavi. In
veliquo reposita est mihi corona justitiae.

Objec^{tio} I.

VIta æterna est hæreditas: sed hæreditas debe-
tur filiis, non ex merito, sed ex jure: Ergo
&c. Resp. Est hæreditas, respectu infantium,
qui eum Baptismo moriuntur. Est hæreditas, & mer-
ces simul respectu adulorum, juxta illud Coloss. 3.
v. 23. *Quodcunque facitis, ex animo operamini, sicut*
Domino, & non hominibus: scientes quid à Domino ac-
cepistis retributionem hæreditatis. Nec hoc mirum vi-
deri debet. Primi: Quia adulti non sunt filii Dei
per naturam, sed per adoptionem. Deus autem
adoptavit illos cum hac conditione, ut non adirent
hæreditatem, nisi vellet mandatis Dei obtemperare,
& obtemperando hæreditatem promereri. Deinde,
simile est de Christo. Nam jure hæreditatis (suppo-
lita unione hypostatica) debebatur illi gloria corporis,
& exaltatio nominis; & tamen suis meritis eam obti-
nuit, Philipl. 2. v. 8.

Objec^{tio} II.

Scriptura dicit, nos esse servos inutiles, Lucas
17. v. 10. Cum feceritis omnia, que præcepta
sunt nobis, dicite, servi inutiles sumus. Quid
ergo meremur? Nihil. Resp. Hinc apparet, quomo-
do adversarii abutantur Scripturis. Paulò ante obje-
terant, nos esse filios, & vitam æternam deberi nobis
titulò hæreditatis sine ullo nostro labore. Nunc ob-
ticiunt, nos esse servos inutiles, quibus nihil debea-
tur. Nimis: hoc ajunt, ut veritatem oppugnant,
quocunque modo id fiet. Deinde, quæro ex ipsis, an
Christus vocet illos servos inutiles, qui servant omnia.

præcepta, an eos, qui non servant? Si prius, ergo servi DEI possunt omnia præcepta servare; quod est contra adversarios. Si posteriorius, nihil contra nos concluditur. Fatae enim eos, qui non servant præcepta, servos esse inutiles, & non mereri vitam æternam; cujusmodi sunt Lutherani, & Calvinistæ.

8. Sed ad rem: verba Christi possunt habere triplicem sensum. *Primus* est, nos ex nobis esse servos inutiles; quia trahemus faciamus omnia, quæ præcepta sunt, non tamen nostris viribus, sed gratiâ DEI facimus. Ita explicat Ambros, lib. 4. in *Lucam*. Unde dupliciter possumus nos ipsos considerare. *Primo*: Quoad nostras vires, quatenus ex Adamo nascimur; & ita sumus servi inutiles. *Secundò*: Quoad cooptationem divinæ gratiæ, quatenus in Christo renascimur; & ita sumus servi utiles, 2. *Tim.* 2. v. 21.

9. *Secundus* sensus est, nos esse servos inutiles respectu DEI, etiam si omnia præcepta servemus; quia nullam utilitatem DEO praestamus, nec ipsa honestorum nostrorum indiget. Ita exponit Beda in *Commentario*. Hinc etiam patet, nos posse vocari servi utiles, & inutiles. Utiles respecto nostri; quia quidam boni facimus per observationem mandatorum, cedit in nostrum commodum, & utilitatem: nobis servimus, & metimus. Inutiles respectu DEI: quia nihil utilitatis illi accedit ex nostro labore, & industria.

10. *Tertius* sensus est, nos esse servos inutiles, etiam si omnia præcepta exequamur; quia nisi Deus liberali pacto nobiscum convenire voluisset, nullam mercedem ex justitia potuissimus à DEO petere. Ita exponit Augustinus serm. 3. de verbis Domini. Unde rursus apparet, quomodo dicamur utiles, & quomodo inutiles. Nam quidquid facimus, inutiles sumus ad mercedem vitæ æternæ, seclusò divinò pacto, & promissione. Utiles interveniente pacto, & promissione.

11. Ex his sensibus eligant Adversarii, quem velint, & facilè advertent, se nihil contra merita bonorum operum efficere. Hoc minor, cum tam diligenter inquirant testimonia Scripturaræ, quibus vocamur servi

servi inutiles, cur dissimulent ea, quibus vocamur utiles. Matth. 25. v. 23. Euge serde bone. & fidelis: quia super paucā fuisti fidelis, super multa te constituam: intra in gaudium Domini tui.

Objec̄tio III.

Apostolus ait Rom. 8. v. 18. Non sunt condignae passiones hujus temporis ad futuram gloriam. Unde sequitur, nullam esse proportionem inter nostra opera, & vitam aeternam. At inter me-
tum, & præmium debet esse proportio. Ressp. Idem
Apostolus ait 2. Thessal. 1. v. 5. Ut digni habeamini
regnō DEI, pro quo & patimini. Ubi videtur agno-
scere proportionem. Igitur explicandum est quomo-
do, utrumque verum sit. Ac primū: Si sp̄ctemus
durationem temporis, nulla est proportio inter opera
præsentia, & futuram gloriam. Nam haec aeterna est;
illa momentanea sunt. Si vero sp̄ctemus gratiam,
& qua procedunt opera meritoria, jam inter illa, &
gloriam cœlestem est proportio; quia gratia est semen
gloriae, ut loquuntur Theologi. Sicut ergo sufficiens
est proportio inter semen, & arborem; ita inter gra-
tiam, & gloriam. Quod autem haec proportio suffi-
ciat, licet nulla sit proportio durationis, patet ex illo
2. Corinth. 4. v. 17. Id, quod in præsenti est momenta-
neum, & leue tribulationis nostra, aeternum gloriae pos-
sus operatur in nobis. Hic utrumque, quod diximus,
faterur Apostolus. Primum: Quod opera nostra sint
momentanea; gloria vero aeterna. Alterum: Quod
nihilominus opera momentanea operentur, seu me-
reantur aeternam gloriam. Haec autem vis merendi
est à gratia.

C A P U T X X .


De Jejunio, & abstinentia.

Nos in Ecclesia Catholica solemus servare varia
jejunia, præsertim jejunium Quadragesima,
Quatuor temporum, Vigiliarum, & abstinen-
tiam

clam à carnibus feriâ sextâ, & Sabbathô. Idque propter præceptum Ecclesiæ, quod antiquissima consuetudine introductum est. Sicut enim in veteri Testamento sœpè indicata sunt jejunia, ac nominatim à Rege Saule. 1. Reg. 14. v. 24. & ab Josaphat, 2. Paralip. 20. v. 3. & ab Regge Ninivitarum, Jonæ 3. v. 5. & ab Esdra, 1. Esdr. 8. v. 21. & ab Esther, Esth. 4. v. 16. Sic etiam statuit Ecclesia, ut Christiani certis anni temporibus jejunarent; tum ad Deum placandum, tum ad exercitium temperantiae, & obedientiae. Quod futurum prædixit Christus, Matth. 9. v. 15. Venient autem dies, cum auferentur ab eis sponsus, & tunc jejunabunt.

2. Adversarii contemnunt præceptum Ecclesiæ, & hoc solum faciendum ajunt. quod à Deo præcipitur. Jejunium autem non præcepit à Deo. Mirares! Ut enim præceptum Dei, & illud ipsum contemnunt. Deus præcipit, ut audiamus Ecclesiam, & illi obtemperemus; Adversarii non volunt. Audiant saltem, quid fecerint Rechabitæ, quibus à parente suo Jonadab mandatum fuit, ut & ipsi, & uxores eorum, & omnes posteri perpetuò abstinerent à vino. Non objecerunt, quod nostri Adversarii objiciunt, nihil faciendum e Te, nisi quod Deus præcipit; sed dixerunt: Non bibemus vinum quia Jonadab filius Rechab, pater noster præcepit nobis dicent: Non bibetis vinum, vos, & filii vestri in sempiternum. Et propter ea à Deo laudati sunt, & peculiari benedictione affecti, verba benedictionis sunt hæc: Non deficietur de stirpe vestra, stans in conspectu meo cunctis diebus, Jerem. 35. Hinc discant Adversarii, Catholicos non minus rectè, ac laudabiliter facere servando præceptum Ecclesiæ, quam Rechabitæ fecerunt servando præceptum parentis sui Jonadab. Non enim minus laudabile est obediens communi matri Ecclesiæ, quam obediens privato homini.





LIBER SECUNDUS.

De Controversiis Lutheranorum.

Letitia sunt propria dogmata Lutheranae religionis. *Primum*: Quod Corpus, & Sanguis Christi sit ubique. Hinc vocantur Ubiquitas seu Ubiquitatis. *Alterum*: Quod infantes, dum baptizantur, habeant internum actum fidei, quo credant in Christum. *Tertium*: Quod in Eucharistia maneat substantia panis, & vini cum substantia Corporis, & Sanguinis Christi. De quibus hoc libro disputationandum est.

C A P U T I.

De Ubiquitate.

Lutherani docent, Christum secundum humanitatem esse ubique, in celo, in terra, in inferno: in pane, vino, cerevisia, lacte, oleribus, carnibus: in culina, macello, foro. Discrepant tamen inter se. Nam aliqui dicunt, illum esse ubique ab incarnatione conceptionis: alii post Resurrectionem; alii post Ascensionem: alii post sessionem ad dexteram Dei Patris.

2. Sed errant, quia constat ex Evangelio, Christum, cum in terris esset, non fuisse ubique. Marc. 16. V. 6. *Iesum quaritis Nazarenum, crucifixum, surrexit, non est hic.* Et Joan. 6. v. 24. *Cum vidisset turba, quod Iesus non esset ibi.* Similiter constat, Iapè locum mutasse. Ac primò fuisse in utero materno: deinde extra uterum in stabulo: mox in Aegypto: iterum ex Aegypto rediisse in Nazareth, & sic deinceps. Quæ omnis de-

declarant, non fuisse ubique. Nam si secundum huma-
nitatem fuisse ubique, non potuisset de loco in locum
migrare, sicut nec Deus, quia secundum divinitatem
ubique est, de loco in locum migrare potest.

3. Dupliciter *respondent* Lutherani. Aliqui dicunt
non fuisse ubique localiter, & visibiliter; fuisse tamen
ubique illocaliter, & invisibiliter. Sed frustra. *Primi*:
Quia inde sequitur, Corpus, & Sanguinem Christi, in
instanti conceptionis fuisse localiter in utero materno,
& illocaliter in toto mundo, ac proinde Christum in ute-
ro conceptum fuisse localiter, & in toto mundo illocali-
ter. Imò dupli modo passum esse in cruce, semel vi-
sibiliter, & localiter, & semel invisibiliter, & illocaliter.
Nam si eo tempore, quo fuit visibiliter, & localiter in
cruce, fuit ubique invisibiliter, & illocaliter, necesse es-
tisse etiam in cruce invisibiliter, & illocaliter. Quia
omnia inaudita, & absurdā sunt.

4. *Deinde* distinctio illa non habet locum in anima
Christi, quando in triduo mortis fuit separata à Corpore.
Tunc enim nusquam fuit localiter, & visibiliter; sed
ubicunque tunc fuit, ibi fuit illocaliter, & invisibiliter.
At certum est, non fuisse tunc ubique, quia quando de-
seruit corpus, & descendit ad inferos, non mansit in
corpore. Et similiter, quando ab inferis rediit ad cor-
pus, non mansit apud inferos. Non ergo fuit ubique.
Si enim invisibiliter, & illocaliter discellit à corpore, non
potuit invisibiliter, & illocaliter manere in corpore. Es-
turus, si invisibiliter, & illocaliter rediit ad corpus, non
potuit invisibiliter, & illocaliter manere apud inferos.

5. Denique hæc distinctio non solvit difficultatem,
quæ sumitur ex motu locali. Nam si humanitas Chris-
ti secundum substantiam suam est ubique, certum est,
quod secundum substantiam non possit de loco in locum
migrare. Substantia enim, quæ ubique est, locum mu-
tare non potest. Nec satis est dicere, non posse locum
mutare, quatenus ubique est invisibiliter, & illocaliter;
posse tamen, quatenus alicubi est visibiliter, & locali-
ter. Non enim disputo de modis, & accidentibus hu-
manitatis Christi, cujusmodi sunt, esse visibile, vel in-
vi-

visibile; esse locale, vel illocale; sed de ipsa substantia. Nam haec si reipsa ubique est, non potest reipsa moveri de loco in locum: quod manifeste patet in substantia Dei, quæ cum reipsa sit ubique, nullo modo nec visibiliter, nec invisibiliter potest de loco migrare in locum.

6. Alii ergo respondent, Christum non fuisse ubique tempore suæ mortalitatis, & hoc bene habentus probatum esse; nihilominus cœpisse esse ubique post resurrectionem. Hæc etiam responsio non valet. Primo: Quia constat ipsum post resurrectionem ascendisse ad cœlos, ac proinde locum mutasse. Similiter in die judicii venturum ex cœlo ad nos, & sic iterum locum mutaturum. Secundò: Quia plerique Lutherani docent, humanitatem Christi esse ubique; vel vi unionis hypostaticæ, vel per realem communicationem divinæ immensitatis, seu omnipræsentiae, quam ajunt factam esse instanti unionis hypostaticæ. Si ergo nunc est ubique, necesse est, fuisse ubique ab instanti conceptionis, tunc enim hypostaticè unita fuit personæ Verbi; & tunc vi iustius unionis, ut Lutherani contendunt, communicata est illi immensitas divinitatis. Est autem impossibile, communicari alicui omnipræsentiam, seu immensitatem, & non esse omnipræsentem: sicut impossibile est, communicari alicui albedinem, & non esse album.

Objectiones Lutheranorum.

Prima: Quando duæ res inter se unitæ sunt, tunc ubi est una, necesse est, & alteram esse: At humanitas Christi unita est Personæ Verbi, ergo ubi est Persona Verbi, ibi est humanitas Christi. Jam verò Persona Verbi est ubique: ergo & humanitas Christi est ubique. Resp. Quando duæ res totaliter, & adæquatè inter se unitæ sunt, tunc ubi est una, ibi est altera; quando autem non totaliter, & adæquatè unitæ sunt, tunc una potest esse alicubi, ubi altera non est. Priori modo uniuntur superficies chartæ, & albedo; materia, & forma Solis; materia, & forma aquæ; intellectus, & voluntas Angeli. Posteriori caput hominis, & anima; sol, & orbis solaris; clavus, & rota; humanitas Christi, & Persona Verbi.

Ob-

Objectio I.

8. **S**ecunda: Per unionem hypostaticam non solum Persona, & divinitas Verbi, sed etiam attributa divinitatis, omnipotentia, omnipræsentia, & omniscientia communicata sunt humanitati Christi: Ergo humanitas per communicatam sibi omnipræsentiam facta est ubique præsens, & sic de aliis. Antecedent patet ex illo Coloss. 2. v. 9. In ipso, id est in Christo inhabitat omnis plenitudo divinitatis corporaliter. At plenitudo divinitatis complectitur omnia attributa divina: Item ex illo Matth. 11. v. 27. Omnia mibi tradita sunt a Patre meo. Si omnia, ergo etiam omnipræsentia. Resp. Tripliciter intelligi potest, quod attributa divina communicata sunt humanitati Christi. Primo: Quod communicata sunt illi, non in se, sed in Persona Verbi. Sic verum est. Nam humanitati datum est, ut subsistat in persona Verbi, quæ est omnipotens, omniscia, ubique præsens. Secundo: Quod communicata sunt illi, etiam in seipso: non tamen proximè, immediate, & formaliter; sed mediatè, consequenter, & identice. Sic etiam verum est. Nam sola subsistentia Verbi proximè, immediate, & formaliter communicata est humanitati in se, & per illam proximè, immediate, & formaliter subsistit humanitas. Sed quia illa subsistentia reipis idem est cum essentia, & attributis divinis, ideo consequenter, & identice, essentia, & attributa divina communicata sunt humanitati: non ut humanitas per illa sit omnipotens, omniscia, & ubique præsens; sed ut per illa, quatenus identifiable cum subsistentia, subsistat. Tertio: Quod communicata sunt ipsi humanitati in se proximè, immediate, & formaliter, sicut subsistentia illi communicata est, ac proinde sicut recte dicitur, humanitatem Christi subsistere subsistentia divinæ; sic etiam recte dici, omnipotentem esse omnipotentiam divinam, & ubique præsentem omnipræsentiam divinam; Sic intelligunt Lutherani: & hoc sensu nos illorum impugnamus. Nam si illa tria attributa divina hoc modo communicata essent humanitati, etiam hunc resi-

essent communicata nempe. Esse actum purum, esse aeternum, esse independentem, cum sit per ratio omnium, & testimonia Scripturæ a Lutheranis allata, æquè de omnibus intelligi possint. At hæc tria posteriora non sunt communicata humanitati in se proximè, & formaliter: Ergo nec illa tria priora. Minor patet, quia humanitas non est in se formaliter actus purus, cum sit ens in se compositum: Nec in se est ab aeterno, cum sit creata in tempore: Nec est independens, cum dependeat a Deo.

Objec^{tio} II.

^{9.} **I**llud autem Apostoli, quod objicitur a Lutheranis, *In ipso inhabitat omnis plenitudo dieinitatis corporaliter*: non intelligitur de humanitate Christi, de qua hic disputamus; sed de ipso Christo. Cum enim Christus sit verus Deus, & verus homo; necesse est, ut sicut in eo est plenitudo humanitatis, sic etiam sit plenitudo divinitatis.

Vel quod idem est, sicut in eo est natura humana cum suis proprietatibus, & attributis; sic etiam sit natura divina cum suis proprietatibus, & attributis. Similiter illud: *Omnia mihi tradita sunt a Patre meo*: dictum est de Christo, non de humanitate Christi. Poteſt autem duplíciter intelligi. *Primo*: Quod omnia sint illi tradita per aeternam generationem. Et sic non est ad propositum. *Secundo*: Quod omnia sint illi tradita per unionem hypostaticam: non tamen in ipsa humanitate, sed in persona Verbi,

Objec^{tio} III.

^{10.} **A**postolus diserte ait: Christum post Ascensionem fuisse ubique, seu impleuisse omnia loca, Eph. 4. v. 10. *Ipsæ est, qui ascendit supra omnes cœlos, ut impleret omnia*. Resp. Sensus est, Christum prius descendisse ad inferos, ac deinde per aërem ascendisse supra omnes cœlos, ut omnia loca, infima, media, summa, successivè impleret per suam præuentiam, gloriam, victoriam, triumphum: Et sic caperet possessionem sui.

imperii in omnes creaturas; & tanquam Rex solenni pompa inauguraretur. Unde S. Bern. serm. i. de Ascens. Domini ait: Jam enim cum se Dominum universorum, quae sunt in terra, & in mari, & in inferno, probasset, non restabat, nisi ut aeris, & calorum se esse Dominum approbaret.

Objectio IV.

11. **C**hristus secundum humanitatem sedet ad dexteram Dei, Coloss. 3. v. 1. & Hebr. 1. v. 13. sed dextra Dei est ubique: ergo Christus secundum humanitatem est ubique. *Resp.* Sensus est, Christum sedere ad dexteram Dei, est aequalem esse Deo in potentia, gloria, & maiestate: non quod haec aequalitas data sit Christo homini in humanitate, sed in Persona Verbi. Non enim sacram est, ut humanitas in se ipsa sit aequalis Deo in potentia, gloria, & maiestate; sed ut sit humanitas Personæ Verbi, quæ habet aequalem potentiam, gloriam, & maiestatem cum Persona Patris. *Dicess.* hoc factum est in instanti Incarnationis, quando humanitas Christi unita fuit Personæ Verbi. Apostolus autem loquitur de sessione ad dexteram Dei Patris, quæ contigit post Ascensionem. *Resp.* In illa sessione duo spectari debent. *Primo:* Aequalitas Christi cum Deo Patre. Hæc illi data est in instanti Incarnationis. *Secundo:* Manifestatio illius aequalitatis. Hæc facta est in Ascensione; quando Christus, tanquam victor, & triumphator cum solemní pompa ascendit ad cœlum, & cœpì agnosci, ac honorari tanquam Deus. Phil. 2. v. 9.

Objectio V.

12. **C**hristus ait Matth. 18. v. 20. *Ubi sunt duo, vel tres congregati in nomine meo, ibi sum in medio eorum.* Et cap. 28. v. 20. *Ego vobis cum sum omnibus diebus usque ad consummationem facili.* *Reff.* Christus non loquitur de præsentia corporali, sed de præsentia per suam gratiam, & directionem.

CA-

C A P U T II.

De Fide infantium.

1. **D**icam *Primo*: Quid sentiat Lutherus. *Secundo*: Quid Lutherani. *Tertio*: Quid Catholici. *Quarto*: Solvam objectiones Lutheri, & Lutheranorum. Igitur Lutherus docet: infantes habere fidem actualem, qua credant in Christum, & per quam justificantur. Hanc autem fidem digni in infantibus, partim vi Exorcismi, partim orationibus Ecclesiæ. quæ adhibentur in exorcismo, (libro contra armatum virum Coelacum) Sed facile resellitur. *Primo*: Quia præter Lutherum nemo hoc docet. *Secundo*: Nullum habet fundamentum in Scriptura, in qua nulla fit mentio Exorcismi. *Tertio*: Multa absurdâ inde sequuntur. *Primo*: infantes exorcizatos, si moriantur ante baptismum, salvari posse per fidem in Exorcismo acceptam, ac proinde baptismum non esse necessarium. Nam ut loco citatô Lutherus ait: *Baptismus finè fide non justificat: fides autem finè Baptismo justificat.* *Secundo*: Exorcismum magis esse necessarium ad salutem, quam Baptismum; quia Exorcismus consert fidem justificantem, quam Baptismus non consert. *Tertio*: Nos habere aliquod medium necessarium ad salutem ex sola Traditione, nempe Exorcismum, quod Lutherani censem absurdum esse.

2. Hæc de Luthero. Lutherani in tres seetas divisi sunt. Aliqui docent cum Luthero, infantes habere fidem, qua credunt in Christum, ut Leonardus Hutterus in Compendio locorum Theologiae cap. 20. de Baptismo quest. 11. Alii, haberepios quosdam motus, seu inclinations in Deum, ut Philippus in locis anni 1558. titulô de Baptismo parvolorum. Alii, habere utrumque, & veram fidem, quâ credant in Christum, & pios motus, seu inclinations in Deum, ut David Cythraeus in Catechesi anni 1589. cap. 7. de Baptismo. Omnes tamen dissentunt à Luthero in eo, quod dicant hujusmodi fidem vel pios motus non digni in infantibus per

Exorcismum, sed in Baptismo per virtutem, & operationem Spiritus sancti.

3. Catholici tria statuunt. **Primo**: Infantes in Baptismo non habere propriam fidem actualem, quā credant in Christum. Hoc enim ex Scripturis colligi non potest, ut constabit ex solutione objectionum. Et Augustinus expressè ait: eos, qui putant infantes credere in Christum, quando baptizantur, injuriam facere humanis sensibus. (*Epiſt. 57. ad Dardanum quæſt. 2.*) Videlicet enim infantes, partim vocis ejulatu, partim motu corporis reluctari, quando aquā Baptismi asperguntur; quod non facerent, si crederent se per illam aquam regenerari; & filios Dei effici. **Et lib. 4. de Baptismo contra Donatistas cap. 24.** ait: *Infantes baptizati, non ex impia voluntate, sed ex etatis indigentia, nec corde credere ad justitiam possunt, nec ore confiteri ad salutem.*

4. **Secundo**: Infantes in Baptismo non habere pios motus, seu inclinationes in Deum. Velenim Lutherani, qui afferunt hujusmodi motus, volunt eos distingui à fide justificante, vel non distingui. Si hoc posterius, jam refutati sunt, quia ostensum est, infantes non habere actum fidei justificantis. Si prius, jam refutant seipsoſ. Nam alibi, ex communi consensu docent, hominem sola fide justificari. Hi docent, infantes justificari per pios motus, qui juxta suppositionem, à fide distincti sunt.

5. **Tertio**: Infantes in Baptismo non justificari sine fide. Tameſi enim non habeant propriam fidem actualem, aut pios motus in Deum, ut jam dixi, acquirunt tamen habitum fidei, sicut etiam habitum spei. & charitatis. Deinde præter hunc habitum, dicentur etiam actu credere, duplicitenuſ. **Primo**: Quatenus actu baptizantur. **Secundο**: Quatenus credunt aliena fide. De priori loquitur Augustinus *lib. 1. de peccat. meritis & remiss. cap. 27.* *Quis nesciat, inquit, credere infantibus esse baptizari? non credere autem, non baptizari.* De posteriori ſerm. 10. de verbiſ Apostoli. Portantur ad Eccliam. *Si pedibus illuc currere non possunt, alienis pedibus currunt, ut sanentur.* Accommodat illis Mater Ecclia.

Ecclesia aliorum pedes, ut veniant: aliorum corda, ut credant: aliorum linguam, ut fateantur: Ut quoniam quoad agri sunt, alio peccante prægravantur: sic cum bijani sunt, alio pro illis confitente salvantur.

Objectiones Lutheranorum.

6. **P**rima: Nemo potest justificari sine fide: at infantes in Baptismo justificantur: ergo fidem habent; major patet ex illo Matci 16. v. 16. Qui non credidit in eum condemnabitur. Et Hebr. 11. v. 6. Sine fide impossibile est placere DEO. Resp. Nemo adultus potest justificari, sine propria fide actuali; ut recte colligitur ex testimoniis citatis. At infantes salvari possunt partim fide aliena, partim propria habituali, ut dictum est.

7. Secunda: Christus dicit ait, infantes habere aquam fidei, Matth. 18. v. 6. Qui scandalizavit unum de pusillis istis, qui in me credunt. Resp. Christus non loquitur de infantibus, qui non sunt capaces scandali, sed de pueris grandioribus, qui vocati accedebant Christum, ut ex contextu patet.

8. Tertia: Joannes Baptista existens in utero materno, habuit fidem in Christum. Ergo &c. Resp. Exemplum Joannis Baptiste non facit regulam generalem, sicut nec exemplum asinæ Balaam, ut recte notat Augustinus epist. 57. Ad Dardanum quæst. 2. Non enim sequitur: asina Balaam locuta est: ergo omnes asinæ loquuntur. Nec item: Joannes Baptista credidit in Christum: ergo omnes infantes credunt in Christum. Deinde, Scriptura non dicit Joannem credidisse, sed exultasse, ut bene advertit idem Augustinus loco citatus.

9. Quarta: Si infantes non credunt, jam astantes mentiuntur, quando respondent pro infante baptizando; Credo. Resp. Non mentiuntur, quia non significant illum credere actu proprio, sed alieno, ut recte notat. D. Thomas in 3. parte quæst. 68. art. 9. ad 3. Quomodo autem fides aliena possit illi prodeesse ex S. August. explicatum est. Prodest illi fides aliena, sicut obest peccatum alienum.

C A P U T III.

De Impanatione.

Lutherani nobiscum sentiunt contra Calvinistas, Christum verè præsentem esse in Eucharistia. Sed quo modo sit præsens, in eo dissentunt. Nos docemus fieri præsens per transubstantiationem, id est, per conversionem substantiæ panis, & vini, in substantiam Corporis, & Sanguinis Christi, sicut substantia aquæ in nuptiis Canæ Galilææ; conversa est in substantiam vini. *Ioan. 2. v. 9.* Hanc conversionem negant Lutherani afferentes, substantiam panis, & vini simul manere cum substantia Corporis, & Sanguinis Christi. Itaque Christum non fieri præsentem in Eucharistia per conversionem unius substantiæ in alteram, sed alio modo. Quis autem ille modus sit, in eo discrepant. *Alii* per unionem hypostaticam Christi cum pane, & vino. *Alii* per simplicem conjunctionem unius cum altero; omnes tamen in eo convenient, quod hæc propositio sit vera. *Panis est Corpus Christi, Vinum est Sanguis Christi.* Item: *Corpus Christi est in pane, cum pane, sub pane.* Atque hinc ortum est vocabulum Impanationis. Hæc omnia examinanda sunt.

Q U Ä S T I O I.

An Christus sit præsens in Eucharistia per Ubiquitatem? Plerique Lutherani affirmant cum Luther. Sed malè: *Primò*: Quia ubiquitas jam explosa est. *Secundò*: Multi Lutherani docent: Christum non fuisse ubique præsentem, nisi post Ascensionem: ergo ante Ascensionem, vel non fuit præsens in Eucharistia; vel si fuit, non potuit esse per Ubiquitatem, sed per transubstantiationem, quod nos docemus. *Tertii*: Quod ubique est, non movetur de loco in locum, ut supra demonstravi: si ergo Corpus Christi est ubique, non movetur de loco in locum; ergo Minister Lutheranus, quando alicui porrigit Hostiam, non porrigit Corpus Christi, sed nudum panem. Nam id, quod porrigit, movetur ex manu

manu ipsius in os, & stomachum comunicantis; Corpus autem Christi, si ubique est, non potest ita moveri.

QUÆSTIO II.

AN Christus sit præsens in Eucharistia per unionem hypostaticam? Hoc potest duplicitate intelligi.
Primò: Ut sit præsens per unionem Personæ Verbi cum pane, & vino. Secundò: Ut sit præsens per unionem Corporis Christi cum pane, & Sanguinis Christi cum vino. Hoc posterius videtur asserere Lutherus in cap. iv. Babyl. cap. de Eucharistia. Sed non rectè. Nam unio hypostatica non sit in natura, sed in persona, seu hypostasi: (Inde enim vocatur hypostatica, seu personalis.) At in Christo non est ulla Persona, nisi in Verbi: ergo nulla potest fieri unio hypostatica, nisi in Persona Verbi: ergo non est hypostatica.

QUÆSTIO III.

AN Christus sit præsens in Eucharistia per simplicem conjunctionem? Hoc putantur sentire Kemnitius, & aliqui recentiores Lutherani. Quos refello ex duobus ipsorum principiis. **Uno:** Quod verba illa: *Hoc est corpus meum*, propriè intelligantur, & non metaphorice; in quo nobiscum sentiunt. **Altero:** Quod per pronomen (*Hoc*) designetur panis, in quo sentiunt cum Calvinistis. Igitur volunt hunc esse sensum verborum: *Hic panis est propriè Corpus Christi*: Nihil absurdius. Quando enim duæ res distinctæ, ac disparatæ non aliter quam per simplicem conjunctionem uniuntur, tunc una propriè non potest dici altera. Non enim dicimus, *Aer est panis*, tametsi aer sit in pane, & cum pane? Neque *Angelus est homo*, licet possit esse in homine, ergo si Corpus Christi per simplicem tantum conjunctionem est in pane, & cum pane; non licebit dicere: *Corpus Christi propriè est panis*, aut contrà.

QUÆSTIO IV.

AN Christus sit præsens in Eucharistia per transubstantiationem, seu per conversionem totius substantiae vini in Sanguinem Christi? Affirmant

Catholici cum Conc. Trident. Sess. 3. c. 4. & cum antiquis
Partibus. Ex multis citabo paucos. Igitur Ambr. in lib.
de iis, quae mysteriis initiantur cap. 9. diserte ait: natu-
ram, seu substantiam panis mutari in Corpus Christi. Et
tripliciter probat hanc mutationem non esse impossibili-
tem. **Primum:** Quia Deus potuit facere, ut naturæ re-
rum existent, quæ antea non existebant: ergo etiam
potest facere, ut, cum existunt, una mutetur in aliam.
Secundum: Potuit facere, ut virga Moysis mutaretur in
serpentem; ergo. **Tertium:** Potuit multa alia facere, quæ
supra naturam sunt; nimirum: ut aqua Ægypti mu-
taretur in sanguinem; ut amara fieret dulcis; ut fer-
rum securis naaret supra aquam; ut ignis descendere
de cœlo, ut Christus naiceretur ex Virgine; cur ergo
non possit facere, ut substantia panis mutetur in car-
nem? Addo ego, id quotidie fieri in humano corpore.
Panis, quem comedimus, convertitur in carnem, &
substantiam nostram. Quis dubitat?

6. Idem Ambr. l. 4 de Sacramentis c. 4. sic habet:
Panis iste, panis est ante verba Sacramentorum: ubi acce-
serit consecratio, de pane fit Caro Christi: & Cyrillus His-
tori. Catechesi 4. mystagogica: Aquam olim in vinum
convertit in Cana Galilæa: & non erit dignus, cui ceditur
quod vinum in sanguinem transmutarit: & inserviat ibidem.
Sub specie panis datur tibi corpus. & sub specie vini datur
tibi sanguis: & Cyprian. in ser. de Cœna Domini. Panis
iste, non figuræ, sed natura mutatus, omnipotentiæ Verbi sim-
ilis est caro. Et Hilarius lib. 8. de Trinit. De veritate
carnis & sanguinis, non est relictus ambigendi locus. Et
Gregorius Nyssen. orat. Cathec. c. 37. Reclite nunc quoque
credo: DEI Verbo sanctificatum panem, in DEI Verbi
corpus transmutari. Hæc testimonia clara sunt.

7. Objici potest illud 1. Cor. 10. v. 16. Panis, quem
frangimus, nonne participatio Corporis Domini est? Et c.
11. v. 26. Quotiescumque manducabitis panem hunc. Ex
quo videtur sequi, panem manere in Eucharistia, & nul-
lam fieri transubstantiationem. Resp. Apostolus loqui-
tur de pane murato: Sicut Christus, cum ait: Cœci
vident id est, qui antea erant cœci, nunc
vident.

LIBER TERTIUS.

De Controversiis Calvinistarum.

Calvinistæ sortiuntur varia nomina, ut alibi dixi. In Anglia vocantur Puritani: in Gallia Hugonottæ: in Hollandia Geulii: in Bohemia Picarditæ: in Helvetia Sacramentarii, & Zwingiani: in Germania Calvinistæ. Capita controversiarum, in quibus speciatim a nobis dissident, sunt hæc ferè. *Primo*: De attributis divinis. *Secundo*: De Christo. *Tertio*: De imagine Christi. *Quarto*: De Prædestinatione. *Quinto*: De Gratia. *Sexto*: De Authorie peccati. *Septimo*: De Baptismo infantium. *Ottavo*: De Exorcismo. *Nono*: De reali præsenzia Corporis Christi in Eucharistia. *Decimo*: De circulo Calvinistico.

C A P U T I.

De Attributis divinis.

IN hoc capite nominatum disputandum est contra Conradum Vorstium Calvinistam, qui in tractatu de Divinis attributis sic sentit. **Primo:** DEUM secundum essentiam, & essentialem perf actionem, non esse infinitum. **Secundo:** Nec ubique praesentem in hoc mundo, sed tantum in cœlo. **Tertio:** In DEO esse accidentia. **Quarto:** Decreta DEI non esse ab æterno. **Quinto:** Aeternitatem DEI non esse indivisibilem, & totam simul, sed divisibilem, & successivam. Hi quinque Atheismi refutandi sunt. Atheismos voco: quia, qui ita de DEO sentit, non agnoscit verum DEUM; **Atheus ergo est.**

CONCLUSIO I.

DEUS secundum essentiam, seu essentialē pefectionem, est simpliciter infinitus. Patet ex Scriptura, Psal. 144. v. 3. *Magnus Dominus, & laudabilis nimis, & magnitudinis ejus non est finis.* Et Baruch. 3. v. 25. *Magnus est, & non habet finem.* Quae testimonia non possunt intelligi de magnitudine molis, seu quantitatis, quae in Deo nulla est, sed de magnitudine virtutis, seu perfectionis. Est ergo hic sensus: Deus ita magnus est in virtute, & perfectione, ut non habeat finem, seu terminum suae virtutis, & perfectionis. Unde sic argumentor: Sicut illud est infinitum in virtute, & perfectione, quod habet finem, seu terminum suae virtutis, & perfectionis; ita ē contrario, illud est infinitum in virtute, & perfectione, quod non habet finem, seu terminum suae virtutis, & perfectionis; At Deus non habet; ergo infinitus est.

3. Objicit primò: Vorstius: substantiam Dei videri ab Angelis, & ideo infinitam non esse. Sed consequentia hæc nulla est. Docent enim Theologi, rectè cohærere hæc duo: Dei substantiam infinitam esse, & tamen videri posse ab intellectu finito; non quidem per solas naturæ, vires, sed accedente auxilio Dei supernaturali.

4. Objicit secundò: Nulla creatura est infinita; ergo nec Deus. Ineptissime profectò; Perinde ac si dicam: Nulla creatura fuit ante mundum conditum; ergo nec Deus. Boni authores colligunt contrarium ex hoc mundo: Ideò creaturæ finitæ sunt in genere entis; quia deest illis aliqua perfectio in genere entis. Nulla enim est, quæ contineat omnes perfectiones in latitudine entis; ergo ē contrario, ideo Deus est infinitus in genere entis, quia nulla deest illi perfectio in genere entis.

5. Objicit tertio: Potentia Dei non extenditur ad impossibilia: ergo non est infinita. Non minus inepte. An putat Vorstius, infinitam fore potentiam, si ad impossibilia se extendere? Imò potentia non esset, si id fieret. Sicut enim scientia non dicitur, nisi respectu sci-

scibilium, sic neque potentia, nisi respectu possibilium. Impossibilia enim non cadunt sub potentiam, & si cadent, impossibilia non essent.

CONCLUSIO II.

DEUS secundum substantiam suam ubique praesens est in hoc mundo, & non tantum in cœlo. Patet ex illo Jerem. 43. v. 24. *Cælum, & terram ego impleo, dicit Dominus.* Et 3. Reg. 8. v. 17. *Cæli cælorum te non capiunt.* Idem docent Patres: Cyprianus in lib de vanitate idolorum. *DEI templum totus est mundus.* Et ibidem: *DEUS est totus ubique diffusus.* Et Augustinus epist. 27. ad Dardanum: *DEUS substantia liter ubique diffusus est.* Et lib. 7. de Civit. DEI c. 30. *DEUS ubique totus, implens cælum, & terram, præsente potentia, non absente natura.* Et ratio est: quia, si Deus secundum substantiam non esset alibi, quam in cœlo, sequeretur, Christum. cum in terris versabatur, non fuisse verum Deum secundum substantiam; at hoc impium est: ergo & illud. ex quo hoc sequitur.

7. Objicit Vorstius illud Psalm. 113. v. 16. *Cælum cæli Domino terram autem dedit filiis hominum.* Psalm. 122. v. 1. *Ad te levavi oculos meos qui habitas in cælis.* Resp. Deus quidem est ubique secundum substantiam, ut dictum est; sed tamen speciali quodam modo est in cœlo; nempe: per maiestatem, & gloriam; sicut in inferno per justitiam vindicativam; & in humanitate Christi per unionem hypostaticam; & in Ecclesia per assistentiam, & directionem.

CONCLUSIO III.

IN DEO non sunt vera accidentia realiter distincta à substantia DEI. Ratio est, quia quod in se infinitè perfectum est, non potest ulterius in se perfici. At substantia Divina in se infinitè perfecta est, ut paulò ante probavi; ergo non potest ulterius in se perfici. At perficeretur in se, si reciperet in se accidentia realia. Major patet; quia quod in se infinitè perfectum est, hoc in se continet omnes perfectiones possibles, vel formaliter, vel eminenter; ergo ulterius perfici non potest.

potest. Deinde excludit à se omnem defectum, & imperfectionem; ergo etiam omnem potentiam passivam, seu receptivam, cum talis potentia supponat parentiam, & defectum; ergo non potest in se recipere ulteriorem perfectionem; ergo nec accidentia.

9. *Objicit Vorstius*; Decreta D^ei sunt multa; cum aliud sit decretum creandi, aliud prædestinandi, aliud reprobandi; At substantia D^ei est unica; ergo Decreta non sunt substantia, sed accidentia. *Resp. Primò*: Negatur consequentia, quæ non legitime insertur. Quod patet in hoc simili syllogismo. Personæ Divinae sunt multæ; at substantia D^ei est unica: ergo Personæ Divinae non sunt substantia, sed accidentia. Deind: major propositio aperte falsa est. Non enim in DEO sunt multa decreta, eo sensu, quo id asserit Vorstius, id est: non sunt multi actus voluntatis, quorum uno decernat Deus creare mundum; alio prædestinare quosdam ad vitam; alios reprobare ad mortem; sed est unus simplex actus, quo hæc omnia decernit. Simile est in scientia D^ei. Non enim sunt multæ scientiæ in DEO, id est, non sunt multi actus intellectus, quorum uno cognoscat Petrum, alio Paulum, alio Joannem; sed est una simplex scientia, seu unus simplex actus intellectus, quo omnia tam creaturas, quam seipsum intelligit. Et ratio est; quia actus intelligendi, & volendi in DEO nihil aliud est, quam ipsa Essentia, seu Substantia D^ei, quatenus per modum actus significatur. Hoc sensu dicunt Patres, & Scholastici, non distinguiri in DEO hæc tria; Eſſe, Poffe, Operari, seu essentiam, potentiam, & operationem. Unde sicut essentia D^ei est una, simplex; sic etiam una, & simplex scientia; unum & simplex decretum. Et hæc omnia una, & simplex Leitas.

C O N C L U S I O IV.

10. **D**ecreta D^ei sunt ab æerno, seu, quod idem est, sunt DEO coæternæ. Sequitur ex dictis, quia Decreta D^ei sunt ipsa D^ei essentia, seu substantia: Hæc est ab æerno; ergo & illa. *Objicit Vorstius*, omnis causa libera antecedit suum effatum ordine


ordine temporis, seu durationis; at DEUS est causa libera respectu liberorum decretorum; ergo tempore, vel duratione antecedit sua decreta; non ergo decreta DEI sunt æterna. *Resp.* *Primo:* Major falsa est. Nam Angeli in primo instanti creationis habuerunt liberum actum dilectionis DEI; & Christus secundum humanitatem in instanti conceptionis liberè acceptavit mortem pro humani generis redemptione. *Secundo:* Minor etiam falsa est; quia decreta DEI non sunt effectus DEI; nec DEUS illorum causa est. Nam, ut dixi, decreta DEI sunt ipsa essentia Divina, quatenus terminatur ad decretas per modum operantis, volentis, decernentis.

CONCLUSIO V.

11. *A*ternitas DEI non est divisibilis, & successiva, sed indivisibilis, & tota simul. Hoc etiam sequitur ex dictis; quia æternitas DEI non est accidens (cum in DEO nulla sit accidentia,) sed est substantia DEI; at haec est indivisibilis, & tota simul, in qua nullæ sunt partes sibi invicem succedentes, alioquin est mutabilis, & corruptibilis; ergo etiam æternitas est indivisibilis, & tota simul, in qua nullæ sunt partes sibi invicem succedentes. Ergo tota coexistit omnibus temporum differentiis.

12. *Objicit* Vorstius: Si tota æternitas coexistit omnibus temporum differentiis, seu partibus, sequitur. *Primo:* Omnes partes temporis, id est, præteritum, præsens, & futurum simul inter se coexistere. *Secundò:* DEUM posse efficere, ut præteritum non sit verè præteritum, & futurum non sit verè futurum; quia utrumque in æternitate præsens est. *Tertiò:* Primum annum mundi conditi, esse hunc ipsum annum præsentem. *Quartò:* Res in æternitate nunquam oriti, aut interire, quia semper æternitati præsentes sunt. *Resp.* *Prima consequentia,* à qua reliquæ dependent neganda est. Non enim sequitur, si tota æternitas coexistit omnibus partibus temporis, ipsas etiam partes simul inter se coexistere. Nam tota æternitas non coexistit omnibus

partibus simul sumptis, & existentibus, ut supponit Vorstius: sed singulis divisim sumptis, & sibi mutuo succedentibus. v. g. Hodie tota æternitas coëxistit hodierno diei: & cras tota coëxistet crastino diei. & perendie perendino; & sic deinceps. Hinc non sequitur, hodiernum, crastinum, & perendinum simul existere, sed potius unum alteri succedere. Hæc solutio facile accomodabitur ad reliquas consequentias, quæ ex Vorstio allatae sunt.



C A P U T II.

De Christo.

1. **V**ARII sunt errores Calvinistarum de CHRISTO.
Primus: Christum non esse mortuum pro omnibus, sed pro solis prædestinatis. *Secundus*: Christum in cruce desperasse. *Tertius*: Non verè, ac propriè, sed tantùm metaphorice descendisse ad inferos. *Quartus*: Christum esse Mediatorem secundum utramque naturam, divinam, & humanam. *Sextus*: Christum ab initio multa ignorasse, quæ paulatim didicerit. *Quatuor* priores sunt proprii Calvinistarum; reliqui duo communes Lutheranis, & Calvinistis; omnes ordine refutandi.

Q U Ä S T I O I.

2. **A**N Christus pro omnibus mortuus sit? Hæc tria connexa sunt. *Primo*: An pro omnibus mortuus sit? *Secundo*: An mors, & meritum ipsius omnibus prospicit? *Tertio*: An DEUS det omnibus fidem, gratiam ex merito Christi? *Calvinus lib. 3. Instit. cap. 22. s. 10. & cap. 24. s. 13. docet*: Christum pro solis prædestinatis mortuum esse; meritum ipsius prodessit solis prædestinatis; DEUM solis prædestinatis dare fidem, & gratiam ex merito Christi.

3. Catholici non constringunt mortem, merita, & beneficia Christi ad paucos. Sentiunt omnibus esse com-

communia. Hoc enim Scriptura disertè testatur. 2.
 Corinch. 5. 15. Pro omnibus mortuus est Christus. Et I.
 Tim. 2. v. 6. Qui dedit semetipsum redemptionem pro
 omnibus. Et 1. Joan. 2. v. 2. Ipse est propitiatio pro pec-
 catis nostris, non pro nostris autem tantum, sed etiam
 pro totius mundi. Et Joan. 1. v. 9. Illuminat omnem
 hominem venientem in hunc mundum. Hinc D. Ambro-
 gus 1.erm. 5. in Psalm. 118. Sol justitiae omnibus ortus est,
 omnibus venit, omnibus passus est, & omnibus resurrexit.
 Haec doctrina tribus propositionibus explicari potest.
 Prima est: Christi meritum fuisse sufficiens ad totum
 genus humanum redimendum, & salvandum. In hac
 conveniunt nobiscum Calvinistæ. Et rectè: quia ipius
 meritum fuit infiniti valoris propter infinitam dignita-
 tem Personæ, cui humanitas est unita. Altera est:
 Christi meritum re ipsa non esse efficax respectu repro-
 borum quoad vitam æternam. Neque hic dissentimus:
 quia reprobi re ipsa non pervenient ad vitam æternam.
 Si enim venirent, non essent reprobi, sed prædestinati.
 Tertia est: Christi meritum re ipsa esse efficax respectu
 reproborum, quoad dona gratiæ in hac vita. Hoc ne-
 gant Calvinistæ; Nos asserimus. Constat enim multis
 reprobos habuisse fidem, & alia dona à Deo per merita
 Christi, ut Judam pro ditorem, Simonem magum, &
 omnes illos, qui ex Catholicis facti sunt heretici, de
 quibus Apost. 1. Tim. 1. v. 19. Quidam circa fidem
 naufragaverunt. Et 2. Tim. 2. v. 17. Ex quibus est
 Hymenæus. & Philetus qui à veritate exciderunt. Un-
 de August. in lib. de corrept. & gratia cap. 13. Creden-
 dum est, inquit, quosdam de filiis perditionis non acce-
 pto dono perseverantia usque in finem in fide, quæ per
 dilectionem operatur, incipere, vivere, & aliquamdiu
 fideliter, ac justè vivere, & postea cadere.

QUÆSTIO II.

AN Christus in cruce desperaverit? Affirmat
 Calvinus in Harmonia Evangelica ad cap. 27.
 Matth. & lib. 2. Instit. cap. 16. §. 10. & 11.
 Probat autem dupliciter: Primò, ex illo: DEUS DEUS,
 meus!

meus! ut quid dereliquisti me? Secundò: Quia Christus sustinebat Personam omnium nostrum, qui propter peccata eramus obnoxii æternæ damnationi; ergo debebat persolvere omnes pœnas, quæ homini damnato debebantur, inter quas erat desperatio.

5. Hæc mera blasphemia est. Primò: Quia desperatio est peccatum; est autem blasphemum, afferere Christum peccasse. Secundò: Quando Christus dixit: *D E U S, D E U S meus!* ut quid dereliquisti me? dixit etiam: *Pater!* in manus tuas commendabo Spiritum meum. Quod non dixisset, si desperasset. Tertiò: Christus jam tum erat in statu Beatitudinis, & promittebat latroni eundem statum: *Hodie tecum eris in Paradiſo.* At in statu Beatitudinis non potest esse desperatio.

6. Nec obstat illud, *ut quid dereliquisti me?* Non enim est vox despiciantis, sed admirantis. Admiratur Christus, cur in tanto corporis cruciatu derelictus sit; sed mox tollit admirationem. Longè à salute mea verba delicio um meorum. Quasi dicat: Non est mirum, mi totius mundi, quæ in me suscepit, non possum aliter expiare, nisi luendo hanc pœnam: *verba delictorum meorum*, id est, pœcata humani generis, quæ mea sunt, quatenus ea in me suscepit, longè à salute mea, id est: non possunt conjungi eum salute corporis mei. Debet pati in corpore, ut illa possim expiare. Quo spectat illud 1. Petri 2. v. 24. *Pœcata nostra ipse portavit corpore suo su er lignum.* Vide Bellarminum in Commentario Psalm. 21.

7. Deinde falsum est, Christum pertulisse omnes pœnas damnatorum. Præcipua illorum pœna est, privatio æternæ Beatitudinis; at Christus, nec in morte, nec post mortem privatus fuit æterna Beatitudine. Nam ante passionem, dixit Joan. 17. v. 24. *Pater, quos dedisti mihi, volo, ut ubi sum ego, & illi sint mecum, ut videant claritatem meam, quam dedisti mihi.* Quid est hoc, *Ubi ego sum?* id est: in statu Beatitudinis. Igitur sensus est: Opto ut mei ministri veniant ad illum statum Beatitudinis, in quo ego nunc sum; at status Bea-

titudinis est immutabilis; ergo si Christus ante passionem fuit in illo statu, semper in eo mansit. Non ergo paenam damni expertus est; & consequenter nec omnes damnatorum paenas.

QUÆSTIO III.

AN Christus verè descederit ad Inferos? Calvinus lib. 2. Inst. cap. 16. §. 10. v. 11. & 12. tria docet. Primo: Christum descendisse ad Inferos, id est, omnes paenas damnatorum in anima perpetuum esse. Quæ explicatio, & nova, & falsa est. Nova, quia omnes antiqui Patres explicant, & ajunt: Christum post mortem secundum carnem jacuisse in sepulchro; secundum animam descendisse ad inferiores partes terræ, ut inde animas Sanctorum veteris Testamenti liberaret. Aug. epist. 57. ad Dardanum, Hieronymus in Psalm. 15. Ambrosius de mysterio Pascha cap. 4. & alii. Falsa, quia nunc ostensum est; Christum non pertulisse omnes paenas damnatorum.

9. Secundo: Docet, Christum cœpisse descendere ad inferos; id est: cœpisse pati paenas damnatorum, quando in horto dixit: *Pater! si possibile est, transeat à me calix iste.* Deinde profundius descendisse, quando clamavit in cruce: *DEUS, DEUS meus! ut quid dereliquisti me?* Tertio: Profundissime, quando post mortem torum severo Dei tribunali, tanquam reus æternæ mortis comparuit. Hæc mera figmenta sunt. Ubi obsecro vel Scriptura, vel Patres afferunt, Christum post mortem pertulisse paenas damnatorum? Nusquam.

10. Tertio: Docet corporalem Christi mortem nihil nobis fuisse profuturam, si non etiam post mortem perpeccus fuisset paenas damnatorum. Qui error directe pugnat contra Scripturam, ex qua habemus hæc duo principia. Primo: Quod Christus sua passione, & morte perfecit, seu consumaverit opus nostræ redemptionis. Secundo: Quod post mortem in illo triduo nihil amplius perpeccus sit. Prius habetur Hebr. 2. v. 10. *Decebat eum, qui multos filios in gloriam adduxerat, authorem salutis nostrum per passionem consummare.* Posteriorius Luc. 23. v. 43:

Hodie mecum eris in Paradiso. Calvinus interpretabitur Non Hodie, sed post triduum mortis mecum eris in Pa^{ri} radiso. Nam in isto triduo stabo coram severo Dei tribunali, & sustinebo omnes pœnas damnatorum.

11. Objicit : Calvinus illud Actor. 2. v. 24. *Quem DEUS fuscitavit, solutis doloribus inferni.* Ex quo infert: Christum in instanti resurrectionis fuisse solutum, seu liberatum à doloribus inferni, ac proinde toto triduo mortis perpeccum esse illos dolores. Resp. Textus non dicit: Christum fuisse solutum, seu liberatum à doloribus inferni, quibus antea tenebatur, sed ne illis teneatur. Sicut si dicerem: Leonem fuisse solutum, seu liberatum à laqueis venantium; non quod antea illum fuisse captus, sed eos rupisse, seu perfregisse, nec capere retur. Et hoc significat textus, cum ait. *Quem DEUS fuscitavit, solutis doloribus inferni, juxta quod impossibili erat teneri illum ab eo.* Vide Aug. ep. 99. ad Evodium,

QUÆSTIO IV.

12. **A**N Christus sua passione ac morte aliquid sibi meruerit? Calvinus lib. 2. Inst. cap. 17. §. 6. Docet, nobis tantum meruisse, non sibi. Nos contrâ asserimus, etiam sibi aliquid meruisse; nimirum: gloriam corporis, exaltationem nominis, & quædam alia, quæ ei data sunt post passionem. Quod aperte colligitur ex Scriptura, Philip. 2. v. 8. *Humiliavit se metipsum factus obediens usque ad mortem, mortem autem crucis.* Propter quod & Deus exalteavit illum, & donauit illi nomen, quod est super omne nomen. Et Hebr. 2. v. 9. *Videmus Iesum propter passionem mortis, gloriam, & honorem coronatum.* Ubi particula (propter) significat causam meritoriam.

13. Objicit Calvinus. Quid opus fuit descendere Filium Dei, ut sibi acquireret aliquid novi? Aliud est loqui de Filio Dei, quatenus est homo. Nos non dicimus, Filium Dei descendisse de cœlo, ut sibi tanquam Deo, aliquid novi acquireret per meritum. Sed Christum hominem suscepisse voluntariam mortem, ut sibi, tanquam homini, acquireret gloriam corporis, & exaltationem nominis.

QUÆSTIO V.

14. **A**N Christus sit Mediator secundum utramque naturam? Affirmant Adversarii. Nos dicimus, Mediatorem esse secundum humanitatem, non secundum Divinitatem, juxta illud 1. Tim. 2. v. 5. *Unus Mediator DEI, & hominum, homo Christus IESUS.* Ubi particula (*Homo*) addita est, ut constaret, secundum quam naturam esset Mediator, ut notavit August. lib. 2. de peccato originali cap. 28. & serm. 11. de verbis Apostoli. Et ratio est; quia fuit Mediator, quantum per mortem, & passionem suam reconciliavit nos Deo. Hoe autem fecit secundum humanitatem, quia secundum Divinitatem non potuit pati, aut mori.

15. *Objicies:* Solus Deus potest renovare corda, & dare Spiritum Sanctum; haec autem sunt opera Mediatoris, teste August. in Enchir. cap. 33. Ergo solus Deus est Mediator. *Resp.* Solus Deus effectivè renovat corda, & dat Spiritum Sanctum; at Mediator facit utrumque meritorie.

QUÆSTIO VI.

16. **A**N Christus ab initio multa ignoraverit, quæ progressu temporis didicerit? Fuit enim hæresis Agnonitarum, qui decebant Christum ignorasse diem judicii, juxta illud Marci 13. v. 32. *De die autem illo, vel hora nemo scit, neque Angeli in celo, neque Filius nisi Pater.* Idem nunc docent Lutherani, & Calvinistæ, qui etiam addunt; Christum multa alia ignorasse, quæ paulatim didicerit. Nos contra asserimus. Primo, scivisse omnia, quæ ad ipsius statum, & officium pertinebant; cujusmodi erant omnia præterita, præsens, & futura circa Angelos, homines, & seipsum. Hæc enim triplici ex causa ad ipsius officium pertinebant. Primo: Quia erat caput hominum, & Angelorum. Secundo: Erat Magister, & Praeceptor Apostolorum, qui doctori erant totum mundum. Tertio: Futurus erat omnium judex. Huc spectat illud Joan. 2. v. 24. *Iesus non credebat semetipsum eis, sed quod ipse noſſet omnes;*

& quia opus ei non erat, ut quis testimonium perhiberet de homine: ipse enim sciebat, quid esset in homine.

17. Secundò assertimus, Christum in hac vita quædam scivisse, tanquam Judicem, quæ tamen nesciebat, tanquam Praeceptor Apostolorum. Hoc modo sciebat diem Judicii, quia cùm ipse esset futurus Judex, non debebat illum ignorare. Et tamen dicebat Apostolis. *se nescire illum diem, quia sciebat illum sub secreto, non autem ut aliis revelaret.* Sicut Confessarius, qui lecit aliquid sub secreto Confessionis, potest dicere, se nescire. Non enim scit cum potestate alijs revelandi. Non lecit ut homo, sed ut Minister Dei. Ità exponunt Origenes, Chrysostomus, Hieronymus, Augustinus, Gregorius, Beda, Theophylactus apud Maldonatum in cap. 24. Matt. v. 16. Eodem sensu intelligitur illud Joan. 15. v. 15. *Omnia quæcumque audiri à Patre meo, nota feci vobis.* Ubi Christus loquitur non de omnibus simpliciter, quæ audiverat à Patre; sed ea illis revelat, tanquam Magister, & Praeceptor. Unde cap. 16. v. 12. ait: *Adbuc multa habeo vobis dicere, sed non potestis portare modum.* Non ergo omnia illis dixerat, sed quæ pro eo tempore dicenda erant.

18. Objicitur illud Lue. 2. v. 52. *JESUS autem proficiebat sapientiam.* Non poterat autem proficere, si omnia sciebat. Resp. Opponi potest illud Coloss. 2. v. 3. In quo sunt omnes thesauri sapientia, & scientia absconditi. Utrumque verum est, quia utrumque à Spiritu Sancto revelatum. Christus erat plenus sapientiæ, & scientiæ; & tamen proficibat ostensione sapientiæ, quia quotidie magis, magisque apparebat ipsius sapientia; sicut etiam potentia, & authoritas.

19. Secundò objicitur illud Hebr. 2. v. 17. *Debuit per omnia fratribus assimilari.* Et cap. 4. v. 18. *Tentatum per omnia pro similitudine absque peccato.* Habuit ergo ignorantiam, sicut & nos, sed sine peccato. Resp. Debuit per omnia assimilari nobis, quoad humanam naturam; non quoad singulas humanæ naturæ imperfectiones. Et tentatus est per omnia absque peccato, id est, expertus est omnia adversa, quæ solent homines peti, & tamen non peccavit per impatientiam. CA-



C A P U T III.

De Imagine Christi.

1. **C**Alvinistæ sunt hostes Imaginis Christi. Certè Beza in colloquio Monspelgarteni ausus est dicere *Fateor me ex animo Crucifixi Imaginem detestari.* Horribilis blasphemia! Et Paræus in cap. 1. Ench. ad Rom. Dub. 18. Discretè scribit: omnes esse idololatras, qui ruentur Imaginem Christi, non minus, quam qui colunt imagines serpentum, & aliarum bestiarum. Nos dicimus Imaginem Christi tripliciter speciari posse. Primo: Quatenus est aurea, vel argentea, vel lignea, vel ex alia materia. Secundo: Quatenus artificiosè facta est. Tertio: Quatenus Christum, & eius beneficia nobis repræsentat: & hoc tertio modo religiosè retinendam, colendam, ac honorandam esse. Ratio est, quia Imago Christi non est deterioris conditionis, quam olim in veteri testamento fuerint imagines Angelorum, & ænei serpentis: at hæ jussu Dei laetæ sunt, & in honore habitæ.

2. Et quidem de Imaginibus Angelorum scriptum est Exod. 25. v. 18 19. *Dixit Dominus ad Moysen: Fa- cies duos Cherubim aureos, & productiles, ex utraque parte Oraculi. Cherub unus sit in latere uno, & alter in altero.* Ibi per duos Cherubim aureos intelliguntur duæ statuæ, seu imagines aureæ, repræsentantes duos Angelos Chero- rubinos, quæ positæ erant in Tabernaculo super Arcam Fœderis, & expansis alis tegebant Arcam. Erant autem in magno honore, quia erant præcipua pars, & quasi ornementum Arcæ. At tota Area honorabatur à Judæis. Primo: Quia ponebatur in Sancto Sanctorum, tanquam in loco honoratissimo. Hebr. 9. v. 4. Secundo: Quando translata fuit de domo Abinadab in domum Obededom, David cum universo populo eam honorauit psallendo, & cantando citharis, & alijs musicis instrumentis. 2. Reg. 6. v. 5. Tertio: Quia Laicis non licebat eam portare, sed tantum Levitis, & Sacerdotibus,

propter venerationem illi debitam. Ideoque Oza morte punitus est. quod ausus fuisset eam attingere, tametsi bona intentione id fecisset. 2. Reg. 6. v. 7. Quartò: Philisthei, quia sine debito honore apud se illam retinebant, variis plagis à Dño attriti sunt. 1. Reg. 5. & 6. E contrario, Obededom, qui illam tribus mensibus in sua domo honorifice detinuerat, Dei benedictionem consecutus est. 2. Reg. 6. v. 11.

3. Similiter de imagine serpentis ænei scriptum est Numer. 21. v. 8. *Fac serpentem æneum.* O pone eum pro signo, qui percussus aspicerit eum. videt. Hoc factum est in deserto, seu solitudine, ubi multi ē populo mordebantur ab ignitis serpentibus, & moriebantur. Deus ut occurreret huic malo, mandavit fieri statuam, seu imaginem serpentis ex ære, quam si morsi aspicerent, sanabantur. Erat hæc imago in magna veneratione. Primò: Ob causam jam dictam. Secundò: Quia erat Figura Christi in cruce pendens. Nam sicut morsi à serpentibus sanabantur ex aspectu in serpentem æneum; ita morsi à Diabolo sanantur ex fide in Christum crucifixum. Joan. 3. v. 14.

4. Unde sic concludo: Figura est minoris precii, quam res figurata; quo pacto Moyses, qui erat figura Christi, minoris erat pretii, quam Christus; & Agnus Paschalis, quam Eucharistia; & Circumcisio, quam Baptismus. Si ergo imago serpentis ænei fuit honorata, multò magis Imago Christi honoranda est. Nemo sanus dubitat. Imago serpentis non fuisset honorata, nisi fuisset Figura, seu umbra Imaginis Christi: nec sanasset morsos à serpentibus, nisi virtute Christi, qui sanat morsos à Diabolo.

5. Dices: Ezechias Rex confregit imaginem serpentis ænei. 4. Reg. 18. v. 4. Ergo & Imago Christi confringenda est. Resp. Hæc consequentia Calvinistica non valet. Primò: Quia imago serpentis ænei; ut jam insinuavi, facta fuit in eum finem, ut morsi ab ignitis serpentibus illam aspicerent, & sanarentur. Itaque durante illo fine, durabat imago: cessante, confringebatur. Duravit autem finis ille, quamdiu Iudei erant

erant in solitudine, ubi erant serpentes venenati. Cef-
lavit, quando ingressi sunt terram promissionis, ubi
non erat periculum ab hujusmodi serpentibus. At
Imago Christi crucifixi in eum finem solet fieri, ut re-
præsentet nobis Christum Salvatorem, & ejus beneficia
in memoriam revocet. Hic finis durabit usque ad fi-
nem mundi: semper enim memoria Christi, & bene-
ficium ejus ante oculos ponenda est: Semper igitur
imago illius retinenda, & in pretio habenda. Deinde
serpens æneus, cessante fine, propter quem erat factus,
cepit esse occasio idololatriæ. 4. Reg. 18. v. 4. Et ex
hac etiam parte debuit confringi. Imago autem Christi
non est occasio idololatriæ apud nos Catholicos, quia
non alium ob finem eam retinemus, quam ut nobis
Christum Salvatorem, & beneficia ejus repræsentet.

6. Si Calvinistæ hæc non capiunt, agnoscant sal-
tem, quid ipsi facere consueverunt. Ipsi magnō sumptu,
ac artificio curant formari, depingi, exornari, & con-
servari statuas principum, imagines uxorum, filiorum,
parentum, Avorum, etiam Prædicantium. Quæ ergo
infania est, Imaginem Christi conspuere, abolere, &
exterminare? illorum servare? Nimirum, pluris illos
faciunt, quam Christum. Cæci sunt, & duces cæcorum.

C A P U T IV.

De Prædestinatione.

Calvinus duo docet: Primo: Deum æternō suō
decretō quosdam homines ad vitam æternam,
alios plerosque ad mortem, & damnationem
Prædestinasse sine ullo ipsorum merito, aut culpa, so-
lum quia ipsi ita placuit. Libr. 3. instit. cap. 21. §. 1.
patam est, DEI nutu fieri, ut aliis ultrè offeratur salus;
alii ab ejus aditu arceantur. Et cap. 23. §. 1. Minimè
concentaneum est, præparationem ad interitum aliò trans-
ferre, quam ad arcanum consilium DEI. Et ibid. §. 2.
Homines nudò DEI arbitriō, circa proprium meritum,

in aeternam mortem prædestinantur. Et s. 5. Dico, esse à DEO creatos, quos ad exitum ituros sine dubitatione præsciebat: idque ita factum, quia sic voluit.

2. Secundò: Hoc DEI decretum adeò fixum, ac immutabile esse; ut tollat omnem arbitrii nostri libertatem in negotio prædestinationis; nec ullo modo nostra sit potestate, aut salvare, aut damnari; sed inevitabili quadam necessitate hi salventur, illi pereant. Libr. 3. cap. 21. s. 17. Dicimus, aeternò, & immutabili consilio DEUM semel constituisse, quos olim assumere velle in salutem, quos rursum exitio devovere. Et c. 13. s. 8. Non dubitabo simpliciter fateri, voluntatem DEI esse rerum necessitatem, atque id necessarium futurum esse, quod ille voluerit.

3. Certè hæc tam atrocia sunt, ut hominem ad desperationem adigant. Nam quo animo sis, si ex Calvinò audias, homines nudò Dei arbitriò in aeternam mortem prædestinati? nihil prodeesse bona opera, nihil obesse peccata? solo Dei nutu omnia fieri? Atque hinc oritur hoc dilemma hominum desperatorum: Vel ab aeterno sum prædestinatus, vel reprobatus. Si prædestinatus, necessariò salvabor, etiam si pessimè vixero. Si reprobatus, necessariò damnabor, etiam si velim bene vivere. Quo dilemmate miserè cruciantur miseri, dum se expedire nequeunt. Et refert August. libr. de bono perseverantiae cap. 15. Quemdam monachum sui monasterii eò fuisse adductum hac argumentatione, us tandem desertà vitâ religiosâ ad saeculi voluptates revertetur, ac periret. Is est fructus doctrinæ Calvinistice.

4. Adde Historiam ex Cæsario, quæ sic habet. *Ludovicus Landgravius propter deploratam vivendi licentiam à viris religiosis correptus, ac graviter monitus, ut ad bonam frugem rediret, antequam inopinata morte præveniretur, pro excusatione hoc adserebat. Si prædestinatus sum, nulla peccata poterunt mibi Regnum Cœlorum auferre: Si reprobatus, nulla bona opera conferre. Itemque illud: Cum venerit dies mortis mea, corredmoriar, illum nec bene vivendo potero extendere, nec male vivendo.*

videndo prævenire. Quid factum? Incidit in gravem morbum: Medicum ad se vocat. Is, ut erat vir prudens, & verborum Landgravii memor: Domine mihi, inquit, frustra me vocas. Nam si venit hora mortis tuæ, certò morieris, nec possum te juvare. Si non venit, non indiges mea ope. Quid ita verò, ait Landgravius? Quin juva me, antequam mors adrepat. Tum Medicus: Si putas vitam corporis conservari posse adhibita medicinæ: cur similiter non credis, vitam animæ juvari posse pænitentiâ, & contritione? Hoc verbo dicit Medicus, & Landgravio persuasit.

S. Porrò, dilemma illud sic explicandum est: si à Deo ordinatus sum ad vitam æternam per certa media, quæ in mea sunt potestate, consequendam, certò consequar vitam æternam, si illa media adhibuerim. Rursum, si sum reprobatus, id est: si à Deo ordinatus sum ad infernum propter mea peccata, quæ liberè commissurus sum, certò damnabor, si illa peccata committam, & ab iis non abstineam. Hæc explicatio redit animum tranquillum, & pacatum. Neque eum, qui in peccatis est, facit desperare; nec ei, qui justus est, securitatem promittit. Quin potius utrumque monet, ut cum timore ac tremore salutem suam operentur.

C A P U T V.

De Gratia.

CAlvinus sic sentit. *Primi: Christum non omnibus, sed solis prædestinatis dare gratiam. Secundi: Et his non dare gratiam habitualem, & sanctificantem, sed tantum actualem. Terti: Eamque dare, tam parce, ut non sufficiat ad servandam legem Decalogi. Quarti: Imò cum hoc onere, ut, qui illam accipiunt, non possint ea liberè uti. Tria priora puncta refutata sunt. Quartum hoc loco refutan-*

1. Docet ergo Calvinus, per gratiam aequaliter tolli usum liberi arbitrii; nec esse in nostra potestate, cum illa cooperari, vel non cooperari. Sic enim habet lib.

2. Inst. c. 3. s. 10. Ac voluntatem mouet, non qualiter multis saeculis traditum est, & creditum, ut nostra postea sit electionis, motioni aut obtemperare, aut refragari sed illam efficaciter afficiendo. Illud ergo toties à Chrysostomo repetitum repudiari necesse est: Quem trahit, volentem trahit. Hic aperte reprehendit Chrysostomum, & totam antiquitatem, quae multis saeculis tradidit. & creditum, gratiam Dei prævenientem ita mouere, & excitare nostram voluntatem, ut liberum nobis sit, vel consentire, vel dissentire.

3. Sed Calvinus potius reprehendi debet, qui opponit se non solum antiquis Ecclesiæ Doctoribus, sed etiam sc. iuris ipsi. Antequam hoc ostendo, breviter explicanda est illius sententia. Potest enim duobus modis intelligi. Primo: Ut voluntas nostra à Deo mota, & excitata consentiat quidem divinæ motioni, non tamen libere, sed necessariò, ita, ut non possit non consentire. Secundo: Ut mota, & excitata, nihil ipsa agat, sed totum quidquid fit, à sola gratia procedat, & voluntas solum passivè se habeat. Hoc posteriori sensu asseritur à Calvino. Nam lib. 2. cap. 3. s. 7. sic ait: Erunt fortasse, qui concedent, voluntatem à bono suopè ingenio aversam, sola DEI virtute converti, sic tamen, ut præparata, suas deinde in agendo partes habeat. Et paulò post: Hoc perperam illi tribuitur. Ideo non rectè à Chrysostomo scriptum est, nec gratiam sine voluntate, nec voluntatem sine gratia quicquam posse operari. Hic iterum reprehendit Chrysostomum, & aperte docet voluntatem à Deo excitatam, & præparatam, non habere suas partes in agendo, sed totum quod fit, à sola gratia effici.

4. Unde patet, duos esse Calvini errores. Unus est, quod voluntas non cooperetur gratiæ, sed omnino nihil agat. Alter, quod non sit in potestate voluntatis, consentire, aut refragari. Prior refellitur ex illo 1. Corinth. 15. v. 10. Gratia ejus in me vacua non fuit, sed

sed abundantius illis omnibus laboravi: non ego autem, sed gratia DEI mecum. Quae verba sic explicat Augustinus in lib. de gratia, & lib. arbit. cap. 5. Non ego autem, sed gratia DEI mecum; id est, non ego solus, sed gratia DEI mecum; ac per hoc: nec gratia DEI sola, nec ipse solus, sed gratia DEI cum illo. Hoc unicum testimonium tam clare explicatum sufficeret. Addam tamen plura: Psal. 26. v. 9. Adjutor meus es tu, ne derelinquas me. Et Psal. 69. v. 1. DEUS in adjutorium meum intende. Si Deus adjuvat nos, sanè, & nos aliquid agimus, ut rectè argumentatur August. serm. 13. de verbis Apostoli. Nomen, inquit: Adjutoris præscribit tibi, quia, & tu ipse aliquid agis. Eodem spectat illud 2. Corinth. 6. v. 1. Ne in vacuum gratiam DEI recipiatis. Et Philip. 4. v. 13: Omnia possum in eo, qui me confortat.

5. Hinc rectè colligunt Theologi: duplex esse officium gratiae actualis. Unum: Prævenire, movere, præparare, & excitare voluntatem nostram ad consensum. Alterum: Voluntatem jam præparatam adjuvare, & cum ea cooperari ad consensum eliciendum. Unde Augustinus in Euchar. cap. 31. Hominis voluntatem DEUS præparat adjuvandam, & adjuvat præparatam. Et lib. 2. de peccat. meritis cap. 18. Quid ad DEUM nos convertimus, nisi ipso excitante, & adjuvante, non possumus. Et D. Bernard. libr. de gratia, & lib. arbitrio: Conatus nostri cassi sunt, si non adjuvantur, & nulli, si non excitantur.

6. Posterior refellitur ex illo, Actor. 7. v. 51. Vos semper Spiritui Sancto resistitis. Loquitur de Judæis, qui tametsi per gratiam, & inspirationem Spiritus Sancti sœpè excitarentur ad fidem, & pœnitentiam, nolebant tamen inspirationi locum dare, sed sponte, ac plena libertate resistebant. Cur alioqui fuissent reprehensibili? Eodem spectat illud. Psal. 94. v. 8. Hodie si docem eūs audieritis, nolite obdurare corda vestra: id est: si internam vocem Spiritus Sancti percepieritis, nolite illi resistere, sed acquiescite. Ubi supponit in eorum esse potestate, vel obtemperare monitioni divinæ, vel re-luctari,

luctari. Et illud Apoc. 3. v. 20. Ecce sto ad ostium. & pulso: si quis aperuerit mibi ianuam, intrabo ad illum. Consentit August. lib. de Spiritu & litt. cap. 34. Consentiente, inquit: vocationi DEI, vel ab ea dissentiente, propria voluntatis est. Et in lib. de gratia Christi c. 14. Quis non videat, venire quemquam, aut non venire a'bitriō voluntatis? Et in titulum Psal. 71. prope finem: Non erat in potestate tua, ut non nascereris ex Adamo? Est in potestate tua, ut credas in Christum.

7. Accedit efficacissima ratio. Constat enim ex Scriptura, alios consentire divinæ vocationi; alios resistere. Consenserunt Matthæus in telone, Zachæus in arbore, Latro in cruce. Paulus in itinere. Resistērunt Judæi, de quibus Stephanus: *Vos semper spiritui sancto resistitis.* Vel ergo utrique id liberè fecerunt, vel necessariò, aut coacte. Si liberè, vicimus. Si necessariò, aut coacte duo sequuntur absurdia. *Unum:* Quod nec illi laudandi, nec hi vituperandi sint. *Alterum:* Quod Deus det quibusdam suam gratiam, & per eam ipsos cogat ad resistendum; quod planè à divina bonitate alienum est. Quid enim hoc aliud esset, quam Deum esse authorem peccati, & conferre suam gratiam in nostram perniciem, & condemnationem? *Quod tamen,* ut iam videbimus, concedit Calvinus.



C A P U T VI.

Dc Authore peccati.

1. **D**E hac materia sunt hæ Calvini propositiones, vel potius blasphemiae. *Prima:* Deus ab æterno efficaciter voluit, ordinavit, & prædestinavit, ut Adam peccaret, & totam posteritatem in ruinam secum pertraheret. *Secunda:* Similiter ab æterno voluit, ordinavit, & prædestinavit, ut alia peccata fierent, quæ quotidie fiunt ab hominibus. *Tertia:* Ut hæc voluntas, & ordinatio executioni mandetur. Deus quotidie mandat, urget, & impellit Diabolum,

bolum, ut maleficia concipiat, & homines ad peccandum inducat. *Quarta*: Neque eo contentus est, sed ipse quunque per se, occulta quadam vi incitat, movet, & necessitat miseros mortales ad omnia flagitiorum genera perpetrandam. *Quinta*: Imò ipse nobiscum peccata nostra operatur; cōque magis ipse, quam nos, quod ipse sit Principale agens, & operans; nos mera duntaxat instrumenta. *Sexta*: Quare simpliciter asservendum est: Deum propriè esse causam, & authorem omnium peccatorum. Omnia enim sunt ipso volente, ordinante, praedestinante, jubente, impellente, operante.

2. Hanc esse mentem Calvini, ex clarissimis ipsius verbis alibi demonstravi. Nec opus est longa confutatio. Horret animus, qui audie. Ex Scriptura disertate ait Psal. 5. v. 5. *Quoniam non DEUS volens iniquitatem tu es.* Et ibid. *Odiisti omnes, qui operantur iniquitatem.* Et Sapient. 14. v. 9. *Similiter autem odio sunt DEO impius, & impietas ejus.* Et Jerem. 19. v. 5. *Edificaverunt excelsa Baalim, ad comburendos filios suos igni in holocaustum Baalim: que non pracepi, nec locutus sum, nec ascenderunt in cor meum.* Omitto similia testimonia. Sed addo hanc efficacissimam rationem: Deus non potest efficaciter id velle fieri, quod serio, ac severè prohibet fieri; sed serio, ac severè prohibet fieri peccata, ut patet ex decursu totius Scripturæ; ergo non potest efficaciter velle, ut fiant peccata. Nihil certius.

C A P U T VII.

De Baptismo infantium.

1. **C**alvinistæ docent hæc duo. *Primò*: Omnes filios fidelium ab utero materno nasci Sanctos, & hæredes vitæ æternæ, ac proinde salvati posse sine Baptismo. Filios autem infidelium, etiamsi baptizentur, non salvati, nec Baptismum illis proficere. *Secundò*: Filios illegitimos æternæ damnationi obnoxios esse, nec ad Baptismum admittendos.

2. *Prius punctum docet Calvinus, in Antidoto Concilii Trident. Sess. 6. cap. 5. & lib. 2. Instit. cap. 5. 24.* Et probat, quia illa promissio Abrahæ facta, Gen. 17. v. 7. *Ego DEUS tuus, & semini tui post u-* pertinet ad omnes parentes fideles, & eorum filios: Ergo omnes filii fidelium vi illius promissionis sunt sancti, & haeredes vitæ æternæ: ergo si decedant sine Baptismo, nihilominus salvantur, vi promissionis. Hic error potest refelli ex tribus principiis. *Primum est:* Quod omnes infantes, tam fidelium, quam infidelium nascantur in peccato originali, Rom. 5. v. 12. & Eph. 2. v. 3. *Alterum:* Quod ratione peccati originalis sint filii mortis, iræ, damnationis. *ibid.* *Tertium:* Quod non possint effici filii DEI, nisi nascantur per Baptismum. *Joan. 3. v. 3.* Unde August. epist. 28. ad Hieronymum: *Quisque dixerit, quod in Christo vivificabuntur etiam parvuli, qui sine Sacramenti ejus participatione de vita exirent; hic profecto, & contra Apostolicam prædicationem venit, & totam condemnat Ecclesiastam: ubi propterea cum baptizandis parvulis festinatur, & curritur, quia sine dubio creditur, alias in Christi vivificari non posse.*

3. Nec obstat promissio Abrahæ facta. Imò ex illius sumo argumentum contra Calvinum. Potest enim dupliciter explicari. *Primò:* In sensu literali. *Secundò:* In sensu mystico. Si explicetur in literali, nihil ad rem Calvini facit. Non enim Deus, secundum litteram promisit Abrahæ, & semini ejus vitam æternam, sed possessionem terræ Chanaan. Verba promissionis sunt hæc: *Dabo tibi, & semini tuo terram peregrinationis tuae, omnem terram Chanaam in possessionem aeternam.* Si autem explicetur in sensu mystico; tunc quidem potest intelligi de vita æterna, non tamen descendit ad filios per carnalem generationem, ut supponit Calvinus, sed per fidem in Christum, ut docet Apostolus Roman. 9. v. 6. *Non enim omnes, qui ex Israel sunt, ii sum Israelita; neque qui semen sunt Abrahæ, omnes filii: sed in Isaac vocabitur tibi semen: id est, non qui filii carnis, sed filii DEI: sed qui filii sunt promissionis,* astia.

afflantur in semine. Et Galat. 3. v. 7. *Cognoscite ergo,*
quia qui ex fide sunt, ii sunt filii Abraham. Et ibid. v. 9.
Qui ex fide sunt, benedicentur cum fideli Abraham.
Et ratio est manifesta; quia post promissionem Abraham
 factam, Jacob, & Esau ex parentibus fidelibus nati sunt,
 & tamen Esau ab utero materno non fuit sanctus, &
 haeres vitæ æternæ, ut patet ex illo Roman. 9. v. 13.
Jacob dilexi, Esau autem odio habui.

Posteriorius punctum, quod filii ex illegitimo thoro
 nati sint obnoxii æternæ damnationi, nec ad Baptismum
 admittendi, docuerunt Calvinistæ in Synodo Vilnensi,
 anno 1589. Ut refert Adrianus Junius lib. 3. de doctri-
 na, & moribus Evangelicorum cap. 17. Sed facile re-
 selluntur. *Primo:* Quia Jephtha ex muliere meretrice
 natus est, ut constat, *Judic.* 11. v. 1. Et tamen Apo-
 stolus recenset illum inter Santos veteris Testamenti,
 qui per fidem salvati sunt. *Hebr.* 11. v. 32. Deinde
 ex Evangelio certum est: Christum æquè pro omnibus,
 tam legitimis, quam illegitimis mortuū esse. Hos
 enim nusquam legitur exclusisse, Cur ergo Calvinistæ
 excludunt?

C A P U T VIII.

De Exorcismo.

INTER cæmonias Baptismi, una est Exorcismus,
 quo ab homine baptizando expellitur Diabolus,
 ne vel Baptismum, vel fructum illius impediatur.
 Est autem duplex pars Exorcismi: *Exsuffratio*, & *Ad-
 juratio*: Nam Sacerdos antequam baptizat aliquem,
 solet exsufflare, & adjurare Diabolum, ut exeat ab eo,
 qui baptizandus est. Et quidem, quando exsufflat,
 utitur his verbis: *Exi ab eo immunde spiritus*, & *da
 locum advenienti Spiritui Sancto*; *da honorem DEO vi-
 do*, & *vero*. Quando autem adjurat, utitur istis:
*Exorcizo te immunde spiritus, in Nominе Patris, & Filii,
 & Spiritus Sancti, ut excas, & recedas ab hoc famulo
 DEI.* N.

2. Nunc


2. Nunc quæstio est, an hæc cæremonia toleranda & usurpanda sit? Negant Calvinistæ cum antiquis Pelagianis; Nós affirmamus cum Augustino, Chrysostomo, & aliis Patribus. Primi: Quia semper in Ecclesiæ Catholica fuit usurpata, ut fatetur Calvinus lib. 4. cap. 15. §. 19. Secundi: Quia ab initio in bonum, ac laudabilem finem fuit instituta, teste Augustino libr. 6. contra Julianum Pelagianum cap. 2. ubi sic habet: Verum est, quod antiquitus veraci fidei Catholica prædictatur, & creditur per totam Ecclesiam, quæ filios fideliū, nec exorcizaret, nec efflaret, si non eos de potestate tenebrarum, & à principe mortis erueret, &c. Et lib. 2. de nuptiis, & concupisc. cap. 18. Accusat Ecclesiam toto orbo diffusam, in qua ubique omnes baptizandi infantuli non ob aliud exsufflantur, nisi ut ab eis principi mundi ejiciatur foras, &c.

Objectio I.

3. **N**ec Christus instituit Exorcismum, nec Apostoli usurparunt: Ergo &c. Resp. Duo spectari debent in Exorcismo. Unum est, potestas ejiciendi dæmonem. Hanc Christus dedit Apostolis. & eorum successoribus. Marci 3. v. 15. Alterum: Externa cæremonia, quæ adhibetur ad ejiciendum dæmonem. Hanc Ecclesia instituit, partim exemplò Christi, partim suo jure, & autoritate. Quod sic ostendo: Illa externa cæremonia consistit in duobus. Primi: In exsufflatione. Secundi: In pronunciatione horum verborum: *Exi ab eo immunde spiritus.* Item: *Exorcizo te immunde spiritus, ut exeras ab eo.* Utroque vius est Christus. Priori quidem Joan. 20. v. 22. Eiuscum dixisset, insufflavit, & dixit eis: *Accipite Spiritum Sanctum.* Sicut enim Christus per insufflationem significabat, Spiritum Sanctum ingredi in Apostolos; ita Ecclesia per exsufflationem significat, spiritum immundum exire ab infantibus. Posteriori vero Marci 1. v. 25. Et comminatus est ei JESUS dicens: *Obmutesc, & exde homine.*

Objec^{tio} II.


Dæmon non expellitur ab infantibus per Exorcismum; sed per Baptismum. *Resp.* Per utrumque expellitur; sed diverso modo. Per Baptismum expellitur ab anima; per Exorcismum, à corpore, & sensibus. *Notes:* Dæmon habet potestatem in homines non baptizatos, ratione peccati originalis, ut recte notat, *D. Thomas* 3. p. q. 7. artic. 2. ad 1. Hanc autem potestatem habet tribus modis. *Primo* In anima, quæ per peccatum à DEO aversa est, & Diabolico subjecta. *Secundò* In corpore, quod Diabolus potest vexare, agitare, strangulare. *Tertio* Inphantasia, aliisque sensibus internis, & externis, quos potest afflictere per illusiones, deceptiones, terrores. Hinc sequitur tribus modis expelli posse. *Primo* Ab anima; quod sic per Baptismum. *Secundò* A corpore; ne nocteat. quod sic per Exorcismum. *Tertio* A sensibus, no ludificet, aut terreat; quod etiam sic per Exorcismum.



C A P U T IX.

De Præsentia Christi in Eucaristia.

CAlvinistæ negant, Corpus, & Sanguinem Christi verè, realiter, & substantialiter præsentem esse in Eucaristia. Nos asserimus cum Scriptura, habemus verba Christi, quæ clara sunt: *Hoc est Corpus meum, quod pro vobis datur; Hic est Sanguis meus, qui pro vobis effunditur.* Hinc Cyrilus Hierosolymitanus cathec. 4. mūstagogica: *Cum Christus ipsa dicit: Hoc est Corpus meum. quis deinceps audiat dubzaret. Et infra: Aquam aliquando mutavit in vinum, & non erit dignus, cui credamus, quod vinum in sanguinem transmutatus sit?* Plura Patrum testimonia citavī lib. 2. cap. 6. quo Leōtorem remittit.



C A P U T X.

De Circulo Calvinistico.

1. **D**avid Paræus Calvinista objicit nobis circulum, quod Scripturam probemus per Ecclesiam, & rursus Ecclesiam per Scripturam. Cum enim queritur: Unde scis Scripturam esse Divinam? Respondemus: Quia Ecclesia sua infallibili autoritate id dicit. Cum iterum queritur: Unde scis Ecclesiam, quae id dicit, habere infallibilem autoritatem? respondemus quia Scriptura id dicit.

2. Ego vicissim quero ex illo: Unde scis, Scripturam esse Divinam? respondet, quia Spiritus hoc dicit. Sed unde scis, privatum tuum spiritum esse infallibilem, & divinum? quia Scriptura hoc dicit. Certe, & hic circulus est mihi Paræe. Nam Scripturam probas per privatum spiritum, & rursus privatum spiritum, per Scripturam. Perinde, ac si afferas: Mater est proba, quia filius dicit; & filius est probus, quia Mater dicit.

3. Res sic habet: Philosophi docent, committit circulum, quando hoc per illud, & illud per hec probamus apud eum, qui neutrum concedit; & aequè utroque dubitat. v. g. Si negem, & Matrem, & filium esse probum, circulum committes, probando matrem esse probam, quia filius dicit; & filium esse probum, quia mater dicit: Quare? quia utrumque mihi aequè ignotum, & incertum est. Probatio autem debet procedere à notis ad ignota, vel concessis ad inconcessa; ut ex Aristotele, & aliis Philosophis manifestum est. Hinc colligo: circulum fore, si quis Christianus apud Ethnicum, qui nec Ecclesiam, nec Scripturam admittit, probare vellet, Scripturam esse infallibilem, quia Ecclesia dicit; & Ecclesiam infallibilem, quia Scriptura dicit. Nam utrumque illi aequè ignotum, aequè incertum est. E contrario, non fore circulum, si unum per alterum.

alterum probes apud eum, qui alterum admittit, alterum negat: v. g. Calvinista admittit Scripturam, negat Ecclesiæ infallibilitatem. Reste ergo convincam illum hoc modo: Scriptura, quam tu admittis, dicit Ecclesiam esse infallibilem: ergo revera infallibilis est. Similiter, si quis idiota admittit judicium Ecclesiæ, & tamen nesciat in particuli, libros Machabæorum esse canonicos; facile persuadebo illi sine circulo. si sic dicam: Ecclesia, cujus tu autoritatem agnoscis, asseverat libros Machabæorum esse canonicos: ergo non debes de hac re amplius dubitare.

4. Et hic modus probandi usitatus est in Scripturis, & Patribus. Ostendam uno, vel altero exemplo. Pharisei admittebant Moysen, negabant Christum. Convicit eos Christus his verbis, Joan. §. v. 46. Si credetis Moysi, crederebis & mihi; de me enim ille scripsit. Contra Manichæi admittebant Christum, & Evangelium, negabant Moysen, & Prophetas. Convincit eos Augustinus simili argumentandi modo in libris contra Faustum Manichæum, & lib. i. de moribus Ecclesiæ Catholicæ cap. i. & sequentibus. Idem nos facimus: Nam rudes Catholicos, qui dubitant de aliqua Scriptura parte, convincimus judicium Ecclesiæ, cui se submittunt. Hæreticos vero, qui negant Ecclesiam, convincimus ex Scripturis, quas non negant. Et sic nullum committimus circulum.


5. At Paræus hoc modo excusari non potest. Nam spiritus privatus, quem ipse fingit, a nemine admittitur. Neminem ergo ex privato spiritu potest convincere. Quod sic ostendo. Nominis privati spiritus intelligit internam testificationem Spiritus Sancti, quam quis in se experitur. Hic spiritus habet tria Privilegia. Primum: Quod reperiatur in solis prædestinatis. Secundum: Quod solos prædestinatos, qui legunt, vel audiunt Scripturas, infallibiliter faciat certos de divina earum authoritate, ita, ut statim, cum audiunt, vel legunt aliquid, infallibiliter nostros discernere inter Scripturas Divinas, & non Divinas. Tertium: Quod eadem infallibiliter faciat, eos certos de praesenti justitia,

futura perseverantia, & vita æterna. Hæc privilegia colligit Paræus ex illo Joan. Io. v. 27. *Oves meæ vocem meam audiunt.* Ubi per oves ait intelligi prædestinatos, & per vocem DEI, Divinam Scripturam.

6. Hoc posito, videamus, an Paræus possit se expedire à circulo suo, igitur quæro. Unde probas, Paræ, Evangelium Joannis esse verbum DEI? Ex privato meo spiritu, inquis. Sed unde probas, hunc tuum spiritum esse à DEO? Ex Evangelio Joannis: *Oves meæ vocem meam audiunt.* Sed unde scis, hoc Evangelium esse verbum DEI? Ex privato meo spiritu. Sed unde constat, hunc tuum spiritum esse à DEO? Ex Evangelio Joannis. Sed si neges hoc Evangelium esse Divinum, unde probabis? Ex privato spiritu, qui mihi hoc testificatur. Sed cum ille spiritus suspectus sit, unde probas à DEO esse? Jam sèpè dixi: Quid mihi molestus es? noli irasci; bone vir. Non vides te in Circulo oberrare?

7. Magis constringam te; Unde scis te habere internam testificationem Spiritus Sancti; Ex Evangelio Joannis: *Oves meæ vocem meam audiunt.* At unde scis te esse ovem Christi? Ex interna testificatione Spiritus Sancti. Sed unde scis hanc testificationem esse à Spiritu Sancto? Quia sum ovis Christi. Iterum oberras in Circulo. Nec facile elaberis. Poteris quidem sic argumentari: Oves Christi audiunt vocem sui Pastoris; sed Paræus est Ovis Christi: ergo Paræus audit vocem sui Pastoris. Major vera est; Sed minor unde probatur? Quid si dicam te hædum esse, non ovem; quid ages? An probabis te ovem esse, quia spiritum privatum habes? At volebas probare, te spiritum privatum habere, quia ovis es. En novum Circulum, quem tibi inculco: Unde constat tibi Paræ, quod habeas privatum spiritum testificantem? quia sum Ovis Christi. Et unde constat, quod sis Ovis Christi: quia habeo privatum spiritum, qui id testificatur.

Apage cum isto Circulo.



LIBER QUARTUS.

De Controversiis Anabaptistarum.

Varia sunt genera Anabaptistarum. Aliqui vocantur Cathari, id est, puri ab omni peccato. Hi omittunt illum versiculum Orationis Dominicæ: *Dimitte nobis debita nostra.* Alii Tacentes, qui interrogati de Religione non respondent, sed quasi attoniti hærent in suis phantasijis. Alii Enthusiaſtæ, qui jaſtant se cum Deo loqui, & cœleſtibus viſionib⁹ illuſtrari. Alii Libertini, qui putant Christianam libertatem in eo conſistere, ut nulli Principi, aut Magistratui politico ſubjeſti ſint. Alii Mennonistæ, à quodam Menno Frizio ſic diſti. Alii alii nominibus appellantur. Horum dogmata, ſeu commonia omnibus, ſeu aliquorum propria, ſunt hæc ferē. *Primò:* Nullum eſſe peccatum originale. *Secundò:* Infantes non eſſe capaces Baptiſmi. *Tertiò:* Apud Christianos non debere eſſe Magistratum politicum. *Quartiò:* Bellum Christianis eſſe prohibitum. *Quintò:* Etiam juramentum eſſe prohibitum. *Sextò:* Polygamiam, ſeu pluralitatem conjugum pro eodem tempore eſſe licitam. *Septimò:* Matrimonium diſſolvi poſſe ob diuerſitatem Religionis. *Ottavò:* Animas iugitorum poſt hanc vitam extingui. Quæ omnia falſa ſunt, ut patebit ex ſequentiibus.



C A P U T I.

De Peccato originali.

1. **A**Nabaptistæ, cum Pelagianis negant infantes in conceptione contrahere peccatum originale ex Adamo, & cum illo pasci. Sed manifestè contrà Scripturam. Psalm. 50. v. 7. *Ecce enim in iniustis quitatibus conceptus sum, & in peccatis concepit mihi mater mea.* Et Roman. 5. v. 12. *Per unum hominem peccatum in hunc mundum intravit, & per peccatum mors: Et ita in omnes homines mors pertransiit, in quo omnes peccaverunt.* Et Eph. 2. v. 3. *Eratus, & nos naturâ filii ire, sicut & ceteri. Naturâ, id est, ex naturali nativitate, seu propagatione ex Adamo.*

2. Objicitur illud Ezech. 18. v. 20. *Filius non portabit iniquitatem patris: Tametsi ergo Adamus peccaverit, non debet hoc posteris ipsius imputari.* Resp. *Filius non portabit iniquitatem patris, nisi sit particeps peccati patris.* Pores autem duobus modis esse particeps. Primo: Si imitetur peccatum patris. Quo sensu dictum est Exod. 20. v. 5. *Ego sum Dominus Deus tuus zelotes, visitans iniquitatem patrum in filios, in tertiam & quartam generationem eorum, qui oderunt me.* Secundo: Si ipsius voluntas constituatur in voluntate patris, tanquam Capitis seu principii totius posteritatis. Hoc modo sumus participes peccati Adæ juxta illud: *In quo omnes peccaverunt.* Vide August. lib. 3. de peccatis & meritis, & remiss. cap. 7.

3. Objicitur & illud Rom. 4. v. 15. *Ubi non est lex, nec prævaricatio.* Sed in infantibus non est lex, aut cognitio legis: ergo nec prævaricatio. Resp. Illa lex, qua data est Adamo in Paradise. *De ligno scientia boni, & mali ne comedas,* fuit etiam data posteris ipsius. Et quia ille transgressus est hanc legem, omnes quoque posteri in illo transgressi sunt, teste Apostolo: *In quo omnes peccaverunt.*

C A P U T II.

De Baptismo Infantum.

1. **A**nabaptistæ docent, infantes non esse capaces Baptismi, ideoque baptizandos non esse: Quod sic probant: Illi soli sunt capaces Baptismi, qui sunt capaces doctrinæ, & fidei: Vult enim Christus, eos, qui Baptismum suscepit, prius doceri, & credere, antequam baptizentur, Matth. 28. v. 19. *Docete omnes gentes, baptizantes eos.* Et Marc. 16. v. 16. *Qui crediderit, & baptizatus fuerit salvus erit.* At infantes propter defectum ætatis, non sunt capaces doctrinæ, & fidei; ergo nec Baptismi.

2. Nos contra asserimus, esse capaces Baptismi, & legitimè baptizari posse. *Primo:* Quia sunt capaces gratiæ justificantis, ut patet exemplò Joannis Baptistæ, qui in utero materno sanctificatus est, *Luc. 1. v. 15.* Ergo possunt per gratiam sanctificandem liberari a peccato originali: Ergo sunt capaces remedii contra peccatum originale: Ergo & Baptismi. *Secundo:* Constat ex Scriptura integras familias esse baptizatas, in quibus probabile est fuisse aliquos infantes. *Act. 16. v. 15.* & *infra v. 33.* & *1. Corinth. 1. v. 16.* *Tertio:* Certum est, semper usitatum fuisse in Ecclesia, ut infantes baptizarentur. Unde August. lib. 10. de Genes. cap. 13. *Consuetudo,* inquit, *Matris Ecclesie in baptizandis parvulis nequaquam spernenda est, nec ullo modo superflua deputanda, nec omnino credenda, nisi Apostolica effet Traditio.* Et lib. 1. de peccat. meritis, & rem cap. 26. expressè ait, Pelagianos non fuisse ausos negare Baptismum parvolorum, quod viderent in tota Ecclesia usitatum esse.

3. Nec obstat, quod non sint capaces doctrinæ, & fidei; quia Christus locutus est de solis adultis, cum dixit: *Euntes, docete omnes gentes.* Et præscripsit hunc ordinem Apostolis. Primo: Ut instruerent illos in fide. Secundo: Ut baptizarent. Tertio: Ut doceant servare præcepta Domini. Qui ordo in infantibus servari non potest. Objicies: Reprobi non sunt baptizandi: sed multi ex infantibus sunt reprobi: Ergo non sunt baptizandi. Resp. Eodem argumento probatur, nec adultos esse baptizandos, quia etiam multi ex adultis sunt reprobi.



C A P U T III.

De Magistratu Politico.

1. **A**nabaptistæ docent, non licere Christianis gerere Magistratum politicum, erigere tribunalia, exercere judicia, punire gladiō. Primo: Quia Christus id prohibet Lucæ 22. v. 25. Reges gentium dominantur eorum: vos autem non sic. Deinde Apostolus ait Ephes. 4. v. 5. *Unus Dominus, una fides, unum Baptisma.* Si unus Dominus, non ergo plures. Faceant igitur Reges, Principes, Magistratus. Vide unde Regicidia!

2. Hic error refellitur à Christo, & Apostolo. Nam Christus ait Matth. 22. v. 21. *Reddite quæ sunt Caesaris Caesar: quæ autem sunt DEI, DEO.* Et Apostolus Rom. 13. v. 1. *Omnis anima potestatibus sublimitioribus subdita fit.* Non enim est potestas nisi à DEO: quæ autem sunt, à DEO ordinata sunt. Itaque qui resistit potestati, DEI ordinationi resistit. Et infra: Non sine causa gladium portat. DEI enim Minister est: vindicta in iram ei, qui malum agit. Et 1. Tim. 2. v. 1. Obsecro itaque orationes fieri pro Regibus, & omnibus, qui in sublimitate sunt. Et ad Timor. 3. v. 1. *Admonit* illis,

illos, Principibus, & potestatibus subditos esse. Et i.
Petri 2. v. 17. DEUM timete, Regem honorificate.
Quid clarius dici potuit?

3. Cum autem dixit Christus, vos autem non sic: non prohibuit Magistratum politicum . sed instruxit Apostolos, ut ipsi, tanquam futuri Pastores animatum, non tractarent sacerdotalia, nec more sacerdotalium dominarentur, sed potius essent humiles. Similiter cum dixit Apostolus? Unus Dominus, una Fides, unum Baptisma, non exclusit Reges, & Principes, sed pluramitatem Deorum.. Unus est enim Deus, qui est Rex regum. & Dominus dominantium, cuius alii Reges, & domini ministri sunt. Rom. 13. v. 6.

C A P U T IV.

De Bello.

1. Nabaptistæ concedunt, bellum ex natura sua licitum esse, & olim licitum fuisse Judæis; negant tamen licitum esse Christianis, quia Christiani debent esse mansueti, & pacifici. Sed errant. Nam & Christianis licitum est, ut docent Augustinus lib. 22. contra Faustum cap. 47. & epist. 5. ad Mareolinum, & epist. 50. ad Bonifacium Comitem, & Ambro. lib. 1. de officiis cap. 40. & Gregorius lib. 1. epist. 72. & alii passim.

3. Et probatur ex Evangelio. Nam Joannes Baptista rogatus à militibus. Quid faciemus, & nos? non dissuasit illis militiam, sed dixit: Neminem curvatis, neque calumniam faciatis, & contenti esto stipendiis vestris. Lucæ 3. v. 14. Similiter Christus rogatus à Pharisæis, an licet Cæsari dare centum seu tributum pro stipendiis militaribus, respondit: Redite Cæsari, qua Cæsarissunt. Vide Augustinum lib. 22. contra Faustum cap. 7. Et ratio duplex est. Una: Quia Principes Christiani possunt uti gaudio in puniendis

privatis malefactoribus. Rom. 13. v. 4. Ergo etiam in vindicanda publica injuria. Altera: Quia bellum ex natura sua licitum est, ut supponitur: Ergo etiam licitum est Christianis, modò non sit illis peculiari mandato prohibitum: At non est prohibitum.

3. Dices: Prohibitum est à Christo Matth. 5. v. 39. Ego autem dico vobis, non resistere malo; sed si quis tu percutserit in dextram maxillam, præbe illi & alteram. Et Matth. 26. v. 52. Converte gladium tuum in locum suum, omnes enim qui acceperint gladium gladiò peribuntur. Resp. Prius testimonium potest dupliciter intelligi. Primò: Ut nunquam resistas malo, sed quotiescumque te aliquis percutit in unam maxillam, præbesset illi & alteram. Hoc necesse non est. Nam neque Christus, neque Apostolus hoc fecit, Christus enim cùm percuteretur in unam maxillam coram Pontifice, non præbuit alteram, sed restitit increpando: Si bene locutus sum, quid me cædis? Si autem male, testimonium redde de malo. (Joan. 18. v. 23.) Similiter Paulus, cùm ex mandato Pontificis juberetur percuti, respondit: Percutiet te DEUS paries dealbate. (Act. 23. v. 3.) Secundò: Potest intelligi, ut non resistas malo, id est, ut non quæras privatam vindictam, sed potius paratus sis alteram maxillam præbere, id est alteram injuriam accipere, quam acceptam ulcisci priuata authoritate: & intuitu privati tui boni. Hoc Christus vult. Nec inde sequitur, bellum esse illicium. Nam etiam qui bellum infert, non debet hoc facere ex privato affectu vindictæ, sed ex recta intentione boni publici, ut rectè notat August. lib. 22. contra Faustum cap. 74. D. Thomas in 22. quæst. 40. art. 1. Molina de jure, & just. disput. 107. & alii.

4. In altero testimonio sunt duas partes. Una: Converte gladium tuum in locum suum. Ubi Christus non loquitur de bello, sed modestè reprehendit Peterum, ob has causas. Primò: Quod cùm omnes Apostoli interrogassent, Domine, si percutimus in gladio, ipse solus non exspectatò Christi responsò, strinxisset gladium, & servum Pontificis vulnerasset. Secundò: Quod

Quod temerarium esset, unum hominem contrâ integrum militum cohortem insurgere. Tertiò: Quod, si opus fuisset, Angeli Christum defendissent. An putas, inquit, quia non possum rogare Patrem, & exhibebit mihi modò plusquam duodecim legiones Angelorum? Quartò: Quod non vellet suam mortem impediri. Calicem quem dedit mihi Pater, non vis, ut bibam illum? Hæc non obstant, quo minus bellum sit licitum, servatis justi belli conditionibus.

5. Altera pars est: Omnes enim qui acceperint gladium gladio peribunt. Ubi non vult significare; omnes gladio perituros, qui gladium acceperint; quia constat hoc falsum esse; sed allegat veterem legem, quæ subebat homicidam occidi. Genes. 9. v. 6. Quicunque effuderit humanum sanguinem, fundetur sanguis illius. Et Levit. 24. v. 17. Qui percussiverit, & occiderit hominem, morte moriatur. Ex eo autem, quod homicidas secundum legem debeant occidi, non sequitur, bellum esse illicitum; alioqui fuisset etiam illicitum in veteri Testamento, quia ibi lex illa lata est contrâ homicidas. Et ratio est, quia bellum suscipitur pro defensione publicæ justitiae, & ad publicam injuriam propulsandam, aut vindicandam; quod rectè fieri potest. Homicidium autem committitur contrâ publicam legem Decalogi, & contrâ justitiam; quod rectè fieri non potest.

C A P U T V.

De Juramento.

1. Urare nihil aliud est, quam Duxum, qui mentiri non potest, in testem vocare. Quod duplicitate fieri. Vel enim vocamus eum in testem, quando aliquid promittimus. Unde duplex solet distingui juramentum, assertorium, & promissorium. In priori vocamus eum in testem, quod assertio nostra sit vera: in posteriori, quod promissio nostra sincerè facta sit.

a. Nunc

2. Nunc quæstio est, an Christianis licitum sit jurare: Negant Anabaptistæ, quia dicunt Christum prohibuisse Matth. 5. v. 33. ubi dedit nobis hanc legem: *Audistis quia dictum est antiquis: non perjurabis: Ego autem dico vobis, non jurare omnino neque per cælum, quia thronus DEI est: neque per terram, quia scabellum est pedum ejus; neque Jerosolymam, quia civitas est magni Regis: neque per caput tuum juraveris, quia non potes unum capidum album facere aut nigrum. Sit autem sermo vester. Est, est: Non, non: quod autem his abundantius est, à maio est. Quam legem repetit Jacobus Apostolus in epistola iuxta canonica, cap. 5. v. 12. Ante omnia autem, fratres mei nolite jurare neque per cælum, neque per terram. neque altitud quocunque juramentum. Sit autem sermo vester. Est, est, Non, non.*

3. Nos contra asserimus, non juramentum, sed abusum juramenti à Christo prohibitum esse. *Pri pars patet, quia Apostolus Paulus sæpè legitur iurasse, quod non fecisset, si à Christo fuisset absolute prohibitum. Rom. 1. v. 9. Testis mibi est DEUS. Et 2. Corin. 1. v. 23. Testem invoco DEUM in animam meam. Et Philip. 1. v. 8. Testis mibi est DEUS, quomodo cupiam omnes vos in disceribus JESU Christi. Et 1. Tim. 5. v. 21. Testor coram DEO, & Christo JESU. Et in epist. ad Hbreos cap. 6. v. 16. affirmat omnem controversiam finiri per juramentum. Quod etiam confirmari potest ex quotidiana praxi, quæ viget apud Christianos in iudiciis, & tribunalibus. Quando enim reus tuam innocenciam non potest probare per testes, jubetur illam interposito juramento attestari. Et sic cessat lis, & controversia.*

4. Posteriorem sic explico. Abusus juramenti in ea consistit, quod aliqui soleant facile, etiam in rebus parvi momenti, & sine ulla necessitate Deum in testem vocare, quod est contra reverentiam DEO debitam. Hunc abusum prohibet Christus: *Ego autem dico vobis, non jurare omnino. Ubi particula (omnino) non significatur,*

Sciat, quod nullo casu liceat jurare; sed quod nullam formam, neque per Deum, neque per creaturas licitum sit jurare absque necessitate. Quod alibi aliis verbis exprimitur. Exod. 20. v. 7. Non assumes nomen Domini DEI tui in vanum. Et Deut. 5. v. 11. Non usurpabis nomen Domini DEI tui frustra. Ubi iste dux particulae, frustra & in vanum. Idem valent, ac si dicas, temere, & sine necessitate. Vide Aug. lib. de mendacio cap. 15.

C A P U T VI.

De Polygamia.

1. Nabaptistæ docent licitam esse polygamiam, id est, licitum esse homini Christiano plures simul habere uxores; quod damnatum est in Concilio Tridentino *Sejj. 24. can. 2.* Nos tria tempora distinguius. *Primum:* Ab initio mundi usque ad Abramum. *Secundum:* Ab Abrahamo usque ad Christum. *Tertium:* A Christo usque ad finem mundi. In primo fuerunt primi parentes cum proximis suis posteris. In secundo Judæi cum suis progenitoribus, Abrahamo, Isaac, & Jacob. In tertio sunt Christiani,

2. Igitur in primo viguit sola monogamia, ex Dei institutione, Gen. 1. v. 27. *Masculum, & feminam creavit eos.* In secundo concessa est polygamia. In tertio reducta est monogamia, & explosa polygamia, Matthæi 19. v. 4. *Qui fecit hominem ab initio, masculum, & feminam fecit eos.* Et 1. Corinth. 7. v. 2. *Unusquisque suam uxorem habeat, & uniusque suum virum habeat.*



C A P U T VII.


De vinculo Matrimonii.

1. **A** Nabaptistæ docent, vinculum Matrimonii apud Christianos dissolvi posse propter hæresim alterius conjugis, quod etiam damnatum est in Trident. Sess. 24. canon. 5. Et merito. Nam Christus Matth. 19. v. 6. generatim dicit: *Quod D E U S coniuxit, homo non separet.*

2. Nec obstat, quod olim Judæis concessum sit, datū libellū repudii, dimittere uxores suas, & alias ducere; quia hoc factum est propter duritatem cordis eorum, juxta illud Matth. 19. v. 8. *Moyzes ad duritiam cordis vestri permisit vobis dimittere uxores vestras:* ab initio autem non fuit sic. Unde, & Christus generatim dixit, Marci 10. v. 11. *Quicunque dimiserit uxorem suam, & aliam duxerit, adulterium committit super eam:* Et Apost. Roman. 7. v. 2. *Quia sub viro est mulier vivente viro, alligata est legi: si autem mortuus fuerit vir ejus, soluta est a lege viri.* Igitur vivente viro, vobis cubitur adultera, si fuerit cum alio viro.

3. Loquerer de Christianis; quia aliud est de infidelibus. Nam si duo infideles contrahant matrimonium, & postea alter conjugum fiat Christianus, & alter persistat in infidelitate, potest Christianus infideli dimittere, & cum alia Christiana contrahere, dicit doceat Apostolus. 1. Corinth. 7. v. 15. *Quod Christianis non licet.* In nullo enim casu potest maritus Christianus uxorem Christianam dimittere, & cum alia contrahere. Dices potest id facere ob fornicationem, seu adulterium, ut fatetur Christus Matth. 5. v. 32. *Omnis qui dimiserit uxorem suam, excepta fornicatione causa, facit eam machari:* & qui dimissam duxerit, adul-

adulterat. Resp. Aliud est, dimittere uxorem suam propter fornicationem; aliud illâ dimissâ, ac vivente, aliam ducere. Prius concessum est à Christo; non posterius. Sic explicat Apostolus 1. Corinth. 7. v. 10. cùm ait: *Iis autem qui matrimonio juncti sunt præcipio non ego, sed Dominus, uxorem à viro non discedere: quod si discesserit (ob fornicationem) manere innuptam, aut viro suo reconciliari.* Ubi duo consideranda sunt: *Unum:* Quod aliquando uxor possit discedere à viro, ex legitima causa. *Alterum:* Quod vivente viro, non possit alium virum accipere, sed debeat vel manere innupta, vel priori viro reconciliari.



CAPUT VIII.

De animabus iustorum post hanc vitam.


1. **A**nabaptistæ, præsertim, qui Libertini diæi sunt, docent animas iustorum post hanc vitam dormire, id est, extingui, ut refert Calvinus in Psychopannychia, & noster Bellarminus lib. 4. de Christo cap. 7. Poteft autem dupliciter hoc intelligi. *Primo:* Quod dormiant, seu extinguantur in perpetuum. *Secundo:* Quod non quidem in perpetuum, sed usque ad extremum judicii diem.

2. Priori sensu manifestè falsum est, quia tollit immortalitatem animæ. Nam si animæ iustorum extinguuntur post hanc vitam in perpetuum, certè immortales non sunt, sed æquè mortales, ac animæ brutorum animalium: nec post hanc vitam habent ullam mercedem laborum suorum: Nec ulla datur Ecclesia triumphantium hominum in cœlis. Quæ omnia absurdâ sunt Christianis auribus.

3. Posteriori etiam falsum est. Primo: Quis anima Christi post hanc vitam non fuit extincta usque ad diem judicii. Secundo: Nec animæ Abraham, Isaac, & Jacob: juxta illud Matth. 23. v. 32. Ego sum DEUS Abraham, & DEUS Isaac, & DEUS Jacob. Non est DEUS mortuorum, sed viventium. Tertio: Nec anima Samuelis, 1. Reg. 28. v. 12. Quartu: Nec anima Oniae Pontificis 2. Machab. 15. v. 12. Quinto: Nec anima Latronis cui dictum est: Hodie mecum erit in Paradiso. Denique nec animæ eorum, ad quas descendit Christus in triduo mortis, 1. Pet. 3. v. 19. nec quæ cum eo resurrexerunt.

Matth. 27. v. 53.





LIBER QUINTUS.

De Controversiis Politicorum.

Politici non pertinent ad particularem aliam quam sectam, sed cum quavis religione permixti sunt. Nam & apud Catholicos, & apud Lutheranos, & Calvinistas reperiuntur aliqui, qui vel pluris faciunt politiam, quam fidem Christi; vel certe, qui movent quæstiones aliquo modo ad politiam pertinentes. Porro capita, quæ ab ipsis disputantur initio hujus operis recensita sunt. Ea hunc ordine persequar.

C A P U T I.

An quilibet in sua fide salvari possit.

Multi Politici putant, Catholicos in Catholica, Lutheranos in Lutherana, Calvinistas in Calvinistica fide salvari posse. Quod duplicitas explicari potest. Primo: Omnes, & singulos salvari posse in sua fide, modo credant in Christum, juxta illud Joan. 3. v. 15. Ut omnis, qui credit in ipsum non pereat, sed habeat vitam aeternam. Ratiō est. Qui tenet fundatum fidei, salvari potest. At Christus est fundatum fidei, teste Apostolo. 1. Cor. 3. v. 11. Fundatum aliud nemo potest ponere prater id, quod possum est, quod est Christus JESUS. Ergo qui tenet hoc fundatum, id est, qui credit in Christum, salvari potest. Jam vero Catholici, Lutherani, & Calvinistæ credunt in Christum: ergo per fidem in Christum salvari possunt.

2. *Secundò*: Omnes, & singulos salvari posse in sua fide, modò credant 12. articulos fidei, qui in Symbole Apostolorum comprehensi sunt. Ratio est, quia in illis articulis continetur summa, seu regula totius fidei Christianæ, ut re&te notat D. Augustinus serm. 13. v. 5. de tempore, cum ait: *Symbolum est regula fidei vestra brevis, & grandis. Brevis, numerō verborum: grandis pondere sententiarum.* Et serm. 181. Apostoli certam regulam fidei tradiderunt, quam secundum numerum Apostolorum duodecim sententiis comprehensam Symbolum vocaverunt: per quam credentes Catholicam venerent unitatem, & hereticam convincerent pravitatem. Nunc autem Catholici, & Lutherani, & Calvinistæ credunt 12. articulos fidei, qui in Symbole comprehensi sunt. Ergo per hanc fidem salvari possunt.

Prior explicatio discutitur.

3. *Prior explicatio* potest duobus modis intelligi.
Primi: Omnes salvari posse, qui confusè credunt in Christum, etiam si non credant in particulari præcipua mysteria de Christo. *Secundi*: Omnes salvati posse, qui distinctè credunt in Christum, credendo Christi divinitatem, humanitatem, nativitatem ex Virgine, passionem, mortem, resurrectionem, & alia mysteria, quæ in Symbole Apostolorum consignata sunt. Si intelligatur hoc secundo modo, jam coincidit cum posteriori explicatione, de qua paulò post. Si autem intelligatur primo modo, falsum est. Non enim sufficit ad salutem si confusè tantum credas in Christum. *Primi*: Quia alioqui omnes heretici salvari possent, ut Ariani, Donatistæ, Pelagiani, & similes alii. Omnes enim ut minimum confusè credunt in Christum. At consequens est contra Evangelium, in quo zizania jubentur alligari in fasciculos ad combatendum Matth. 23. v. 25. Heretici autem sunt zizania, uti PP. communiter interpretantur. *Secundi*: Si Catholici in Catholica, Lutherani in Lutherana, & Calvinistæ in Calvinistica salvari possent, eo quod omnes

omnes saltēm confusē credant in Christum; quid ne-
cessē esset tot lites, & controversias inter ipsos exītare? Aut cur Lutherani excluderent Catholicos, & Calvinis-
tas, & hi vicissim illos? Si enim quisque per fidem
in Christum salvāri potest; maneat quisque in sua fide?
cessent persecutions, & anathemata, servetur pax, &
tranquillitas. Hoc autem non sit; ergo indicant haec
partes unumquemque in sua fide salvāri non posse.

4. Nec obstant testimonia Scripturæ, quæ pro-
priori explicatione allata sunt. Non enim intelliguntur
de Christo in confusione, sed distinctè, & in particularib;
quo ad præcipua mysteria, quæ nobis revelata sunt.
v. g. Cùm Christus de seipso dixit: *Ut omnis qui crea-
dit in ipsum non pereat*, locutus est speciatim de sua
divinitate, ut patet ex contextu, qui sic habet: *Sic
DEUS dilexit mundum, ut filium suum unigenitum da-
ret*; *ut omnis qui credit in ipsum non pereat*. Et infra: *Qui
credit in eum, non judicabitur*; *qui autem non crea-
dit, jam judicatus est*; *quia non credit in nomine uni-
geniti Filii DEI*. Itaque non sufficit si credas in Chris-
tum confusè, sed necesse est, ut credas in Christum,
quatenus est unigenitus DEI Filius.

5. Similitet, cùm Apostolus dixit, Christum esse
fundamentum fidei, locutus est de præcipuis Christi
mysteriis: ut alibi se explicat. Nempe de Christi dia-
vinitate, Rom. 1. v. 4. *Qui prædestinatus est Filius DEI*. De
humanitate Gal. 4. v. 4. *Misit DEUS Filium suum*,
sacrum ex muliere. De passione 1. Corin. h. 1. v. 23. *Nos autem prædicamus Christum crucifixum*. De morte,
sepultura, & resurrectione, ibidem cap. 15. v. 3. Tra-
didi enim vobis in primis, quod & accepi, quoniam
Christus mortuus est pro peccatis nostris, secundum scri-
pturas: & quia sepultus est, & quia resurrexit tertia die.
Et infra v. 14. *Si autem Christus non resurrexit, inanis
est predicatione nostra*: *inanis est*, & *fides vestra*. De
Ascensione, Ephes. 4. v. 8. *Ascendens in ultum, captiu-
num duxit captivitatem*. De sessione ad dexteram Det-
ricti Coloss. 3. v. 1. *Quæ sursum sunt querite, ubi Christus
est in astra DEI sedens*: *Et de aliis similibus, quæ*

singillatim complexus est Athanasius in Symbole, & tandem ita concludit: *Hæc est fides Catholicæ, quam nisi quisque fideliter firmiterque crediderit, salutis esse non poterit.*

Posterior explicatio etiam discutitur.

6. In posteriori explicatione sicutur hoc principium: *Omnes salvari posse, qui credunt 12. articulos fidei in Symbole Apostolorum comprehensos.* Quod verum est cum his limitationibus. *Primo:* Si explicitè credas 12. articulos secundùm verum, & legitimum sensum. *Secundo:* Si reliquos articulos, qui non sunt in Symbole, ut minitum credas implicitè id est, si generatim credas, quod Ecclesia credit; & paratus sis in particulari credere quidquid ab Ecclesia credendum proponitur. *Tertio:* Si nullum habeas errorem veræ fidei contrarium. *Quarto:* Si serves mandata Dei. Hinc ita concludo: Illi non possunt salvari in sua fide, qui neque explicitè credunt 12. articulos Symboli juxta legitimum sensum, neque parati sunt alios credere, qui ab Ecclesia credendi proponuntur; neque servant mandata Dei. At Lutherani, & Calvinistæ sunt tales: ergo in sua fide salvari non possunt.

7. Minorem probo per singulas partes. *Primo:* Quia ut taceam de aliis articulis, non credunt hunc, *Sanctam Ecclesiam Catholicam.* *Secundo:* Nec parati sunt credere alios articulos, qui à sancta Ecclesia Catholicæ ad credendum proponuntur. Imò parati potius sunt Ecclesiam calumniari, quasi à vera fide defecrit, & adultera facta sit. *Tertio:* Neque deserunt errores veræ fidei contrarios, de quibus libris superioribus aëtum est. Denique, tantum abest, ut servent præcepta Decalogi, ut etiam doceant, servari non posse: in quo partim suæ malitiæ prætextum querunt, partim accusant Deum, quasi impossibile à nobis exigat.

C A P U T II.

An liceat negare fidem Christi ad vitandam mortem.

Refert Eusebius lib. 6. Historiae Eccles. cap. 37. fuisse olim haereticos qui docerent, non peccare eos, qui in Persecutionibus negant Christum externa voce, modò eum corde confiteantur. Idem hoc tempore sentiunt multi Politici. Sed male. Primo: Quid est contra confessionem fidei, quae nos obligat, ut fidem Christi non negemus. Quod ipsemet Christus affirmat. Matth. 10. v. 32. Omnis qui confiteritur me coram hominibus, confitebor & ego eum coram Patre meo, qui in cælis est. Qui autem negaverit me coram hominibus, negabo & ego eum coram Patre meo, qui in cælis est. Unde August. tract. 36. in Joannem. Quanta vita est confiteri Christum, tanta mors est negare Christum.

2. Deinde est contra virtutem veritatis. Nam veritas obligat nos, ut non mentiamur. Mentiremus autem, si externa voce negaremus fidem Christi, quam interno corde confitemur. Hinc sequitur easdem ob causas, non licere negare, te esse Catholicum, si Catholicus es. Primo: Quia hoc esset negare fidem Christi, quod est contra obligationem confessionis fidei. Secundo: Esset mendacium, quod est contra obligationem veritatis. Quæres an etiam peccaret, qui negaret se Lutheranum, aut Calvinistam esse, si revera talis esset? Resp. Peccaret quidem contra veritatem, quia mentiretur, non tamen contra confessionem fidei, quia illa non obligat illum ad confitendam falsam fidem, qualis est Lutherana, & Calvinistica.

C A P U T III.

*An aliquando liceat tacere, aut dissimulare
Ch isti fidem.*

1. **A**liud est negare fidem, quod non licet, ut dixit
aliud tacere, dissimulare, occultare, de quo
hic disputationis: Et potest esse duplex questione.
Quare an aliquis possit tacere, aut dissimulare fidem,
quando rogatur a Iudeis, Turcis, aut Gentilibus, an sit
Ch istianus? Vel ab hereticis, an sit Catholicus? **R**esp.
Si interrogatur a persona publica, non potest tacere,
aut ambigue tergiversari, sed tenetur aperte confiteri,
quod res est, etiam cum periculo vite. Si autem in-
terrogatur a privata persona, potest tacere, aut elu-
dere, dicendo. Quid ad te? quorsum me rogas? Ra-
tio est, quia publica persona habet potestatem inter-
rogandi quam privata non habet. Vide Sanchez libe-
r. Moral. cap. 4. num. 6. & alios ibidem.

2. Altera est, an aliquis existens apud gentiles, vel
hereticos tempore persecutionis, possit fugere, vel se
occultare, ne cogatur respondere de rebus fidei, ut sic
periculum mortis evadat? **R**esp. Potest juxta illud
Matth. 10. v. 23. *Cum autem persequentur vos in cruci-
tate ista, fugite in aliam.* Quod etiam Paulus iudeo
exempli approbavit. Cum enim custodirentur portae
civitatis, per murum in spuma dimissus est, ut fugâ se
salvaret. Actor. 9. v. 25. & 2. Cor. 12. v. 13. Videatus
S. Athan. in Apologia pro sua fuga.

3. Potest tamen fieri, ut hujusmodi fuga propter
aliquam circumstantiam sit illicita; præsertim in pa-
store, vel Episcopo, qui ratione sui officii tenetur ma-
nere apud suos subditos, tempore communis pericu-
tionis, etiam cum periculo vitae: idque ex duplice causa.
Primò: Ne subditi fideles, qui manent in persecutione,
elinquantur sine Pastore, cuius præsentia tunc maximè
necessaria est, c. Sciscitaris, 7. q. 1. **S**econdò: Ne in-
fideles contemnant nostram religionem, quando videns
eam a propriis Pastoribus in casu necessitatis non de-
sendi, D Thom. in 2. 2. q. 2. art. 2. ad 2. CA.

C A P U T IV.

An aliquando liceat simulare alienam fidem.

1. **D**icitum est, quomodo Christianus debeat se gerere circa confessionem propriæ fidei. Nunc videndum est, an possit aliquando simulare alienam sectam, aut religionem. Quod dupliciter fieri potest. **P**rimò: Externis verbis, ut si dicat se Ariannum, aut Judaeum, aut Turcam, aut Gentilem esse, cum non sit. Hoc nunquam licet, ut supra ostendi, cum quia est apertum mendacium. **S**ecundò: Externis signis, ut si cum Gentilibus adoret idolum, aut cum hæreticis publicè oret, conciones audiat, & quæ similia iuntur. Est ergo quæstio, an liceat homini Christiano, & Catholico, apud hæreticos, vel alios infideles usurpare hujusmodi signa, ut occultet se Christianum, & Catholicum esse, ne forte cognitus occidatur.

2. Aliqui generatim putant licere modò fratrem animad simulandi tantum, absque interna voluntate profundi falsam religionem. Ita Adrianus in 4. q. I. de Baptismo in respons. ad s. arg. Et videtur esse sententia D. Hieronymi in cap. 2. ad Galat. ubi ait utilem esse simulationem, & assumendam in tempore. Et excusat Apostolos, qui per simulationem usurparunt ceremonias Mosaicas, quæ jam erant abrogatae, & illicitæ.

3. Alii utuntur distinctione. Nam externa signa, quibus simulari potest falsa religio, possunt revocari ad duo capita. Quædam propriè, ac speciatim instituta sunt ad cultum falsæ religionis: alia verò, tamen à propria sunt infidelium, non tamen instituta sunt ad cultum falsæ religionis, sed aliam finem. Putant igitur priora esse illicita, & contra confessionem fidei, non item posteriora. Ita Alexander, Antonius, Naevius, Banuus, & alii apud Valentiam tom. 3. q. 3. p. 2. dub. 4. Ut hæc doctrina melius examinetur, ad particularia signa descendendum est hoc modo, & ordine.



CAPUT V.

An liceat per simulationem idola colere?

1. **N**on licet, *Primiō*: Quia Apostolus damnat hūjusmodi cultum. 2. Corinth. 6. v. 14. *Se-
cundō*: Constaç Marcellinum Pontificem gra-
viter peccāsse, quod ob metum mortis idolis sacrifi-
caverit, ut patet ex Pontificali Damasi. *Tertiō*: Multi
Martyres per simulationem potuissent evadere mor-
tem, & tamen noluerunt, quia judicabant non licere.
Quartiō: Qui per simulationem adorat idola, commit-
tit mendacium, non quidem verbō, sed factō, quia
significat se idololatram cùm non sit: At mendacium
nullo modo licitum est. (*Infrā cap. 20.*)

2. Solent objici aliquot exempla in contrarium.
Primiō: Exemplum Jehu Regis Israēl, qui simulabat
se velle sacrificium offerre idolo Baal, ut haberet oc-
casione occidendi sacerdotes Baal, qui erant in tem-
plo congregati. 4. Reg. 10. v. 19. Quam ipsius simu-
lationem approbavit Deus, cùm dixit: *Studiose egisti,
quod rectum erat. & placebat in oculis meis.* ibid. v. 30.

3. Deinde exemplum Helisæi Prophetæ, qui etiam
approbavit simulationem in causa religionis. Cùm
enim Naaman Syrus, ut satisficeret Regi suo gentili,
vellet per simulationem adorare idolum in templo
Remmon, petivit ab Helisæo, ut pro se oraret DEUM
pro condonatione hujus peccati. *Resp.* Helisæus: *Va-
de in pace.* 4. Reg. 5. v. 19. Quasi diceret; poteris hoc
bonâ conscientiâ facere, si non habes animum adoran-
di falsum DEUM, sed tantum simulandi adorationem.

4. *Tertiō* exemplum Davidis, qui immutando
faciem suam coram Rege Achis, simulabat se stultum
esse, ut evaderet periculum mortis, quod putabat sibi
Imminere. 1. Reg. 21. v. 13. His exemplis utitur
Adrianus locō citatō ad suam sententiam confirmans
dam, quam præcedenti cap. recensui.

5. Resp. Hæc exempla non obstant nostræ resolutioni. Primi: Quia Jehu per illam simulationem verè peccavit, ut docet D. August. lib. contra mendacium cap. 2. ubi id confirmat ex illo 4. Reg. 10. v. 31. *Jehu non custodivit, ut ambularet in lege Domini DEI Israël, in toto corde suo.* Nec verum est, quod Deus illam approbaverit. Salùm laudavit factum Jehu in eo, quod omnes sacerdotes Baal occiderit, & domum Achab funditus deleverit, ut ex contextu patet.

6. Adoratio Naaman Syri non fuit cæmeronia religiosa, sed politica, & licita. Non enim flebat basiliua in templo Remmon, ut coleret idolum, sed ut Regi suo præstaret servitium politicum. Pro quo notandum est, fuisse morem Regis Syriae, ut inniteretur humeris alicujus famuli: siue in templo, siue in foro; idoque famulum, cuius humeris innitebatur, ex officio debuisse hoc obsequium illi præstare, ubiunque Rex esset. Si ergo vel staret, vel ambularet, vel genu flesceret, necesse erat famulum etiam stare, vel ambulare, vel genu flectere, non intuitu religiosis, sed ratione obsequii civilis, quod quilibet servus tenetur exhibere suo Domino. Unde magna erat differentia inter Naaman. & Regem. Nam adoratio Regis fiebat intuitu religionis. Cum enim esset homo gentilis, colebat idolum adoratione, seu flexione. Adoratio autem Naaman fiebat intuitu civilis obsequii. Cum enim flesceret genu, non alio animo faciebat, quam ut suo Regi genu flectenti, famulandi studio subserviret. Ita Abulensis in lib. 4. Reg. cap. 5. q. 25. Liranus ibid. circa textum, Azor. lib. 5. Moralium cap. 27. q. 7. & nonnulli alii.

7. David coram Rege Achis non simulavit falsam religionem, de qua simulatione hic agimus; sed stultitiam, & morbum. An licet, quæstio est, quæ hoc non pertinet. Videatur D. Thomas in 2. 2. q. 111. art. 1. ad 2.

C A P U T VI.

An liceat cum hæreticis publicè orare?

1. **S**i naturam rei sp̄ecies, non est per se malum, sed indifferens. ire ad temp̄la hæreticorum, aut gentilium. Potest enim, ratione circumstantiarum, vel bene, vel male fieri. Male quidem, si fiat, vel animō profitendi falsam religionem; vel cum aliorum offensione, & scandalo, vel deoique, eum nostro, vel alieno periculo. Bene, si his omnibus seclusis, bona intentione oremus Deum; & aliunde sit aliqua rationabilis necessitas, cur ibi potius, quam alibi opus sit id præstare.

2. Quod duplici exemplo declarari potest. Primo: Exemplō Catholicorum, qui habitant inter hæreticos, Nam si Princeps illorum sit hæreticus, & mandet, ut omnes subdici cujuscunque sint fidei, orationis tempore ad unum templum conveniant, poterunt Catholicæ id præstare: modò Princeps non mandet hoc in odium religionis, sed ob alium finem licitum, & honestum. Ita Azor. lib. 8. moral. cap. 27. quæst. 5. Deinde exemplō servi Christiani, qui apud Turcas, vel Gentiles captus est. Nam & Dominus illius velit uti iphius servitio, non solum domi, sed etiam in templo, potest servitum illi præstare, & dum præstat, simul animum orandi studiò, ad Deum attollere. Sicut de Naaman dictum est. Vide Azorium ibid. q. 7.

C A P U T VII.

An liceat conciones hæreticorum audire?

3. **H**oc intellige in illis locis, ubi Catholicæ cum hæreticis permixti sunt, ut in Germania, Polonia, Belgio. Ratio dubitandi est, quia talis cærementia est instituta ad cultum falsæ religionis: ergo

eroo tempore est illicita, juxta regulam Alxandri, Antonini, & aliorum, qui cap. 4. §. 3. citati sunt. Contia vero est, quod multi boni viri sine scrupulo audiunt conciones haereticas, quos damnare non possumus.

2. Resp. Aliud est habere conciones haereticas & aliud audire. Prius ex se malum est, quia nunquam licet docere haeresim. Posterior ex se indifferens est, & potest bene vel male fieri. Male quidem, si fiat vel animo discendi haeresim, vel cum scandalo aliorum, vel cum periculo subversionis. Bene, si, his malis exclusis, fiat in eum finem, ut haereticorum eratores facilius, & securius refutentur. Igitur tamen ista actio docendi haeresim ex se instituta sit ad cultum falsae religionis, & ideo semper illicita, tamen actio audiendi ejusmodi conciones non est determinata ad unum finem, sed ad varios ordinari potest. Primo: Ad cultum falsae religionis. Sic illicita est. Secundo: Ad confutationem erroris. Sic licita est, si absit scandalum. Idem fit in contrario. Nam etiam audire fidem Christi, poterit respectu ad duos diversos fines. Tertio: Ad eam descendam. Secundo: Ad oppugnandum. Priori modo audiebant illam multi Judaei, & Gentiles tempore Christi; posteriori Pharisaei.

C A P U T VIII.

An liceat Sacra menta cum haereticis participare?

1. **L**utherani, & Calvinistæ agnoscunt duo tantum sacramenta, Baptismum, & Eucharistiam. Dico ergo primo: Non licere Baptismum ab illis petere, extra calum necessitatis. Ratio est, quia licet ipsi verum Baptismum administrent, adhibitâ legitimâ materiâ, & formâ cum intentione baptizandi; tamen, cum eundem Baptismum possimus petere a Catholicis, impium, & scandalosum est confugere ad haere-

hæreticos. Adjici. extra casum necessitatis. Nam si esset urgens necessitas, & non adesset Catholicus, qui Baptismum conserret, liceret accipere ab hæretico.

2. Dico secundò: Non licere etiam cum Lutheranis, aut Calvinistis Eucharistiam participare, quia ipsi vel non habent verum Sacramentum Eucharistiae, ex defectu Sacerdotum consecrantium; vel si aliquando habent quod rarum est, profitentur peculiarem errorum circa id: m Sacramentum. Nam Calvinistæ negant Corpus, & Sanguinem Christi realiter adesse in Sacramento. Lutherani concedunt quidem adesse, sed simul asserunt, manere substantiam panis, & vini cum substantia corporis, & Sanguinis Christi. Si ergo Catholici cum illis communicarent, viderentur favere ipsorum errori.



C A P U T IX.

An liceat Matrimonia cum hæreticis contrahere?

1. C^{ontra}ertum est, generatim loquendo, non licere. Primo: Quia est contra prohibitionem Ecclesiæ. can. Cate., & con. Non oportet, 25. q. 3. Deinde, est scandalosum. Secundò: Est periculose, quia Catholicus, qui accepit hæreticam, se, & filios suos exponit periculo subversionis. Tertiò: Committit sacrilegium, profanando sacramentum Matrimonii, dum illud hæreticæ personæ administrat. Quæ omnia fūsè prosequitur noster Serarius in libello de Catholicorum cum hæreticis matrimonio.

2. Solet tamen speciatim disputari, an Catholici in Germania possint contrahere cum hæreticis, præstetim cum jam usu id receptum sit? Affirmant Azorius lib. 8. Moral. cap. 15. quæst. 5. & Sanchez lib. 7. de Matrimonio disput. 17. num. 5. qui citant pro se Navarum. Alii contrarium tenent. Ego existimo, Catholicos in Germania sœpè excusari posse. Primo: Quia

Canones illi, qui prohibent talia matrimonia, vel non sunt recepti in Germania, vel certè per contrariam consuetudinem abrogati. Secundò: In Germania cessat scandalum. Tertiò: Fieri potest, ut Catholicus sit tam firmus in fide, ut non sit periculum subversionis: Et ab initio contractus potest excipere, ut proles catholice educantur. Quartò: Ignorantia potest illum excusare a peccato sacrilegii. Multi enim Catholici inculpabiliter ignorant, contractum matrimonii cum hæreticis esse sacrilegium. Imò Navarrus, Sanchius, & Azorius, qui ajunt in Germania licitum esse, negarent esse sacrilegium.


C A P U T X.

An liceat comitari hæreticos ad sepulturam?

1. **A**Liqui putant licere, quia nihil mali apparet in eo, quod quis sepeliat mortuos, aut funera eorum prosequatur. Alii, non licere, quia qui hoc facit, videtur illorum hæresim approbare. Sed distinguendum est. Nam in iis locis, ubi Catholici cum hæreticis promiscue vivunt, & quotidie sine prohibitione, aut excommunicationis periculo cum illis convertantur, licitum est Catholicis prosequi, & comitari funera hæreticorum, si præcisè spectetur sepultura. **P**rimò: Quia in ejusmodi locis, ubi nulla est prohibitio, nullum potest esse scandalum: ergo saltem ex hac parte licitum est. **S**ecundò: Sepelire mortuos, est opus misericordiae: ergo ex affectu misericordiae honestè fieri potest. **T**ertiò: Catholicus potest ducere uxorem hæreticam, ut ex magnis Authoribus dictum est: ergo potest illam post mortem sepelire. Hic enim minus mali apparet, quam ibid.

2. At in aliis locis, ubi prohibitum est Catholicis convertari cum hæreticis, sub poena excommunicationis, non licitum est funera hæreticorum comitari. **P**rimò: Quia talis prohibitio, cum justa sit, obligat, in con-

conscientia: ergo contra conscientiam faceret, qui ille
lam prohibitionem transgredetur. Secundo: Quis
tametsi sepelire mortuos, sic opus misericordiae, quan-
do fit ex interno misericordiae affectu, non tamen est
laudabile, si fiat contra prohibitiōem Ecclesiae. Ha-
bemus simile exemplum in Scripturā: offere DEO
holocaustum, erat opus pium, ac religiosum in legge
Mosaica: Et qui illud offerebat. At Saul, qui illud
obrulit contra prohibitionem Samue lis, graviter pec-
cavit, & in poenam peccati, regno privatus est 1. Reg.
13. v. 9. & cap. 15. v. 22.



C A P U T XI.

An liceat libros hæreticorum legere?

Affirmant Politici. Nos distinguimus. Jure na-
turali, ac divino prohibitum est legere libros
hæreticorum, quando est periculum defec-
tis à fide: licitum quando non est talo periculum.
Jure humano, variae factae sunt prohibitions. Hoc
tempore duæ extant generales. Una in Bulla cœn-
Domini, cum adjuncta excommunicatione, reservata
Pontifici. Altera in Indice librorum prohibitorum,
cum adjuncta excommunicatione, non reservata Pon-
tifici. Unde sequitur. Primo: Legentem libros hæ-
reticorum sine facultate, & dispensatione, incurrit
duplicem excommunicationem. Unam Bullæ; alteram
Indicis: Et ab una posse absolvī à proprio Confessario
ab altera, non nisi à Pontifice, aut habente pri ilegium
à Pontifice. Secundū: Posse aliquem incidere in ex-
communicationem Indicis, ita ut non incidat in ex-
communicationem Bullæ, si nimis rūm legat libros, qui
prohibiti sunt in Indice, & non sunt prohibiti in Bulla.
Nam in Bulla tantum prohibiti sunt libri manifeste hæ-
retici, in indice plures alii.

2. Dices. *Primiō*: Aliquando necesse est legere libros hæreticorum, præsertim quando errores illorum refutandi sunt, qui aliunde quam ex eorum libris integrè, & certò cognosci non possunt. Ergo generalles illæ prohibitions non sunt justæ, & rationabiles. *Resp.* Non sequitur, quia quando necesse est legere libros hæreticorum ad eos confutandos, non petenda est dispensatio, seu facultas legendi, quæ non negabatur, si is, qui petit, videatur idoneus ad confutandum.

3. Dices *secundō*: Libri hæreticorum continent multa vera, & utilia: ergo non debent prohiberi, quia stultum est, propter aliqua falsa, & in utilia, privare se etiam veris, & utilibus. *Resp.* Hinc potius sequitur, non debere legi hæreticorum libros, eò quod vera falsis, & bona malis permisceant. Sic enim decipiunt Lectorem, nam si sola falsa, & mala dicerent statim ab omnibus rejicerentur: si sola vera, & bona, hæretici non essent. Itaque de industria omnia miscent, ut ex malis bona inficiant; & per bona, mala sua abscondant. *Unde Hieronymus epist. 7. ad Lætam*: *venena inquit, non datur, nisi melle circumlita.* Deinde si bona, & vera volumus cognoscere, facilius, & secundius, ex Catholicorum, quam hæreticorum libris cognoscemus, juxta illud ejusdem Hieronymi epist. 10. ad Furiam: *Eorum dumtaxat tractatus lege, quorum fidet nota est.* Non necesse habes: *aurum in luto querere.*

C A P U T XII.

An liceat cum hæreticis disputare de Fide?

1. **C**ertum est, aliquando licere, aliquando non licere. Non licet in his casibus. *Primiō*: Quando Catholicus, qui disputat cum hæreticis de fide, non habet rectam intentionem: ut si disputet, tanquam dubitans de fide. (*D. Thomas in 2. quæst. 10. artic. 7.*) Tunc enim conjicit se in periculum

lum deficiendi à fide. Secundò: Quādo est Laicus quis cum Laici ut plurimum sint indocti; sub pœna excommunicationis interdicta est illis hujusmodi disputatio; (cap. Quicunque, de hæreticis in 6.) Tertiò: Quando est periculum ex parte Auditorum, qui adsunt, nē perturbantur. D. Thom. supr. Quartò: Quando hæreticus, cum quo disputatur, est pertinax, & aliunde nulli utilitas ex disputatione spectari potest.

2. Dices: Primo: Sæpè fit, ut aliquis Laicus si doctior, quam Clericus aut Religiosus: ergo tunc saltem potest disputare. Resp. Non sequitur, quia leges feruntur generatim pro aliqua communitate, non solent spectare, quid aliquando fieri possit in hoc, vel illo casu particulari, sed quid fiat, ut plurimum. At Laici, ut plurimum sunt indocti, licet aliquando contingat hunc, vel illum esse doctum. Ergo omnes continentur legem inhibitionis servare. Ità Navarrus, & alii citati à Sanchio lib. 2. moral. cap. 6. n. 5.

3. Dices: Secundò: Hinc sequitur, omnes Laicos quantumvis doctos, qui in Germania disputant cum hæreticis de fide, non solum peccare, sed etiam excommunicatos esse, quod est absurdum, & contra communem hominum opinionem. Resp. Non sequitur; quia in Germania, ubi Catholici, & hæretici permixti sunt, non est in usu supradicta inhibitione, sed per contrariam consuetudinem est abrogata, ac proinde non obligat: Ità Valentia tom. 2. q. 10. assertione 2.

4. Dices: Tertiò: Si Laicus, quia indoctus est, peccat disputando de fide, etiam Clericus peccabit, si indoctus sit. Et sic erit par ratio utriusque. Resp. Clericus non peccat contra inhibitionem Ecclesiasticam, de qua sermo est, quia illa comprehendit solos Laicos, sed peccat contra Jus naturale, quia exponit se pericolo erroris. Hinc sequitur, tam Laicum, quam Clericum indoctum peccare: sed Laicum contra legem naturalem & Ecclesiasticam, Clericum contra naturalem tantum. Item, Läicum excommunicari, non Clericum.

C A P U T XIII.


An liceat pacisci cum Hæreticis?

1. **C**um Hæreticis non facile inveniuntur sunt contrae^{ctus}, conventiones, foedera, pacta, sive publica, sive privata (etiam si alias licita, & honesta sint) propter tres causas. **P**rimò: Propter periculum subversionis. Nam sèpè periculum est, ne Catholici, qui paciscuntur cum hæreticis, deficiant à vera fide. Exod. 34. v. 15. & Deut. 7. v. 3. **S**ecundò: Propter scandalum, quia aliquando fit, ut infirmi scandalizentur, quando vident Catholicos cum hæreticis inire pacta, & conventiones. 2. Machab. 6. v. 24. **T**ertiò: Propter perfidiam hæreticorum. Non enim facile paciscendum est cum iis, qui non servant fidem. Hæretici nec Deo, nec hominibus servant fidem.

2. **Q**uòd Deo non servent, probo exemplò Lutheri. **I**n triplici titulo fuit perfidus in Deum. **P**rimò: Quia fidem Catholicam, quam in Baptismo suscepserat, & multis annis professus fuerat, tandem abjecit; quæ summa perfidia est. In qua imitatus est Hymenæum, & Alexandrum, de quibus Apost. 1. Tim. 1. v. 19. Circa fidem naufragaverunt, quos tradidi Sathanæ. **S**econdò: Quia cum esset Monachus, solemnni voto promisit Deo perpetuam castitatem. Non servavit, sed monialem simili voto obstrictam, sacrilegō connubio libi adjunxit. Similis mulierculis, de quibus idem Apostolus 2. Timoth. 5. v. 11. *Cum luxuriatæ fuerint, in Christo nubere volunt, habentes damnationem, quia primam fidem irritam fecerunt.* **T**ertiò: Quia cum publico ritu in Academia catholica Doctor Theologie promoveretur, juramento se obstrinxit, defensurom se illam doctrinam, quæ tunc multis seculis uia erat recepta. Nec hoc præstitit. Novam doctrinam est commentus, quæ tertia perfidia est. Lutherum secuti sunt Lutherani, Calvinistæ, Anabaptistæ. Pierique, si non

triplici, ut Lutherus, certè, vel uno, vel duplicito titulo perfidi in Deum.

3. Hinc infero, si tam improbi sunt, ut pro nihilo ducant, fidem Deo promissam violare, neque nobis promissam servatores. Res ipsa loquitur. Exstant exempla vetera, & nova. Vetera taceo. Nova omnibus nota sunt.



C A P U T XIV.

An si paciscaris cum Hæreticis, fides servanda sit?

1. **D**ixi non facilè paciscendum cum illis esse; si tamen pactus es, & nihil aliud obstat, quam hæresis, fides servanda est, non minus, quam si cum Catholicis pactum iniissem; ratio est, quia obligatio pacti, seu mutua promissionis oritur ex triplici virtute, nempe veritatis, fidelitatis, & justitiae, Veritas ad hoc obligat, ut sincerè, & non fictè promittas; id est, ut quod verbò promittis, etiam animò promittas, ne mendax sis. Fidelitas ad hoc, ut opere praestes, quod promissum est, ne perfidus sis: Justitia ad hoc, ut alteri, cum quo pactus es, tribuas ius tuum, quod illi debetur ratione pacti, ne injuriosus sis. At hæ virtutes æquè te obligant, sive cum Catholicis, sive cum hæreticis paciscaris. Nunquam enim licet mentiri, nunquam perfidum esse, nunquam alterius ius violare, seu injuriam facere. Et sane si semel concederes, hæc ideo licere, quia hæretico mentiris, hæretico perfidus es, hæretico injuriam dicis; consequenter dandum esset licere tibi hæreticum occidere, furto ejus auferre, odio eum prosequi. Quæ omnia absurdula sunt, & divinæ legi repugnantia.

2. Excipio tamen tres casus (quos boni Authores excipiunt) in quibus non teneris servare fidem, sive Catholicum, sive hæreticum promissa sit. *Primus est:* Quando promissio, vel pactum est de re turpi, vel illigita;

elta; ut si paciscaris cum aliquo de committendo furto, homicidio, adulterio, mendacio, usura. Hujusmodi enim pactum non obligat, cum nemo obligari possit ad peccatum. Quo spectat illud vulgare: *In malis Promissis rescinde fidem.* Secundus est: Quando pactum vi, aut metu caderet in constantem virum, injuste extortum est. Tunc enim potest rescindi pro arbitrio ejus, qui injustè metum, aut vim passus est, cap. 2.&4. Et his, quæ vi, & l. ultima, eodem tit. Et rectè, quia qui injustè metum, aut vim incussit, fecit alteri injuriam: ergo tenetur illum in priorem statum restituere. Tertius est: Quando is, cum quo pactus es, non servat tibi fidem. Tunc enim nec illi tenetis servare, respectu ejusdem pacti juxta illud: *Frangenti fidem, fides frangatur eidem.* Et regula Juris est: *Frustra quis fidem postulat sibi servari ab eo, cui fidem à se protestatam servare recusat.* Hæc omnia accommodari possunt ad particulares casus, qui quotidie occurunt.

C A P U T XV.

An hæretici propter hæresim puniri possint.

1. **A** Gimis solam de pæna capitis. Et quæstio est, an Princeps, vel Magistratus possit hæreticos, propter solam hæresim, pæna capitis punire? Affirmant Calvinistæ; negant Lutherani. Nos distinguimus. Duo enim spectari possunt in hæresi. Primo: Quod sit peccatum. Et hoc illi commune est cum omnibus aliis peccatis. Secundo: Quod turbet pacem, & tranquillitatem Reipublicæ. Hoc non est illi commune cum omnibus, sed tantum cum aliquibus, ut cum homicidio, furto, rapina, adulterio, rebellione, & similibus. Priori modo non punitur à Magistratu pæna capitis, sed posteriori. Et quidem justè.

2. Primo: Quia in Veteri Testamento pæna mortis affecti sunt idololatræ, falsi Prophetæ, blasphemæ,

& qui similia peccata, quæ rem publicam turbare solent, perpetrassent. Moyses iussit occidi multa milia Israëlitarum, eò quod adorassent idolum Vituli, & à reliquo populo secessionem fecissent. Exod. 32. v. 27. Heliás interfecit Baal, 3. Reg. 18. v. 42. Idem fecit Iehu, 4. Reg. 10. v. 25. Mathathias trucidavit quendam Iudeum sacrificantem Idolis, 1. Mach. 2. v. 24. Neque solum usitata fuit hæc pæna, sed etiam à Dgo præcepta, Levit. 20. v. 2. & cap. 24. v. 16. & Num. 25. v. 5. & Deut. 13. v. 6. & alibi.

3. Secundū: In N. T. pæna mortis afficiuntur homicidæ, fures, adulteri, rebelles: At hæretici non minùs turbant pacem, & tranquilitatem reipublicæ, quam illi: si ergo illi justè merentur hanc pænam, merentur etiam hæretici. Dices, Non est parratio. Nam homicidæ, fures, adulteri, rebelles turbant pacem politicam, & ideò puniuntur à Magistratu politico. At hæretici non turbant pacem politicam, sed Ecclesiasticam, & ideò non debent puniri à Magistratu politico pæna corporali, sed ab Ecclesiastico pæna spirituali. Re/p/ Hæretici turbant utramque pacem. P. imo: Quidem ac pér se, pacem Ecclesiæ, quæ consistit in unitate fidei Ephes. 4. v. 5. *Unus Dominus, una fides, unum Baptisma.* Deinde, consequenter pacem reipublicæ, quæ finē unitate fidei conservari non potest. Ubi enim est publica animorum dissensio, ibi publica pax esse non potest. Hoc testatur Christus, cùm ait: *Omne regnum in se divisum desolabitur.* Testantur exempla vetera & nova. Ariani turbarunt totum Orientem. Macedoniani, Græciā, Iconomachi, & Albigenses. Romanum Imperium; Hussitæ, Bohemiam; Calvinistæ Angliam, Galliam, Belgium, Poloniā. Et his proximis annis, qui obsecro excitârunt rebellionem contra Pientissimum nostrum Imperatorem Ferdinandum III. Res nota est omnibus.

4. Nec mirum. Nulla nūquam familia fuit, in qua dissentiens religio pacem non turbarit. Exempla sit discordia inter Isaac, & Ismaëlem in familia Abraham: inter Jacob, & Laban in Mesopotamia; inter Moy-

Moysem, & uxorem ejus Sephoram, dum itent in Agyptum. Quomodo ergo in toto regno, Provincia, civitate pax sperari potest, ubi religionis, ac fidei summa est discordia? Certe non potest. Nam ubi hæretis, ibi superbia; ubi superbia, ibi dissensio. Cum ergo hæretici superbi sunt, cum in Ecclesia dissensionem extent, cum altaria nostra evertant, cum sacrificia, & iunctio, & festa nostra execrentur. Clerum abigant, ceremonias contemnunt, imagines destruant; quomodo in politicis pacem, & concordiam nobiscum servaturi sunt? Vix sperari id potest. Qui olim confunctorum, quam Judæi, & Iudaëlitæ? Fratres erant. At postquam altare contra altare, templum contra templum eratum est; mox inexpiabili odio dissociati sunt.

5. Nunc repeto argumentum, quod posui, sub hac forma: Hæretici magis perturbant pacem Christianam, quam homicidæ, fures, adulteri: At hi justè puniuntur pœnâ capitis: ergo multò magis illi. Major probata est, quia pax Christiana est duplex: Una: Ecclesiastica, quæ consistit in unitate fidei, & Sacramentorum; Altera: Politica, quæ consistit in externa iustitia, tranquillitate. Utramque turbant hæretici, alteram tantum homicidæ, fures, adulteri. Ergo illi perniciosiores sunt, quam hi. Magis igitur pœna carceris plectendi.

6. Objici soles parabola zizaniorum Matth. 13. v. 29. Ubi servi quærebat à Domino, an deberent eradicare zizania, quæ in medio tritici succreverant. Et respondit illis: Non, ne forte colligentes zizania, eradicatis simul, & triticum. Sinite utraque crescere usque ad messim, & in tempore messis dicam messoribus: Colligite primum zizania, &c. Ubi per zizania intelleguntur hæretici; per triticum, Catholicæ; per messim, dies judicii; per messorum, Angeli. Vult ergo Christus per hanc parabolam significare, hæreticos non esse eradicandos, id est, non interficiendos: sed simul cum Catholicis in eodem agro, id est, in eadem Ecclesia, usque ad diem judicii reliquendos.

7. Resp. Christus per zizania non intelligit solos hæreticos, sed omnes malos, sive sint Catholici, sive hæretici; sicut per triticum, vel bonum semen, intelligit omnes bonos. Sic ipse met explicit, cùm ait: *Bonum semen sunt filii regni, zizania autem filii nequam.* Nec tamen intelligit omnes bonos, & malos pro quo-
cunque tempore; sed omnes, qui tales perseverant usque ad finem vitæ, id est: omnes prædestinatos, & reprobos. Igitur, qui ad tempus mali sunt, & postea bene moriuntur, non sunt zizania, sed triticum. Et vicissim, qui ad tempus boni sunt, & postea male moriuntur, non sunt triticum, sed zizania. Quod etiam explicat Christus verbis jam citatis, cùm ait per triticum intelligi filios regni, id est, prædestinatos; & per zizania, filios nequam, seu Diaboli, id est, reprobos. De his subdit; *Et mittent eos in caminum ignis.* De illis verò: *Fulgebunt sicut Sol in regno Patris eorum.* Cùm ergo in hac vita non possit nobis constare, qui sint bene, vel male morituri, seu, qui sint prædestinati, & qui reprobri, non potest etiam constare, qui sint triticum, & qui zizania: Ac proinde nec possumus, nec debemus zizania separare à tritico, ne erremus. Hoc primum fiet in die judicii, quando Angeli separabunt malos à bonis, hædos ab ovibus, reprobos à prædestinatis. Quo etiam sensu dixit Apost. 1. Corin. 4. v. 5. *Nolite ante tempus judicare, quo ad usque veniat Dominus (in die judicii) qui & illuminabit abscondita tenebrarum, & manifestabit consilia cordium,* 2. Tim. 1. v. 19. *Cognovit Dominus, qui sunt ejus.* Quasi dicat: alii in hac vita non cognoscunt.

8. Hiac patet: aliud esse in hac vita eradicare zizania; aliud, in hac vitâ occidere hæreticos, fures, homicidas, adulteros. Hoc licet, illud non licet. Nam Reges, & Principes acceperunt à Deo jus gladii, ut puniant hujusmodi malefactores, quando constat tales esse, quod constare potest. Rom. 13. v. 4. At nemo nostrum accepit à Deo jus, seu potestatem colligendi zizania de medio tritici, id est, separandi reprobos à prædestinatis, quia nemini constat, quinam illi sint.



C A P U T XVI.

An Princeps Catholicus possit Hæreticos in sua Provincia tolerare?

1. **H**æc duo distincta sunt. *Primi*: Princeps Catholicus concedit suis subditis, ut fiant hæretici, vel introducit hæresim; vel introducit et confirmat. & ratam habet, vel alio quocunque modo positive in eam consentit, & cooperatur. *Secundi*: Princeps Catholicus solum permittit, seu tolerat hæreticos in sua Provincia. *Prius* nullo modo licitum est; quia hæresis est peccatum, & quidem magis peccatum, quam fortum, homicidium, adulterium: At Princeps nullo modo potest concedere suis subditis, ut fiant fures, homicidae, adulteri; neque potest introducere hujusmodi peccata in suam Provinciam, neque introducere confirmare, & rata habere; neque alio quocunque modo positivè in ea consentire, & cooperari. Ergo idem de hæresi dicendum est. Nemo dubitat.

2. De posteriori quæstio est, quam hoc loco disputamus; an scilicet Princeps in aliquo casu possit permettere, seu tolerate hæresim in sua Provincia, in qua Catholici, & hæretici permisi sunt? Aliqui absolute negant. *Primi*: *Quia* nullo modo licet favere hæreticis; & qui favent, incurunt excommunicationem Bulæ Cœnæ Domini. At tolerare, seu permettere hæresim in sua Provincia est favere hæreticis; ergo non licet. *Secundi*: Non sunt facienda mala, ut eveniant bona, teste Apostolo Rom. 3. v. 8. At hæresis sine dubio mala est; ergo non licet eam tolerare, etiamsi aliquid boni inde eventuum sit. *Terti*: Reges Hebræorum, qui olim in suo regno permittebant idolatriam, gravissime à Deo reprehensi sunt; ut Jeroboam, Joram, & alii plures: ergo signum est, hujusmodi permissionem Deo displicere.

3. Alii rectius sentiunt: Principem in quibusdam casibus posse permettere haeresim; in quibusdam non posse. Ac primò certum est: posse permettere, quando non potest impedire; ut si in aliqua civitate, vel Provincia sint multò plures, & potentiores haeretici, quam Catholicī; & sint tam pertinaces, ut non possint, nisi vi coacti ab exercitio cohiberi. Quid faciat tunc Princeps? non potest eos vi cogere, quia non est potens; nec aliis occurrit impediendi modus, cùm sint pertinaces; igitur tolerandi sunt, quamdiu aliter fieri non potest.

4. D. Thomas in 2. 2. qu. 20. art. 11. addit alios duos casus. Unus est: Quando ex permissione speratur majus bonum. Et hoc modo etiam Deus permittit non solum haeresim, sed alia omnia peccata, quae in hoc mundo sunt; quia potest inde majus bonum elicere, juxta illud Gen. 50. v. 20. *Vos cogitastis de me malum*, inquit Joseph ad fratres suos. Sed DEUS vertit illud in bonum, ut exaltaret me, & salvos ficeret multis populis. Aug. in Ench. c. 27. *Melius iudicavit de malis bene facere*, quam mala nulla esse permettere.

5. Alter est, quando ex permissione evitatur maior malum, quod aliter evitari non potest; ut si Princeps Catholicus véllet quidem impedire, vel coercere haereticos in sua Provincia; sed si tentaret, ipsi cum viciniis populis, & Principibus haereticis, impetu factō Catholicos opprimerent, & eorum exercitium abolerent. Tunc enim consultius esset permettere, seu tolerare haereticos permixtos cum Catholicis, quam cum tanto dispendio, & jaēura illos irritare.

6. Extra hos casus non potest Princeps permettere haereticos in sua Provincia, vel civitate. Itaque peccant illi qui ex mera negligentia permittunt illos sensim, irreperere; vel qui spe lucri temporalis libenter eos tolerant; ut fieri solet in quibusdam magnis emporiis, ubi Haeretici, Judæi, Turcæ, Gentiles tolerantur ratione mercaturæ: vel qui ob cognationem, affinitatem, aut alium respectum humanum non volunt eos offendere, aut impedire: quod vitium latè patet.

7. Quæres: An Princeps non solum possit permittere, seu tolerare hæreticos, sed etiam promittere, seu pacisci se permissorum, seu toleraturum? *Resp.* Hæc regula servanda est: Quandocunque permisso, seu tolerantia alicujus mali licita est, tunc etiam promissio talis permissionis, seu tolerantiae licita est. Quando autem permisso, seu tolerantia est illicita, tunc etiam Promissio illius est illicita. Patet in simili: nam si matrimonium inter Petrum, & Catharinam potest esse licitum, etiam promissio talis matrimonii potest esse licita. Si autem matrimonium, ratione alicujus impedimenti, non potest esse licitum, nec promissio potest esse licita. Ratio philosophica est; quia honestas, vel turpitudine actionis pendet ab honestate, vel turpitudine objecti; sed promissio est quædam actio; Ergo honestas, vel turpitudine illius pendet ab honestate, vel turpitudine rei promissæ, quæ est illius objectum. Si igitur res promissa honesta, & licita est, etiam promissio honesta, & licita est. Et è contrario, si illa est illicita, etiam hæc illicita est.

8. Argumenta contraria, quæ initio allata sunt, facile dilouuntur. *Primum* est: Non licet favere hæreticis: sed qui permittit hæresim, favet hæreticis. *Ergo:* *Resp.* Major vera est hoc sensu; non licet favere hæreticis, quoad hæresim. Minorem distinguo: Qui permittit hæreticos sine legitima causa, favet illis; secus, si ex legitima causa.

9. *Secundum* est: Non sunt facienda mala, ut eveniant bona: at hæresis mala est: Ergo non licet eam tolerare. *Resp.* Negatur consequentia. Nam aliud est, facere malum; aliud permittere, seu tolerare malum. Verum est: non esse facienda mala, ut eveniant bona; falsum: non esse permittenda mala, ut eveniant bona. Poteſt igitur fieri duplex syllogismus. *Prior:* Non sunt facienda mala, ut eveniant bona; sed hæresis est mala, ergo non est facienda, ut inde eveniat bonum. Totum concedo. *Posterior:* Non sunt permittenda mala, ut eveniant bona: sed hæresis est mala: ergo non est permittenda, ut inde eveniat bonum. *Major* falsa est.

Nam Deus permittit omnia mala, quæ sunt in hoc mundo, ut eveniant bona; & tamen non peccat.

10. *Tertium est: Reges Hebreorum, qui olim in suo regno permittebant idololatriam, à Deo reprehensi sunt: Ergo. Resp. Aliqui ex illis Regibus fuerunt idololatriæ, qui non solum permittebant, sed etiam approbabant, & promotebant idololatriam, ut omnes Reges Israël, & nonnulli ex Regibus Iuda. Hi merito reprehensi sunt. Alii non erant idololatriæ, sed fideles ex quibus aliqui permittebant idololatriam, vel ex negligentia, vel ex respectu humano: qui etiam digni erant reprehensione. Alii ex timore periculi, ut Josaphat, qui initio regni non ausus fuit auferre excusa.*

3. *Reg. 22. v. 44. Postea tamen factus audacior, abitulit.*

2. *Paral. 17. v. 6. Quo nomine fuit commendatus.*

CAPUT XVII.

An Princeps, vel Magistratus possit Judæos tollere in sua Civitate, vel provincia.

1. **T**ria spectari debent in Judæis. *Primi: Secta, & exercitium Judaicum. Secundi: Usura. Tertiū: Odium in Christianos. Hæc omnia mala, & prohibita sunt. Est ergo quæstio, an Princeps, vel Magistratus possit hæc mala permettere, seu tollere? Et quæ possit esse legitima causa permittendi, seu tolerandi?* *Resp. Per sequentes conclusiones.*

CONCLUSIO I.

1. **M**agistratus potest permettere ritus, & exercitium Judæorum, si adsit sufficiens causa. *Hoc facit Pontifex Romæ, & multi Principes in suis Provinciis. Causa triplex assignari potest. Prima: Ue per ritus Judaicos, v.g. per circumcisionem, & Agnum paschalem adumbretur, & confirmetur veritas Christiana de Baptismo, & Eucharistia. Hanc causam approbat D. Aug. lib. 15. de Civitate Dei cap. 46. & D. Thom.*

In 2. 2. qu. 10. art. 11. Altera: Ut Judæi, qui exerceant suos ritus, & intelligunt à Christianis, inter quos habitant, ritus illos fuisse tantum umbras, & figuræ Christianæ religionis, faciliter convertantur ad fidem Christi. Hanc etiam approbat D. Thom. loco citato. Tertia: Ut Principes, vel Magistratus Christiani sub praetextu permissionis possint accipere pecunias, & alia munera à Judæis, quibus permittunt exercitium; hec non licet. Nam peccata publica, quibus offenditur Deus, non possunt permitti propter solum lucrum temporale, quod ex permissione speratur.

CONCLUSIO II.

3. **M**agistratus potest permettere usuras Judæorum, si adsit sufficiens causa. Hoc etiam facit Pontifex, & multi Principes Christiani. Causa potest esse duplex. Una: Ad impediendum majus malum. Si enim non permitterentur usuræ, multa fierent furta, rapinae, oppressiones pauperum, desperationes, & his similia incommoda. Igitur ad hæc evitanda permitti possunt usuræ, tanquam minus malum. Altera: Ut Principes, & Magistratus Christiani, qui permittunt usuras, sint participes lucri; hoc non licet; quia certum est: usuras jure naturali, ac divino prohibitas esse; & lucrum, quod per usuras acquiritur, esse merum furtum. Sicut ergo peccant Judæi contra iustitiam, accipiendo lucrum usurarium; ita peccant Christiani, qui sunt participes illius lucri. Consentaneum autem esse participes, quando eo fine permittunt usuras, ut possint inde aliquid lucri docerpere.

4. Hæc conclusio dupliciter limitanda est. Primo: Quod permitti possint usuræ communes, quæ non exceedunt lucrum, quod lege, vel consuetudine permisum est; non autem usuræ exorbitantes, de quibus paulo post. Secundo: Quod Magistratus non possint participes esse lucri usurarii, propter solam permissionem usurarum, tametsi alio titulo possint. Et quidem duplicit. Primo: Titulus punitionis; quia potest punire Judæos propter usuras; & lucrum, quod ex usuris injustè acquisi-

quisitum est, vel restituere suis dominis; vel, si incerti sunt Domini, in publicam utilitatem convertere. *Secundò*: Titulo exactio[n]is; quia potest exigere à Judæis annum tributum, seu vestigal, non ratione permissionis usurarum, sed ratione concessæ habitationis in loco Christiano.

CONCLUSIO III.

5. **M**agistratus, vel Princeps Christianus non potest bonâ conscientiâ permittere, aut impunitum relinquere odium Judæorum in Christianos.
Nota: Duplex est odium: *Unum* internum, quod e[m] occultum sit, à Magistratu puniri non potest. *Alterum* externum, quod erumpit in apertam injuriam. Hoc à Magistratu co[er]ceri potest, ac debet. Dicimus ergo, hujusmodi odium, quando à Judæis in Christianos exercetur, nullo modo tolerandum esse, sed severè puniendum: & Principem graviter peccare, si delinquens non puniat. Ratio est: quia Princeps ex officio tenetur punire omnem injuriam publicam, ut justitia conservetur: ergo etiam tenetur punire injuriam, quam Judæi committunt in Christianos.

6. Quæ sane injuria multiplex est. *Primò*: Quia aperte blasphemant Christum. *Secundò*: Infantes Christianorum occulte surripiunt, mactant, & sanguine exsypm, nescio qua superstitione, satiantur. *Tertiò*: Exigunt intolerabiles usuras à civibus, rusticis, militibus, pauperibus. Quidquid autem exigunt ultra sortem, furtum est, intolerabile ergo furtum commitunt. *Quartò*: Exigendo hujusmodi usuras, plurimum nocent Republicæ, seu communitat[i]. Non enim potest stare, aut florere Respublica, quando populus usuri oppressus, & exhaustus est. *Quintò*: Præter usuras accedit alia injuria. Nam quidquid in foro venale est, hoc Judæi præripiunt Christianis, offerendo maius pretium venditoribus, quam alii emptores offerre solent. Ac postea, quod iniquissimum est, coguntur Christiani duplex pretium dare Judæis, si velint emere, quæ ad familiam alendam necessaria sunt. *Sextò*: Ut hæc omnia impunefaciant.

faciant, distribuunt munera Officialibus Principum, ut ab iis protegantur. Hinc sit, ut populus, qui à grè fert hujusmodi injurias, pronus sit ad concitandam seditionem, tum in ipsos Judæos, tum in patronos, ac defensores; in illos quidem, quia fures, & expilatores sunt; in hos verò, quia sunt socii furum, & expilatorum.

7. Hæc tanta mala, ut reliqua ditimalem, si Princeps, aut Magistratus non impedit, vel punit, particeps est peccati, & ad restitutionem tenetur. Potest autem tripliciter impeditre. *Primo*: Si Judæos expellat ex sua Provincia, vel civitate. *Secundo*: Si non expellat quidem, sed cogat eos ad agriculturam, vel artes mechanicas, vel ad alia opera servilia exercenda; nec patiatur eos in otio, & luxu vivere, sicut jam vivunt. *Tertio*: Si privet eos omnibus pecuniis, ac divitiis usuram aequisitis, & in bonum publicum convertat. Utinam hæc in praxim deducantur.

8. Objicies: Si Judæi, vel expellantur, vel usuras non accipiunt, sequentur duo incommoda. *Primo*: Quia Principes, tempore necessitatis non habebunt pecuniam pro bello; hanc enim solent petere à Judæis. *Secundo*: Subditi Principum, qui egerint pecuniā, non poterunt mutuò accipere. *Resp.* Quod hæc incommoda non sequantur, constat in iis Regnis, & Provinciis, ubi nulli Judæi sunt; & tamen Principes, & subditi bonum queruntur. *Addo*: contrarium potius sequi. *Primo*: Quia expulsis Judæis plus praesidi conserre poterunt cives, quam Judæi solent. Nam quidquid Judæi conserunt, hoc per injustas usuras accipiunt à civibus; neque hoc solum, sed quidquid ipsis, vel ad vitam alienam, vel ad corrumpendos Officialles necessarium est, accipiunt igitur à civibus tres portiones. *Unam*: quam dant Principi; *alteram*: quam dant Officialibus; *tertiam*: qua se alunt. Certè si cives expulsis Judæis retinerent has tres portiones, parati essent plus dare suo Principi, quam Judæi dant. Hi enim dant unam portionem ex tribus; illi duas darent. Et nihilominus unam pro se retinerent, qua nunc carent.

CAPUT XVIII.

An Reges, & Principes habeant Primatum Ecclesiæ?

1. **H**Æc quæstio disputatur propter Regem Angliæ qui usurpat sibi Primatum, seu supremam gubernationem Ecclesiæ Anglicanæ: & vocat se caput ejusdem Ecclesiæ; quod etiam ante ipsum fecerunt, Elisabetha, Edvardus, & Henricus VIII. De qua re scripsi libellum ante plures annos, in quo ostendi, Regem Angliæ, nec jure naturali, nec divino, nec humano, nec consensu doctorum hominum, nec titulo præscriptionis, nec secundum principia suæ Doctrinae habere hujusmodi Primatum.

2. Nunc idem brevissimè ostendo. Primi: Quis Christus, qui fuit primarium Ecclesiæ Caput, non dixit Herodi Regi, sed Petro Apostolo: *Pax oves meæ*. Ergo huic, non illi commissa est gubernatio Ecclesiæ. Similiter Paulus, non Regibus, sed Episcopis tribuit hoc officium, Act. 20, v. 28. *Attendite vobis, & universi gregi, in quo vos Spiritus Sanctus posuit Episcopos regere Ecclesiam DEI.* Et confirmatur ex praxi, quæ tempore Apostolorum servata est. Quis tunc Ecclesiam gubernavit? Apostoli. Quis primum Synodus indixit? Apostoli. Ad. 15. v. 6. Quis huic Synodo præsedidit? Apostoli. Quis legem Ecclesiasticam de abstinentia ab immolatis simulachrorum, & sanguine, & suffocato sancivit? Apostoli. Quis Corinthium incestuosum excommunicavit? Paulus Apostolus 1. Cor. 5. v. 3. Quis accusationem adversus Presbyteros, tanquam legitimus Judex admissit? Timotheus Episcopus. 1. Timot. 5. v. 19. Nullæ hic partes Regum; nullum vestigium.

3. Hæc homini prudenti sufficiunt. Addo tamen ipsos Angliæ Theologos, qui hoc tempore scribunt de Primatu sui Regis, adeò inter se dissentire, ut magis destruant Primatum, quam astruant. Hoc patet ex his quæstionibus. Prima: An Rex Angliæ habeat aliquem Pri-

Primatū in Ecclesia? Plerique afferunt. At Richardus Thomsonius maluit, Suprematum, quām Primatum appellare. *Secunda:* An Primatus ille, quem Rex habet, sit Ecclesiasticus, & spiritualis? Aliqui sic vocant: At Thomsonius, & Burillus non audent sic vocare, sed potius Primatum quoad Ecclesiastica, & Spiritualia. *Tertia:* An Rex ab hoc Primatu possit vocari Primas Ecclesiae? Henricus Saleolbrigensis simpliciter affirmat. Tokerus, & Burillus simpliciter negant. *Quarta:* An Rex a suo Primatu possit vocari supremum Caput Ecclesiae? Hanc titulum usurparunt Henricus VIII. Edoardus, & Elisabetha. Hoc tempore admittit illum Sacellanus; sed Tokerus, & Burillus repudiant. *Quinta:* An Primatus Regis consistat in aliqua jurisdictione Ecclesiastica fori exterioris? Affirmant Tokerus, & Salcolbrigensis. Negant Thomsonius, & Burillus. Vide plura in libello nostro, qui inscribitur, Dissidium Anglicanum de Primatu Regio.

C A P U T X I X.

*An, qui juravit se mansurum in Lutheranismo,
tenentur praestare?*

Hoc tempore reperiuntur multi Lutherani in Germania, qui quidem bene affecti sunt erga fidem Catholicam, sed non audent illam profiteri; quia jurarunt se in Lutheranismo usque ad mortem perseveraturos; & hoc juramento putant se obligatos esse. Sed errant: quando enim juramentum est de re turpi; & illicita, non obligat, nec servandum est: At juramentum, quo quis promittit se permansurum in sua fide, ac religione (qualis est Lutherana) est de re turpi, & illicita: ergo nec obligat, nec servandum est. Major patet ex utroque jure. Ex civili, quia Justinianus Imperator L. imperialis, de Nuptiis, sic decernit: *Legibus expression est, illicita rei jurandum servari non oportere.* Ex Canonico, quia apud Gratianum 22. q. 4. per varia capitula habentur hae regulæ. *Primò:* Tolentilius est juramentum non implere, quām turpiter facere. *Se-*

Secundò: Juramenta illicita laudabiliter solvuntur, dam-
nabiliter observantur. *Tertiò*: Juramentum non est
vinculum iniuritatis. *Quartò*: Tolerabilius est non im-
plete sacramentum, quam permanere in stupri flagitio.

2. Quod etiam multis exemplis confirmatur. *Primo*: Exemplò Hérodis, qui peccavit servando illicitum
juramentum (cap. est etiam ibid.) *Deinde*: Exemplò
Davidis, qui laudatur, quod non servaverit juramen-
tum, quo promiserat se interfectorum Nabal, (cap. Si
aliquid, ibidem) *Tertiò*: Exemplò mulieris adulteræ;
quæ juraverat, se adultero adhæsuram, & quia hoc non
præstitit, censetur prudenter fecisse. (cap. mulier, ibid.)
Quarto: Exemplò cujusdam Hubaldi, qui juraverat, se
concubinam suam ducturum in uxorem; & propriam
matrem cum fratribus e domo expulsurum, nec ullam
eis alimoniam daturum. Cui suasum fuit, ut posterio-
rem partem juramenti, utpote illicitam, non servare,
(cap. inter cætera, ibid.) *Quintò*: Exemplò mulie-
rum, quæ juraverant, se permansuras in suo peccato, &
libidinis infamia. Quibus responsum est ab imperatore,
tali juramento eas non obligari. (L. citata C. de nuptiis.)
Et rectè: nemo enim obligatur ad peccatum.

3. Est & alias causa, quo juramentum servari non
debet, nempe, quando legibus, aut canonibus contra-
rium est, L. Si quis inquilinos, ff. de Legatis, & fidei
commissis, s. finali: *Divi Severus Antoninus rescrisper-*
runt, iusjurandum contra vim legum, & autoritatem
juris in testamento scriptum, nullius esse momenti. Et
cap. Si diligenti, de foro competenti. Nec juramen-
tum licet servari potuit, quod contra canonica statuta
illicitis pactionibus informatur. Et ratio est, quia major
est obligatio publicæ legis, quam privati juramenti;
ergo, si privatum juramentum repugnat legi publicæ
huic tanquam fortiori insistendum est. Hoc sensu dicit
Innocentius loco jam citato: *Pactio privatorum, iuri*
publico minime derogatur. Et papinianus l. *Jus publi-*
cum, ff. de pactis? Jus publicum privatorum pactis ma-
tari non potest. Et regula juris est, l. Neque pignus
ff. de diversis regulis juris. *Privatorum conventio iuri*
publico non derogat;

C A P U T X X.

An in aliquo casu liceat mentiri?

1. **N**ostri Theologi distinguunt triplex mendacium: *jocosum, officiosum, & perniciosum*. *Jocosum* vocant, quod tantum joci, seu recreationis causa profertur. *Officium*: quod alicui prodest. *Perniciosum*: quod injuste nocet. Quod dupliciter fieri potest. *Primum*: Quatenus est injuriosum Deo, cujusmodi est omne mendacium in rebus fidei, in Sacramento confessionis, & juramento. *Secundum*: Quatenus est injuriosum proximo; ut contingit in detractione, in falso testimonio, in contractibus.

2. Hoc posito, duo certa sunt. *Primum*: Omne mendacium esse peccatum ex prohibitione. Deus enim prohibet omne mendacium. *Levit. 19. v. 11.* & *Psal. 5. v. 7.* & *Sap. 1. o. 11.* & alibi. *Secundum*: Non solum ex prohibitione, sed etiam ex natura sua peccatum esse. Nam ex natura sua continet triplicem malitiam, seu deformitatem rectae rationi repugnantem; nempe, abusum sermonis, deceptionem proximi, & violationem amicitiae humanæ. Qui enim mentitur, primum quidem abutitur lingua, & sermone; quia usus linguae, ac sermonis ideo datus est homini ab authore naturæ, ut per illum manifestet proximo, quod in animo sentit. At contraria facit, qui mentitur. *Deinde*: decipit proximum, cui mentitur: ipse enim putat sentire illum in corde, quod ore loquitur. *Denique*: violat naturale jus amicitiae, quantum in se est; nam decipiendo proximum, dat illi occasionem renunciandi amicitie. Vide *August.* in *Enchir.* cap. 22.

3. Idem confirmatur ex illo. *1. Joan. 2. v. 21.* *Quoniam omne mendacium ex veritate non est.* Ex quo loco disputat *August.* libr. contraria mendacium, cap. 18.

Qui docet aliquod mendacium esse licitum; vel verum docet, vel falsum. Si falsum, non est ei credendum. Si verum, jam aliquod mendacium ex veritate est, quod negat Apostolus. Et ibid. cap. 16. *Gc*: *Nemo discit à castitate, esse adulterandum: Nemo discit à benignitate, proximo esse nocendum: Ergo similiter nemo discit à veritate, esse mentiendum.* Et concludit his verbis: *Si hoc non docet veritas, non est verum: si non est verum, non est discendum: si non est discendum, nunquam igitur est mentiendum.*

4. Eodem spectat, quod Christus asserit de Diabolo Joan. S. v. 44. *Cum loquitur mendacium, ex proprio loquitur, quia mendax est, & pater ejus.* Unde sic concludo: Id, cuius primus author est Diabolus, non potest esse, nisi malum: sicut è contrario, Deus est primus author omnis boni. At Diabolus est primus author mendacii, quia nemo docet, ipsum mentiri, sed ipse suò exemplò alios docuit in paradyso, cùm dixit, *Nequaquam moriemini.* Ergo mendacium non potest esse, nisi malum. Eleganter August. tract. 4³ in Joan. *Quomodo DEUS Pater genuit Filium veritatem: sic Diabolus genuit quasi filium mendacium.*

5. Hinc sequitur contra Origenem, Cassianum, Priscillianistas, & nostri temporis Politicos, in nullo casu licitum esse mendacium; ne tunc quidem, quando mentiendo nemini obesses, & tamen alicui prodessey. Quod etiam docet Augustinus in Enchir. cap. 13³, cùm ait: *Nec idè ullum mendacium putandum est, non esse peccatum; quia possumus aliquando alicui prædese mentiendo, possumus enim & furando aliquando alicui prodesse, si pauper, cui palam datur, sentit incommodum: & dives, cui clam tollitur, non sentit incommodum: nec idè tale furtum quisquam dixerit non esse peccatum. Possumus & adulterando prodesse; si aliquis nisi ad hoc ei consentiatur, appareat amundo moritura, & si dixerit, penitendo purganda. Nec idè peccatum negabitur tale adulterium. Si autem meritò placet eis stitas, quid quas offendit Veritas, ut propter alienam utilitatem illa non violetur adulterando, & violetur ista min-*

mentiendo? Plura habet idem Augustinus. in libro de mendacio cap. ultimo.

6. Et ratio est: quia quæ intrinsecè, & ex natura sua mala sunt, nunquam bene fieri possunt, etiamsi ob bonum finem fiant: sed mendacium intrinsecè, & ex natura sua malum est, ut suprà ostendi: ergo nunquam bene fieri potest, etiam si fiat ob bonum finem. Major patet: quia, quod intrinsecè, & ex natura sua malum est, hoc per nullam circumstantiam extrinsecam potest fieri bonum; nam circumstantiae extrinsecæ, & accidentales non mutant extrinsecam rei naturam, & essentiam. Rectè August. libr. contra mendacium cap. 7. Interest quidem plurimum, qua causa, quo fine, qua intentione quid fiat: sed ea, qua constat esse peccata, nullo bona cause obtentu, nullo quasi bono fine, nulla velut bona intentione facienda sunt. Eodem sensu dixit Apost. Rom. 3. v. 8. non esse facienda mala ut eveniant bona.

7. Ex dictis constat: duplicitia esse peccata, seu mala: *Alia*: Ex sola prohibitione Dei, vel Superioris: *Alia*: Intrinsecè, & ex natura sua, v. g. Comedere ex ligno scientiæ boni, & mali, vesci carnis die Veneris contrahere clandestinum matrimonium, sunt quidem mala, non tamen ex natura sua, sed solum quia prohibita. Alioqui ex natura sua sunt indifferentia; & possunt bene fieri, si non prohibeantur. At furari, adulterari, mentiri, ex natura sua mala sunt, & nunquam bene fieri possunt.

C A P U T X X I .

An liceat uti Æquivocatione.

1. **S**ensus est, an liceat alios fallere, decipere, aut eludere per æquivocationes? Calvinistæ strenue utuntur hac arte, & quod ipsi faciunt, nobis per calumniam impingunt. Certe Theodorus Beza in hac palestra fuit exercitatus. Is anno 1556. scripsit

confessionem, in qua assertum, corpus Christi verè, ac realiter esse præsens in cœna, atque ita secum sentire Helveticos, & Genevenses. Hoc idèò fecit, ut Lutheranos, qui idem docent, dolo ad Calvinismum pertraheret, quasi eadem esset Calvinistarum, & Lutheranorum sententia. Sed quid factum? Lutherani cœperunt triumphare de Zwinglianis, & proclamare ipsos, Beza teste, mutasse fidem, & cum Lutheris sentire. Tum Helvetii, qui Zwinglio adhærebant, graviter in Bezam investi sunt, quod de mutata ipso- rum sententia falso id sparsisset. Beza ad Aequivoca- tionis asylum confugiens, respondit: se quidem vera scripsisse, sed à Lutheranis male intellecta. Non enim se locutum esse de cœna Domini, quæ celebratur in terra (de qua tamen erat quæstio) sed de cœna, quæ celebratur in Cœlo, ubi Christus verè, & realiter præsens est. Refert hanc historiam Claudio Sancto in responsione ad Apologiam Bezæ, & Bellar. libr. 1^o de Eucharistia cap. 2.

2. En specimen Aequivocationis Calvinisticæ. Quid agas cum hoc hominum generet? Nam artificiū eludunt omnia: Dicent: se credere, Pontificem esse Caput Ecclesiæ; sed occulte intelligent, non Pontificem Romanum, qui in terris est, sed Pontificem Christum, qui in cœlis est. Dicent: se heri non fuisse in cœna; sed intelligent cœnam cœlestem. Dicent: Ecclesiam errare non possunt; sed intelligent Ecclesiam in cœlis triumphantem. Dicent: se jurasse Regi suo fidelitatem; sed intelligent Regem regum, & Domini num dominantium. Et sic in allis.

3. Jam, quod deterius est, hanc labem consonantur ipsi nobis aspergere, quasi doceamus, licitum esse aequivocationibus uti. Non ita est. Docemus; in omni congressu, pactione, contractu sincerè, & sine furo agendum esse. Unus casus est, de quo solet disputari. An scilicet reus, quando in judicio rogatur de cri- mine, possit negare, vel eludere. Utuntur autem Theologi nostri hac distinctione. Si Judex juridice, id est, iurato ordine juris interroget, reum teneri ad facen-

fatendam veritatem, non autem teneri, si iuridice
non procedatur (cap. Qualiter, & quando, & cap.
Cùm oporteat, & cap. Inquisitionis, de accusationibus.)
Ratio prioris est: quia quisque tenetur obedire Supe-
riori legitimè præcipienti. Ratio posterioris: quia Ju-
dex non habet jus interrogandi, nisi servato ordine
juris. Si ergo non servat illum ordinem, non potest
reò ullam obligationem imponere ad crimen aperi-
dum; cùm jus non concedat illi hanc potestatem;
censetur autem non servare ordinem juris, quando
interrogat de occulto crimine, de quo neque est fama
contra reum, neque indicia competentia, neque se-
miplena probatio.

4. Quid ergo faciet reus in tali casu, quo non
tenetur fateri crimen à se perpetratum? Respondet D.
Thomas in 2. 2. quest. 29. art. 1. posse eum vel per
appellationem, vel alio modo licet subterfugere, sed
sine mendacio. Sed quid, si aperte neget, se crimen
perpetrasse, eritne mendax? Multi putant non fore,
quamdiu crimen occultum est. Nam Judex non præ-
sumitur interrogare nisi de criminis, quod aliquo
modo in publicam notitiam deductum est. Si ergo
reus neget, tale crimen à se perpetratum, non men-
titur, si adhuc crimen occultum est. Nulla hic æqui-
vocatio Calvinistica.

C A P U T XXII.

An Duellum si licitum.

Duellum est singulare duorum certamen ex pa-
sto, seu condicione initum. Monomachiam
vocabant. Quæsiur, quando licitum, & quan-
do illicitum sit? Et quæ sint pœnæ illiciti duelli.

CONCLUSIO I.

Duellum in tribus casibus licitum est. *Primum*: Quando necessarium est ad evitandam injuriam mortem. certò alioqui imminentem Ita Valentia *tom. 3. quæst. 17. punct. 1.* cum Navarro & Cajetano. Ratio est: quia semper licitum est subite minus malum, & exponere se periculo mortis per duellum, quam incurere certam mortem per injuriam occisionem. *Secundum*: Licitum est, quando Princeps, qui justum bellum gerit, videt se imparem esse, ac probabiliter timet succumbere, nisi bellum mutet in duellum. Ita Sanchius *lib. 2. cap. 29. n. 16.* & alii ab eo citati. Ratio est: quia in tali casu cessat malitia duelli, quæ in eo consistit, quod uterque, inter quos duellum est, conjiciat se in periculum mortis sine sufficienti causa, at hoc non sit in proposito respectu illius, qui gerit justum bellum. *Tametsi enim* conjiciat se in periculum mortis, *hac tamen* facit ex sufficientissima causa; quia per periculum privatum mortis, vult totum exercitum liberare à majori periculo publicæ clavis, ac internacionis. Nam maior periculum est, quando debilior exercitus configit cum fortiori in bello, quam quando par pugnat cum pari in duello. *Tertium*: Licitum est, quando miles nostræ partis in bello justo provocat militem alterius partis, eo animo, ut, si alter recuses, nostri milites hant alacriores ad bellum. Tunc enim suscipitur duelum ad justum bellum promovendum. Item, quando miles contrariæ partis provocat nostrum militem, sicut Goliath provocavit unum ex Hebreis. Tunc nos ter, qui istam causam fovet, potest acceptare duelum eo animo, ut ostendat nostros milites non timeant hostem, sed paratos esse ad certamen, quandocunquam hosti visum est. Hoc etiam prodest ad promovendum bellum, & ad hostem deterrendum. Hi casus ad duos generales revocari possunt. *Unus* est: quando quis videt se injustè occidendum, nisi acceptet duellum. *Alter:* Quando bonum commune id postulat. Vide *Toletum* *libr. 5. Instit. Sacer. cap. 6. circa finem.*

CON-

CONCLUSIO II.

Duellum non est licitum in his casibus. *Primo*: Quando suscipitur ad ostentationem virium, vel oblationem spectantium. (cap. I. de Torneamentis.) Ratio: quia stultum ac temerarium est, exponere se periculo vitæ præsentis, ac futuræ, pro inani ostentatione, vel oblatione. *Secundo*: Quando suscipitur ad vindicandam injuriam. (Valentia quæst. 17. p. 1.) Ratio: quia privata persona non potest vindicare injuriam sibi factam. Matth. 5. v. 39. & cap. 26. v. 52. & Rom. 12. v. 12. Publica potest quidem, sed per viam juris, aut belli vindicativi; nisi forte necesse sit, bellum resolvere in duellum. (suprà s. 2.) *Tertio*: Quando suscipitur ad indagandam veritatem, & justitiam alterius partis. (cap. Monomachiam, 2. q. 5. & cap. Significantibus, de purgatione vulgari.) Ratio, quia duellum, quod suscipitur ad testimonium veritatis, vel proprii juris, ac innocentiae, ex se fallax est: quia sæpè contingit, innocentem in duello succumbere. (cap. Significantibus, citato.) *Quarto*: Quando suscipitur ad defensionem proprii honoris, ne laedatur (Cajetanus, Sotus, Navarrus, Valentia. & alii apud Sanchium num. 9.) Ratio, quia quando agitur de vero honore, & ignominia, non oportet spectare, quid dicant homines improbi, & mundani; sed quid probi, & sapientes. Mundani putant, viro nobili ignominiosum esse recusare oblatum duellum, scortationem, potionem, & similia, quibus improbi delestantur. Sapientes è contrario censent, honorificum esse, respuere, quidquid divinæ legi adversatur. *Quinto*: Quando suscipitur ad defensionem bonorum temporalium. (ex communi sententia.) Ratio, quia sunt alia duo media aptiora ad hunc finem. *Unum*: Per simplicem defensionem extra duellum. Possum enim, non ex pacto, ut in duello fit, sed ex bona occasione, si offertur, invasorem repellere, & si necesse sit, interficere, ut res meas mihi conservem; præsertim si sint magni pretii. *Alterum*:

Per viam iuris; quia si simplici defensioni non esset locus ob periculum propriæ vitæ (ut si Invasor esset fortior, quam ego) possum illum accusare de injuria, & per sententiam Judicis compellere ad restitutionem. Ex his duobus mediis alterum potest eligi; nam si advertam me fortiorem esse Invasorem; possum vi ille illum repellere: Sin minus, ad sententiam Judicis recurrendum est. Utrobique cessat periculum propriæ vitæ. At in duello tam mea, quam Invasoris vita, periculo exposita est.

CONCLUSIO III.

4. **A**ntiquo jure, pœna suspensionis statuta est in Clericos duellum exercentes, sive ipsi duellum obtulerint, sive acceptaverint. (*cap. 1. de Clericis pugnantibus in duello.*) Novo jure variae pœnæ constitutæ sunt, tum à Concilio Trid. *Seſſ. 25. cap. 19. de Reformatione*, tum à tribus Pontificibus, Pio IV. Gregorio XIII. & Clemente VIII. Quas cōpiosè persequitur Sanchius *lib. 2. cap. 39. num. 18.* Summa eārum est hæc: *Primo*: Excommunicantur omnes, qui duellum exercent. Excommunicantur Imperatores, Reges, Principes, qui concidunt locum pro duello. *Secundo*: Excommunicantur omnes, qui præbent consilium, favorem, auxilium ad duellum, & qui præsentes adstant, vel intersunt. *Tertio*: Mortientes in duello privantur sepulturâ Ecclesiasticâ. Denique Clerici præter excommunicationem privantur etiam dignitatibus, beneficiis, & officiis Ecclesiasticis, si aliquo modo ad duellum cooperentur.

F I N I S.





INDEX RERUM.

A.

A	Ltraria sunt triplicia.	Pag. 180
	Allegoricus. & Anagogicus sensus Sacrae Scripturæ quis sit.	12
	Anabaptistæ quotuplices, & eorum dogmata.	261
	Animæ justorum post hanc vitam non dormiunt.	271
	Antichristus quis dicatur. 153. non est Papa.	159
	Nec ei notæ Antichristi convenient.	ibid.
	Apostoli servarunt perpetuam continentiam.	194
	Equivocationes an sint licitæ?	307

B.

Baptismus quomodo ex Scriptura probandus.	38.
Forma verborum ex Traditione habetur? ibidem.	
An repeti possit. 142. Ejusdem Cæremoniæ ex Traditione habentur.	39
Bellum Christianis esse licitum.	265
Bona opera sunt meritoria vitæ æternæ.	216
Objectiones solvuntur.	ibid.

C.

CAlvinistæ non habent veram Scripturam. 25. Non possunt ex Scriptura disputare. 29. Nihil credendum ajunt, aut faciendum, quām quod in Scriptura præcipitur. 43. Ecclesiam periisse dicunt. 71. Da-bii sunt de Fide. 95. Calviniani Ministri non sunt legitimè vocati. 190. Sunt servi inutiles. 218. Varia ipsorum nomina. 233. De infantibus quid sentiant. 253. Æquivocationibus utuntur. 309. Fraudulentia eorum. ibid. Calvinistarum Atheismi quinque de D^ro. 233. De Christo errores, & blasphemiae. 227. Calvini error de prædestinatione. 249

INDEX

- Canon S. Scripturæ quid significet?** 3. **Canonici** 5.
 Scripturæ libri qui? 4
- Caput duobus modis accipitur.** 97
- Caput Ecclesiae visible, ac invisibile fuit Christus.** 98
 Nunc est invisible. 99. S. Petrus fuit Caput. 104
- Catholici sunt securi, & circa fidem errare non possunt.** 94
- Catholicus Princeps possitne tolerare hæreticos?** 295.
 Casus duo, quibus possit. 296. Quomodo non possit? 297. Possitne pacisci se permissum Hæreticos? ibid.
- Christus Caput est Ecclesiae.** 97. Non est purus homo. 140. Ejusdem est substantia cum Patre. ibid. Una persona, & duæ naturæ in eo. 141. Pro omnibus est mortuus. 238. In cruce non desperavit. 239. Non perpeccus pœnas omnes damnatorum in anima. 240. Passione sua sibi meruit aliquid. 242. Mediator fuit solum secundum humanitatem. 243. Ab initio non ignoravit aliqua. ibid. secundum humanitatem non est ubique. 222
- Christiani in assertionibus fidei Romano Pontifici adherere debent.** 112
- Circulus Calvinisticus quis.** 258
- Circumcisionis Controversia tempore Apostolorum quomodo decisa sit?** 137
- Cœlibes fuerunt Apostoli.** 194
- Communio sub utraque specie non est præcepta.** 171.
 sub una licet usurpatur. 172. Non est relicta pret modum hæreditatis. ibid. Laici totum Christum sub una specie accipiunt. 174. Objectiones solvuntur. ib.
- Concilium Judæorum duplex, eorumque discrimina.** 135.
 Concilia varias controversias fidei deciderunt. 140
- Conciones Hæreticorum an audiendas.** 252
- Consecratio Pontificis. V. Test.** 157
- Contradictiones apparentes S. Scripturæ.** 47
- Controversiarum norma, & Judex.** 119
- Controversiae, de quibus in Scriptura nulla mentio fit.**
 132. In vet. Testam. à quibus decisæ. 135. Infalibilis fuit Judex. 136. De Circumcisione Apostoli definierunt. 137. Variæ controversiae à Conciliis decisæ. 140

R E R U M.

D.

- D**Æmon quomodo habeat potestatem in non bapti-
zatos? 256
 Decalogi lex servari potest cum auxilio Divinæ gra-
tiaz. 212. Obligat justum. 214
 Decreta Ecclesiæ Pontifice consentiente statuuntur. 112
Deus essentialiter, & simpliciter est infinitus. 234.
 Ubique præsens in hoc mundo. 235. Non habet
 accidentia realiter distincta à sua substantia. ibid.
 Decreta ejus sunt ab æterno. 236. Æternitas ejus
 est indivisibilis tota simul. 237
 Disputare ne liceat cum Hæreticis de Fide? 287
 Dissimulare quomodo licitum fidem? 279
 Doctores Ecclesiæ, in quo sensu Scripturæ excellant? 14
 Duellum quando licitum? 309. Pœnæ quæ? 312

E.

- E**cclæsia Christi in terris est visibilis. 48. Cadit par-
 tim sub externos oculos, partim sub internam fi-
 dem. 60. Comparatur Reipublicæ. 61. Est Una,
 Sancta, Catholica, Apostolica. 63. & seq. Sponsa
 Christi. 66. Domus Dæt, Columna veritatis. 67.
 68. Extra eam nemo potest salvati, ibid. Non
 potest tota deficere, aut errare in fide. 70. & seq.
 Authoritas ejus magna est. 77. judicium ejus tuto
 sequimur. ibid. Tempore Antichristi pars deficiet.
 83. Non est similis Lunæ in defectione. 85. sed aliis.
 86. Non est alia, quam Romana. 87. Non fuit in
 solis infantibus. 88. Nec in uno altero ve cordato
 viro. 89. Caput quod? 97. S. Petro commendata
 est singulari modo. 104. Est Judex Controversia-
 rum. 119

- Episcopi totius orbis ad Rom. Pontificem confugiunt. 112
 Eucharistiae figuræ. 177. Christus in ea verè præsens.
 230. Non per Ubiquitatem. ibid. Nec per unionem.
 231. Sed per transubstantiationem. ibid. & seq.
 Exorcismus quid, & quætriplex? 256. Usurpandus.
 ibid. ex Traditione. 39

INDEX

F.

Fides sola non justificat. 206. fides justificans in eo non consistit, ut aliquis credat peccata sibi esse remissa. 205. Non differt à fide historica, & miraculorum. ibid. Non datur solis Prædestinatis. 210. Potest amitti. ibid. Non facit hominem certum de sua justitia. ibid. An quilibet possit salvare in sua fide? 274. Fides non est neganda ad viandam mortem. 277. fides an Hæreticis servanda? 290. Figuræ Sacrae Scripturæ difficultates pariunt. 18

G.

Gratiae actualis duplex officium. 251. voluntas ei cooperatur. 250. In potestate Voluntatis est, ei consentire, aut refragari. ibid.

H.

Hæretici expungunt libros à S. Scripturæ, Canone. Non habent veram S. Scripturam. 25. Non possunt ex scriptura disputare. 29. male rejiciunt Traditiones. 41. Nemo tutus esse potest de sua fide. 94. False accusant Catholicos de Communione sub una specie. 171. Negant liberum arbitrium. 199. Eorum justificatio qualis? 201. Doctrina de fide justificante. 206. Quomodo pacem publicam turbent. 292. An à Catholicis Principe tolerandi? 295. An enim iis orandum publicè? 292. Concessiones non audiendæ. ibid. Sacramenta an participanda? 293. An Matrimonia cum ipsis incunda? 294. An ad sepulturam comitandi? 295. Libri hæreticorum an & quando legendi? 296. An de fide cum ipsis dispendendum? 297. An cum ipsis liceat pacisci? 299. An fides servanda? 290. Possuntne puniri propter hæresim? 291

Hæresis potest puniri pœnâ Capitis. 292

I.

IDola colere per simulationem non licet. 280
Jejunia Ecclesiæ Catholicae. 219

Imago

R E R U M.

Imago Christi tripliciter spectatur.	245.	Colenda.	246	
Infantes contrahunt peccatum originale.	262.	Capaces sunt Baptismi.	263.	
Nec illegitimi obnoxii sunt aeternae damnationis, ideoque a Baptismo rejiciendi.	255.	Non habent actualem fidem, qua credunt in Christum.	228.	
In Baptismo quomodo justificantur, & actu credant?	ibid.	Infantes soli nunquam in Ecclesia fuerunt.	88.	
Esse baptizandos ex traditione habetur.	38	Interpretari S. Scripturam non est cujuslibet.	24	
Invocatio Sanctorum pia est, & utilis.	162	Solvuntur argumenta contraria.	ibid.	
Judex controversiarum fidei qualis esse debeat?	119.	& seq. Non scriptura.	122.	
Quomodo sit infallibilis?	152.	Analogia cum civili.	144	
Judæi non possunt tolerari.	300.	Usuræ.	ibid.	
in Christianos.	ibid.	Obsunt Reipub.	Quomodo tolerandi, expellendi?	ibid. & seq.
Judæi duplex Concilium habuere.	135	Jurans se mansurum in heresi, an teneatur?	303	
Juramenta de re illicita non obligant.	ibid.	Juramentum quid, & quotuplex?	267.	
Juramentum quid, & quomodo fiat?	201.	Licitum est Christianis.	268	
Justificatio quid, quomodo fiat?	202.	Tollit peccatum, non tegit.	204	

L.

L aicis non licet disputare de fide.	287.	Lapsos post Baptismum Ecclesia absolvit.	140
Leges Ecclesiasticae sanciuntur a Pontifice.	113	Legem homo non potest implere sine gratia Dei.	211
Lex scripta non est Judex, nec sola est norma.	145	Liberum arbitrium quid.	199.
Liberum arbitrium quid.	199.	Fjus usus in quibus actionibus.	200
Libri haeretici, an, & quando legendi?	286	Literalis sensus S. Scripturæ quis?	11.
Lutherani non habent veram Scripturam.	25.	Est obscurus.	14
Non possunt ex Scriptura disputare.	29.	Inepte disputant.	30.
Agnoscunt aliquas Traditiones.	44.	Ecclesiam periisse dicunt.	73.
Dubii sunt fidei.	95		

INDEX

Lutherani Ministri non sunt legitimè vocati. 190.
Sunt servi inutiles. 218. Christum ubique esse do-
cent secundùm humanitatem. 221

M.

Magistratus civilis Judex est in Controversiis Civili-
bus. 144

Magistratus Politicus est licitus Christianis. 264

B. Mariam Virginem post partum manisse Virginem
ex Traditione habetur. 38

Martinus Lutherus non fuit ordinariè vocatus. 191.
Nec extraordinariè. ibid. Nova dogmata ipsius gra-
ta carni. ibid.

Matrimonium non potest dissolvi apud Christianos
propter hæresim. 270

Matrimonia an cum hæreticis ineunda? 284

Mendacium triplex. 305. Omne mendacium est pec-
catum. ibid.

Mentiri num aliquando liceat? 306

Moralis sensus sacræ Scripturæ quis sit i 13

Mysticus quis sit? 12. Dividitur in Anagogicum,
Allegoricum, & Tropologicum. ibid.

N.

Negans se Lutheranum, aut Calvinistam, cùm sit,
quomodo peccet? 277

O.

Obscuritas sacræ Scripturæ. 14. Oritur ex duplice
capite. 17. Aliæ causæ obscuritatis. 22. Cut

Deus obscuram voluit esse? ibid. Laudatur ab ob-
scuritate, non arguitur. 33

Opera bona sunt meritoria vitæ aeternæ. 215. Objec-
tiones solvuntur. 216

Orare pro Hæreticis publicè quomodo licitum? 252

P.

Paciscine liceat cum Hæreticis. 259

Papa non est Anti-Christus. 159. Notæ Anti-
Christi illi non conveniunt. 160

Pascha

RERUM.

Pascha die Dominica celebrandum.	140
S. Paulus cur S. Petro restiterit ? 109. S. Petrus fuit Caput Ecclesiæ. 104. Prærogativæ S. Petri. ibid. Objectiones contra ejus Primatum solvuntur. 106	
Personæ divinæ realiter distinctæ.	140
Peccatum originale quid sit ? 196. Quotuplex peccatum. ibid. Veniale quid & quotuplex ? 197. Non omnia peccata sunt æqualia, aut mortalia. ibidem. Comparatur maculis, vinculis, vulneribus. 202	
Peccatum Originale per Baptismum aboletur. 142	
Politici reperiuntur ubique. 273. Docent quemlibet salvati in sua fide.	ibid.
Polygamia illicita est Christianis.	269
Pontifex Caput Ecclesiæ visibile. 98. 111. Privilegia Pontificis. 112. Primatus ejus defenditur. 113. & seq.	
Pontificis veteris Testamenti consecratio, & officia. 135	
Præcepta X. possunt servari.	211. & seq.
Prædestinatōrum argumentatio.	248
Purgatorium esse probatur. 153. & seq. Objectio-nes contra Purgatorium dissolvuntur.	186

R.

Reges non habent Primatum Ecclesiæ.	309
-------------------------------------	-----

S.

Sacerdotum Vocatio ordinaria. 159. Extraordina-ria.	190
Sacerdotes in Ecclesia occidentali semper fuere cœli-bes.	194
Sacramenta vetera, & nova. 165. Quid sit Sacra-mentum ?	166
Sacramentorum causæ. 167. Non sunt instituta, ut excitant fidem. 168. Sed ut conferant gratiam. ibid. Septem sunt.	169
Sacramentorum numerus ex scriptura non potest ha-beri. ibid. Sed ex Traditione.	ibid.
Sacramenta cum Hæreticis an participanda ?	282
Sacrificium quid, & quotuplex ? 178. Missa verè est Sacrificium. ibid. & seq. Objectiones solvuntur. 181	
Salvari nemo potest extra Ecclesiam.	68

INDEX RERUM.

- Salvarine possit quilibet in sua Fide? 273
Sanctos licet invocare. 163. Utile est. Objectiones solvuntur. ibid.
Sancti in Corlo sciunt res nostras. 163
Sacra Scriptura tria habet, Canonem, Versionem, Sensum. 3
Versio Sacrae Scripturæ antiqua. 9. Versiones Hæreticorum. ibid.
Sensus Sacrae Scripturæ quadruplex. 13. Obscura est. 14. Sunt peculiari DEI illustratione non intelligitor. 16. Obscuritas oritur ex duplice capite. 17. Res Sacrae Scripturæ quadruplices. ibid. Interpres ejus quis. 24. Eam esse insufficientem finè Traditionibus. 45. Scriptura cum Traditione est norma Controversiarum. 119. Non est Judex secundum Literam. 123. Nec secundum sensum 126. Claritas ejus unde pendat? 128. Sensus ex Traditione sèpè petendus. 129
Sensus literalis Sacrae Scripturæ quis? 11. Mysticus quis? 12
Sepultura hæreticorum an frequentanda? 285
Servus inutilis quis? 219
Simulare alienam fidem an liceat? 279
Spiritus Sanctus est DEUS. 141
Symbolum fidei esse Apostolicum ex Traditione habetur. 37
Synagoga Iudeorum non fuit Catholica. 64
Synagoga non deficit tota à fide. 80. Tempore Christi defecit. 81

T.

- Traditiones veteris Testamenti Pharisaicæ. 31. Mosaicæ. ibid.
Traditiones Apostolicæ, eandem cum Scriptura habent auctoritatem. 34. Sunt de dogmatibus fidei. & de ritibus extensis. ibid. Enumerantur. 36. Ecclesiasticæ servandæ. 40. Male rejiciuntur ab Hæreticis. ibid. Non merentur per eas justificationem, & remissionem peccatorum. 45. Non omnes sunt Apostolicæ. 46. Objectiones contra Traditiones solvuntur. 47

U.

- Ubiquitas Lutheranorum refellitur. 229
Versiones Sacrae Scripturæ bonæ, malæ. 9. Catholicorum una, & eadem, Hæreticorum varia. 10
Vocatio Ministrorum duplex. 187. Veteris Testamenti. ibid.
Novi Testamenti. 189. Quoque in vocatione spectanda. 187
Usus Iudeorum quomodo tolerandæ? 300

Z.

- Izania in Evangelio quid significant?

BIBLIOTeca
ASTRA
SIBIU

Finis Indicis.

